



## Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

## Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:


- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

## Über Google Buchsuche


Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.













870.5

11635

















# M N E M O S Y N E.

---

BIBLIOTHECA PHILOLOGICA BATAVA.

COLLEGERUNT

S. A. NABER, J. VAN LEEUWEN J.F., J. J. HARTMAN.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,  
M. C. VALETON, J. WOLTJER.

---

NOVA SERIES.

VOLUMEN UNDEQUADRAGESIMUM.

---

STANFORD LIBRARY

**LUGDUNI-BATAVORUM**  
**E. J. BRILL.**

---

LIPSIAE,  
O. HARRASSOWITZ.  
1911.

165503

MAHALLI GORUMAT?

---

EX OFFICINA TYPOGRAPHICA ET BIBLIOPOLIO QUAE ANTEHAC E. J. BRILLII FUERUNT.



# INDEX



	Pag.
In memoriam HENRICI VAN HERWERDEN . . . . .	I—II.
Piae memoriae ISAACI MARINI IOSUAE VALETON . . . . .	III—IV.
Ad Vespas Aristophanis, scripsit H. VAN HERWERDEN . . . .	1—10.
Ad Lexicon Graecum suppletorium et dialecticum, scripsit idem.	10—12.
Homérica ( <i>contin. e Vol. XXXVIII pag. 394</i> ), scripsit J. VAN LEEUVEN J.F. . . . .	13—50.
XXXVII. De compositione Odysseae.	
Observatiunculæ ad Phaedrum ( <i>contin. e Vol. XXXVIII pag.</i> <i>277</i> ), scripsit L. RANK . . . . .	51—67.
Ad Horatii Epl. I, 11, 1, scripsit J. J. H. . . . .	67.
Annotationes criticae ad Plutarchi opera ( <i>contin. ex Vol.</i> <i>XXXVIII pag. 448</i> ), scripsit J. J. HARTMAN . . . . .	68—105.
De agro Tomitano (Ovid. Pont. III, 1, 19 sqq.), scripsit J. J. HARTMAN . . . . .	106.
Columbae internuntiae, scripsit S. A. NABER . . . . .	107—112.
Notulae criticae ad Silium Italicum ( <i>contin. e Vol. XXXVIII</i> <i>pag. 126</i> ), scripsit P. H. DAMSTÉ . . . . .	113—134.
Ad mensas paniceas, scripsit P. H. D. . . . .	134.
Varia, scripsit I. VAN WAGENINGEN . . . . .	135—140.
Ad Iliadis scholia A, scripsit J. v. L. . . . .	140.
Donatiana et Terentiana, scripsit H. T. KARSTEN. . . . .	141—184.
Ad hymn. Apoll. 402, scripsit J. v. L. . . . .	184.
Ad scriptores Historiae Augustae, scripsit P. H. DAMSTÉ . .	185—194.
Ad hymn. Cer. 445, scripsit J. v. L. . . . .	194.
Annotationes criticae ad Plutarchi opera ( <i>contin. ex huiusce</i> <i>vol. pag. 105</i> ), scripsit J. J. HARTMAN . . . . .	195—222.
De Ovidio in exsilium proficiscente Tr. I, 10, 15—20, scripsit J. J. HARTMAN . . . . .	223—224.

	Pag.
Ad scriptores Historiae Augustae ( <i>contin. e pag. 194</i> ), scripsit P. H. DAMSTÉ . . . . .	225—241.
Ad Minucii Felicis Oct. 22. 6, scripsit P. H. D. . . . .	241.
Emendatur Horatius Carm. II. 16. 4, scripsit H. WAGENVoort H.F. . . . .	242.
Adnotationes criticae ad Appiani historiam Romanam, scripsit S. A. NABER . . . . .	243—292.
Cic. pro Rosc. Am. § 136, scripsit J. J. H. . . . .	292.
Annotationes criticae ad Plutarchi opera ( <i>contin. ex huiusce vol. pag. 222</i> ), scripsit J. J. HARTMAN . . . . .	293—329.
De Ovidio in exilium proficiscente, scripsit J. J. H. . . . .	329.
Homérica ( <i>contin. e pag. 50</i> ), scripsit J. VAN LEEUWEN J.F. . . . .	330—368.
XXXVIII. Locorum Homericorum qui immerito vituperati sunt defensio.	
De Tibullo poeta, scripsit J. J. HARTMAN. . . . .	369—411.
Homérica ( <i>contin. e pag. 368</i> ), scripsit J. VAN LEEUWEN J.F. . . . .	412—440.
Emendatur Virg. Buc. VI, 33, scripsit J. J. H. . . . .	440.
Ad locos ex Ovidii Arte Amatoria et Remediis Amoris, scripsit P. H. DAMSTÉ . . . . .	441—446.
Ad Ciceronis Verrinas annotatiuncula, scripsit J. J. HARTMAN. . . . .	447—448.

IN MEMORIAM  
HENRICI VAN HERWERDEN  
DIE XVIII MENSIS NOVEMBRIS MCMX  
AETATIS ANNO UNDEOCTOGESIMO  
VITA FUNCTI.

---

Exacta mox erunt lustra duodecim ex quo condita est haec Bibliotheca Critica, e tribus autem viris, qui primi ei praefuerunt, unus etiam superest eodemque officio fungi pergit. Interim multi in patria nostra philologi succreverunt, qui maiorum vestigia legentes pro suis quisque viribus conati sunt bonis litteris prodesse, et sic multorum studiis sustentata Mnemosyne usque ad hunc diem perstitit suumque sibi locum obtinuit. Quorum nemo post Cobetum plus ei profuit quam qui Mnemosynes conditoribus aetate suppar erat Herwerdenus. Inde ab anno 1852, quo primum volumen prodiit, usque ad anni praeterlapsi exitum invicto ardore et viribus indefessis enisus est semper ut praesto esset quod Mnemosynes lectoribus offerretur philologia Batava haud indignum. — „Continuabitur”: hoc manu tremula scripsit in calce commentationis quam ultimam Lugdunum Batavorum misit huic fasciculo inserendam, et continuaturus erat! Nam in corpore infirmiore mens integerrima etiam vigeat; minime defervescebat litte-



rarum illud studium acerrimum, et quod multorum annorum improbissimo labore post alia opera plurima confecerat Lexicon, dein annis octo vixdum elapsis iterum ediderat cura infinita etiam auctum, id novis identidem opibus undique collectis ditare usque ad vitae finem perrexit. Ipso etiam vivente Mnemosynes hic fasciculus est impressus: post eius mortem iam prodit. Sic Bibliothecae nostrae ille favit quamdiu potuit; in cuius primo fasciculo rei criticae tirocinium posuit, in Academia Lugdunobatava tunc etiam studiosus, Cobeti discipulus, et inter volumina undequinquaginta, quae hactenus prodierunt, vix ullum est in quo eius nomen desideretur; commentationibus crebris et spissis fere omnia ab eo sunt ornata.

Iam quiescit is qui per hanc vitam quietis haudquam fuit appetens et otiari quid esset nunquam didicit. Beatum praedicamus virum egregium, cui contigit ut e vita laboribus honorificentissimis repleta post brevem lenemque morbum discederet, annis satiatum et ornatum, non fractum, defletum a suis, defletum ab amicis, philologiae ipsiusque suae patriae decus. Animo commoto ei valedicimus.

N.

v. L.

V.

H.

## AD VESPAS ARISTOPHANIS.

SCRIPSIT

H. VAN HERWERDEN.



Nuper intenta mente relegi festivissimam comoediam in altera editione quam anno proximo curavit in Sijthoffii officina Leidensi *Ianus van Leeuwen*, adhibita etiam elegantissima versione pedestri Gallica quam debeo *Alfonsii Willemsii*, collegae Bruxellensis, munificentiae.

Nova Leeuwenii editio opus est vastae eruditionis nec vulgaris in interpretando sollertiae, cuius animadversionibus si quid in hac scriptiuncula aut addidero aut modeste fuero adversatus, non moleste eum laturum esse habeo persuasissimum. „Hanc enim veniam damus petimusque vicissim.”

Vs. 78. ὁδὶ δὲ φησιν Σωσίας κτέ.

Tacite vL. vituperare videtur veterem meam coniecturam Σωσιλάης sive Σωκλήης adnotans „nomen loquentis in textum irrepsit „(cf. Ach. 47). Quod vetustum est mendum, nam et olim grammaticos id legis docent scholia; itaque sciri iam nequit quid „dederit poeta.”

De Acharnensium loco nimis controverso non disputabo, sed h. l. valde probabile etiam hodie mihi videtur nomen servile, quod veteri librario ἑναυλον erat, ab eo substitutum esse pro genuino aliquo nomine simillimo. *Sciri* sane id nequit, sed vix quidquam *scimus* eorum quae in coniectura sunt posita.

Vs. 104. καὶ ἔπειτ' (cur vL. *certas* crases fugiat me latet)

ἐκεῖσ' ἐλθὼν προκαθεύδει πρὸ πάνυ,  
ὥσπερ λεπὰς προσεχόμενος τῷ κίονι.

Longa disputatione editor conatur persuadere lectoribus articulum, quē ego probante Willemsio mutavi in pronomen indefinitum, sanum esse, nam significari h. l. columnam non *dicasterii*, ut vulgo putatur, sed *cleroterii* alicuius et quidem eius tribus cuius tribulis esset Philocleon. Frustra, ut arbitror. Nam primum ἐκεῖσε vix alio potest pertinere quam ad locum significatum in antecedentibus itaque ad *dicasterium*, deinde vero, quod gravius, non quotidie, opinor, fiebat iudicium sortitio, sed semel (vid. K. F. Hermann, Lehrb. d. G. A. vol. I p. 540) quotannis, nam in antecedentibus omnibus sermo fit de Philoclis gestis creberrimis. Restat igitur ut dictus sit *adhaerere alicui* (nam procul dubio multis fultum erat) *dicasterii columnae*. Vanam autem duco collegae opinionem hunc pronominis indefiniti usum de rebus esse poetici tantummodo sermonis, quasi non passim occurrat μικρόν τι χωρίον et similia in oratione pedestri.

Vs. 122. Διέπλευσεν εἰς Αἴγινα, εἴτα ξυλλαβάν  
νύκτωρ κατέκλινεν αὐτὸν εἰς Ἀσκληπιοῦ.

Multum vereor ut doctus editor multis persuadeat contra vulgarem sententiam perhibens non notissimum Epidauri templum esse intellegendum, sed simile in Aegina aedificium. Quod si umquam extitisset, procul dubio fieret de eo apud scriptores mentio, ut neglegam nusquam in insulae solo reperta esse vestigia. Quia vero olim, ut hodie, iter maritimum per Aeginam ducebat Epidaurum, diserta huius oppidi mentio nulli spectatori erat me iudice necessaria. Senex, nisi fallor, nihil mali suspicatus haud invitus filium secutus erat Aeginam, sed ut primum eius consilium perspexit, recalcitrabat, quare Bdelycleon patrem vi correptum (ξυλλαβάν) Epidaurum pergere coegit.

Vs. 179 sqq. Nemo, quod quidem sciam, hucusque explicavit quomodo fieri potuerit ut Philocleon, qui inclusus tenebatur in culina, cuius ianuam dorso suo extrinsecus clausam servabat Sosias, nihilominus inde in stabulum veniret asini ventri adhaesurus, priusquam filius eodem penetraret ut bestiam foras protraheret.



Non possum rem obscuram aliter expedire quam sumendo Bdelycleonem et Sosiam non cogitasse de brevi quodam meatu, quo via recta e postica culinae parte perveniebatur in stabulum.

Vs. 241. σίμβλον δέ Φασι χρημάτων ἔχειν ἅπαντες αὐτόν.  
Omnino consulenda est *Doelaerii* scriptio in Mitt. d. d. Inst. z. Ath. XXXI p. 231 sqq., ubi ostendit *alvearis* formam interdum rettulisse veterum *thesauros* (spaarbussen). Ceterum observandum Aristophanem in hac fabula hic illic immiscuisse res petitas e vita victuque *arum* iis quae re vera ad *vespas* pertinent. Sic Philocleon vs. 367 ab amicis vocatur *μελίττιον*, sed imprimis cf. vs. 107 sq. ὥσπερ μέλιττ' ἢ βομβυλίδς εἰσέρχεται ὑπὸ ταῖς ὄνυξι κηρὸν ἀναπεπλασμένος et locum de *fucis* in Parabasi 1155 sqq., ne alia afferam. Scilicet curabat imprimis aculeum et iram utrisque bestiolis communem.

Vs. 260—265. Egregie hi versus pingunt tam senis ambages quam rustici curam de pluvia in sicca regione praesertim frugibus necessaria.

Vs. 330. ἔστιν ὁπῇ δὴθ' ἦντιν' ἂν οἶός τ' ἐνδόθεν εἶην διαλέξαι  
εἴτ' ἐκδῦναι ῥά κε σιν κρυφθεῖς ὥσπερ πολύμητις  
[Ὀδυσσεύς.

Adversus Roemerum fidem habentem veteri scholiastae R., qui haec refert ad carmen cyclicum, ubi narretur Ulixes δι' ὑδρορροῶς intrasse Troiam palladium rapturus, disputat editor verba referens ad *Odysseam*. Reputandum tamen, ni fallor, in cyclico carmine illo paene necessariam fuisse simul mentionem de *παν-  
νις*, quibus indutus Ulixes penetraverit per aquaeductum, quo tutius sic iret et rediret. Praeterea autem parum videtur probabile veterem commentatorem tam doctum ut carmen illud cognosceret ignorasse ex *Odyssea* quod ne pueri quidem olim ignorabant aut hodie ignorant. Quare Roemero adstipulari non dubito.

Vs. 417. Cor.

ταῦτα δὴτ' οὐ δεινὰ καὶ τυραννίς ἐστιν ἐμφανής;  
ὦ πόλις καὶ Θε... ὥρου θεοισεχθρία  
καὶ τις ἄλλος προέστηκεν ἡμῶν κόλαξ.

Lepide vL. haec sic edidit ut simul intellegatur nota formula ὦ πόλις καὶ θεοί. Hoc tamen valde miror coryphaeum Cleonis eiusque amicorum studiosissimum dicere potuisse quae prorsus respondeant Bdelycleonis cogitationibus. *O civitas et dei!* quam misera est conditio nostra, *ubi homines dis invisi, quales sunt Theorus eiusque similes, regunt rem publicam!*

Quod quidem attinet ad melicam formam, coryphaeo etiam hos duos versus metrum assignat, sed quid vetat suspicari malitiosum poetam dedisse eos Bdelycleoni, qui subsanniens ita ridicule expleverit coryphaei sermonem?

Cui sententiae favere etiam videtur responsionum ordo (415—421).

Vs. 421. Bdel.

οἷς γ' ἀπώλεσαν Φίλιππον ἐν δίκῃ τὸν Γοργίου.

Nescio an ἐν δίκῃ, quod non solum *in iudicio* sed etiam *iure, merito* significat, ambigue acceptum voluerit poeta. Nam rabularum inimicissimo Bdelycleoni Philippus procul dubio *iure* damnatus videbatur.

Vs. 452. Phil.

ἀλλ' ἀφές με — καὶ σὺ καὶ σύ — πρὶν τὸν υἱὸν ἐκ-  
δραμεῖν.

Etiam hic in verbis ultimis est ambiguitas, significare enim possunt: priusquam filius meus *opem vobis ferendi causa* foras prodierit, sed etiam ridiculas minas continere, quasi puer aliquis dicat: *priusquam pater veniat vos castigaturus!* Etiam alibi Philocleon filii et patris partes ludicre confundit. Vid. infra vss. 1352—1357.

Vs. 631

Chor. οὐπόποθ' οὕτω καθαρῶς

οὐδενὸς ἠκούσαμεν οὐ-

δὲ ξυνετῶς λέγοντος.

Phil. οὐκ, ἀλλ' ἐρήμας ᾤεθ' οὕτω ῥαδίως τρυγήσειν·

καλῶς γὰρ ἤδειν ὡς ἐγὼ ταύτην κράτιστός εἰμι.

Willems adnotat: „Le vers 624 soulève une grande difficulté. „Pourquoi Ph. se defenderait il d'avoir parlé avec justesse et

„clarté? D'autre part c'est sur *ῥετο* que doit porter la negation, „ainsi que le prouve clairement le vers suivant. On pourrait „lire avec Bergk *ἀλλ' οὐκ*. Mais on obtiendrait un sens meilleur, „tout en se rapprochant davantage de la leçon des Msc. en „écrivant *οὐ τᾶν γ'*” etc.

Non quaeram utra coniectura sit lenior et probabilior, quia utramque falsam esse habeo persuasum. Quod ad negationem attinet, procul dubio non *negat* — ne modeste quidem, nam ab omni modestia est alienus — sed *ait* vere chorum neglegentiam suam laudasse, sive e chori verbis supplendum est *οὐδενὸς πώποτε ἠκούσατε οὕτω κτέ.*, sive, quod malim, homo valde sibi placens quaerendo respondet *οὐκ*; scil. *nonne* (ita est ut dicitis)?

Verum enimvero, ut olim, hodieque impense miror Philocleonem dicere de filio *κακῶς γὰρ ἤδειν κτέ.*, quippe qui nullam umquam filio suo occasionem dederit eloquentiam ipsius cognoscendi nec domi nec in iudiciis, quae hic abominatus fugiebat. Fac vero filium eam tamen cognovisse, quo tandem pacto poterat sperare se patrem dicendo victurum? Expectamus ergo ut Ph. dicat ipsum contrarium: *credebat facile me superaturum, ignorabat enim quam sim disertus*. Qualem sententiam facile nancisceremur scribendo, quod olim proposui, *κακῶς γὰρ ἤδειν κτέ.*, modo satis constaret Graece sic dici posse (pro *ἀγνοεῖν*), ut sane expectes propter opposita *εὔ* et *κακῶς εἰδέναι*. Credo quidem me id alicubi legisse, sed ubi non memini. Reputandum autem verum antecedentem nullam admittere mutationem propterea quod id ipsum significat quod a Philocleone dici expectamus. Locus difficilis minime expediri mihi videtur a Leeuwenio in adnotatione.

Vs. 771.

ἦν δ' ἐξέχῃ

εἴλη κατ' ὄρθρον, ἡλιάσει πρὸς ἥλιον,

εἰάν δ' ἐνίΦῃ (l. νείΦῃ), πρὸς τὸ πῦρ καθήμενος·

ὑντος εἴσει.

Mirabilem illa aetate Atheniensium frigoris patientiam! Parum enim proderat foris sedenti appositus ignis, i. e., ni fallor, carbones ardentes inclusi foco alicui portatorio simili iis qui hodie *braseri* dicti usurpantur in terris meridionalibus. Cf. vs. 811

καὶ πῦρ γε τουτί, ubi iudicium de canibus agitur foris quidem sed in vestibulo. — Pluviam molestiorem duci quam nivem nemo mirabitur, qui reputat quam violenta esse soleat in illo climate.

Vs. 897. τίμημα κλωὸς σὺκινος.

Non dubito quin hic locus et vs. 145 contineat frequentissimam illam allusionem ad sycophantas. Poeta, qui procul dubio falsam indicabat Lachetis accusationem, rabulis eam imputabat. Cf. etiam Willems ad h. l.

Vs. 939. Post h. v. editor: „Prodeunt testes citati, quorum „partes agunt homines ita exornati ut catinum, pistillum, radulam, ollam cett. referant.” Fieri sane potest, vide tamen ne multos homines sic exornando artifices scenici temere nimis augerent comoediae sumptus iam per se gravissimos. Sufficiebat, opinor, ut singuli homines singula vasa et instrumenta in capite aut ante pectus gestantes producerentur, nec tam fastidiosos veteres Athenienses in talibus fuisse crediderim. Comparanda simplicissima ratio scenae Shakespeariana, qua olim eius fabulae docebantur.

Vs. 1060.

„ὦ πάλαι ποτ' ὄντες ἡμεῖς ἄλκιμοι" μὲν ἐν χοροῖς,  
ἄλκιμοι δ' ἐν μάχαις  
καὶ κατ' αὐτὸ τοῦτο μόνον ἄνδρες ἄλκιμώτατοι.

Corrigendum suspicor καὶ κατ' αὐτὸ κτέ., inserta cum Brunckio vocula δὴ post τοῦτο, aut ante μόνον cum Bentleio, i. e. *nec hac sola in re* (in pugnando) sed etiam in eo *militiae* genere *fortissimi* „ubi habet sua castra Cupido.” Ita scilicet senes moerent non solum quod iam nec saltare possint nec pugnare, sed etiam quod re venerea frui nequeant amplius. Haec verba legenti obversatur mihi Ranarum locus, ubi vs. 738 Aiaco dicenti

γεννάδας ἀνὴρ

ὁ δεσπότης σου

Xanthias respondet

πῶς γὰρ οὐχὶ γεννάδας,  
ὅστις γε πίνειν οἶδε καὶ βινεῖν μόνον.



Vesparum locum tam funditus corruptum esse quam existimat editor credere nequeo. — Posteaquam haec scripsi, recordatus sum quod effluxerat, iam Madvigium in eandem incidisse conjecturam, sed quia verbo tantum memoravit, scripta non deleo.

Vs. 1117.

τοῦτο δ' ἔστ' ἄλγιστον ἡμῖν, ἣν τις ἀστράτευτος ὦν  
ἐκροφῇ τὸν μισθὸν ἡμῶν, τῇσδε τῆς χώρας ὕπερ  
μήτε κώπην μήτε λόγην μήτε Φλύκταιναν λαβών.

Quia κώπης usus remigi facit Φλυκταίνας, expectatur hic verborum ordo: μήτε λόγην μήτε κώπην, cui ordini etiam favet antecedens ἀστράτευτος. Utrum tamen librario an ipsi poetae ordo illogicus tribuendus sit ignoro.

Vs. 1170. ἰδοῦ θεῶ τὸ σχῆμα, καὶ σκέψας μ' ὅτῳ  
μάλιστα ἔοικα τὴν βλάβειν τῶν πλουσίων.

Haec dicenti Philocleoni filius respondet

ὅτῳ; Δοθιῇνι σκορόδῳ ἡμΦιεσμένῳ.

Fortasse minus ἀπροσλόγως παίζει quam scholiastae et Leeuwenio videtur. Suspiciari enim licet illa aetate homines laborantes furunculis solitos fuisse iis imponere allii folia, ut mederentur. Similibus certe remediis aequae inutilibus atque innocuis nostra etiam aetate plebecula praesertim uti solet.

Vs. 1216. ὕδωρ κατὰ χειρὸς.

Quia formula ὕδωρ κατὰ χειρῶν non nisi in seriore comoedia occurrit, facilis est suspicio antiquiore tempore satis esse habitum, si ante coenam soli *dextrae*, qua cibus sumebatur, aqua infunderetur, postea vero aucta victus elegantia, simul purgari solitam esse *sinistram*, quippe qua interdum ossa praerodentibus foret opus.

Vs. 1245. „χρήματα καὶ βίον  
Κλειταγόρα τε καὶ ἐ-  
μοὶ κατὰ Θετταλῶν.”

Sic canenti Aeschini Philocleon ex alio procul dubio scolio ἀντᾶδει

„πολλὰ δὴ διεκόμπασας σὺ κἀγώ.”

Recte quidem sic edi videtur e scholio pro codicum lectione *διεκώμισας*, nam homo *veniosus* erat Aeschines, sed quia tale verbum in scholio non expectatur, nescio an poeta id substituerit pro genuina scolii lectione *διεκώμασας*. Cf. nota antiqui scolii verba καὶ τὸ τέταρτον ἡβᾶν μετὰ τῶν Φίλων.

Vs. 1453. ἕτερα δὲ νῦν ἀντιμαθῶν  
 ἢ μέγα τι μεταπεσεῖται  
 ἐπὶ τὸ τρυφῶν καὶ μαλακόν.  
 τάχα δ' ἂν ἴσως οὐκ ἐθέλοι.  
 τὸ γὰρ ἀποστῆναι χαλεπὸν  
 φύσεως, ἣν ἔχοι τις αἰεί.

Emendandum arbitror οὐκέτ' ἔχοι, i. e. δύναιτο. Nam in disputatione a filio Philocleon et magis etiam convictus infelici litis caninae exitu totum Bdelycleoni se dederat, neque igitur dubia iam erat eius *voluntas*, sed prorsus dubia *potestas* propter causam a choro significatam. Correctio lenis etiam lenior, si sumimus in archetypo fuisse ΟΤΚΕΘΕΧΟΙ, ut passim in titulis vetustis verbum ἔχειν contra usum vulgarem scribitur cum spiritu aspero (cf. ξέω).

Vs. 1306.

ἐνῆλλετ', ἐσκίρτα, 'πεπόρδει, κατεγέλα,  
 κᾶτυπτεν ἐμὲ νεανικῶς „παῖ, παῖ” καλῶν.

Adnotat editor „Idem iocus qui supra vs. 1279 sq.

[τὶ δ' ἔστιν, ὦ παῖ; παῖδα γάρ, κῆν ἢ γέρων,  
 καλεῖν δίκαιον ὅστις ἂν πληγὰς λάβῃ].”

Multum dubito, nam parum facetum est praesertim post breve intervallum eundem repetere iocum, quare explico: *Verberabat me ad se vocatum verbis παῖ παῖ*, quibus noto usu servi solent compellari. — Si qui subsit iocus, potius hic sit, quod ipse *pedens* verberabat servum, quasi hic id faceret.

Vs. 1310. κλητῆρί τ' εἰς ἀχυρμὸν ἀποδεδρακότι.

Num hic quoque, ut collegae videtur, ludatur in vocis κλητήρ ambiguitate dubito; quia *testis* vix satis aptam continet allusionem ad emeritum iudicem Philocleonem.

Vs. 1365. ποθεῖν ἔρᾱν τ' ἔοικας ὥραιας σοροῦ.

Adnotatur ποθεῖν R] ποθεῖς V, ποῖ θεῖς; Kock delens τ'. Me iam a 1869 in Studiis Thucydideis (cf. Mnem. XXIV p. 297), itaque ante Kockium, Verisim. p. 203 idem proposuisse nisi quod τ' mutabam in γ' scire poterat ex *Vindiciis Aristophaneis* p. 52, ad quem libellum p. 44—54, quia nescio cur identidem de meis coniecturis silet collega, nec repetere mihi lubet, criticos relogo, compluria enim insunt quae hodieque probabilia existimo.

Vs. 1372. ἀλλ' ἐν ἀγορᾷ τοῖν θεοῖν δᾶς κάεται.

Haec verba idoneo sensu carent, nisi sumimus Bdelycleonis aedes *in foro* fuisse cogitandas esse.

Vs. 1389. ὁδὶ γὰρ ἀνὴρ ἐστὶν ὃς μ' ἀπώλεσε

τῇ δαδὶ παίων, κάξέβαλεν ἐντευθενί,

ἄρτους δέκ' ὀβολῶν καπιθήκην τέτταρας.

De gravi ultimi vs. corruptela non cogitaverim, sed sufficit mihi Dobraei correctio τεττάρων. Unica quaestio est quid h. l. significet ἐπιθήκη, quod significare posse *superpondium*, *mantissam* cum Leeuwenio valde dubito. Potius crediderim idem valere quod ἐπίθημα, *operculum* aliquod e fragili materie factum, quod panibus pulveris causa impositum a Philocleone una cum illis incerniculo eiectum fractumque sit, quamvis huius notionis non possim afferre antiquius exemplum eo quod ex Africani Cest. c. 1 p. 278 citat Thesaurus.

Vs. 1414. Ἴνοϊ κρεμαμένη πρὸς ποδῶν Εὐριπίδου.

Hunc vs., quem depravatum ducit editor, optime A. Willems cum antecedenti Gallice sic vertit: „Quant à toi, Chaerephon, „tu m'as bien la mine qui convient au témoin d'une femme „au teint de thapsie, à l'Ino se trainant à genoux . . . d'Euripide.” Ex eius nota ad h. l. affero verba: „Pour moi, je suis „tenté à croire qu'on la voyait suspendue aux genoux de son „époux. Ce serait par malice qu'Aristophane aurait construit sa „phrase de manière à lui faire signifier à la fois: l'Ino d'Euripide se trainant à genoux ou bien: Ino se trainant à genoux „d'Euripide.” Quae interpretatio aequae vera ac ingeniosa videtur.

De hoc verbi κρέμασθαι usu cf. v. c. Eurip. H. F. 520 ὦ παῖδες, ἐκκρμήνασθε πατρώων πέπλων.

Vs. 1498. κλητῆρ' ἔχουσα Χαιρεφῶντα τουτονί.

Socratis discipulum Chaerephontem *vespertilionem* et *Noctis filium* dictum esse satis constare mihi videtur non propter nocturnam nescio quam philosophiam, de qua nihil constat, sed ob fuscum colorem (cf. 1413) et extremam corporis maciem. Panum ventricem intempesta nocte ambulare per urbem non est verisimilius quam obvium ei venire Chaerephontem, sed talia poetae non curant. Haec igitur causa est cur Leeuwenii suspicio in nota ad h. vs. mihi quidem neutiquam persuaserit.

AD LEXICON MEUM GRAECUM SUPPLETORIUM ET DIALECTICUM, ED. II.

P. 295 ΒΥΦΡΑΙΟΝ μ' ἀνέθεκε τὰ θάνατι. Meo, sive potius eius qui mecum communicavit errore sic scriptum est pro Εὐφραῖος κτῆ., quod se legisse mihi affirmat van Hillen.

Utar hac occasione ut simul in aliis quibusdam inscriptionibus, quas citavi quales praebebant mei fontes, revocem vocabula verborumque formas, quae iterata lapidum lectione inventa esse nunc demum mihi compertum est.

P. 125 s. v. ANEΘEAN. Pro ἀνεθείκαιν l. ἀνεθείκαεν. Cf. Glotta II 4, p. 317.

P. 157 s. v. ΑΠΑΛΕΞΙΚΑΚΟΣ. Minoae titulus habere videtur ἀπαλαξικάκος.

P. 340 s. v. ΔΕΙΜΕΝΕ. Phalangae tit. GD 1332 (sic), 8 sq. sec. Glottam II 4, p. 317 habet: ἐν τᾷ τοῖ Πλούτωνος καὶ [τᾷς Φ]ε[ρσε]φόνος χούρη τᾷ λεῖμε[ν] . . . . . αρατιον καὶ λεῖμεν ἐπὶ χο[υραν]. Quid sit λεῖμεν ignoratur.

P. 1039 s. v. ΟΝΑΛΟΣ. Non ὄναλον habet titulus, sed miram formam ὀβελλόν = ὀβελόν. Glotta II 4, 317.

*Inserenda lexico:*

P. 174. ΑΠΟΘΗΡΕΤΤΗΣ, vas quoddam = Φιάλη θηρευτή (BCH XXIX 515). Schurzshof BCH XXXII, 62.

P. 262. Ad ΒΑΛΛΙΖΕΙΝ. Cf. Leo in *Hermes* 43, 309.

P. 272. ΒΕΛΛΟΤΝΘΕΙΝ = βούλονται. Larisae tit. 513 IG IX, 2. Βέλλεσθαι thessalicum = boeoticum βείλεσθαι.

P. 297. ΓΑΒΙΝΑ· ὀξυβάφια, ἤτοι τρυβλία. Fick, *Hesychglossen* IV KZ 42, 147.

P. 301. ΓΑΟΡΓΕΙΜΕΝ = γεωργεῖν. Phalannae tit. GD 1332, l. 17 βελλομένου γαοργεῖμεν.

P. 382. Ad ΔΙΖΑ. Cf. Fick, *Hesychglossen* IV. KZ 42, 148.

P. 504. ΕΝΟΙΚΟΔΟΜΙΑ. Theangelae tit. l. 4 τὴν τοῦ Φρέατος — ἐνοικοδομίαν, *Ausmauerung*. Wilhelm, *Jahresb. d. Oest. Arch. Inst.* XI 63.

P. 522. ΕΞΟΜΜΕΙΝΟΝ iuxta ἐξομεινον = ἔκμηνον. Larisae tit. 506. IG IX 2.

P. 647. ΗΡΑΚΛΑΤΟΣ = Ἡρακλέους. IG XII 7, 339.

P. 751. ΚΑΡΟΜΕΜΦΙΤΗΣ, *colonus e Caria Memphin habitans*. Ἀρβανιτόπουλος, *Θεσσαλικά μναμεῖα*. Tom. I n<sup>o</sup> 89. Cf. Λιβύ-Φοινιξ etc. *Woch. d. kl. Phil.* 1910, 39.

P. 845. Ad ΚΡΟΤΕΙΝ. Sensu obscoeno tit. Amorgi IG XII 7, 414 Ἔρασις με ἐκρότει. Cf. Eur. *Cycl.* 179. W. Schulze KZ 42, 130.

P. 895. Ad ΛΟΓΕΤΕΙΝ. Boissevain, collega Groninganus, mihi indicat Eunapii fr. 52, p. 87 Boiss. et Polyb. 31, 25 (170), 2.

P. 917. ΜΑΡΓΙΤΗΣ. Radermacher in *mus. Rhén.* 63, 444 sqq. comparat *Θερσίτης, λισχηνίτης, μηνίτης, alia.*



P. 977. ΜΩ, littera M, ut apud Democritum, in Deli titulo BCH XXIX 483.

P. 985. ΝΕΑΝΙΟΙΣ (sic) pro νεαν/αις. Inscr. Melitiae in Achaia Phthiotide n° 205 IG IX 2.

P. 1028. ΟΚΟΣΣΟΝ = ὄκισσον in tit. aeolico: ὄκοσσον [ἐργ]α-νοῖσι ἐν Ὀλύμπῃ ἔριον, ὅττι κε ἦ, μὴ ἐργάζεσθαι. Glotta II 4, p. 321.

P. 1093. ΠΑΜΠΑΝΟΝ· ἡ Δημήτηρ ἐν Ἡρακλείᾳ. H. Nomen messapicum ducit Rozwadowsky, Eos XIII 127—134.

P. 1101. Ad ΠΑΡΑ. De παρά praepositionis vi apud Euripidem in compositione verborum dissertationem academicam composuit P. A. van der Laan, Amstelodami a. 1907.

P. 1166. ΠΕΡΡΑΤΕΙ = πειρᾶται. Larisae tit. 512. IG IX, 2.

P. 1291. ΡΥΖΕΙΝ· ὑλακτεῖν. H. Fick KZ 42, 149 comparat latinum *rudere*.

P. 1326. ΣΚΑΝΔΑΛΑΡΙΟΣ, *scandalaris*, Schindeldecker. Tit. Asiae minoris, Denkschr. d. Wiener Ak. 53, 2 n° 137 et 139.

P. 1344. ΣΟΦΟΣ. Hinc saec. XIV Arabes derivarunt *soufis* sive *sofis*, *sapientes*. Cf. Revue de Paris XVII, 1. Sept. 1910, p. 62 (note).

P. 1482. ΤΡΟΠΑΙΚΙΑΙΟΣ (sic) = τροπαῖος. Asiae minoris tit. in Denkschr. d. Wiener Ak. 53, 2.

(Continuabitur).

# HOMERICA.

SCRIPSIT

J. VAN LEEUWEN J. F.

(Continuantur e Vol. XXXVIII pag. 394).



## XXXVII.

### DE COMPOSITIONE ODYSSEAE <sup>1)</sup>.

Die Frage, wie das Epos entstanden sei, darf nicht vermengt werden mit der vielleicht noch interessanteren und sicher noch schwierigeren, wie die Namen und Begriffe entstanden sind, die ihm zur Voraussetzung dienen.

CAUER Grundfragen<sup>2</sup> 336.

Ad Odysseam iam venimus. De cuius carminis poeta diximus nonnulla in commentatione priore, uni poetae id nos tribuere sic professi. Argumentum autem sui carminis hic poeta non tam claris verbis significavit quam is qui *Iram Achillis* cantavit et cantaturum se primo versu dixit. Odysseae poeta *virum versutum* post alios <sup>2)</sup> celebraturus est *capta Troia oberrantem*. Diuturnos igitur herois errores carminis materiem praebituros qui audierit, facile expectet carmen cuius compositio quam dissimilima sit compositioni Iliadis; huius enim carminis poeta materiem intra breve temporis spatium contractam — nam ira

---

1) In hanc commentationem nonnulla, quae singula hic indicare inutile videtur, recepi ex opere quod anno 1904 edidi patrio sermone conscriptum: *de Boogschutter en de Weesfater*.

2) „καὶ ἤμιν“ α 10.

furor brevis est — circa firmum atque immobile quoddam centrum disposuit et cum centro illo singula ita coniunxit ut „ira” illa finita ipsum carmen ad exitum properaret.

Sed fallax verborum allatorum est species. Nam revera Odysseae poeta materiem sui carminis haud alia ratione construxit atque constructa est Ilias. Callidi herois errores varios, longinquos, per annos complures protractos enarraturum se dixit et revera enarravit, non ita tamen enarravit ut ipsam narrationem ab initio longae illius annorum seriei ordiretur; sed herois *reditum* sive *errorum* illorum *finem* fecit argumentum carminis, quod intra pauciorum etiam dierum orbem, quam sunt Iliadis, includit, clarius igitur quam fecit consilium suum indicaturus si ab huiusmodi versu:

νόστον Ὀδυσσῆός μοι ἀγακλύτου ἔννεπε, Μοῦσα

carmen incepisset.

Dignus profecto qui carmine celebraretur fuit huius herois reditus. Et alii reges e bello Troiano domum redierunt, nullus autem clarior quam Agamemnon Mycenaeus, cunctorum princeps, — at idem ceteris cunctis infelicior; qui cum ex hostium telis et e maris fluctibus incolumis evasisset, in ipsa terra natali invenit letum, ab aemulo invido et sua ipsius uxore sibi paratum. Quanto magis laudanda fuit sors regis Ithacae, qui per multos sane annos post Troiam captam patria caruit, sed cum tandem aliquando illuc rediisset et multa — ut Agamemnon — domi mutata comperisset, uxorem certe invenit eundem quem olim animum erga se servantem, mox profligatis adversariis ceteram vitam beatam et tranquillam cum ea transegit usque ad obitum serum et lenem <sup>1)</sup>. Cum Agamemnon tum Ulixes absens bonis est exutus; at ille, qui hostium urbe vastata victor rediit cum exercitu, ab uno inimico huiusque satellitibus in insidiis est oppressus: hic, qui cunctis navibus et militibus amissis post errores diuturnos vix tandem solus et navi aliena in patriam est reductus, adversarios plus centum callido dolo circumventos interemit <sup>2)</sup>.

*Reditum Ulixis* poeta noster cecinit; quem reditum prius pa-

1) Cf. A 134—137.

2) Agamemnonis caedes compluribus locis Odysseae commemoratur et sorti Ulixis opponitur; cf. praesertim α 29 sqq. γ 232 sqq. A 444.

ravit, dein celebravit. Singulas partes carminis in honorem τοῦ πολυτρόπου ἀνδρός compositi in hunc finem vergere fecit, πολυτροπώτατος ipse. *Reditum* autem — quorsum? In patriam videlicet, ad suos, praesertim ad fidelem uxorem, quae mariti in regionibus remotissimis degentis nunquam est oblita. *Reditum Ulixis ad Penelopen* cum dicimus carminis argumentum, vel potius *herois sagittarii ad uxorem texendi peritissimam*, propriis nominibus omissis et epithetis e prisca poesi desumptis coniuges ornantes <sup>1)</sup>, *reditum* autem intellegentes non *iter* herois redeuntis, sed eum temporis articulum quo iuncti sunt denuo qui sorte immitti diu separati fuissent coniuges, id quod poeta voluit verbis includimus <sup>2)</sup>.

*Diu* autem heroem oberrasse antiquiora illa carmina ferebant, unde sui carminis materiem duxit noster poeta. Non dicimus nunc opera priscorum illorum vatum, qui *Solem* olim cecinerunt initium cursus annui cum uxore *Luna* facientem primo post brumam novilunio <sup>3)</sup>; nam mythi huius solaris licet vestigia

1) *Telam Penelopes*, ut *arcum Ulixis*, e mythis antiquissimis esse desumptam cum alia testantur tum verba poetae nostri de *Circe*, quae

μέγαν ἴστων ἐποικομένην λίγ' ἄϊδε (κ 254)

et de *Calypso*, quae

ἴστων ἐποικομένην χρυσείη κεκλῖθ' ὕφαινε (ε 62).

Quid quod ipsum *Circae* sive *Cercæ* nomen *Textricem* significare videtur, cum verbo κρέκειν et vocibus *κερκίς*, *κροκή* cohaerens (sic Schrader).

2) Ita cum vocem *νόστον* interpretamur, ipsum poemam sequimur: Ulixes per decennium circumvagatus est et apud *Calypso* denique delituit, iamque caelites initio carminis (α 87) decernunt

νόστον Ὀδυσσεὺς παλασίφρονος, ὥς κε νήνται.

In eandem sententiam disputarunt vWilamowitz et Müllenhoff; cf. etiam Seeck Quellen d. Od. 66. Aliter vero vocem *νόστον* multi philologi usurparunt; e quorum numero honoris causa nominatim nunc indicatus esto Kirchhoff. Hic enim priorem partem *Odysseae* (α—ν 184) sive ea quae *νόστον* quem nos dicimus antecesserunt „priscum Ulixis *Reditum*” vocavit, alteram (ν 185—ω) a poeta recentiore subiunctam, utramque autem additamentis postmodo interpolatam ratus. Item e. g. Ed. Meyer Herm. 1895, 253: „die Irrfahrt macht das eigentliche Wesen des Odysseusmythus aus”, E. Drerap Homer, 1904, 131: „Grundlage der Odysseusepopöe ist eine Schiffsreise”.

3) *Nomen* quodnam marito, quodnam uxori in vetusto illo mytho fuerit inditum nescimus. *Penelopes* nomen si recte refertur ad πῆνην sive πῆνος *telam* et πηνίον *subletem*, inde ab initio id huic mytho proprium fuisse satis certum videtur; sed obscura sic manet nominis pars posterior, prior autem pars etiam a *Pane* Arcadium deo potest repeti, quem filium *Penelopae*, deae in *Peloponneso* cultae, posteriores certe fecerunt (cf. Herodot. II 145, Pindarus apud Serv. ad Verg. Georg. I 16,

plurima in *Odyssea* deprehendantur aperta et minime contemnenda <sup>1)</sup>, ab ipsa tamen *Odyssea* et a poetae consiliis talia sunt aliena, nec non aliena fuerunt a carmine unde sua ille duxit; nam in hoc quoque celebratus fuit *heros mortalis, Troiae victor*, non *deus* procul ab hominibus degens. „Vitae humanae speculum est *Odyssea*” <sup>2)</sup>.

In huius igitur herois patria multa mutari necesse fuit per tempora belli diuturni — nam diuturnum fuisse bellum Troianum iam credebatur <sup>3)</sup> — et errorum longinquorum. Et filius Ulixi erat, uxorem enim heros prius duxit quam in bellum est profectus: de illo igitur puero quid interim factum? Uxor autem quomodo vitam solitariam transegit? Qualem rerum statum rex Ithacae invenit domi, cum tandem ad suos rediit?

Has et cognatas quaestiones quin poetae moveret argumentum, quod elaborandum sibi elegisset, fieri non potuit. Et fabulae vetustae, unde sua ducebat, ei partim certe praebebant quae responderet: uxorem herois absentis a procis compluribus in matrimonium esse petitam, illum cum rediisset sagittis eos peremisse.

Apollodor. Epit., al.), alia autem Penelopes nomina „vetustiora” undecunque ducta *Arnoam* sive *Arnaciam* et *Amiracen* olim protulit Didymus (cf. schol. Pind. Ol. IX 85 schol. d 797 Eust. 1422, 7 aqq. Tzetz. ad Lycophr. 772). Ab *anatis* (πηνέλοπος) nomine non multi, ut opinor, Penelopes nomen sunt ducturi cum ipso Didymo, licet Altenburg (cf. Roscher Lex. Myth. III 1911) et Gruppe (Myth. 619, 1) ei fuerint assensi. — In *Ulixis* autem nomen duo nomina confluisse, quorum alterum alteri sono esset subtile, ut suspicemur ipsa huius nominis forma varia et instabilis 'Οδυ(σ)σεύς — 'Ολυσσεύς — 'Ολλυτεύς — 'Ολισσεύς — *Ulixes* cogere nos videtur. Nam primae syllabae forma duplex vel triplex 'Οδ-'Ολ- *Uli* ut possit conferri cum graecolatinitis ὀδᾶδέναι — *olere*, δαρήρ — *levir*, δάκρυα — *lacrima*, at etiam secunda nominis syllaba duplicem stirpis formam -*us*- et -*us*- (-*ic*-) ostendit. *Deum infensum* et *deum solarem Lycium* — numen Arcadicum cum Cretensi — conianctos fuisse suspicor (cf. pag. 44 aq.), 'Οδυσσηά et Λύκτιόν τινα. Sed aliorum fortasse ducit nomen *Autolygi*, qui Ulixis fuit avus; sic enim ad λύκον potius Apollini sacrum et ad ipsam Apollinem λύκειον pervenimus, recordamur autem Apollinis irati illius, ad quem Chryses „τίστιαν Δαναοὶ ἐμὰ δάκρυα σοῖσι βέλεισι” est precatus, quae etiam a Penelope ad Ulixem dici potuissent verba. Quicquid id est, hac de re disputantibus non est negligenda vis verbi ὀδύσσεσθαι, quod solorum *deorum* est in lingua epica, excepto uno illo *Odysseae* loco, ubi Ulixis nomen inde repetitur (τ 407—409).

1) De his cf. praesertim vWilamowitz Hom. Unters. 112 aqq. Seeck Quellen d. Od. 267 aqq. Roscher Selenē 140—143.

2) Sic Alcidas apud Aristot. Rhet. III 8 § 4.

3) Cf. quae hac de re disputavimus in volumine priore, pag. 374 aq., 380 aq., 384.

Uberrima sic affluebat materies. Procorum impudentia reginam et ipsum cum ea regnum appetentium erat pingenda. Unus autem multis oppositus heros qui poterat vincere, nisi caute et per dolum eos aggredieretur, vaferrimo ingenio usus, πολύμητις πολύφρων πολύτροπος πολυμήχανος? Non palam igitur ex itinere diuturno redibit Ulixes, ut miser ille Agamemnon, qui Troia eversa in patriam redux leto inglorio est datus ab uxoris moechno, sed clam et omnibus ignotus, specie sumta minime regali, mendicus pannis squalidis vix satis tectus, qui metum vel suspicionem nulli possit movere. Cuncta sic explorare prius poterit quam uxoris procos in ipsius aedibus petulanter se gerentes adoriatur. Filii autem, per annos viginti quos pater afuit adulti, quae erunt partes? Huic quoque quae agat a poeta dabuntur, ut tali patre dignissimum se possit praestare.

Sed et errores, qui per annos complures protracti tantarum aerumnarum causa cum ipsi heroi fuerunt, tum eius uxori, maritum desideratissimum domi oppertae, largam narrandi materiem poetae praebuerunt. Quam sperneretne, ne longius ab argumento quod tractabat abriperetur cavens? Neque hoc voluit neque vero res magno spatio temporis atque locorum inter se disiunctas et nexu causali vix satis cohaerentes ita enarrando persequi ut in carminum aliquam seriem materies dilaberetur potius quam unum carmen bene compactum bene rotundum inde evaderet. Itaque artificio usus felicissimo quaecunque heros ante reditum expertus est e tempore praeterlapso in ipsum illius reditus tempus veluti transtulit, ab heroe ea enarrari fingendo. Etiam aliorum heroum reditum in patriam et ceteram sortem referendi, partim etiam ipsis auditoribus ostendendi occasionem ei praebuit iter Telemachi, quem finxit iisdem diebus, quibus ipse Ulixes Calypsus insulam post longam captivitatem reliquit, a dis in Peloponnesum esse missum ad Nestorem et Menelaum de patris fato interrogandos.

Sic νόστον Ὀδυσῆος ταλασίφρωνος inde a primo carminis versu usque ad ultimum poeta Odysseae canens permulta tamen, quae cum reditu illo aut laxius aut prorsus non cohaerent, narrationi inserere potuit. Qua facultate liberrime est usus, nihilo festinantius quam poeta Iliadis ad eventum tendens, sed identidem, ut ille, rerum quas referebat decursum sistens, ut fertili ingenio

exornaret aliquod episodium, quod potuisset omittere, si ad finem propositum quam celerrime pervenire voluisset. Narravit quaecunque narrare habuit, quippe qui sciret singula grata fore aurem praebentibus, dummodo venuste narrarentur.

Aptum specimen huius artis, ut firmo sic lento gressu procedentis et quoties lubeat in itinere subsistentis, praebet carminis pars postrema. Pervenit Ulixes in suam regiam, uni Telemacho notus, quem iussit celare quis esset; ceteris est senex mendicus, cui olim melius fuerit. Iamque in ipsum megarum admissus sera vespera solus soli reginae, maritum absentem numquam non lugenti, exadversus sedet prope focum, loco honorifico. Etiamne perget uxorem suam fallere? Poteritne, etiamsi velit? Ad hospitem egenum priusquam cubitum eat lavandum Penelope iubet afferri pelluvium, ipse autem Ulixes ut anus aliqua sibi ministret petit, a iunioribus enim ancillis, quas erga senem squalidum malevolas modo expertus est, lavari non vult. Ecce autem accedit ea ipsa quam sperabat, nutrix eius grandaeva Euryclea, — et nunc demum heros recordatur vulneris olim in femore accepti, cuius hactenus fuit immemor, tot annis interlapsis videlicet et animo adeo iam commoto. Huius igitur vulneris cicatricem ut Eurycleam celet, e foci lumine recedit; attamen statim illa, ut crura ei nudavit, signum olim sibi notissimum adspicit et adspectum agnoscit... Nunc igitur quid fiet? Anxii expectamus an futurum sit ut heros intempestive sic a nutrice agnitus, propterea quod per temporis articulum brevissimum eum defecerit cauta illa sollertia, qua unus omnium inter mortales maxime excellat, etiam ab uxore ceterisque iam agnoscat? Consiliumne igitur quod cepit sit mutaturus, procos autem quomodo superaturus? Cuncta denique quorsum sint evasura? Et ipsa verba, quibus poeta hanc narrationis partem inclusit, exquisita arte electa ad animum audientibus commovendum multum valent; nam Penelope cum anum sic alloquitur: „*quin igitur, Euryclea, lava domini tui . . .*”, per temporis spatium exiguum mente supplemus „*pedes*”, statim tamen ipsi nos reprehensuri, qui nihil eiusmodi a Penelope dici potuisse fuerimus obliti; et addit illa: „*aequalem*”. Nutrix autem alumnum suum desideratissimum („*τέκνον*”), cuius imago post Penelopes verba solito etiam vividior eius menti obver-



satur, tanquam praesentem etiam prius alloquitur quam intellexit ipsum Ulixem se adspicere in patriam reversum.

Intentissimo igitur animo ex ore poetae sublegimus verba proxime sequentia: — ille vero quid? Nunc quoque interrupto narrationis decursu, lectoribus hodiernis fortasse minus probantibus, sed maxima cum voluptate eorum, qui aurem olim prae-buerunt canenti, veluti otiosus subsistit, ut vulnus illud quando et quomodo Ulixes acceperit . . . paucisne verbis indicet? Immo ut fuse et tam venuste quam cetera omnia enarret.

Sic igitur poeta iuvenile quoddam herois facinus carmini, quo virum maturum celebrabat, occasione oblata aptissime inseruit, ab Aristotele ob componendi eam artem merito laudatus <sup>1)</sup>. Similibus autem artificiis effecit ut reditum Nestoris, Menelai, Agamemnonis et alia multa, praesertim ipsius Ulixis varios errores enarrare posset, ne semel quidem transgressus orbem illum sive temporis, sive locorum, intra quem carminis quod pangebatur argumentum contineri iubebat ars poetica.

Multa autem sua fecit e carminibus ipso antiquioribus desumpta, utque inter se congruerent quae inde desumsisset plurimam dedit operam. Hac tamen a parte res ei, ut poetae Iliadis, minus feliciter cessit quam in suis ipsius inventis elaborandis. Efficere enim non potuit ut concinerent quae alia alibi alioque tempore primitus cantata sonos discrepantes praeberent cum inter se coniungerentur. Exploremus singula.

Regibus qui Troiam vastarunt *Iovem* inimicum fuisse ferebant fabulae praeae, neque nos fugit huius irae causa; nam deum Idaeum, qui urbem suam ab Achivis tutari aliquantisper frustra est conatus, hos tum, cum victores fuerunt, nihilo leniore odio persecutum esse quam ante urbem vastatam, fert ratio. Sed illum deum Achivis infestum neque Iliadis poeta agnoscere potuit <sup>2)</sup>, neque post eum potuit poeta Odysseae. Itaque hic cum Ulixis errores enarraret, certam aliquam causam indicandam putavit, ob quam in Ulixem patriam repetentem saeviisset Iuppiter: causam autem probabilem prae-buerunt boves Solis ab

1) De Aristotelis verbis disputavi Mnemos. 1906 p. 407—409.

2) Cf. volaminis prioris p. 392 sq.

herois comitibus caesi. Quam fabulam cum prisco mytho solari cohaerentem — nam per caeli templa, non in insula terrestri, solis armenta, quorum etiam in fabula quae fuit de Augia fit mentio, primitus sunt pasta, et inter *nubes* eorum insula, ut insula Aeoli ventorum arbitri, quaerenda fuit, — primusne ipse inter Ulixis errores receperit an, quod veri videtur similis, ab aliis illuc invenerit receptam, pro certo non iam potest effici. At cur etiam ante sacros illos boves mactatos Ulixi ceterisque heroibus Ζεὺς λυγρὸν ἐνὶ Φρεσὶ μῆδετο νόστον, ἐπεὶ Πριάμοιο πόλιν διέπερσαν <sup>1)</sup>? Cur Minerva iis fuit infensa? Ad has quaestiones ut posset responderi, novas causas fingi necesse fuit.

Sed et *Neptunum* Ulixi adversatum praebebant carmina vetusta. Quemnam autem — vel potius, qualem — Neptunum? Non eum quem Odysseae poeta — ut poeta Iliadis — solum habuit cognitum, *maris deum* caelibem, — aut si quis mavult, maritum Amphitrites <sup>2)</sup>, — tridente fluctus excitantem, sed deum terrestrem vel subterraneum, *Terrae Matris maritum* <sup>3)</sup>. Et duas huius odii causas, quarum altera alteri erat dissimillima, prae buerunt praeae fabulae. Nam Neptunus is, qui Troiae olim moenia struxit, a deo Idaeo vix seiungendus <sup>4)</sup>, ut non minus quam ipse Iuppiter Idaeus succenseret Achivis, praesertim autem illi heroi, qui callido dolo effecisset ut urbs caperetur, res tulit. Sed is quoque Neptunus γαῖήροχος, qui in Peloponneso per multas etiam hominum aetates post natam Odysseam est cultus, Ulixi inimicus necessario fuit primitus, non ei tamen Ulixi, qui *Troiam* vastavit, sed heroi — an deus lucifer nunc vocandus est potius, quoniam in ipsis harum fabularum primordiis iam versamur? — qui cum *monstris* antra inhospitalia et tenebras occidentales incolentibus pugnavit, a nullo superatus. Ipsum Cyclopem, Neptuni filium, Phorcynis — qui alter quidam Neptunus in-

1) Cf. γ 131 sq., 152, 160, 238, ι 38 al.

2) Sic Pindarus (Ol. VI 104) alii.

3) Id quod ipsum dei nomen Ποσειδάων significat; cf. Mnem. 1906 p 304 (item nunc Kretschmer Glott. I 28). Praeierat vWilamowitz „Gatte der Erdmutter” hunc deum vocando.

4) Cf. praesertim genealogia regum Troianorum T 215–241. Nam Erichthonius *Trois* pater idem est qui Ποσειδάων ἐνοσίχθων, et nomine magis quam ipsa re olim a *Dardani* patre Iove (Idaeo) fuit discretus.

fernus fuit olim — nepotem, hic heros mutilavit: certum igitur exinde ei stetit Neptuni dei inferni odium.

Ecce igitur dei quatuor — vel, si quis mavult, duo — Ulixi infesti: *Iuppiter Troianus* ob urbem captam, *Iuppiter Achivus* ob caesa Solis armenta, *Neptunus Troianus* ob urbem captam, *Neptunus Achivus* ob Polyphemum occaecatum. Quas fabulas poeta Odysseae ita inter se coniunxit ut Iovem patrem cum post captam Troiam <sup>1)</sup> tum post caesa Solis armenta <sup>2)</sup>, Neptunum autem propter Cyclopem occaecatum <sup>3)</sup> sed annis aliquot intermissis in heroem saeviusse fingeret. Sic autem effecit ut heros ille, qui cum navibus duodecim in bellum esset profectus, post varios casus *ὀλέσας ἀπο πάντας ἑταίρους* in patriam tandem talis rediret qualem olim illuc reducerat fabula antiquissima, cui *Sol* erat Ulixes, non miles mortalis Troiae victor, — *solus* igitur, non *littore Troiano* relicto sed *antro Calypsus* sive ipsius caliginis deae.

Et uberem materiem priscus ille mythus solaris prae-buit nostro poetae, vel potius poetis antiquioribus, e quorum carminibus noster sua duxit. Sol per caliginem nocturnam ex occidentali caeli parte per septentrionalem in orientalem rediens cum itineris, quo heros per Lotophagorum <sup>4)</sup> Cyclo-pum Laestrygonum

1) Cf. s. 38, 67 sqq.

2) Cf. μ 405 sqq.

3) Cf. s. 282 sqq.

4) De Lotophagorum fabula disputantibus inutile est quaerere cuiusmodi nomen hodie habeat herba vel arbor, cuius floribus illi vescerentur; nulli enim mortales floribus satiati sunt unquam aut satiari potuerunt, sed pingitur gens fabulosa cibo fabuloso vescens, et conferenda sunt quae de *hortis Hesperidum* et quae de *insulis beatorum* veteres sunt fabulati. Id quoque quam maxime huc pertinet quod in fabula, quae est de raptu Proserpinae, traditum accepimus, virginem illam, cum mali punici partem a rege mortuorum sibi prae-bitam comedisset, ad vivos redire non potuisse (h. Cer. 372). Nam a Lotophagis — ut a Sirenibus — non redire, id est apud mortuos manere; Oceano, non Nilo proximam regionem Lotophagorum cogitarunt poetae quos is qui Odysseam fecit secutus est, et ipse cogitasse videtur. Optime autem concipit quod paucioribus quam vellemus verbis traditum accepimus apud Stephanum Byzantium (s. v. Γέρμαρα), Lotophagos per alteram anni partem somno indulxisse (id quod de gente ad septentrionem habitanti rettulit Herodotus IV 25); nam similis est sors Proserpinae per tertiam anni partem in Ditis aedibus latitantis (h. Cer. 446 sq.). Etiam Cimmeriorum mentionem nunc fieri oportet, et faciunt huc quae de Circes venenis magicis narrantur. Quod autem *ἄνθρον εἶδαρ ἔδειν* sive *florum suco vesci* Lotophagi dicuntur, ut *apes*, quis non recordatur τοῦ λειμῶνος, per quem ai

regiones inhospitales usque ad Circes insulam vectus est, argumentum prae-buit, tum itineris quo e sedibus mortuorum in ultimi occidentis tenebris latitantium ad Circen rediit. Quae itinera ut in Odyseam recipi possent ambo, poeta noster finxit heroem bis ad Circes insulam pervenisse. Haud sane admodum probabiliter; nam Circe dea, quae ventum secundum, perinde atque Calypso, ei prae-buit, poterat etiam in patriam eum mittere actutum, si vellet, neque necessarium fuit eum prius in sedes umbrarum proficisci, ubi disceret quomodo domum redire et Neptunum exorare posset. Et aliquam quidem probabilitatis speciem narratis poeta addidit vaticinio Tiresiae inserto, quod vaticinium Circae ignotum fuisse fingere ei licebat, sed posteriorem herois vitam id spectat et de felici huius vitae exitu certiores nos facit, non supervacuum quidem, alienum tamen ab orbe rerum in ipsa Odyseae tractatarum, ita ut acrius intuitibus luculenter appareat poetam diversa in unum coegisse.

Sed et tertium Ulixis iter prae-buit mythus solaris. Nam sol caligine relicta sedes lucis recuperans factus est heros, quem alto somno sopitum et veluti mortuum Phaeaces sive Furvi mortuorum portitores noctu reduxerunt in patriam. Poeta cum Ulixem exhibet ex antro Phorcynis emergentem, ubi a Phaeacibus collocatum eum narravit, in novam formam effingit — aut ab aliis effectam refert — materiem, qua tum quoque est usus cum ex antro Cyclopi et ex antro Calypsus redeuntem eum ostendit, ut de aliis fabulis, quae item huius sunt argumenti, nunc taceamus; nam solem terris redditum haec omnia significarunt primitus, sive quotidianus solis ortus cogitabatur, sive sol novi anni initio post torporem brumalem veluti reviviscens.

Quartum denique et quintum Ulixis itinera hic mythus prae-buit. Nam sol deus postquam abiit in heroem Achivum, aut *in patriam suam rediisse* hic heros poterat dici, sic autem non

---

*ψυχαι* volitare dicuntur (cf. λ 539 μ 45 al.), et ipsius vocis *ψυχῆς papilioes* postea certe significantis, ita ut *bestiolae floribus vescentes* et *umbrae defunctorum* eodem nomine designatae fuerint Denique recordemur nunc oportet artae necessitudinis quae fuit inter notiones *mellis* et *ambrosiae*. Quae cum ita sint, nihil ob stare videtur quominus poetae, qui Lotophagos cecinerunt, herbam illam vulgarem cogitaverint, cuius mentio fit δ 603 alibi, fragrantissimam et apibus dilectam.

in oriente sed in ipsorum Achivorum regione illa patria erat quaerenda, nata igitur est ea fabula, quam poeta Odysseae celebravit, de rege Ithacae capta Troia ad Penelopen reverso; — aut, neglecta notione *patriae*, servata vero quam mythus solaris praebebat notione *orientis*, heros fiebat iuvenis longinquas regiones appetens, ubi famam opes amorem inveniret. Huiusmodi fabulae fuerunt de Iasone et de Achille, et similis aliquando fabula facta est de Ulixee, cuius echo quaedam, saepius quidem fracta et repercussa, talis tamen ut ipsa vox in imagine etiam agnoscatur, ibi percipitur ubi commemoratur *Persepolis* filius *Telemachi* e *Nausicaa* natus; nam collatis quae alibi de *Ulixee* e *Penelope* filio *Ptoliportho* sunt tradita <sup>1)</sup>, apparet „*Telemachum*” sive „*eminus* (non: *in regione longinqua*) *pugnantem*”, ut „*Ptoliporthum*” sive „*Persepolin*”, i. e. „*Troiae expugnatorem*”, ipsius herois epitheton fuisse primitus: heroem suum ipsius filium et nepotem — ut ita loquamur — in fabulis sensim esse factum; *ὁ μὲν πολύτλας τὸν τηλέμαχον ἐγέννησεν, οὗτος δὲ τὸν πτολίπορθον ἢ περσέπολιν.*

Odysseae autem poeta suos in usus etiam hanc, quam diximus, de Ulixee orientem adeunti fabulam convertere voluit. At quomodo poterat? Quomodo coniungere et inter se conciliare diversissima? Quomodo heroem, quem in patriam et ad uxorem reversum celebrabat, etiam patria relicta in longinquo oriente uxorem invenisse poterat perhibere?

Ita enuntiata haec adeo inter se discrepant ut ridiculus videatur qui in unum carmen coniungere ea velit. Et tamen iunxit poeta noster. Quod autem iunxit, non potest non improbare qui totius carminis structuram mente complectitur; eam vero carminis partem solam considerantibus, quam peperit carmen antiquius de heroe in regione longinqua matrimonium ineunti compositum, maxima laude dignus et prorsus admirabilis videtur poeta, qui fabulam tam venustam tanta arte enarraverit et pro re mutata carmini suo tam concinne adaptarit ut non nimis acriter intuentibus ex ipso huius carminis argumento prognata videri posset. Felici huic audaciae poetae incongrua componentis, orientem occidenti, vivos mortuis com-

1) Cf. pag. 28, 2.

miscentis et ipsum temporis decursum veluti retroflectentis, — iuvenem enim e viro maturiore heroem ante nostros oculos videmus fieri, — debemus Alcinoi aedes splendore orientali coruscas, debemus Phaeacum ex umbrarum tristibus portitoribus in Scheriae incolas beatissimos mutatorum epulas et ludos, debemus Nausicaam illam, quam quis non didicit diligere, quis non per totam vitam recordatus est, cui contigisset cognoscere suavissimum Odysseae episodium, quod est de Ulixē in Scheriae insulae littore virginis regiae primum obviam facto. Placuit id nobis pueris, placet adultis, ut plurimis olim placuit hominum aetatibus, tempori autem iudici omnium longe incorruptissimo probatum a nobis sero natis lectoribus etiam laudari minime est opus. Ut tamen prorsus placere possit, qualem exitum sit habiturum non rogemus necesse est, sed contextu neglecto ita legamus ut Iliadis eas partes, quae habent Glauci cum Diomede colloquium vel certamen Aiācis cum Hectore. Nam puellae formosissimae imago postquam tam splendidis coloribus ad vitam est depicta ut ante ipsos oculos versari nobis videatur, postquam vidimus ludentem et audivimus lepide atque ingenue multa cum parentibus, cum sodalibus, cum ipso heroe confabulatam, ad carminis cursum promovendum haec regum discipulorum filia decora nihil habet quod agat nisi ... ut heroi naufrago praebeat vestimentorum olei cibi aliquid et ad patris aedes viam indicet, quam primus quisque puerulus ei monstraturus erat et revera mox monstravit dea Minerva. Haec etiam sine virginis regiae ope alumnum suum ad Alcinoi urbem deducere poterat et vires interim ei sustentare, — si poetae id libuisset. Ne iumenta quidem Nausicaae Ulixi quicquam profuerunt, non enim plostro vectus est in urbem, sed pedibus illuc iter fecit. *Inutilis* igitur in Odyssea est Nausicaa; poetae non profuit puella, quamvis pulchra et amabilis, carmen ad eventum deducenti, nedum necessaria ei fuerit.

— „Iniqua haec: poeta sic extollere voluit herois constantiam, „qui cum regis ditissimi ipsisque discipulis cognati filiam formosissimam in matrimonium posset accipere, patriam et uxorem retere maluerit.”

Aliquid sane dicit qui sic loquitur, et cum heroem oculis Nausicaae intuiti „caelitibus similem” vocamus, beatam simul

praedicamus Penelopen illam, ad quam talis maritus mox sit rediturus. Cum tamen reputamus a deabus Circe et Calypso eundem esse amatum, anticlimacem potius efficere videntur Nausicaae et Alcinoi verba hospitem laudibus extollentium, neque admodum magnum videntur spretae nuptiae opesque regales, postquam Calypsus amorem et ipsam immortalitatem heros sprexit ut ad Penelopen posset reverti <sup>1)</sup>. Haec igitur causa poetam non potuit permovere ut Nausicaam in carmen suum reciperet.

Si vero nullo alio consilio illuc eam recepisset nisi ut Ulixes eius ope in aedes Alcinoi introduceretur, paucioribus verbis usus haec sola cecinisset: „Ulixi in sinu placido e mari „egresso occurrit puella, quae fontem vicinum adibat, unde ci- „ves aquam petebant; erat haec regis filia, quae interrogata „quis in illa regione regnaret patris aedes ei significavit. Has „ingressus heros invenit reginam, quae maritum suum advocavit.” Sic ipse Ulixes <sup>2)</sup> narravit quomodo filia regis obviam sit facta — non ipsi quidem, sed eius legatis, neque in insula Phaeacum, sed in gigantum ferorum illa regione, ubi Phaeaces antea vixissent <sup>3)</sup>. Antiphates, non Alcinous, regi iam est nomen, et aliter illic atque Scheriae heros est acceptus: solum tamen caput rei si spectamus, simillimum utraque narratio habet initium.

At solvamus contextum, ex Odyssea episodium quod est de Nausicaa eximamus, et fingamus nos nescire quis sit heros ille, qui alto somno sopitus inter virgulta littoralia iaceat quaeve sors eum maneat: — quam venusta, quam lepida fiunt subito quaecunque modo videbantur supervacua! Quanta singulis verbis iam accedit vis!

„Dormiebat virgo” — sic poeta post breve silentium denuo infit — „in regia patris Alcinoi.” Dein virginis huius stirpem et ipsius gentis originem fuse exponit <sup>4)</sup>. Expectamus rerum mox enarrandarum magnam partem fore puellam, in cuius origine celebranda poeta tam multus sit.

Minerva dea adit lectum puellae in aedium paternarum pene-

1) Cf. § 206—220.

2) Cf. § 87—115.

3) Cf. § 4—6 et 58—60.

4) Ad quam rem etiam rediit § 1.1.



tralibus dormientis et specie sumta mortali „surge” ait „Nausicaa: littus pete ad vestimenta lavanda; non enim procul etiam „abest dies tuarum nuptiarum” <sup>1)</sup>). Sunt autem vana somnia plurima, sed carminis materiem ea sola praebere possunt, quae ad carminis argumentum aliqua ratione pertineant; cetera a contextu arcenda sunt potius, ne inepta molitus poeta videatur. Sentimus igitur, nisi virgo a Minerva misere decipiatur, ut olim Agamemnon a Iove est deceptus Troiae excidium ei per somnum promittenti, revera mox adfore qui Alcinoi filiam uxorem ducat.

In littus abitura Nausicaa plostrum a patre petit, sed causam fictam interserit, de somnio et de matrimonio tacens pudibunda; quod autem tacet, penitus in animum suum verba per somnum audita penetrasse innocentem testatur.

Iamque in maris oram pervenit et officiis domesticis perfuncta capite nudo prope fontem ludit cum ancillis, Dianae forma haud cedens, — et expectatus eam cernit heros. Emergit hic ex silvae umbra, ferae quam homini similior, capillis horridis et spuma obsitus marina, multis etiam foliis aridis adhaerentibus e strue, qua a frigore nocturno se protexit. Adit virginem et deamne an mulierem mortalem videat ambigans: „si mortalis es,” exclamat, „bis terque beatus est is qui uxorem te sit ducturus, tibi autem utinam obtingat vir te dignus!”

Diffugiunt ministrae, ad aspectu insolito perterritae, nam non facile in beatam illam insulam pervenitur; at ipsa regis filia supplicem nihil reformidans comiter accipit, bono animo esse iubet, vestimenta et oleum ad corpus inunguendum ei praebet. Qui postquam sordibus purgatus et veste honesta indutus ad eam rediit, talis ei apparet qualem maritum mente sibi fingere vix unquam fuit ausa. Deus iam ei videtur, non homo: e naufrago squalido et aerumnis fracto veluti miraculo aliquo factus est iuvenis decorus, cui flava coma inaurat tempora <sup>2)</sup>, — ut

1) Sic etiam ad Io virginem regiam in somno dictum est: „surge et exi ex aedibus paternis: non diu etiam virgo manebis,” — deus enim cum ea erat congressurus (Aesch. Prom. 645—654).

2) Cf. § 231 sq. et v 399, 431. *Hyacinthum* igitur a poeta non *nigrum* sed *flavum* aliquem florem dici apparet. *Nigri* sunt capilli herois, quem cecinit poeta Odyssaeae (τ 175 sq.), sed *flavos* ei tribuit Minerva quamdiu Scheriae est commoratus, et olim

Iasoni <sup>1)</sup> vel Theseo <sup>2)</sup> vel Achilli <sup>3)</sup>, — fulgent oculi, florida est facies, brachia valida, latum pectus. Tum pari admiratione virgo abrepta „o talis vir utinam in matrimonium me sit petiturus!” exclamat <sup>4)</sup>, secum collocuta et solis ancillis audientibus.

At puella casta et modesta quo magis admiratur virum, quem coniugem suum fore sperat et animo praesagit, eo anxius admirationem et amorem nascentem celans comitante illo in urbem redire non vult: „virginem non decet insciis parentibus cum „viris prius versari quam in matrimonium palam petatur.” Senem decrepitum plostro devectura erat, iuvenem robustum aliquantisper expectare iubet, donec ipsa abierit, dein peditem urbem adire, ne forte cives citius aequo veri quid suspicati verbis malignis ambos carpere possint: „undenam istum advenam „Nausicaa petivit? Procumne e littore sibi sublegit? Nostrine „igitur iuvenes ei sordent omnes?” — Iuvenis hic, qui casu felici vel ipso numine duce Scheriam delatus est, Nausicaae parentes prius adeat oportet quam coram civibus cum ipsa confabuletur, ut rite et decore fiant omnia.

Pervenit heros quo fata vocabant et a regina ipsoque rege benevolentissime acceptus sedet in regiae megaro prope focum, hospes honoratus: „utinam gener meus fieri velis! Libentissime „tibi filiam meam uxorem tribuam” ait Alcinous.

Quorsum tendunt haec omnia? Nonne eo quo ipsa natura tendere iussit iuvenes floridos et puellas formosas, — in amorem et matrimonium? <sup>5)</sup>. Ipsa dea in unum locum deduxit iuvenem

heroi iuveni tribuerat prisca fabula, quam poeta noster in suos usus convertit. Unde efficitur spurios esse ψ 158 et vicinos, quos versui 156 adiungi grammatica ne sinit quidem.

1) Cf. Pind. Pyth. IV 145 sq.

2) Cf. Bacchyl. XVIII 51.

3) Cf. A 197.

4) Etiam apertius apud Alemanem fr. 23: „o Iuppiter, utinam hic mihi obtingat maritus.”

5) Ante me hoc dixit Müllenhoff, cuius verba cum referret Seeck Quellen d. Od. 302, negavit extitisse umquam fabulam in qua Nausicaa obtineret locum Calypsus vel Circes. Et optimo sane iure id negavit, veri tamen non nisi alteram partem indicans; non enim *Calypsus* vel *Circes*, sed *Penelopes* locum Nausicaa olim obtinuisse dicenda est, vel potius: carmini quod Penelopen nullam nosset primitus fuisse propria. Caius mythi vetusti echo quaedam quamvis tenuis percipitur η 225, ubi Ulixem „sola bona et ministros” desiderantem ita post alios carpsit Kirchhoff: „meinem Gefühle

cui favet et virginem quam ei destinavit coniugem. Alteri Iasoni altera Medea obviam est facta<sup>1)</sup> et coram marito futuro capitis velamentum posuit; perplacet iuveni, ille virgini et huius parentibus: proximas expectamus nuptias laetosque hymenaeos. Quae nuptiae etiam nunc nobis veluti eminus ostentantur, cum Ulixes Nausithoum quendam — nomen Phaeacium — genuisse fertur, vel cum Nausicaae filius Persepolis et Ulixis filius Pto-  
liporthus commemorantur: varie videlicet inter se iuncta sunt nomina quae prisci mythi praebebant propria<sup>2)</sup>. Praeterea solis nominibus discrepat fabula quae fuit de Ulixē in *Thesprotia Cal-  
lidicen* puellam regiam uxorem ducenti et *Euryalum* — item nomen Phaeacium! — ex ea gignentem<sup>3)</sup>; clara denique luce iam illustratur fabula parallela, — non enim de Ulixē sed de Iasone narratur, — qua usus Apollonius Rhodius heroem, qui orientem longinquum petivisset, nuptias cum Medea solis nepte apud *Alcinoum et Aretē* inire fecit<sup>4)</sup>.

Sed Odysseae poeta puellam, cuius imaginem cura sollicita et velut ipse amore correptus exornavit, heroi suo uxorem dare non potuit, quippe cui uxor esset iamdudum, ad quam mox ipse eum reducturus esset. Itaque ab Alcinoo haec verba addi fecit: „si tamen ad tuos redire mavis, per me id licet,” dein redditum ei parari. Quae autem proximo die Alcinous instituit certamina iuvenum, in prisca quidem fabula fuerunt utilissima et vere necessaria, cunctis enim aemulis superatis heros peregrinus dignum se praestitit qui regis fieret gener<sup>5)</sup>, non *sagit-*

---

„nach würde er richtiger ... an Weib und Kind gedacht haben,” — non sane immerito, nisi non maritum Penelopes et patrem Telemachi cogitamus, sed heroem iuvenem, cui nondum sit uxor.

1) In annotatione certe indicatus esto *aries*, quem item Odyssea cum Argonautarum fabula habet communem: aries Ulixem e caverna monstri hominibus infesti evexit in lucem, aries Phrixum tulit in lucis regionem orientalem, in regnum fratris Circae.

2) Cf. Hes. Theog. in fine et fr. 17, Suid. s. v. Ἀνδοκίδης, Aristoteles apud Eust. 1796, 39 sqq.

3) Cf. pag. 44, 6. Euryalum quendam principem Scherium Ulixis aemulum ex Odyssea optime novimus.

4) Cf. Ap. Rh. IV 982—1167 et infra pag. 46, 2.

5) Huius rei indicium manifestum praebet Odyssea θ 22<sup>b</sup> sq.; qui versus in huius carminis contextu molesti sunt, certe miros nos habent, quoniam non „multis certaminibus” sed uno disci iacti Ulixes vicit:

(Minerva Ulixem) μακρότερον καὶ πάσσονα ὅηκε γιγνώσκειν,

*tandi* quidem specimine edito, quale fuit illud quo Ulixes noster Penelopen de novo suam fecit, sed *disco* viribus maioribus quam sunt mortalium iacto, telo igitur eo *Solis dei* usus, quo interemtus olim est *Hyacinthus*. Dein institutae sunt epulae opulentae, et cantore accinente nuptiae rite celebratae sunt laeta saltatione <sup>1)</sup>. Sed a nostro poeta immutari haec omnia — quoniam omittere noluit — necesse fuit. Finxit igitur certamina non ad explorandam hospitius virtutem sed in eius honorem esse habita, cuiusmodi nihil aliud habent veterum carmina. Certamina habebantur in *funeribus* ad honorandum principem vita functum, etiam inter *procos* haud raro vel potius semper habebantur, nam aut opibus patri puellae optatae oblatis hi certabant, ut in ipsa vita, aut pedibus manibusque, ut in fabulis multis, et sic in ipsa Odyssea inter Penelopes *procos arcus certamen* instituitur, olim autem Ulixi, cum *cursu* vicisset, Penelopen virtutis praemium ab Icario in matrimonium esse datam prisca fama fuit <sup>2)</sup>; sed *animi* tantum *causa* certamina inita a priscis moribus et a prisca arte fuerunt aliena <sup>3)</sup>. Honor autem haud magnopere appetendus in Odyssea sic fit heroi, cui succenseant et maledicant competitores! Etiam lautas epulas civibus ab Alcinoos sine iusta causa strui Odysseae poeta finxit, et hymnum Martis et Veneris non ad nuptias celebrandas sed ad delectandum tantum hospitem a Demodoco cantari, iuvenibus selectis interim saltationem artificiosam rite peragentibus, similem ei qua in aedibus Menelai celebratae sunt nuptiae eius liberorum <sup>4)</sup>, similem ei qua *ἱερὸς γάμος* deae Ariadnae sive sanctissimae (*Ἐρι-άγνης*) Cnosi olim

---

ὥς κεν Φαίηκεσσι φίλος πάντεσσι γένοιτο  
 δεινὸς τ' αἰδοῖός τε καὶ ἔκτελέσειεν ἀέθλους  
 πολλοὺς, τοὺς Φαίηκες ἐπειρήσαντ' Ὀδυσῆος.

1) Miri igitur videri nequeunt *Phaeaces saltantes* et *Demodocus cantans* exculpti in throno *dei Amyclaei* (cf. Pausan. III 18 § 7), qui deus prope *sepulcrum Hyacinthi* pie colebatur. Nam in honorem nuptiarum a deo Amyclaeo initarum haec saltatio primitus fuit celebrata.

2) Etiam labores difficillimi, qui Bellerophonti, Iasoni, Herculi, Theseo mandati sunt, nunc sunt commemorandi; nam *ἄεθλοι* et hi fuerunt, licet non ad puellam aliquam in matrimonium accipiendam inirentur.

3) Non hac facere Δ 389, ubi non de hospite neque de ludis, sed de peregrino cives audacter in certamen provocante fit sermo (cf. E 807), id hic dici vix est opus.


4) Cf. δ 17—19.

celebratus fuit in orchestra splendide ornata <sup>1)</sup>. Dein heros reliquit Nausicaam, ut Circen et Calypso reliquerat, et ad Penelopen suam rediit. Vana fuit „nuptiarum” illa vox in Scheriae littore et in ipsa Alcinoi regia identidem audita <sup>2)</sup>.

Carminis fontes qui dici solent inventu sunt difficillimi; verum autem fontem poesis nulla habet nisi in ipso ingenio poetae, et materie congesta aliter Musa poetam epicum uti iubet, aliter historiarum scriptorem. Huic verum anquirere, repertum fideliter servare, ne fictis adulteretur sancte cavere maximum est studium et officium, quae testes locupletes praeberint apte iunxisse, lucide exposuisse, gravi sermone enarrasse summa laus; poetis vero aliae artis leges sunt scriptae: non vera sed pulchra ab iis expectantur, neque quanta iis sit fides quaeritur sed quantum et quale ingenium. Itaque inepte agat qui de Iliadis vel de Odysseae fontibus simili ratione velit disputare atque de fontibus Thucydidis vel Diodori. Id quoque ineptum fere videtur, signis et litteris indicare velle quomodo e variis „fontibus” — ut nos quoque hoc vocabulo ambiguo et fallaci utamur — ducta fuerint quae poetae nostro praeberint Odysseae argumentum et materiem. Fortasse tamen quae modo disputavimus quadamtenus poterunt illustrari diagrammate quod subiuncturi sumus; periculum certe videtur faciendum an fabularum aliquod stemma, quod non nimis sit absurdum, possit componi:

1) Cf. Σ 591 sq.

2) Itaque eam opinionem, quam protulit Seeck (Quellen d. Od. 369): „priscum carmen, quod erat de *arcus* certamine, nihil habuisse de Ulixē regionem Phaeacum visenti, sed poetae qui heroem procos *hasta* adortum cecinerit hanc Odysseae partem deberi,” ita mutatam nostram facimus, ut statuamus eum poetam, qui sagittario non solum arcum et sagittas sed etiam hastam et ensē et socios tribuit propterea, quod ad adversarios plus centum confodiendos pharetra herois mortalis non haberet tela satis multa (cf. χ 116—121), — *Odysseae poetam* dicimus, — in orbem carminis de Ulixis Reditu compositi etiam Nausicaam recepissee primum.



Ulixes cum Troia capta *Ithacam* reverteretur, tempestate procul e cursu quem tenebat eiectus in marium longinquorum oris visit *Lotophagos*, *Cyclopes*, *Laestrygones*, *Circes*. Ab hac inssus adiit *sedes mortuorum*; dein, postquam varia pericula vix vita salva effugit, solus et naufragus delatus est in insulam *Calypsus*. Inde post longum temporis spatium patriam repetiit rate vectus, qua procellae vi disiecta naufragus denuo excidit in littore *Scheriae* insulae orientalis, ubi a filia regis et huius parentibus benevolentissime est acceptus. Hinc a *Phaeacibus* in *Ithacae* cavernam *Phorcyni* sacram reductus mox procos *Penelopen* uxorem in matrimonium sibi poscentes sagittis interfecit.

A brevi hoc conspectu absunt nonnulla, quae laxius cum argumento cohaerentia a poeta sunt inserta. Omisimus igitur *iter Telemachi* et omnino de Telemacho patris adiutore tacuimus <sup>1)</sup>, nec non de *Eumaeo*. Neque *Aeoli*, *Planctarum*, *Scyllae et Charybdis*, *Sirenium* nomina recepimus. Neque conati sumus lineamentis aliquibus indicare quomodo sit factum ut *boves solis* necati esse dicerentur a comitibus herois, qui ipse pridem sol fuisset <sup>2)</sup>.

Ad *Circen* quod attinet, ea quam Odyssaeae poeta celebravit, vivit in insula ortui Solis et Aurorae sedibus proxima, ipsius Solis filia. Aedes tamen, quam habitat in nemoris penetralibus, caverna primitus fuisse videtur, a Calypsus caverna nomine magis quam re distincta, in ultimo igitur occidente potius quarendam, ita ut ipsa Circe Calypso altera vocari possit. Utraque fuit *αὐδήσσα* sive *canora*, *ἀοιδάουσα* *ἐπὶ καλῇ* <sup>3)</sup>, perinde atque *Sirenes* sive mortuorum numina; utriusque potestati — ut rerum varie enarratarum caput paucis verbis indicemus — Ulixem eripuit Mercurius *ψυχροπόδος*.

Similem molestiam habent nomina *Phaeacum* et *Scheriae*. Nam Phaeaces, mortuorum portitores, nisi in caligine occidentali vel septentrionali, ubi etiam Cyclopibus et Gigantibus et Laestrygonibus suus est locus, habitare non potuerunt; Scheriam autem insulam beatam poeta collocavit in orbis terrarum parte illa, laetae spei plena, unde lux et ipsa vita mortalibus venit quotidie: et tamen Phaeaces Scheriae habitare fecit! „E Gigantum et Cycloporum videlicet regione Scheriam eos migrasse” finxit <sup>4)</sup>,

1) Cauer Grundfr. <sup>2</sup> 475 statuit inter carmina vetusta, quae Odyssaeae poetae essent cognita, unum aliquod fuisse quo celebraretur vir post annos viginti, cum filius adolevisset, eo ipso die quo uxor novas nuptias initura esset ad eam reversus (cf. σ 267—271), illam autem virum non Ulixem fuisse neque uxoris procos dein interfecisse; cuius fabulae argumentum a poeta nostro receptum esse in suum de Ulixia Reditu carmen. Credibilia haec neque veris dissimilia; fortasse tamen sola ratio chronologica illa, quam supra (pag. 16) indicavimus, poetae prae-buit personam Telemachi.

2) Fabulae quae sequuntur videntur confluisse: 1) sacra armenta caeduntur a naufragis, 2) Solis armenta in insula remota pascentur, 3) Solis armenta caeduntur a furibus (= armenta Ulixia a procis caesa). Hae inter se coniunctae prae-buerunt armenta Solis a comitibus herois, qui Sol fuisset olim, occisa in insula remota, cum illuc procella delati essent.

3) Cf. ε 61 x 227, 254.

4) Cf. ζ 4—8 η 56—66. — Sic poeta Iliadis, ut Diomedem heroem Aetolum in

audacter sic diversissima in unum confundens. Nam heros *iuvēnis caelebs*, qui visit *Solis filiam* et insulam in qua *Solis armenta* pascebantur, tandem pervenit in insulam gentis dis proximae et beatissime viventis, ubi regis filiam uxorem duxit; qui vero ex ultimo occidente et ipsa mortis caligine *ad uxorem* textricem *rediit* heros sagittarius, is postquam visit regna furvae Proserpinae, a *Phaeacibus* reductus est *in patriam*.

Insignem autem locum — ipsa enim victoria heroi ibi paratur — in nostro carmine obtinent quae de arcus certamine narrantur. Nusquam autem clarius apparet poetam suis inventis non sua intermiscuisse, nusquam clarius apparet quibus finibus circumscripta fuerit poetarum epicorum libertas. Suo nimirum carmini poeta Odysseae adaptavit quae adeo nota praeberent carmina antiquiora ut audientibus haud invitis ab ipso omitti non possent. „Sagittis heros adversarios peremerat”: e mytho solari hoc desumptum — nam in sagittis quis non agnoscit solis radios? <sup>1)</sup> — penitus increverat fabulae et a poetis servari necesse fuit. Ergo operam dedit poeta noster ut heroi suo, qui ante Troiam hasta et gladio, ut reges ceteri fere omnes, pugnasset armatus, non veles sagittarius <sup>2)</sup>, praeberet arcum eumque haud vulgarem. Apollo igitur Euryto Herculis aequali arcum olim dederat, ut Pandaro et Teucro, moriens autem Eurytus illum arcum reliquerat Iphito filio, hic Ulixi dono dederat; et sic Ulixes, postquam heros mortalis factus est, recuperavit arcum caelestem, quem suo iure olim tenuerat, cum deus esset lucifer. Iamque Apollinis illo arcu usus est ad inimicos die festo Apollinis confodiendos.

Hactenus apta et veri similia sunt omnia. Felicissimo dein

---

Peloponneso collocare posset, eius patrem Tydeum illuc migrasse aut ipse finxit aut post alios narravit E 119.

1) Eadem notio subest fabulae quae est de Polyphemo ignea teli cuspidē ab Ulixe caecato. Etiam sagitta qua Apollo Cyclopes fulminis ministros peremit hic est commemoranda, nec non Hercules Regem caliginis (E 395 sqq.) vel Gigantes (Eur. Herc. 177 sqq. al.) sagittis feriens.

2) Ulixes ὁ δουρὶ κλυτὸς cum ad expeditionem nocturnam proficiscens arcum requireret, ut Troianos circa ignes excubantes eminens petere posset, ipse in caligine latitans, a Merione sibi petivit, ipsi enim nullus erat (cf. K 260).



invento poeta effecit ut arcus ille pretiosissimus, quem Ulixes tum, cum in bellum proficisceretur, domi reliquisset, eo ipso tempore quo heroi opus esset ex thesauro, ubi cum ceteris regis absentis opibus asservaretur, expromptus perveniret in manus senis mendici, quem omnes putabant. Quam carminis partem praestantissimam et cuivis notissimam a nobis nunc enarrari minime est opus. Suus hic est poeta et egregia arte ita ministravit singula ut ad finem optatum tenderent. Una tamen res miros nos habet, quam non ab ipso poeta excogitatam sed — quod iam diximus — e fabula antiquiore repetitam sentimus. Hanc iam indicaturi sumus.

Unum igitur, quo reditum ad patrem Icarium et novas nuptias etiam differret, regina misera, quam urgent omnes, hoc invenit ut procis superbis et molestis proponat arcus certamen, quippe quae speret atque confidat inter eos nullum esse qui pristinum suum maritum arte iaculandi aequare possit. Sed artis sagittariae specimen illud, quod Penelope a procis poposcit, a poeta eiusmodi verbis describitur ut claram rei imaginem huius menti non esse obversatam appareat. *Roboris* periculum significant verba „ὃς ῥήϊτατα ἑντανύσῃ“, et mox procos frustra desudantes videbimus, dum arcum ingentem intendere frustra conantur; sic rex Scytharum is olim est factus, qui ad Herculis patris arcum intendendum satis se valere probavit<sup>2)</sup>, et Cambysae postea rex Aethiopum misit arcum, quem si posset intenderet<sup>3)</sup>. Itaque verba „διόιστεύειν σιδήρου“<sup>4)</sup> quivis ita intellegat ut Ulixes per ferreas aliquot laminas sagittam adigere dicatur fuisse solitus, et verba „πελέκεων οὐκ ἤμβροτε“<sup>5)</sup> πάντων

1) *Multi* quoniam rei periculum sunt facturi, sic indicatur quem regina ceteris sit praelatura. Sed quis facilius, quis difficilius arcum intenderet, quomodo poterat dignosci? Sequens autem verbum *διόιστεύειν* eiusmodi additamento caret et carere debuit necessario. Arcum intendere aut potest quis aut nequit, dein si intenderit, sagittam per secures aut recte traicit aut impingit; sed comparisonem haec vix admittunt. — Quod vero regina non addit quid sit futurum si plures iussum perficiant, id minus est molestum; nam *nullum* e procis victorem fore illa sperat et tantum non certo scit, nullum enim inter eos esse qui marito suo possit aequiparari.

2) Cf. Herodot. IV 9 sq.

3) Cf. ibidem III 21 sq.

4) Sic constanter: τ 587 φ (3, 61, 81), 97, 114, 127, 328 ω (168), 177.

5) Cf. φ 421. Est οὐχ ἀμαρτεῖν id quod τυχεῖν sive *assequi*, *ferire* igitur, non *vitare*.

πρώτης στείλειῃς" 1) vertat: *cunctarum securium summa capita Ulixes perforavit*, neque aliter ea verba interpretari sinere videtur ipsa lingua 2). Sed id si voluit poeta, procis propositum est certamen quod victoriae spem nullam haberet; non enim humanarum est virium, uno ictu perforare secures duodecim, sed divinarum 3). Et *deus* Ulixes fuit primitus, *securium* autem mentio quin ad dei caelestis cultum antiquissimum sit referenda non videtur dubium; qui cultus his praesertim annis ex aedium vetustissimarum rudерibus in Creta effossis melius quam antea innotuit, et recordamur quam multus sit ipse noster poeta in Creta commemoranda 4). Videtur igitur solis radios fulminum et nubium victores primitus significasse prisca fabula, et duodecim secures propterea commemorari quod duodecim sint anni menses; sed nihil eiusmodi cogitasse poetam Odysseae, id addi vix est opus, negari autem nequit obscurius enarrata esse quae ad certamen illud pertineant. Nempe e carmine, quod erat de Ulixis reditu, omitti non potuit sagittandi certamen vel iactus per secures, in antiquioribus enim carminibus haec per multas hominum aetates tradita omnibus innotuerant; itaque poeta noster, qui sagittandi neque curiosus fuit neque peritus, et auditoribus cecinit illam venatorum artem aspernatis, — inter milites enim arcus non iam in honore erat 5), — prisco hoc mytho ita fere ut aliquot saeculis postea Euripides duplicibus Dionysi natalibus aliisque priscis fabulis *τεκὼν ἀρέκοντί γε θυμῷ* est usus, carmini igitur, quod erat de rege mortali, adaptare

1) Quoniam *στείλειόν* ε 236 est *securis manubrium*, ratio fert ut *στείλειῃ* — quam *ferri* partem esse contextus docet, nam *διὰ σιδήρου* iactus fieri debet, — sit *fistula ferrea* inter bipennis alas media, cui manubrium sit insertum.

2) Ingeniosissimum interpretandi conamen mecum communicavit Naber vir doctus, Naberi τοῦ πάνυ filius: deorsum necessario vergere tela quaelibet, gravitate pressa, sed quanto maior iis sit celeritas, tanto tardius superiorem fieri vim gravitatis; itaque si modo celeritas sagittae sit multo maior quam viribus humanis ei possit tribui, fieri posse ut vel per seriem rectam foraminum exiguorum acta non impingat, sed per cuncta transvolet. — Utinam credere possem poetam nostrum id ipsum et voluisse et dixisse! Hoc fortasse possum, eiusmodi quid voluisse antiquiorem illum poetam, quem noster in hac narrationis parte est secutus.

3) Heroem solarem arcu ingenti sagittam *per aliquot arbores* transmittentem benevole e fabulis Indicis mihi indicat Speyer collega optimus.

4) Cf. infra pag. 44.

5) Satis nunc est indicasse vilipendentis illud *τοξότα λωβητήρ* Λ 385.

frustra conatus quae de deo olim cantata fuissent credibilia, quoniam τὰ ἀδύνατα πρὸς ἀνθρώποις δυνατὰ παρὰ θεῶν. Egregie sane pinxit procos arcum ingentem frustra diu tractantes, dein ira et pudore suffusos, cum nimis clare apparuisset certamini impares esse. Contemptus autem ille erro cum nervum sine ullo labore et veluti ludens intendit, ut qui citharae verticillo fidem iniciunt, et nos afficimur gaudio illo dulcissimo, quod olim pertentavit animos eorum qui carmen immortale ex ipsius poetae labris exceperunt primi. Nervus digito herois sollicitatus resonat: audimus sonum voci hirundinis similem, victoriae praesagum, et quanta arcus sit vis sonus ille stridulus clare nobis dicit. Dein is, quem nequam senem omnes hactenus duxerunt, sumit sagittam et scopum petit, sic temere, ne assurgens quidem e sedili. Cernimus ea omnia: — at ut etiam id quod deinde factum est cerneremus poeta efficere non potuit, quippe qui ne ipse quidem mentis oculis id satis clarum viderit.

Subsimile quid accidit ei qui Iliadi inseruit versus Ψ 850—883. Quo loco item habetur certamen sagittandi, praemium autem certaminis dicitur id quod nostro loco est certaminis instrumentum; nam victori ibi decem bipennes proponuntur praemium, ei qui secundus fuerit secures decem simplices, victor autem erit is qui columbam tenui funiculo alligatam ferierit, secundus qui ipsum funiculum, „minoris enim id esse artis”. Tum Teuceri sagitta columbam petentis casu infelici ita aberravit ut secaret funiculum, Meriones autem arcu cito correpto avem liberatam et rapidissimo volatu sursum enitentem prius transfixit quam in altum effugere posset. Apparet igitur illo quoque loco duas narrationes esse permixtas, quarum altera esset de sagittario qui vel filum sagitta posset ferire, altera de sagittario qui vel avem sub nubibus volantem posset assequi; coniunctim autem enarrando haec ita mutavit cantor ut vix etiam agnoscantur et fabulam admodum absurdam praebeant. Cum in Iliade tum in Odyssea secures aliquot ancipites et admirabile quoddam specimen sagittandi coniunctim commemorantur, Iliadis autem loco ad bipennes accesserunt totidem secures simplices: duas quae eiusdem argumenti essent fabulas in unum confluisse sic quoque apparet.

Quod autem notatu est dignissimum, etiam tertius quidam

locus Homericus, ubi arcus commemoratur, habet molesti quid. Nam Δ 105—116 poeta quin putaverit duo cornua ibicis vel caprae aegragri πῆχαι aereo (vel aureo) coniuncta arcum ingentem effecisse non videtur dubium, sed monuerunt viri qui harum rerum sunt periti arcum, qui quidem alicuius utilitatis futurus esset, ita fieri non potuisse: *laminas* potius *corneas agglutinandas* fuisse lento ligno; sic hodie arcus artificio difficili et diuturno revera fabricari inter gentes Asiaticas <sup>1)</sup>.

Vicit heros et Ulixem se esse vincendo ita probavit ut ea de re dubitare vix possit qui sanae sit mentis. Etiam ante arcus certamen initum et caedem procorum agnoverunt eum nutrix, subulcus, bubulcus; certissimum enim indicium praebebat vulneris olim accepti cicatrix. Et filio Telemacho est cognitus. Una uxor etiam nescit qui sit miser ille mendicus, quem despicatui omnes hactenus habuerunt. Credere diu haec recusat id quod spe maius tandem contigit, ut maritum adspiceret, neque suis ipsius oculis confidit. Ipsi rerum naturae hoc consentaneum, et in hac praesertim carminis parte admiramur poetam non iam materie priscarum fabularum onustum, sed ipsos cordis humani varios affectus verbis pingentem. Vix minus nos commovet Penelope maritum desideratissimum post longos annos tandem rediisse non credens, quam in Iliade Andromache marito, quem vivum ut iam mortuum deflevit, caeso balneum parans utpote e pugna superstiti. Diu speravit Penelope, iam sperare dediticit, non vult etiam sperare. Maritum brevi adfore audivit: non credidit; adesse eum et procos peremisse audit: non credit; eum adspicit et ex ipsius Telemachi ore audit patrem optatissimum tandem rediisse: non credit, quia credere non audet. Nam nunc decipi, id plane non foret ferendum, sed ipsa morte gravius <sup>2)</sup>. Penelopae ut persuadeatur plus requiritur quam ut Eumaeo vel Philoetio.

1) Cf. Fellner *Zachr. f. öst. Gymn.* 1895, 193 sqq., G. Schmid in *Comment. Min. Publ. Petrop.* 1901, vLuschan in *Festschrift-Benndorf* 189 sqq., Leaf *Iliad.* I<sup>2</sup> 584 sq. — Ceterum fortasse ne hi quidem versus ipsi Iliadis poetae debentur, sed postmodo sunt inserti (τῶξον — αὐτὰρ δ); nam Pandarum, cum in acie adstaret, arcum involucro tectum habuisse, id est quod miremur, et ab Apolline arcum accepisse dicitur B 827 O 441.

2) Cf. ↓ 215—217.

Egregia haec et magno poeta dignissima. Sed cum pervenimus ad versus quibus poeta narravit quomodo igitur viri callidi uxor callida tali coniuge dignam se praestans tandem ipsa sibi persuaserit, haeremus. Et primum quidem haeremus in ipsis verbis textus traditi. Nam cum regina viro, qui Ulixem esse se perhibeat, lectum sternere ministras iubet

ἐκτὸς ἔϋτταθίος θαλάμου τόν ῥ' αὐτὸς ἐποίει,  
ἐνθα γοι ἐκθεῖσαι πυκινὸν λέχος ἐμβάλετ' εὐνήν,

non congruunt verba Ulixis:

τίς δέ μοι ἄλλος' ἔθηκε λέχος;

exclamantis et his sequentibusque verbis Penelopae probans se revera eius maritum esse. Nam lectum aliorum translatum Ulixes mirari nequit, si ex ipso eo cubiculo, ubi olim eum collocaverit, afferre nunc iubeantur ancillae. Itaque ἐντὸς pro ἐκτὸς legendum esse apparet, item ἐνθεῖσαι pro ἐκθεῖσαι, nisi — quae Hartmani est sententia — praepositione omnino deleta scribendum sit ἐνθ' ἄρα γοι θεῖται. Ulixi in cubiculo, quod ipse olim sibi parasset, lectum collocari iubet regina, dein rex: „ergone ex „illo cubiculo lectus effractus et aliorum translatus est?”

Sed his vitiis e textu tradito remotis cum perpendimus verba, quibus Ulixes enarrat rem non nisi sibi et Penelopae cognitam, non possumus non mirari torum modo perquam insolito, ne plus dicamus, ab eo tum constructum cum uxorem ducturus proprium cubiculum in aedibus paternis sibi paravit, ut Hector vel Protesilaus <sup>1)</sup>. Arborem ingentem inclusit cubiculi parietibus et tecto, dein folia, ramos, truncum, totam denique arborem recidit, solo pede relicto, ut torum genialem ex hoc pede sibi fabricaret:

θάμνος ἔφυ τανύφυλλος ἐλαίης ἔρκεος ἐντός,  
ἀκμηνὸς θαλέθων· πάχετος δ' ἔεν ἥτε κίων·  
τῷ δ' ἐγὼ ἀμφιβαλὼν θάλαμνον δέμον, ὄφρ' ἐτέλεσσα,  
πυκνῆσι λιθάδεσσι καὶ εὖ καθύπερθεν ἔρεψα,  
κολλητὰς δ' ἐπέθηκα θύρας πυκινῶς ἀραρυίας.  
καὶ τότε' ἔπειτ' ἀπέκοψα κόμην τανυφύλλου ἐλαίης,  
κορμὸν δ' ἐκ ῥίζης προταμὼν ἀμφέξετα χχλκῶ κτέ.

Haec ioci potius causa dicta quam serio narrata viderentur,

1) Cf. B 701 Z 244 sqq I 147, 582 ζ 63 κ 5—12 al.

si iocis in hac carminis parte esset locus; nam Margiten potius illum, qui πολλὰ μὲν ἔργα ἐπίστατο, κακῶς δὲ πάντα, καὶ πάσης ἡμάρτανε τέχνης, quam Minervae alumnum τὸν Διὶ μῆτιν ἀτάλαντον huius cubiculi architectam fuisse dixerit quispiam. Quis enim nisi desipiens non prius amoturus erat arborem recisam, dein trunci partem imam cubiculo inclusurus, si tori operosa eiusmodi structura placebat. Nunc computatio simplicissima docet truncum arboris procerae in medio cubiculo stantis, columnae similis, decem certe metris non minoris, deici non potuisse nisi aut metrorum quadratorum ducentum ad minimum esset solum cubiculi, aut perfringeretur paries modo structus:



— „At potuit truncus frustatim recidi, vel erectus in cubilis angulum transferri, dein deici.”

Vera haec, et alia quae sunt huiuscemodi licet comminisci, sed supra quam dici potest sunt inepta neque quicquam quod eo tendat in ipso carmine legitur.

— „Sed non veluti ad amussim haec sunt exigenda: poetae, non Vitruvii opus legimus; non structoris haec sunt verba structoribus scribentis!”

Quadamtenus assentior sane, si modo concedatur non esse haec poetae libere fingentis, non esse enarrantis quae ipse mentis oculis viderit, nimis enim longe recedere ab ea ratione, quam cuivis, etiamsi artis aedificandi sit imperitissimus, commendet mens sana; poetam nunc quoque, ut saepe, priscam fabulam carmini suo inserere et utcunque adaptare. Nam, ut cetera mitamus et credibile ducamus heroem thalamum tam vastum, tam alte eductum ut turri quam cubiculo esset similior, solum scilicet sibi struxisse<sup>1)</sup>: *cur* tandem torum sibi fecit ex olivae

1) Admodum infeliciter hoc loco usus est Helbig ad demonstrandum artem aedes lapideas struendi tum cum nata sit Odyssea ultra prima rudimenta vix fuisse progressam. Cuius verba haec sunt: „es wirft ein bedenkliches Licht auf das Niveau der „damaligen Mauer-, Zimmer- und Tischlerarbeit, dass sich damit ... auch Laien „befassen” (Hom. Epos<sup>1</sup> 11 et 69 sq.). Odysseae hunc locum cum perlegimus, non est quod suspicemur fabrorum mortalium illorum, qui aetate poetae vixerint, exiguam fuisse artem, sed Minervae alumnum Διὶ μῆτιν ἀτάλαντον, cui etiam artium variorum, cum opus esset, plurimam peritiam dea praeberet, cubiculum ratione adeo operosa et praepostera sibi struxisse, hoc est quod miramur.

pede solo inhaerenti? Cavebatne ne ὑπὸ Ποσειδῶνος τοῦ σεισίχθονος ἐνοσίγαιου aliquando inde eiceretur, quemadmodum Alcibiadem terrae motu e reginae Lacaenae cubili excussum postea tulit fama maligna <sup>1)</sup>?

— „Apage facetias inficetas! Firmum et stabile coniugium sic significatur.”

Haec si cui placet interpretandi ratio, τοῖς ἐμοῖς μὴ χαιρέτω! Sed non multis eam hodie probari arbitror <sup>2)</sup>: aut nusquam aut hoc loco per verba poetae pellucet vestigia aevi vetustioris.

Nam tectum thalami deme, arboris autem ramis parce luxuriantibus, securim trunco ne admove: quid habemus? *Arborem sacram*, quales multas praebent Ilias et Odyssea:

τὰς δ' οὐ τι βροτοὶ κείρουσι σιδήρῳ! <sup>3)</sup>

Habemus

θάμνον τανύφυλλον ἐλαίης ἔρκεος ἐντός,

ἄκμηνον θαλέθοντα,

ut iterum ipsis poetae nostri verbis utamur: *olivam sacram peribolo* sive *σηκῷ cinctam*, quo a vicinia secernatur <sup>4)</sup>; habemus *ναὸν οὐκ ἔχοντα ὄροφον*, talem igitur *ναὸν* quales solos cognitos habuit poeta <sup>5)</sup>, cuiusmodi et postea fuit delubrum illud Matris deorum Arcadicum, quod descripsit Pausanias <sup>6)</sup>; cuiusmodi delubrum in quibuslibet aedibus privatis semper fuit Iovis *ἐρκείου*, cuius ara stare solebat *μέσῳ ἔρκει αὐλῆς*, ut loquitur Homerus <sup>7)</sup>; et recordamur loci Iliadis; ubi celebratur pater caelestis cum uxore in Idae cacumine sub celsa arbore congressus <sup>8)</sup>. Cavernam, in quam Ulixes a *Calypso* est receptus, inumbrabat vitis; cavernam, in qua a *Polyphemo* est inclusus, circumdabant lauri; caverna *Charybdis*, quam vita vix salva reliquit, sub ingenti caprifico erat abdita <sup>9)</sup>; cavernae *Phorcynis* sive Nympharum, unde Ulixes

1) Cf. Xen. Hell. III 3 § 2 et de illo loco Hartman Anal. Xen. I 322 sqq.

2) Huiusmodi quid si cogitasset poeta, aliqua ratione significasset; cf. e. g. A 234 sqq. vel Γ 300.

3) Cf. h. Ven. 268.

4) Ipsa vox *λιθάδες* ψ 193 huic interpretandi rationi favet.

5) Cf. Mnem. 1906 p. 181—193.

6) Cf. Paus. VIII 44 § 3.

7) Cf. II 231 A 774.

8) Cf. ε 287 sqq.

9) Neque vitis neque laurorum alibi apud Homerum fit mentio, neque caprifici nisi in Iliade, ubi commemoratur sacra quaedam caprificus tumulo Ili vicina.

tum emersit cum solum patrium pedibus primum pressit e longo itinere tandem redux, sacra oliva praeminebat, nec non ex olivæ umbra heros prodiit cum in *Nausicaae* conspectum venit primum: etiam locum ubi Ulixes cum *Penelope* vel potius — ut omissis nominibus propriis caput rei solum indicemus, non enim de *Odyssea* sed de mythis vetustis nunc loquimur, — ubi *deus sagittarius* cum *dea textrice* coniunctus est, oliva procera inumbravit. Arbore deae *Textrici* sacra, intacta, pervetusta insignis fuit locus ubi *ἱερὸς γάμος* fuit celebratus. Sub illa arbore — non in pede trunci recisi! — coniugibus stratus fuit torus; illic

*χθὼν δῖα 'Φύεν νεοθηλέα ποίην,  
λατὸν ἐγερσέντα ἰδὲ κροκὸν ἢδ' ὑάκινθον  
πυκνὸν καὶ μαλακόν* <sup>1)</sup>,

admurmurante fortasse fonte iugis aquae, ut in cavernis *Calypsus* <sup>2)</sup> et *Phorcynis* <sup>3)</sup>; similis igitur fuit *Ithacae* ille locus, ubi *Ithacus* insulae eponymus aram olim struxit *Nymphis* <sup>4)</sup>.

*Olivæ* autem quod eo de quo disputamus loco <sup>5)</sup> fit mentio, ipsi deae, quæ in *Ithacae* reginam abiit, olivam sacram fuisse inde efficitur. Neque mirum est, illi deae, quæ propter telam certis vicibus et crescentem et decrescentem fuit celebrata <sup>6)</sup>, in prisco ritu et in priscis carminibus sacram fuisse eandem arborem atque *'Αθηνᾶ Πανδρόσφ καὶ 'Εργάνη*, quam in urbis suae arce primam olivam in lucem evocasse gloriati sunt *Athenienses*, cuius antiquissimum *βρέτας* ex olivæ ligno caelatum fuit.

Ipsa arbor, de qua tam multa locuti sumus, stabat *Athenis* in delubro *Erechthei*, in aula prisca regiae *Cecropiae* sive ἐν τῇ τεμένει *'Αθηνᾶς Πανδρόσου*, almae deae, quæ agrorum sitim rore suo — *Lunae* dono — restinguit et homines docuit artes nendi atque texendi; cui quinto quoque anno *Athenienses* pompa sollemni pallam offerebant, telam *textrici*.

---

1) Cf.  $\Sigma$  347 sqq. — Etiam multis saeculis post simile fuit cubile *Adonidis* et *Veneris*. De hoc aliisque *Graecorum* et *Romanorum lectisterniis* cf. *Marquardt Handb. de. röm. Alterth. VI* 45 sqq.

2) Cf.  $\epsilon$  70.

3) Cf.  $\nu$  109.

4) Cf.  $\rho$  205—211.

5) Ut  $\nu$  102.

6) Cf.  $\beta$  93 sqq.  $\tau$  138 sqq.  $\omega$  129 sqq.



Altera quaedam Minerva fieri sic videtur Penelope; deae, quae heroem cura sollicita semper prosecuta et ab ira Neptuni tutata est, admodum similis fit uxor, quae fidelissimam ei se praestitit <sup>1)</sup>. Quod autem in orbem mythorum *Atticorum* sic incurrimus, id non est quod nos deterreat; recordamur enim ipsam deam, quae Ulixi adeo favit, „Atheniensem” proprio nomine esse vocatam et Athenis Neptuno superiorem tum evasisse cum olivam in lucem protulit; post cultum autem *Minervae Virginis* veluti latitasse cultum antiquiorem *deae uxoris et matris*, cui Erechtheus non alumnus terra editus tribueretur <sup>2)</sup>, sed verus filius <sup>3)</sup>; *Icarium* Penelopes patrem demi Attici Icariae — unde vitis et tragoediae origo repetebatur — esse eponymum, et *Maronem* sacerdotem, qui vino fragrantissimo Ulixem donavit, eponymum esse Maroneae, ubi Atheniensibus fuerunt argenti fodinae; *Nausithoum* et *Phaeacem* in fabula Attica, quae erat de Theseo, fuisse commemoratos <sup>4)</sup>, ut *Andociden* a Persepolide Nausicaae et Telemachi filio gentem repetentem <sup>5)</sup> et *Pisistratum* nunc mittamus; *Daedalum* — demi Attici Daedalidarum eponymum — deae Cretensi illi, quae cum Atheniensium dea Minerva Pandroso sit conferenda, struxisse orchestram Atheniensi similem <sup>6)</sup>; *Eleusinium* delubrum perantiquum <sup>7)</sup> et *Eleusinia* ludos omnium antiquissimos <sup>8)</sup> Athenis fuisse eius deae, cuius antrum Cretense Ulixes dicatur visisse <sup>9)</sup>; inter Athenienses

---

1) Quamdiu *deus* fuit Sagittarius ille *τηλέμαχος καὶ Διὶ μῆτιν ἀτάλαντος*, quem Ulixem vocare consuevimus, deae alicuius auxilio ei non fuit opus, nedam filii vel subulci opera fuerit usus; satis enim ad protegendum se et ad hostes confodiendos valebat ipse.

2) Sic iam Iliadis poeta, B 548.

3) Minerva Vulcani socia Athenis colebatur (cf. Plat. Criti. 109c Paus. I 26 § 6 al., Preller-Robert Myth. I<sup>o</sup> 190, 1); cui sacra pervetusta ferebant puellae Ersephori (Paus. I 27 § 4; cf. etiam 24 § 3).

4) Cf. Plut. Thes. 17.

5) Cf. Suid. s. v. Ἀνδοκίδης.

6) Cf. Σ 592. — In annotatione certe laudanda nunc sunt Useneri (Archiv f. Religionswiss. 1904, 313) verba: „ich zweifle nicht dass der Wettkampf (ἀγών) ... der „alten Attischen Komödie ... ursprünglich der stehende Kampf des Winter- und des „Sommergottes war.”

7) Cf. Andocid. de Myst. § 111 al.

8) Cf. [Aristot.] Rep. Ath. 54 § 7.

9) Cf. τ 188 et infra pag. 45, 3.

denique valuisse morem *nuptias* tempore interlunii ineundi, ad exemplum τῆς συνόδου solis et lunae, quam θεωραμίαν etiam sacris ferendis celebrare solerent <sup>1)</sup>).

At cur tandem proceram et decoram illam olivam poeta Odysseae aut is quem ille secutus est intactam manere non sivit?

Causa rei haud obscura est. Alius enim mythus ferebat τὸν ἱερὸν γάμον — nam sic Sagittarii et Tetricis coniunctio vocanda est de priscae fabulae origine disputantibus — celebratum esse in loco qui non nisi *arbore sacra* inumbraretur, ut fuit locus ille ubi Iuppiter cum Iunone in montibus Troianis congressus est: alius vero mythus in latebris *cavernae* sacra oliva protectae, Phorcynis igitur illi cavernae quam novimus simillimae, ut de Calypsus Cyclopi Charybdis cavernis nunc taceamus <sup>2)</sup>. Sic et de Iovis cum Europa matrimonio duplex fuit fama; quos alii <sup>3)</sup> in caverna Dictaea, alii <sup>4)</sup> sub sacra arbore convenisse ferebant. Quae imagines cum in unam confluxissent et in ipsam cavernam recepta esset oliva, deus autem in heroem mortalem abiisset, *caverna* illa abiit in herois *cubiculum*, *arbor* autem, quae „columnae instar erat”, foliis et ramis amissis in veram *columnam* abiisset <sup>5)</sup>, nisi plus valuisset vetusta illa fabula de arbore *cubile* coniugum protegenti; itaque ipsum cubile ex sacra illa oliva factum est, musis non sane faventibus, sed ne hanc ob causam reiciamus rei quam protulimus explicationem, cum alia dehortantur tum *nummi Gortynii*, ipsam rem veluti ad oculos demonstrantes, qui mulierem ostendunt in arbore sub corporis pondere incurvata necdum tamen foliis carenti sedentem.

Et sic antiquis Curetum allabimur oris. In *Cretam* pervenimus, ubi olim cultum esse numen cui sacra esset *bipennis*, adeo constat post effossa illic vetustarum regiarum rudera, ut in

1) Cf. Proclus ad Hes. Op. 780 Roscher Lex. Myth. II 3159 sqq.

2) Etiam tum cum Aethonem quendam Cnosium, Minois filium, Iovis nepotem esse se fingeret Ulixes, ad *sacram* quendam Cretae *cavernam* pervenisse se perhibuit; cf. τ 172 – 195 (supra pag. 42, 9).

3) Cf. Lucian. IX 15 § 4.

4) Cf. Theophr. H. Plant. I 9 § 5.

5) E cultu *arborum sacrarum* natum esse cultum illum vetustum *sacrarum columnarum*, de quo plurima sunt disputata ex quo archaeologi indefessa industria per-  
scrutati sunt rudera priscarum aedium Cretensium, id hic dici vix est opus.

communem iam hominum sermonem abierit res, quam antehac suspicari tantum poteramus. Nemo autem nescit plurimam variamque passim per Odysseam mentionem fieri Cretae, quam insulam cum *saltationum sacrarum* tum *sagittariorum* veluti patriam Graeci inde ab Homero dixerunt <sup>1)</sup>, et Ulixem tum cum falsa veris remixta narraret pastori quem putabat Ithacensi et Eumaeo et Penelopae, Creta oriundum et ex Iove progenitum se perhibuisse constanter <sup>2)</sup>, quin et ex Aetolo quodam Eumaeum olim audivisse Ulixem in regia Idomeni Cretensis esse versatum <sup>3)</sup>. Quae inter se collata luculenter testantur extitisse olim mythum quo Ulixes revera in Creta collocaretur et Iovi Minoi Idomeno fieret cognatus, vel potius — ut altius etiam adscendamus per mythologiae semitas arduas salebrosas obscuras — in Creta cultum olim fuisse numen illud solare, quod saeculis volventibus post multa rerum pericula tandem abiit in Ulixem illum Troiae victorem, quem novimus ex Iliade et ex Odyssea.

Nam ita mentiri solent heroes, cum *ψεύδεα πολλὰ ἐτύμοισιν ὁμοῖα* proferunt. Sic poeta Atticus, qui hymnum Cereris fecit, mythum priscum, qui fuit de mysteriorum Eleusiniorum origine *Cretensi*, non abiecit, licet argumento sui carminis, quod Cererem *Eleusinem* receptam celebrabat, non conveniret, sed ita inseruit ut mythus ille Cretensis abiret in narratiunculam ab ipsa dea fictam ad auditores decipiendos <sup>4)</sup>; extare illum mythum poeta negare non potuit, sed falsum esse sic veluti ipsius deae ore asseveravit. Haud aliter poeta noster Ulixem etiam de *Thesprotio* itinere „mentiri” quaedam fecit, quae e fabula ab argumento Odysseae aliena sunt desumpta <sup>5)</sup>; nam in Thesprotiam Ulixem revera venisse, Callidicen ibi uxorem duxisse, ex ea — aut ex alia virgine — genuisse Euryalum, priscae quaedam fabulae tulerunt <sup>6)</sup>.

Quo autem potissimum Cretae loco illud quod dicimus numen

1) Cf. Σ 591 sq. et K 260 Ψ 870.

2) Cf. v 256 sqq. ξ 199 sqq. (π 62 ρ 522 sqq.) τ 172 sqq.

3) Cf. ξ 382 sq.

4) Cf. h. Cer. 123 sqq. cum Diodor. Sic. V 77.

5) Cf. ξ 315—333 π 65 ρ 526 τ 271—299.

6) Cf. quae de Telegonia et de Euryalo Sophocleo sunt tradita, v Wilamowitz Hom. Unt. 187 sqq., Ed. Meyer Herm. 1895, 260 sqq., Gruppe Myth. 625, 10, 716.

olim fuit cultum? Ecquid *Amnisi* — haud procul a Cnoso — in caverna illa, quam *Ilithyiae* sive *Eleuthyiae* <sup>1)</sup> τῇ εὐλήνῃ θεῶ <sup>2)</sup>, *deae textrici*, sacram fuisse dixit poeta Odysseae <sup>3)</sup>? An in caverna *Dictaea* Lycto vicina, quae et olim inter Graecos clarissima fuit propter Iovis cultum vetustissimum et his annis sedule explorata nobis qui nunc vivimus melius innotuit <sup>4)</sup>? Ibine in latebris cavernae plurimis *bipennium* imaginibus exiguis etiam nunc refertae, cuius sola pars *septentrionalis* ab *hominibus* deum pie colentibus adibatur, pars *meridionalis adytum* efficiens <sup>5)</sup> et lento aquarum superne stillantium labore *varie ornata* <sup>6)</sup> Iovis infantis ab *apibus* <sup>7)</sup> nutriti cunas habuisse ferebatur, quaerenda sunt primordia fabulae quae fuit de Ulixis reditu? Odysseae sane poeta illam cavernam non celebravit, fortasse ne cognitam quidem habuit neque in Cretam venit unquam; attamen decora illa Phorcynis caverna imaginem cavernae Dictaeae quadamtenus refert. Etiam tertia quaedam caverna Cretensis cum fabula, quae fuit de Ulixe, coniungitur notitia vetusta, sed brevior quam vellemus: „Ἀρκέσιον ἄντρον τῆς Κρητικῆς Ἰδῆς <sup>8)</sup>”; nam *Arceusius* in Odyssea dicitur avus Ulixis. Ipsumne autem Ulixis nomen a Lycti sive Lytti urbis nomine est repetendum? <sup>9)</sup>

*Iuppiter Carius*, — i. e. caeli numen in Graecia ante adventum Achivorum passim cultum, — qui securi fulgida nubes findit <sup>10)</sup>, in Cretae saltibus colebatur tripudiis Curetum, eius uxor saltationibus perplexis labyrinthi <sup>11)</sup>. *Nomina* autem nu-

1) De Ilithyia sive Eleuthyia cf. Rutgers v. d. Loeff de ludis Eleusiniis; qui p. 70 haec scripsit: „deam, cui ante Cereris adventum Eleusis sacra erat, ex Creta oriundam conieceris.”

2) Sic Olen in prisco hymno apud Paus. VIII 21 § 3.

3) Cf. τ 188.

4) Cf. Hogarth British School Annual 1899, 94—116, Karo Archiv f. Religionswissenschaft. 1904.

5) Cf. v 109—112.

6) Cf. v 105—108.

7) Cf. v 106. Ab eiusmodi caverna, qualem pinxit poeta Odysseae, mari obversa, apes sunt alieniores.

8) Cf. Et. M. s. v.

9) Cf. p. 15 sq., 3.

10) Aevi antiquissimi memoriam etiam postea servarunt *securiculae ancipites aureae*, infantium Graecorum crepundia ἀποτρόπαια, quorum apud Menandrum et Plautum fit mentio (Men. Disc. 169 Plaut. Rud. 389 sq., 1154—1171).

11) Voces λαβύρινθος — sive *orchestrae* sive ipsius *saltationis* hoc nomen fuit (cf. χοροῦ vocis usus duplex) — et λάβρυς, quod *securis ancipitis* fuit nomen rituale sive

minum omisisse nunc praestat; nam sive *Iovem* et *Europam* dicimus, sive *Minoem* et *Pasiphaën*, sive *Dionysum* et *Ariadnen*, matrimonium „reginae” Atheniensis cum Dionyso quotannis pio cultu celebratum conferentes <sup>1)</sup>, eodem fere redit res, licet mariti caelestis matrimonium a variis gentibus Cretae τῆς ἐκτομπόμεως variis nominibus fuerit significatum.

*Herois* nostri *cubiculum* primitus fuisse *sacram cavernam* satis iam perspeximus, et melius quam antehac intellegimus cur Apollonius Rhodius sui carminis heroem cum Medea *in caverna* primum esse iunctum aut finxerit aut post alios cecinerit <sup>2)</sup>.

Confirmatur autem nostra opinio nomine *mulieris*, cui cubiculum illud, vel potius — ut Graeco nomine utamur — cui thalamus Ulixis conceditus fuisse dicitur. Praestat sic loqui, quia *duo* vel etiam *tria* Ulixis conclavia in Odyseea commemorantur. Quorum primum id est, cuius curam habuit *Euryclea*: vinum, oleum, aliae copiae domesticae ibi asservabantur <sup>3)</sup>. In secundo aurum aes ferrum alias res pretiosissimas seclusa tenuit ipsa regis uxor *Penelope* <sup>4)</sup>. De tertio, in quo collocatus fuit torus genialis, modo disputavimus, hoc autem custodivit *Eurynome*. Tres autem hos, quos carmen nostrum praebet, thalamos ex uno mytho procrevisse ipsa harum mulierum nomina inter se collata luculenter testantur, cum praesertim quarta adiungi possit ministra illa, quae cubiculo Nausicaae — sive Penelopes alterius, si ita loqui licet <sup>5)</sup>, — fuit praeposita. Huic θαλαμηπόλῳ nomen fuit *Eurymedusa* <sup>6)</sup>, quod nomini *Eurynomes* cum sono tum vi tantum

---

antiquissimum, quin inter se cohaereant non videtur dubium. Cf. M. Mayer apud Roscherum in *Lex. Myth.* II 1782, et de labyrinthi saltatione Benndorf apud Reiche-  
lium *Hom. Waffen* 1 133—139. Labyrinthi figuram antiquissimam nummi Cnosii ex-  
hibent *swasticam* (cf. Cook *Class. Review* 1903, 410, 1904, 326).

1) Cf. [Arist.] *Rep. Ath.* 3 § 5 [Demosth.] *Neaer.* § 74—78.

2) Cf. supra p. 28, 4. — Item postea Virgilius Aeneam cum Didone in antro congressum cecinit.

3) Cf. β 337 sqq.

4) Cf. φ 8 sqq.: *θάλαμος ὕσχατος* sive *cella interior* haec fuit. Quod autem β 338 etiam in illo conclavi, cui praefuit *Euryclea*, asservata esse dicuntur regis *aes* et *aurum*, aut non est urgendum discrimen hoc levissimum, aut librorum β et φ hi loci ita inter se sunt conciliandi ut ὕσχατον interpretemur cellae ab ancilla custoditae partem separatim clausam, in quam sola regina pervenire poterit.

5) Cf. supra p. 27, 5.

6) Cf. η 7 sqq.

non consimile est, — conferri possunt e. g. Achillis aurigae *Alcimedon* et *Automedon*, — utrumvis autem nomen quam male conveniat aniculae curam cellae vel cubiculi solam habenti, demonstrari non est opus, non enim ancillarum est *late imperare*, sed reginarum potentium; est dearum, est *deae Eurynomes* Oceani filiae, quam et aliunde novimus et ex ipso Homero <sup>1)</sup>. Neque *Eurycleae* nomen aptum est humili officio ancillae quae vinum tantum et oleum vel lodices et culcitas sibi habeat concedita; quod autem poeta narrat virginem illam nobilem, — nam patris et avi nomina commemorantur, — quam magno pretio Laertes emisset, eius uxorem quidem non fuisse, sed uxoris instar ab eo fuisse honoratam <sup>2)</sup>, *Anticlea* altera — quod nomen uxori Laertae, matri Ulixis in *Odyssea* tribuitur — veluti ante oculos nostros fieri sic videtur, non ministra sed regina, quam *ῥέδνισι* more solito a patre emerit maritus, non pretio dominus a venditore. Utque inter se haec omnia coniungeremus, si non cogeret ipse nominum quae attulimus sonus, haec quibus poeta sub carminis finem usus est verba coegissent:

*Εὐρυόμην τε ἰδὲ τροφὸς ἦντιν ἐὺνῃν* <sup>3)</sup>.

Nam aut nusquam aut hic cernitur quid sit contaminare fabulas. Primitus autem — id est ante multas hominum aetates quam *Odysseae* poeta est natus — ea, quae *per dicionem immensam late imperare et fama late celebrari* dicta est, fuit dea, cui caverna quam diximus sacra fuit, *Opis* illa sive *᾽Ωπὸς θυγατήρ*, ut *Odysseae* poeta locutus est <sup>4)</sup>, cuius „sepulcrum” sive caverna celebrabatur *Deli* <sup>5)</sup>, *Terra Mater*, ex cuius gremio obscuro prodiit quicquid vivit, in cuius gremium redeunt omnia et omnes qui vixerunt <sup>6)</sup>.

1) Cf. Σ 398 sqq.

2) Cf. α 428—433.

3) Cf. ψ 289.

4) Cf. α 429 β 347 υ 148.

5) Cf. Herodot. IV 34 sq.; Opis, quae „Dianae famula” vel „nutrix” vocatur, primitus fuit „alma dea terrestris” (S. Wide).

6) Etiam *Eurydice*, quae Orphei sive regis tenebrarum fuit uxor, huius deae est nomen paene consimile. Praeterea in annotatione certe indicandae nunc sunt *Hathor „sycomori dea” Aegyptia*, de qua cf. Roscher Lex. Myth. I 1850—1854, et *Adrastea* sive *ea quam nemo effugit*, — veluti *Adrastus* sive *Dis* quaedam femina, — quae Iovem infantem in caverna Cretensi educavit (Call. h. Iov. 47, Apoll. Rh. III 133).

Vita e morte, lux e caligine prodiens, sol tenebris occidenta-  
ibus quotidie haustus, a parte orientis denuo mox emersurus <sup>1)</sup>,  
sol post languorem brumalem suas vires recuperans et terram  
ex torpore excitans, matrimonium Sagittarii caelestis cum Tex-  
trice telam identidem resolventi, haec omnia, quae nominibus  
*Circes*, *Calypsus*, *Penelopes* breviter significari nunc possunt, in  
carminibus vetustissimis celebrata praebuerunt partem materiei,  
e qua structa est Odyssea; sed ita praebuerunt ut non nisi  
pauca quaedam veteris aevi vestigia, ut certa, sic tenuia, ipso  
poeta inscio hic illic remanserint, lectoribus hodiernis non nisi  
acerrime oculos intentantibus deprehendenda.

De Odysseae *chronologia* denique, re saepe et a multis tractata,  
pauca quaedam sunt addenda.

Anno igitur post eum quo bellum Troianum est initum un-  
devigesimo ad finem vergente Odyssea incipit.

*Die I* ( $\alpha$ ) Ulixem ex insula Calypsus tandem in patriam re-  
dire Iovi ceterisque caelitibus placuit petente Minerva, quae  
ipsa Telemachum Ithacae visit utque virum adultum se prae-  
staret hortata est.

*Die II* ( $\beta$ ) Telemachus cum in concione Ithacensium de pro-  
corum impudentia frustra esset conquestus, iter in Peloponnesum  
suscepit, ut Nestorem et Menelaum, qui e bello dudum rediis-  
sent incolumes, de patris sorte interrogaret.

*Die III* ( $\gamma$  1—403) Telemachus visit Nestorem, qui certi di-  
cere nihil habuit.

*Die IV* ( $\gamma$  404—490) Telemachus iter Pylo Spartam iniit.

---

1) Ita loqui non Odysseae potissimum argumentum nos iubet, in qua ἡ νέκυια  
quaeque eiusdem sunt generis antecedunt τὸν νόστον, sed ipse veterum mos cursum  
temporis in νυχθήμερα sive νύκτας τε καὶ ἡμέρας — non ἡμέρας καὶ νύκτας —  
dirimendi, qui et aliunde et ex ipso Homero (e. g. A 424 .χθιζός') est cognitus.  
Computandi initium sic non *ortus* solis praebet, sed eius *occasus*, vel potius κνίφας  
ἐπερχόμενον, νύξ οὐρανὸν δρινομένην: diem nox non sequitur, sed antecedit, νύξ ἐνα-  
ριζομένη τίττει ἥλιον, ut verbis Sophocleis utamur. In melius igitur, non in deterius  
tendere rerum natura sic videtur: non singulis diebus ad finem vergentibus novo  
luctu opprimi ob lucem mersam, sed sub singularum noctium exitum nova lucis mox  
emersurae spe erigi. Sic series syllabarum brevium et longarum, alternis vicibus col-  
locatarum, prouti in iambos aut in trochaeos dividitur, aut laeto impetu assurgere  
aut tristius decurrere videtur. Quas res fusius hic exponi neque necessarium videtur  
neque sinit spatium.

*Die V* (γ 491—δ 305) Telemachus pervenit ad Menelaum.

*Die VI* (δ 306 sqq.) Menelaus Telemachum docuit se e Proteo maris deo ante annos aliquot audivisse, Ulixem in insula Calypsus vivere. Proci autem cum audivissent Telemachum in Peloponnesum abiisse, insidias ei pararunt, ut redeuntem interficerent.

*Die VII* (ε 1—227) a Mercurio Iovis nuntio Calypso iussa est Ulixem abire sinere.

*Diebus VIII—XI* (ε 228—262) Ulixes ratem sibi struxit.

*Diebus XII—XXVIII* (ε 263—278) per mare iter fecit.

*Diebus XXIX—XXXI* (ε 279—389) procella correptus et rate fracta cum fluctibus est luctatus.

*Die XXXII* (ε 390 sqq.) in littore Scheriae insulae excedit.

*Die XXXIII* (ζ, η) a Nausicaa Alcinoi regis filia, dein ab ipso Alcino benevole est exceptus.

*Die XXXIV* (θ—υ 17) Alcinous in hospitis honorem ludos habuit; dein Ulixes ei et convivis casus suos enarravit.

*Die XXXV* (υ 18—187) Ulixes a Phaeacibus Ithacam est reductus.

*Die XXXVI* (υ 188—ο 188) a Minerva in senem mendicum mutatus Eumaeum subulcum adiit, apud quem noctem transegit. Telemachus autem Sparta rediit Pheras.

*Die XXXVII* (ο 189—494) Telemachus Pheris Pylum, inde per noctem Ithacam iter fecit, procos in insidiis se expectantes latens. Ulixes apud Eumaeum remansit.

*Die XXXVIII* (ο 495 sqq. et π) Telemachus ab itinere redux visit Eumaeum, apud quem invenit patrem, qui ei soli agnoscendum se praebuit.

*Die XXXIX* (ρ—υ 90) Ulixes mendici partes agens adiit regiam, ubi a procis contumeliose habitus, dein cum regina confabulatus, noctem transegit.

*Die XL, qui fuit novi anni primus* (υ 91—ψ 343), Penelope procis sagittandi certamen proposuit, dein Ulixes procos peremit et uxori agnoscendum se praebuit.

*Die XLI* .ψ 344 sqq. et ω) Ulixes visit Laertem patrem, dein procorum caesorum agnatos profligavit.

Inter se iuncta igitur haec, quae poeta de temporis decursu hic illic cecinit, seriem dierum plus quadraginta praebent. Sed



multum abest ut menti ipsius poetae hoc temporis spatium perpetuo fuerit obversatum. Qui si accuratam temporis rationem inde a carminis exordio instituisset, Telemachum non ante, quam Ulixes e Calypso insula profectus est, iter iniisse finxisset, sed vigesimo demum die post. Nunc bis haeret rerum decursus; nam neque liquet cur Mercurius septimo demum die, postquam Minerva a Iove petiit ut ad Calypso eum mitteret, revera illuc sit missus <sup>1)</sup>, neque cur Telemachus mensem integrum Spartaе nihil agendo transegerit.

Itaque dierum hanc seriem postquam descripsimus, neglegamus oportet dum Odysseam perlegimus, ne iniuria fiat poetae in his rebus negligentiori. Qui si melius consulisset chronologiae, ipsi suo carmini minus bene consulisset. Sic enim inde a carminis initio Ulixis reditus ex insula Calypso ei fuisset enarrandus; nunc vero in libris  $\alpha$ — $\delta$  sorte misera Penelopes atque Telemachi et impudentia procorum ante oculos audientium positum animum nostrum veluti dramatis prologo praeparavit antequam eum qui primarum esset partium in scenam induceret. Dein autem numerum dierum non anxie computavit, sed Telemachum die tertio postquam Menelaum visit ab eo abiisse, octavo igitur itineris die Ithacam rediisse sumsit <sup>2)</sup>, procos autem non per dies triginta duos, sed per triduum eius reditum in insidiis expectasse.

Quo errore chronologico carmen contaminatum argui multi statuerunt. Mihi secus videtur. Nam qui opera aliena refingunt vel inter se coniungunt, cavere solent ne singulae partes operis musivi, eae praesertim quae numerandi et computandi periculo sint obnoxiae, nimis aperte inter se discrepent; ipsorum potius poetarum est temporum rationes minus anxie exigere. Poetam nostrum quod fugit vitium et fugere facillime potuit, id manu interpolantium non deprehendi vix et ne vix quidem potuisset, nedum ab iis in textum potuerit invehi. Nam statim apparet illud quod diximus vitium ei qui rerum in Odyssea enarratarum summam totam simul mente complectitur: non apparet ei qui aurem praebet ipsi poetae singulas res deinceps fuse enarranti.

---

1) Cf.  $\alpha$  84 sq. cum  $\epsilon$  28.

Congruit  $\beta$  373 sq.: *intra decem dies iter perfecturum se confidit Telemachus.*

---

# OBSERVATIUNCULÆ AD PHAEDRUM.

SCRIPSIT

L. RANK.

(*Continuantur e Vol. XXXVIII pag. 277.*)



Antequam rerum ordine ductus quarti iam et quinti libri fabularum locis quibusdam recensendis operam impendam, ad notissimum locum illius prologi sat longi, quo tertium suum librum commendat Phaedrus, recurrere mihi liceat. Plus semel enim quasi sponte ad locum illum revertabar, dum posteriorum librorum fabellas singulas perlustro. Ceterum, ut exspectari poterat, dum sedulo hanc illamve posteriorum fabellarum ad prologi, quem volo, locum adhibeo, nihil sum lucratus, quo aut prologum aut fabellam melius cognoscere possem. Nihilominus certissimam mihi super hac prologi parte informavi opinionem, aut, ut verecundius loquar, libenter sum astipulatus paucorum quorundam virorum doctorum interpretationi, quæ nunc, quod sciam, relicta paene iacet.

Versiculi, quos integros exscribam, hi sunt (Lib. III Prol.):

- Nunc, fabularum cur sit inventum genus,  
Brevi docebo. Servitus obnoxia,  
35 Quia quæ volebat non audebat dicere,  
Adfectus proprios in fabellas transtulit  
Calumniamque fictis elusit iocis.  
Ego porro illius semita feci viam.  
Et cogitavi plura quam reliquerat.  
40 *In calamitatem delicens quaedam meam.*  
Quod si accusator alius Seiano foret,

Si testis alius, iudex alius denique,  
 Dignum faterer esse me tantis malis,  
*Nec his dolorem delenirem remediis.*

- 45 Suspicionem si quis errabit sua  
 Et rapiet ad se, quod erit commune omnium,  
 Stulte nudabit animi conscientiam,  
 Huic excusatum me velim nihilo minus:  
 Neque enim notare singulos mens est mihi,

50 Verum ipsam vitam et mores hominum ostendere.  
 Praecipua interpretatorum cura versata est in explicandis versibus  
 quadragesimo et quadragesimo quarto, quos literis dedi inclinatis.  
 Atque ut statim utrorumque sententias illustrem lucideque inter  
 se opponam, libet quam brevissime repetere, quid olim dixerint  
 Nisard <sup>1)</sup> et Hervieux <sup>2)</sup>, quorum uterque in hac re profecto  
 πολλῶν ἀντάξιός ἔλλων. Haec igitur Nisard:

Phèdre nous dit brièvement, qu'il ne se trouva pas bien  
 d'avoir traité certains sujets:

In calamitatem deligens quaedam meam.

Mox haec:

Tant mieux, si au sein de réalités pénibles, il a été bercé  
 quelquefois par ces espérances plus nobles que modestes, s'il a  
 moins souffert alors de ces chagrins, comme il le dit lui-même:

*Nec his dolorem delenirem remediis.*

Hervieux contra quadragesimo versu laudato addit:

„D'où il faut nécessairement conclure, que c'est son adversité,  
 qui lui inspira ses fables et non ses fables, qui lui valurent  
 son adversité.”

Mox:

„Car il indique lui même le double motif de sa détermina-  
 tion, qui a été en premier lieu d'écrire sous la forme la moins  
 dangereuse possible:

Calumniamque fictis elusit iocis  
 et ensuite d'employer ses écrits à se consoler des misères, que  
 Sejan lui suscitait.” Phaedri versum non addit, sed nemo non  
 sponte id faciet.

1) Oeuvres complètes d'Horace, de Juvénal etc (Paris-Didot) p. 692, 694.

2) Les fabulistes latins. Tom. I p. 16, 18.

En controversia exposita. Οὐκ εὐκρίτον τὸ κῆρυμα declaranti tibi, lector, libenter assentiar. Nam cum olim Hartmanus nostras strenue et sagaciter contra Schwabium priorem illam Nisardi interpretationem impugnavisset, hanc alteram, quam iam ante eum protulerat Hervieux, propriis novisque argumentis commendasset <sup>1)</sup>, haud cunctanter ei oblocutus est vir summae hac in re auctoritatis, Lucianus Mueller <sup>2)</sup>. Post hunc, quod sciam, alterius interpretationis defensor novus exstitit nullus, priori et vetustiori astipulati sunt multi <sup>3)</sup>.

Minime igitur ἐπὶ τὸν εὐτυχῆ πηδῶν interpretationem, quam dederunt Hervieux et Hartman, iterum commendare conabor.

Incipiam a loci paraphrasi secundum interpretationem nunc vulgo acceptam:

Servus Aesopus olim, quae cogitabat quaeque experiebatur fabellis descripsit et ita calumniam elusit. Ego Aesopum sum secutus, quin etiam plura excogitavi, *fabulis nonnullis compositis ipse mihi calamitatem contrahens*. At si non a nequam illo Seiano sed ab alio quodam accusatus et damnatus essem, aequo animo calamitatem meam ferrem, *nec fabulis conscribendis dolorem levare conarer*. Quisquis autem putaverit, se potissimum fabella aliqua carpi, se ipse accusabit. Nam singulos notare nolo, hominum mores tantum et vitam describere cupio.

Quam egregie tota haec ratiocinatio mihi displicet! Nonne importunissimus est nuntius ille subito quasi e latebris prosiliens, ut nos necopinantes de Phaedri malis certiores faciat? Mirum hercle, quam sedulo vitaverit poeta, ne lectores suos moneret, quam diversa fuerit Aesopi sors, quippe qui calumniam semper elusisset, a fato imitatoris, quem fabulae pessumdedit. Mira porro, ne dicam absurda mihi videtur ista querela: „si non a Seiano damnatus essem (ob fabellas nimirum), malum meum ferrem nec levare id conarer . . . . fabulis conscribendis.

1) Commentatio de Phaedri Fabulis p. 4 sqq.

2) Berliner Philol. Wochenschr. 1890 Sp. 1302.

3) Martin Schanz (Gesch. der röm. Lit. II<sup>a</sup> 2 p. 29). Nisard (Les poètes latins de la décadence Tom. I p. 11). L. Havet (Phaedri Fabulae Aesopiae p. 262 § 158). Speyer (in fabularum editione sua ad locum nostrum). Otto Ribbeck (Gesch. der röm. Dichtk. III p. 22). Dubitasse videtur Teuffel (Gesch. der röm. Lit. 6te Auflage, neu bearbeitet von Kroll und Skutsch Tom. III p. 210).

Denique minime sane est absurdum, poetam aliquem iam semel ob versus suos damnatum lectores monere „ne rapiant ad se, quod erit commune omnium“, vix tamen in re tam dubia ex illis poetae verbis argumentum mihi fingere ausim, quo demonstrem eum iam semel ob versus fuisse condemnatum. Insuper equidem vix dubitaverim, quin Phaedrus noster, si iam ob carmina afflictus esset, huic suae admonitioni, si non plura, vocabulum *iterum* saltem additurus fuerit <sup>1)</sup>.

Nunc audiamus Muellerum:

„Hier zeigt schon des Phaedrus Behauptung, die Fabel sei von Aesop erfunden um unter täuschender Maske die Wahrheit sagen zu dürfen, er aber sei diesem Beispiel gefolgt und habe zum alten Bestand noch Neues gefügt, dass die Worte: in calamitatem e. q. s. *nur* erklärt werden können, wie es in der Regel geschieht durch: „zu meinem Unglück manche Stoffe wählend“, nicht wie einige Gelehrten thun, denen Hartman folgt: „nonnulla applicans ad mala, quae passus sum“. Rationationem vel potius asseverationem non concoquo. Dicit Ph.: Aesopus fictis iocis enuntiavit, quod palam dicere reformidavit. Ego τὸν σοφὸν secutus sum, quin etiam nonnulla de meo addidi. Quare nunc potius addendum fuerit poetae: id mihi cladi ac damno fuit, quam: id feci ut hic illic propriam calamitatem illustrarem, id non perspicio neque, ut opinor, unquam perspiciam.

Persequamur Muelleri argumenta:

*Es ist sehr wahrscheinlich dass hinter Vs. 40 eine grössere Lücke ist, worin mitgeteilt wurde, welches Unglück den Dichter betroffen, vielleicht auch näheres über den Grund der Anklage. Denn sonst hat Vs. 49: nec his e. q. s. keinen Sinn. Man darf „his remediis“ nicht von der Poesie des Ph. verstehen, da er ja schon vorher (Vs. 21, 22) seine unbezwingliche Begeisterung für die Musen gehörig betont hatte. Sat audacter haec sunt dicta. Argumentorum πειθανάγκην examinemus: „Cave“ inquit Mueller „ne versum:*

Nec his dolorem delenirem remediis

---

1) Ultima contra Speyerum v. cl. praesertim disputavi, siquidem ille putat vs. 45 sqq. Nisardi interpretationem „quam maxime confirmari“.

de Musa Phaedrīana malorum consolatrice dictum accipias. Nam sat multus iam fuit noster in praecedentibus de Musis atque de poesi sua. Quam debile hoc sit argumentum, pluribus demonstrare supersedere possum. Lacunam igitur sat magnam statuit Mueller post vs. 40, quam sibi Phaedri querelis impletam fingit, ut deinde versu nostro poetam ad proprias querelas respicientem inducat. Quantopere hac explicatione versiculi vis imminuatur, evanescat verborum color proprius, sentire magis quam demonstrare valeo. *Gravissimum illud accedit, quod versiculo ita explicato, illa quae statim sequuntur nullo prorsus cogitationis vinculo cum praecedentibus cohaerent.* Quapropter totam Muellieri interpretationem reicio. Ceteroquin minime obliviscendum, *antiquae interpretationis dimidiam tantum partem a Muellero defendi.*

Atque haec de quaestionis forma, ut ita dicam, satis sunt disputata. Nunc res videamus, quibus Nisardi explicationem fulcire possimus. Desunt, opinor. Nam quidquid cognitum habemus de Phaebro ob carmina lege maiestatis subverso, id omne e prologi nostri interpretatione, quam tractamus, originem ducit. Notissima, decantata paene dixerim sunt illa, quae viri docti protulerunt de primi libri fabulis secunda et sexta in Tiberium et Seianum conscriptis. Optimo iure iam olim Nisard temeraria illa commenta refutavit, dum rogat, cur de splendida illa Phaedri audacia nusquam alibi mentio sit facta. Ex asse astipulor verbis eius: „Tout cela est une belle histoire, ou plutôt serait le thème d'une belle histoire” <sup>1)</sup>. Atque equidem rogare ausim, num credibile sit, impudentem illum plebeium Phaebum, si re vera tam gravi inquinasset Seianum contumelia, post fabellas cognitās per unum diem vivere potuisse.

At nihilo minus Nisard scripsit: A la vérité il faut toujours (i. e. opinor: omnibus testimoniis deficientibus) supposer que Phèdre fut maltraité pour des allusions contre Séjan et Tibère <sup>2)</sup>, atque vix dubitat Mueller, quin Phaebus lege maiestatis sit condemnatus <sup>3)</sup>. Quin etiam de poena, qua miser poeta est af-

1) Les poètes latins de la décadence Tom. I p. 10.

2) Ibid. p. 11.

3) In disputatione supra laudata.

fectus, vix dubitare nos sinit Havet, qui in versu septimo prologi nostri cum Grunero *exitium* in *exilium* mutavit. Hic vero aliquanto periculosius videtur mihi credere quam non credere. Credant igitur viri illi, tam bene de Phaedro meriti, postam ob carmina damnatum esse, ego non credo.

Alteram nunc interpretationem videamus. Atque nova documenta vel argumenta, quibus eam lectoribus commendem, post illa quae protulerunt Hervieux et Hartman non habeo. Neque dum atra premitur nocte quidquid iniuriarum Phaedrus perpesus est, novi quicquam opinor proferetur. Ceterum idcirco praesertim commendatam velim iterum hanc alteram loci explicationem, quod miror eam se ipsam tot viris doctissimis commendari non potuisse.

Optimum igitur videtur et nunc loci paraphrasin praemittere, subinde paucissimis absolvere, dum expono quibus iam molestiis simus liberati.

Servus Aesopus olim, quae cogitabat, quaeque experiebatur fabellis descripsit et ita calumniam elusit. Ego Aesopum sum secutus, quin etiam plura excogitavi, atque in his nonnulla sunt, quibus <sicut Phryx ille> *propriae vitae aerumnas et calamitates illustravi*. <Quid enim?> Si non a nequam illo Seiano sed ab alio quodam accusatus et damnatus essem, aequo animo calamitatem meam ferrem, *nec fabulis conscribendis dolorem levare conarer*. Quisquis autem putaverit, se potissimum fabella aliqua carpi, se ipse accusabit. Singulos enim notare non studui, *verum <illic etiam, ubi de propriis infortuniis sermonem faciam> vitam humanam illustrare propositum mihi erit*.

Quam apte nunc post Aesopi illos *affectus proprios in fabellas translatos*, post *calumniam fictis iocis elusam* mentio fit de fabulis nonnullis ab ipso Phaedro *in calamitatem suam delectis*. Mihi quidem melius haec placent quam ἀποδόκητον illud Phaedri malum ex eius carminibus ortum. Quam commode porro atque simpliciter cum proxime praecedentibus nunc cohaerent illa:

Nec his dolorem delenirem remediis.

Nunc demum, si quid sapio, verba suam sibi habent vim, nunc, si quid sentio, versiculi color paene Ovidianus apparet. Prae simplici ac lucida hac sententia, quam ipsa Phaedri verba

quasi sponte praebent, sordere mihi videtur Nisardi interpretatio, ne loquar de remedio quo Mueller locum sanare conatus est. Aptissima nunc denique ultima Phaedri admonitio videtur. Praesertim attendamus versus:

Stulte nudabit *animi conscientiam*.

Huic excusatum me velim *nihilo minus*.

Nonne verba *animi conscientiam nudare* optime a Phaedro dicuntur in eos, qui eum Seiano adiutore malo affecerunt? Nonne in priore illa loci interpretatione languida et supervacua sunt vocabula *nihilo minus*, quibus in hac posteriore utcunque opus est ad illustrandam hanc Phaedri sententiam: Ne illos quidem, qui mihi nocuerunt, fabellis meis notare volo. Quapropter vel iis, qui culpa probe sibi sunt conscii quique ut perstringantur dignissimi sunt, *nihilo minus* me excusatum velim.

Promissis suis male stetisse poetam, et ipsius viri indoles et ipsa fabularum conscribendarum ratio perquam reddit verisimile. Atque equidem vix dubitaverim, quin una alterave tertii libri fabella, acerbius fortasse quam ipse voluerit, adversarios quosdam perstrinxerit Phaedrus <sup>1)</sup>. In libri epilogo leguntur hi versiculi:

Excedit animus quem proposuit terminum,

Sed difficulter continetur spiritus.

Ecquid his verbis sat obscuris nimiae acerbitalis ipse quadamtenus paenitentiam agit poeta? Sequuntur haec:

Integritatis qui sinceræ conscius

A noxiorum premitur insolentiis.

Qui sint, requires; apparebunt tempore.

„Noxii” illi fortasse Phaedri aequalibus innotuerunt, fortasse iam cum poeta versiculos suos conscriberet nonnullis, qui scire cuperent, noti erant. Nos autem latent atque opinor latebunt. Optimo tamen iure Hartman in prologi interpretatione sua versus, quos laudavi, ad argumentationem suam stabiliendam attulit. Atque aptissime, hercle, ut hoc unum addam, Phaedri animus *integritatis sinceræ conscius* opponitur illorum improborum menti, qui quasi sponte *animi conscientiam nudant*.

1) Quoniam omnia hic sunt incerta, meris suspicionibus proferendis operam et oleum perdere nolui. Quid e. g. cogitandum est de III 4. 6?



Ceteroquin epilogo hoc sat singulari omnino opus non esse ad prologum, quatenus quidem fieri possit, recte interpretandum, praecedentibus demonstrasse mihi videor.

Disputatiunculæ meae hoc corollarium additum velim. In notissima sua „Romanarum literarum historia” Martin Schanz <sup>1)</sup> de versu:

Quodsi accusator alius Seiano *foret*

haec scripsit:

„Diese Worte können grammatisch nur so verstanden werden, wenn sie zu Lebzeiten Seians geschrieben wurden” e. q. s.

Quae si vera essent, novis in hac re molestiis iisque sat gravibus implicaremur. At nihil omnino obstat, quominus *foret* pro *fuisset* dictum accipiamus. Iam olim complura huiusmodi „libertatis” exempla contulit J. Fr. Gronovius ad Liv. XXXIV 11.

#### Lib. IV 2. 5:

Non semper ea sunt, quae videntur; decipit

Frons prima multos, rara mens intellegit,

Quod interiore condidit cura angulo.

Hoc ne locutus *sine mercede* existimer,

Fabellam adiciam de mustela et muribus.

Quaeritur adhuc, quid significant verba simplicissima *sine mercede*. En vera crux interpretum. Veterum commenta varia est videre in Burmanni editione neque opinor opus est repetere, quomodo complures ad hunc locum allegaverint Plinii verba: assem para et accipe auream fabellam. Merae hae sunt nugae.

Ad Lucani illa:

scelera ipsa, nefasque

*Hac mercede* placent.

(Pharsal. I 37 sq.)

olim annotavit Burmannus: „Merces hic notat fructum, utilitatem, quae ex tanto malo rediret, si Neroni per haec scelera via ad imperium pararetur.” Verissime hoc sane est dictum. Breviter addidit optimus ille philologus: „vid. ad Phaedr. IV 1”. Atque duobus his locis collis potius quam collatis mihi certe fumus et caligo oboriuntur, lux nulla affulget. Nam, si quid

1) Gesch. der röm. Lit. II<sup>1</sup>, 2, p. 30.

sapio, a fabella bona praeceptum morale tamquam fructus decerpitur, minime contra fabella praecepti cuiusdam fructus dici potest. Atque plura equidem locis collatis extundere non valeo. Vix enim crediderim Burmannum ita locum Phaedrianum explicare voluisse: praeceptum morale vel sententia quaedam generalis ferri non potest, nisi fabella lepida „mali” sit praemium.

Ceterae explicationes tam veterum quam recentiorum, quotquot mihi innotuerunt, displicuerunt omnes vixque dignae videntur, quas retractem aut redarguam.

Nam ut hoc ultimum interpretationis exemplum afferam, quid faciamus explicatione, quam praebet Siebelis:

„Der Dichter, gewohnt seine Lehren nur in Verbindung mit einer Fabel vorzutragen, betrachtet die nun folgende, welche zur Bestätigung der eben ausgesprochenen Wahrheit dienen soll, *gleichsam als den Lohn* für die seiner Belehrung geschenkte Aufmerksamkeit.” *Equidem censeo praeceptoribus esse cavendum, ne pueri talia credant.*

Non multum igitur afit, quin ex asse astipularer Hartmano ingenue confitenti: quid significant vocabula *sine mercede* iuxta cum ignarissimis ignoro. (Comment. p. 117).

Dubitanter nunc sed omnibus rebus etiam etiamque perpensis curas meas sum prolaturus. Atque arcanam quandam vim hucusque in misellis illis oculis latentem a me nunc denique quasi revelatum iri, quis expectaverit? Interpretatio, quam dabo, in promptu est.

Pulcherrimus est locus Senecae, qui legitur in libro de tranquillitate animi, ubi in hunc modum loquitur philosophus ille Phaedri aequalis: <Sapiens> se ipsum inter precaria numerat, vivitque ut commodatus sibi et reposcentibus sine tristitia redditurus. Nec ideo est vilis sibi, quia scit se suum non esse, sed omnia tam diligenter faciet, tam circumspecte, quam religiosus homo sanctusque solet tueri fidei commissa. Quandocunque autem reddere iubebitur, non queretur cum fortuna, sed dicet: Gratias ago pro eo, quod possedi habuique. *Magna* quidem *mercede* tuas res colui, sed quia imperas, cedo gratus libensque.

Hoc loco quid significant verba: *magna mercede* neminem fugit. Idem nimirum valent quod *magna mea impensa et cura*.

Ipsam illam *mercedis* significationem libenter arreptam adhibebo

ad locum nostrum interpretandum, atque minime inepta hic mihi videtur λιτότης illa: *non sine mercede*. Iam Phaedri verba in hunc modum explico:

Plerique homines rerum specie decipiuntur. <Ita vulgo loquuntur, sed mihi fabularum scriptori non licet cum ceteris sic nude generales sententias repetere. Mihi talia fabella qualicunque sunt illustranda.> Ergo ne me putes *nulla impensa facta nulla-que cura adhibita* haec atque talia proloqui, fabellam adiciam.

Rogabit fortasse aliquis, cur hoc tantum loco tali ratiocinationi indulserit poeta, quippe cui ubique fere simile quid proloqui licuerit. Id profecto nescio. Fortasse et in hac re id cogitavit, quod postea de ipsis suis fabulis scripsit: immodica offendunt. Attamen unum Phaedri locum mihi deprendisse visus sum, ubi eum prorsus eadem mente calamum sumpsisse persuasissimum habeo. Libri tertii tertiam fabellam ita incipit noster narrare:

Usu peritus hariolo veracior (velocior l. tr.)

*Vulgo esse fertur, causa sed non dicitur,*

*Notescet quae nunc primum fabella mea.*

Verba longe differunt, sed ecce idem ille agnoscitur status mentis, Phaedro inprimis, si quid sapio, dignissimus.

IV 2. 10. Iam de initio fabulae proxime insequentis, illius nimirum, quae nobis „mercedem” ut nonnulli putant, est allatura, pauca monenda videntur. Nam lectio tradita:

*Mustela cum annis et senecta debilis*

*Mures veloces non valeret assequi e. q. s.*

Haveto displicuit ita ut emendaverit:

*Mustela cum anus ex senecta debilis e. q. s.*

cuius emendationis commendationem miram cognoscere operae pretium videtur. Nam insolentiore, quin etiam nusquam alibi apud Phaedrum obvio, hic conflictamur hiatu: *cúm — anus*. Apparent sane, rarissimi ceteroquin nantes in gurgite vasto, hiatus tales apud bonos poetas. „Ergo et Phaedrum”, inquit vir doctus Francogallus „tali ditemus hiatu”. Hic ne iocari intempestive videar in re seria, viri tam bene de Phaedro meriti integram super hac re proferamus ratiocinationem <sup>1)</sup>:

„Apud multos poetas, sed in paucis plerumque locis, per

1) Phaedri Fab. Aesop. recensuit L. Havet p. 162 § 27.

hiatum fieri potest semipes ex vocola et syllaba brevi. Sic *quā* amat Plautus Merc. 20, *quā* amant Terentius Andr. 191 et Vergilius Buc. VIII 108, *quā* hōmo Lucilius, *cū* odorē Lucretius II 681, *tē* in Catullus LV 4, *nūm* adest Horatius S. II 2, 28. Equidem vix dubito quin talem hiatum apud Phaëdram quoque recte restituerim, quamquam deest apud Senecam".

Hactenus Havet. Haec addita velim. In locis Vergilii, Catulli, Lucretii, Horatii hiatus ille insolentior legitur in thesi. Restant igitur unus locus Plautinus, unus Terentianus, unus fortasse Lucilianus. Praeterea repetere mihi liceat: apud Senecam exemplum invenitur nullum. Quae cum ita sint equidem vehementer dubitaverim eius generis hiatum Phaëdro obtrudere, sed alii viderint.

Nunc quantocius ad lectionem recurramus traditam. Quodnam vitium in illa deprehenditur? Quidnam in textu tradito reprehendat Havet, id nos divinare quam scire maluisse videtur, nam ne uno verbo quidem in hac re nos certiores facit. Suspicor ergo viro docto displicuisse pleonasmum *annis et senecta debilis*, nam aliud gravamen reperire equidem non possum. Vix autem pleonasmus emendatione cum *anus ex senecta debilis* evanescit. Ceteroquin ipsa illa sermonis abundantia in describenda senectute et apta est et usitatissima. Hic ne pluribus exemplis proferendis iusto latius divagemur est periculum. Non potest tamen omitti in hac re locus notissimus eiusdem Phaëdri, ubi de leone sene ita narrare incipit:

Defectus annis et desertus viribus

Leo cum iaceret e. q. s.

„At", fortasse respondebit unus et alter, „pleonasmo non offendor, sed molestus mihi est pleonasmus ineptus ita, ut duo substantiva prorsus idem significantia atque artissime insuper inter se nexa importune pro uno ponantur". At ne Ovidium quidem ipsa illa „inutilis" sermonis abundantia male habuit. Pueris enim, opinor, noti sunt Philemon et Baucis, qui

*annis aevoque soluti*

Ante gradus sacros cum starent forte locique

Narrant casus <sup>1)</sup>

1) Adhuc in recentissima editione Teubneriana stereotypa infelix illud Merkeli commentum *locique navarent curas* viris doctis puerisque vertendum traditur. Lectionem vulgatam Crotone saniozem esse iam ante viginti annos docuit Hartman

in arbores sunt mutati. Unico hoc, opinor, loco Phaedri nostri pleonasmus defenditur affatim.

Libenter concedo, locutionem illam *mustela anus* Phaedro dignam esse. At ubi textus traditus sanus est, vel sagacissimis commentis locus nullus.

Lib. IV 4.

Equus sedare solitus quo fuerat sitim,  
Dum sese aper volutat, turbavit vadum.

Hinc orta lis est. Sonipes iratus fero  
Auxilium petiit hominis, quem dorso levans

5 Redit ad hostem *letus iactis* hunc telis eques

Postquam interfecit, sic locutus traditur:

„Laetor tulisse auxilium me precibus tuis,  
Nam praedam cepi et didici quam sis utilis”;  
Atque ita coëgit frenos *invitum* pati.

Molestias praebet versus quintus, quem olim Bentleius ita dedit:

It in hostem laetus. Iactis hunc telis eques.

Putabat vir summus vocabulum *laetus* sine damno sententiae abesse non posse, nec non multo aptius huic loco esse verbum

---

(Mnem. Vol. XVIII. 1890. p. 192). Anno 1885 Korn edidit: *locique narrarent curas*, de qua lectione tacere satius est. Anno 1898 demum Ehwald in iterata Korniana editione vulgatam restituit. Pauca quaedam de lectione altera *inciperent casus*, de qua nihil olim Hartman, addenda videntur. Nam et hic Merkel multisque ante annis Burmannus summus errasse mihi videntur. Haec igitur Merkel (in editionis suae praefatione): „Poterat edi quod M. habet: *narrarent casus*. Sed id manum poetae si usquam his paginis tersam atque argutam non referre ipsi interpolatores senserunt qui comptius (sic!) *inciperent* dederunt.” Atque olim Burmannus: „In septem scriptis offenditur *inciperent*, quod recepi, quia respicitur ad morem, quo aeditui templorum peregrinos edocebant de templorum origine, sacris et aliis, quae venerationem incuterent.” Non comptius sed ineptius dictum istud *inciperent*. Nimirum *παρὰ διόρθωσιν* profecta est ex illorum mente, qui non intellexerunt, Philemonem et Baucida placide pieque inter se confabulantes, non curiosorum turbam quandam edocentes a venusto poeta hic induci. Quod si cui ex ipsa narratione apparere non potuerit, mecum aspiciat lectionem istam *narrassent* pro *narrarent* in duobus ut aiunt codicibus obviis. Sed quid multa? Nonne audis, lector, fabellulam suavissime susurranti voce ad finem properantem, inepto isto vocabulo *inciperent*, repente importunissimo mirantium strepitu repletam pessumdari? Hic si parva componere magnis fas est, valet splendendum illud et ingens Euripideum *οὐ σῖγ' αὖ σῖγ' αὖ*. Atque tale quid vel Burmannum aliquem fugere potuisse!

*ire quam redire.* Immo prorsus contra est ac dicit. Sonipes iratus non statim fit laetus opinor. Aptissimum, quin etiam necessarium porro mihi videtur redeundi verbum. Nimirum verbis „sonipes iratus fero auxilium petit hominis” lectori attento atque acuto equus ab apro recedens quasi ob oculos depingitur. Iure igitur vulgo edunt:

Redit ad hostem. Iactis hunc telis eques

Unde illud *laetus*? Nam abicere quae molesta sunt cuiusvis est. Dubitanter illa quae suspicor proferam, nam Phaedri manum me restitutum esse vix confidere ausim. Suspicio igitur in textu olim fuisse participium *iaculatus*, idque sive socordia sive inscitia divulgum in *iactus latus* vel tale quid abiisse. Quam saepe porro *latus* et *laetus* in libris manuscriptis confusa sint, quis nescit? Infelicitis huius, quam volo, διχορουλίας, forte fortuna hic viciniae invenimus duo exempla luculentissima. Nam *illiteratum plausum* (IV Prolog. 20), in *in literarum plausum* abiit, atque vox ignotior sane *retorridus* (IV 2. 16) in *re territus* mutata est a librariis. Fortasse ergo Phaedrus dedit:

Redit ad hostem. *Iaculatus* telo hunc eques

Male porro me habet in versu nono putida illa sermonis abundantia: *coegit invitum pati*. Lenissima sane mutatione pro *invitum* legere possis *invictum*. Sed iusto audacior haec est correctio. Nam *invictus equus* quid sit nemo non intellegit, ceterum huius locutionis exempla desunt. Notissimi contra sunt *equi indomiti*, *iuvenci indomiti*, *muli indomiti*. Dubitanter igitur viris doctis *indomitum* propono. Ita languidum illud *invitum* in alterum sonipedis epitheton aptissimum vereque Phaedrianum mutatur (cf. Babr. 37. 7: μόσχος ἀδμής).

IV 6. Quo longius fabellis Phaedrianis perlegendis, explicandis, pro virili castigandis operam navo, eo plus nugarum illarum nativo lepore delector. De gustibus autem disputare, id opus videtur periculosum semper, ingratum haud raro. Nam corruptum, emendandum, emendatum denique esse versiculum quendam, id ratione et oratione probaveris, illic vero ubi pulchri sensu mero et sonum et sensum et rhythmum verborum pro se quisque trutinatur, Πειθῶ vel Periclea vulgo fatiscit. Solent autem hic ob minima et in minimis potissimum oriri maximae

discordiae, ita ut illi, quos communi admiratione parique etsi non simili stupore devincit ingens ille Homerus, de Vergilio iam inter se dissentiant, in Aristophane se invicem „non intellegant”, ob Phaedrum aliquem si usu venerit, paene rixentur. At ne porro verbis grandisonis tiro philologus indulgeam, simulque propositi ordinem exsequar, exemplum proferam. Hartmanus, magister aestumatissimus olim de Phaedriana fabula, quae inscribitur: Canum legati ad Iovem, haec scripsit <sup>1)</sup>: „nihil unquam spurcius ineptiusque scriptum est”. Inepta procul dubio est fabella, sicut nunc exstat, at nihilo minus nonnullis eius narrationis versiculis vehementer delector:

Profecti sunt legati non celeri pede

Dum naribus scrutantur escam in stercore.

Versiculi mihi videntur vel Brederodio quodam digni, quos ut vernaculo sermone reddam sponte hortatur animus. Poetam artificem equidem agnosco, plebeium κατ' ἐξοχήν sed artificem. Sed de his non plura. Ad ipsam fabellam infra redibo.

Nunc ad fabulam quam indicavi transeamus. Totam dabo:

Pugna murium et mustelarum.

Cum victi mures mustelarum exercitu

(Historia quorum in tabernis pingitur)

Fugerent et artos circum trepidarent cavos,

Aegre recepti tamen evaserunt necem.

5 Duces eorum, qui capitibus cornua

Suis ligarant ut conspicuum in proelio

Haberent signum, quod sequerentur milites,

Haesere in portis suntque capti ab hostibus.

Quos immolatos victor avidis dentibus

10 Capacis alvi mersit tartareo specu.

Quemcunque populum tristis eventus premit,

Periclitatur magnitudo principum;

Minuta plebes facili praesidio latet.

In versu primo pro *exercitu exercitum* edidit Bentleius, quem nonnulli, inter quos est Havet, sunt secuti. De hac quaestiuncula ita olim Hartman <sup>2)</sup>: „Sive retines *exercitu* sive cum

1) Comment. p. 37.

2) Comment. p. 106 sq.

Bentleio legis *exercitum*, ineptissimus est versus primus. Animo enim tibi finge lector, mures victos a mustelis nimirum. Necesse est *ergo* <sup>1)</sup> eos re vera congressos esse et proelium commisisse. Nunquam vidi iniquius certationem comparatam <sup>2)</sup>; exanimis enim semianimesque mures quomodo *fugere* immo *evadere* potuerint non video. Sed initium non est ineptius quam reliqua fabula" e. q. s. Fuit olim, cum viri docti verbis ex parte saltem astipulari cogerer. Nam etsi tota fabula depravata mihi minime videbatur, eius initium misere corruptum esse, penitus sentire mihi videbar. Emendare igitur versiculum primum sedulo sed frustra sum conatus. Collata porro Babrii narrationuncula <sup>3)</sup>, Phaedrianam fabellam decurtatam, ἀκέφαλον ad nos pervenisse sat diu suspicatus sum. Haesi ergo, nec quid porro hic cogitarem excogitaremve habui. Molestus etiam mihi erat versus secundus. Nimirum illud

Historia quorum in tabernis pingitur  
glossema vel potius scioli additamentum putavi <sup>4)</sup>. At meliora me docuere opinor αἱ δεύτεραι φροντίδες, quibus inductus sum, ut nunc fabulam sanam, integram, sat lepidam existimem.

Nimirum ipsum illud „emblema” fabellae est initium verum et quasi cardo <sup>5)</sup>. Vidit poeta in taberna vel in tabernis opus

1) Typis cursivis dedi ego.

2) At ipsa illa iniqua certatione depingenda egregie delectatus fuisse videtur lepidissimus ille Fontanius (IV 6):

La victoire balance :  
Plus d'un guéret s'engraissa  
Du sang de plus d'une bande.  
Mais la perte la plus grande  
Tombe presque en tous endroits  
Sur le peuple souriquois.

Operae pretium videtur ad quaestionunculam nostram illustrandam unum aliud exemplum e Phaedrianis fabulis afferre. Nonne rectae rationi ineptissimi mortalium dicendi sunt illi agricolae (III 2), qui pantherae fovea captae primum miserentur, deinde animali feroci „panem mittunt”, postremo securi abeunt, quasi inventuri mortuam postridie”? Displiceat igitur Phaedrus, displiceat per me licet vel Fontanius, dummodo concedamus, illos viros sic voluisse.

3) Babrius fab. 31.

4) Hartm II. versiculum omittit.

5) Egregie id perspexit Nisard: (Etudes sur les poètes latins de la décadence I p. 24.) „Il voit sur les murs d'un cabaret (? in tabernis) charbonné de mains d'ivrogne (unde haec rescivit vir summus?) un combat entre les belettes et les rats” e q. s.



tectorium et „continuo narrare coepit”. Quamnam imaginem aspexerit, quis quaerat? Aspexit mures nonnullos „trepidantes circum cavos”, unum procul dubio alterumve dimidia iam ex parte elapsam ex oculis, hic illic porro „ducem” aliquem miserum a mustela captum. Ecquis negaverit, *victos* esse illos mures, *victos* optimo iure appellari posse? Non opinor. Persae apud Cunaxam πρὶν τὸ ξυμμα ἐξικνεῖσθαι insano metu perculsi terga verterunt. Victos eos tum fuisse, quis dubitaverit? Ut uno verbo rem absolvam: *ergo* illud Hartmani falsum est.

Ad fabellam nostram redeamus. At cur tandem fusius de illa disputabo? Vide sis, ut agilis, rerum ordine lepidissime inverso properet brevis narratiuncula ad „moralitatem”. Aliter profecto enarrari potuit, (cf. Babrii praelongam fabulam) at omnino non debuit.

Restat ut secundum versiculum leni correctione emendemus. Una deest syllaba, una addita vocula non solum τὸ τοῦ ῥυθμοῦ κερχνός curatur, ut nunc vulgo fit, cum editur

Historia quorum <et> in tabernis pingitur,  
sed simul aptissimo et artissimo vinculo inter se coniunguntur  
fabulae primus secundus tertius versus. Legamus confidenter:

Cum victi mures mustelarum exercitu,  
Historia quorum <ut> in tabernis pingitur,  
Fugerent e. q. s.

IV 8. In officinam fabri venit vipera.

Haec cum temptaret, siqua res esset cibi,  
*Limam momordit.*

Immo *limam admomordit* sive *ammomordit* <sup>1)</sup>. Confer locum notissimum Propertii (IV 10.53 in edit. Muelleri)

Bracchia spectavi sacris *admorsa* colubris.

Optime porro *admordendi* verbo illustratur fabulae promythium:

Mordaciorem qui improbo dente *appetit* e. q. s.

Semel iterumque μεταφορικῶς *admordendi* verbo usus est Plautus vi τοῦ damnum afferre. Quin ipsum perfectum *admemordit* Plauto vindicat Gellius VI 9.

1) „Rodere coepit limam” Romulus.

IV 9. 12. Dolosa vulpes evadit e puteo, nixa stolidi hirci altis cornibus

Hircumque *clauso* liquit *haerentem* vado.

Corruptus est versus, nam *clauso vado* sensu cassum est, ut iam Hartman monuit (Comment. p. 118). Vadum non clauditur sed ipse hircus clauditur, sicut modo vulpes „claudebatur altiore margine”. Porro equidem in fine fabulae aegre desidero vocabulum, quo illustretur hirci decepti dolor. (cf. tua calamitas I 3, 16; deploras I 9, 10; o me infelicem I 12, 13; deceptus stupor ingemuit I 13, 12; merito iaces I 27, 9; merito plectimur I 31, 13; tristi nece II 6, 17; tum maestus ille IV 11, 10; pari dolore deflessset App. 17, 8; fata deflebo mea App. 19, 9.)

Proponere ausim:

Hircumque *clausum* liquit *maerentem* vado.

(*Continuabuntur*).

#### AD HORATHI EPL. I, 11, 1.

*Quid tibi visa Chios, Bullati, notaque Lesbos.*

Quod semper fit in locis corruptis, ea quae ad istud *nota* defendendum afferunt viri traditorum tenaces luce clarius demonstrant hoc loco vocem illam *nullo modo* ferri posse. Referre ista piget; statim potius dicam quid legendum mihi videatur. Sequitur:

*Quid concinna Samos?*

Istud adiectivum, quamvis fortasse hoc solo loco de *regione* dictum inveniat, tamen quid sibi velit minime est obscurum. Reputemus modo cuiusmodi *homo* ab Horatio „concinna amicis” dicatur: is, ut opinor, qui non est morosus querulusve, sed lenis comisque. Regio ergo concinna ea est ubi satis iucunde commodeque vivi possit. Cum illa qualis regio recte componitur? Nulla rectius, me iudice, quam ea quae non iucundam solum sed etiam *lautam* vitam polliceatur. Legamus ergo *lautaque Lesbos*.

J. J. H.

# ANNOTATIONES CRITICAE AD PLUTARCHI OPERA.

SCRIPSIT

J. J. HARTMAN.

(*Continuantur ex Vol. XXXVIII pag. 448*).



*Philopoemen* c. XIX Cum *Philopoemen* vinctus in acerbissimi hostis sui, *Dinocratis* *Messenii*, venisset potestatem, pauci erant qui, ut *Dinocrati* gratificarentur, torquendum necandumque eum censerent

ὥς βάρυν πολέμιον αὐτῷ τε Δεινοκράτει φοβερώτερον, εἰ διαφύγοι καθυβρισμένος ὑπ' αὐτοῦ καὶ γεγωνὼς αἰχμάλωτος.

Immo *φοβερώτατον*. Omnino gravis erat hostis *Philopoemen*, sed post illam contumeliam ipsi *Dinocrati* vel maxime metuendus.

C. XXI Ad ulciscendum *Philopoemenem* *Achaei* duce *Lycorta* impetum in *Messeniam* faciunt agrumque vastant

ἄχρι οὗ συμφρονήσαντες ἐδέξαντο τοὺς Ἀχαιοὺς.

Neque *consentire* *συμφρονεῖν* hic significare potest, non enim sermo fit de hominibus antea inter se dissentientibus, neque „perspiciendi” sensu est accipiendum, non enim *quid* perspiciant apparet. Legendum censeo *σωφρονήσαντες*: feroces illi *Achaeorum* hostes ad sanam mentem redeunt et *γινώσκειν ἐκ τούτοις* incipiunt.

Tum et poenas dignas dederunt alii et qui torquendum *Philopoemenem* censuerant eos *Lycortes* comprehendit ἐπ' αἰκίαις ποιοῦμενος.

Vocabula Graeca nemo intellexit unquam vel probabiliter emendavit. Fortasse deletο ποιοῦμενος locus in integrum restituitur: *ad tormenta* illos ipsos comprehendit servavitque.

*Flamininus* c. II Mirum est quod inter magistratus, quos Flamininus praeterit tamquam *συνήθεις τοῖς νέοις*, etiam *aedilitas* atque adeo *praectura* nominatur.

ib. κλήρω δὲ λαγχάνει τὸν πρὸς Φίλιππον καὶ Μακεδόνας πόλεμον, εὐτυχίᾳ τινὶ τῶν Ῥωμαίων συλλαχῶν πράγμασι καὶ ἀνθρώποις κτέ. (sequuntur quaedam quibus rerum hominumque illorum natura describitur).

Legendum suspicor *συντυχῶν*, non quod non possit eodem sensu *συλλαχῶν* dici, sed quia istud *λαγχάνει* . . . *συλλαχῶν* nimis durum videtur: brevissimo enim spatio idem verbum et quotidianam vim habet et metaphoricam.

C. IV Quid est *περισπᾶν τοῖς ἀκροβολισμοῖς τοὺς πολεμίους*? Didotiana habet ‚laccessere‘. Equidem malim vertere: „occupatos tenere et defetigare”. Sub finem capitis VIII eiusdem verbi recurrit passivum, sed sensu a nostro loco alieno: ὥστε ταχὺ καὶ τοὺς νικῶντας περισπᾶσθαι καὶ Φεύγειν.

Quae paulo post sequuntur sic distinguenda sunt:

ὃ τε ἥλιος ἀνέσχε, καὶ καπνὸς οὐ βέβαιος, ἀλλ’ οἷον ὄρεος ὁμίχλη, πόρρωθεν ἀνατέλλων καὶ διαφαινόμενος, τοὺς μὲν πολεμίους ἐλάνθανε κτέ.

In quibus *διαφαινόμενος* nubem significat per quam penetrant solis radii. Denique notetur locutio *τὴν ἐλπίδα πρὸς τὸ βουλόμενον λαμβάνειν*, idem fere significans quod vernaculum: „ge-looven wat men hoopt”.

C. V Philippo fugiente et sua regione ultro cedente, Flamininus milites suos iubet raptu abstinere quoniam ipsorum iam esset terra illa:

καὶ μέντοι καὶ παρεῖχεν αὐτοῖς τὰ γινόμενα τῆς εὐταξίας αἴσθησιν εὐθύς.

Paulo liberius hic illud *αἴσθησιν* positum est, licet aliquatenus conferri possit quod legitur *Arist.* c. VI: *πασῶν δὲ τῶν περὶ αὐτὸν ἀρετῶν ἡ δικαιοσύνη μάλιστα τοῖς πολλοῖς αἴσθησιν παρεῖχε*, h. e. „Aristidis virtutum iustitia maxime se hominibus dabat *sentiendam*”, ita tamen ut *sentiendi* verbum in bonam partem accipiat, quo facto haec fere fit sententia: „nulla illarum

virtutum plures *ferebat* reipublicae quam iustitia *fructus*". Et nostro loco: „ea quae evenerunt statim iis praemium fructum-que illius praebebant modestiae", sive: „ea quae evenerunt statim iis facultatem dabant sentiendi experiendique quam bona res modestia esset".

ib. in verbis τὰς πόλεις ἐνεπίμπεσαν εὐνοίας τῆς πρὸς αὐτὸν ὡς ἐχούσας ἡγεμόνα τῆς ἐλευθερίας legendum esse ἐχούσης demonstravi Mnem. 1904 p. 48.

C. VII Flamininus milites suos ad virtutem adhortabatur ὡς ἐν τῷ καλλίστῳ θεάτρῳ τῇ Ἑλλάδι μέλλοντας ἀγωνίζεσθαι πρὸς τοὺς ἀρίστους τῶν ἀνταγωνιστῶν.

Non, ut opinor, Graece loqui nesciebat Plutarchus; non ergo istud τῷ ipse addidit. At Philippus contionis militaris habendae causa altum quoddam conscendit . . . sepulcrum

εἶτε ἀπὸ τύχης εἶτε ὑπὸ σπουδῆς παρὰ τὸν καιρὸν ἀγνοήσας.

In his prave abundare mihi ἀγνοήσας videtur.

C. VIII Soluta dispersaque phalange Macedonica, etiam singuli milites minus quam antea valent ét alias ob causas ét

ὅτι (ἕκαστος) παντὸς ὅλου τοῖς παρ' ἀλλήλων μέρεσι μᾶλλον ἢ δι' αὐτὸν ἰσχύει.

Corruptissima haec; viri docti fere istud παντὸς ὅλου solum sollicitant tamquam si sana essent cetera omnia. Equidem praesertim in μέρεσι haereo. Requiritur fere: παντὸς ὅλου μέρος ὧν μᾶλλον ἢ δι' αὐτὸν ἰσχύει: singuli milites non suis valent viribus sed quod summae totius quisque pars est.

C. X Cum in eo Flamininus esset ut de decem legatorum sententia ceteram Graeciam liberaret, sed tres urbes praesidio obtineret

ἐνταῦθα δὴ ταῖς κατηγορίαις λαμπροὶ λαμπρῶς τὰς πόλεις ἀνεργήγυσαν Αἰτωλοί.

Verbum ἀναρρηγνύναι huius loci non est. Lege ἀνεργήπισαν.

ib. Postquam exposuit qui fieri potuerit ut ingentis multitudinis clamore corvi de caelo deciderent, novam hanc profert coniecturam

δύναται δὲ καὶ περιδίνῃσις εἶναι τοῦ ἀέρος, οἷον ἐλιγμὸν ἐν πελάγει καὶ πάλιν ῥύμην τοῦ σάλου διὰ μέγεθος λαμβάνοντος.

Hinc me non expedio. Didotiana habet: „potest etiam hoc fieri turbine quodam aeris, quum maris ille instar ob clamoris magnitudinem involvatur rursumque cum impetu sese explicet.” Sed neque unde „clamoris” istud habeat apparet, neque quo iure ῥύμην accipiat tamquam ἐλιγμῶ contrarium. Nihil enim ea vox habet quod nobis suggerat imaginem turbine sese evolventis.

C. XII Postquam narravit nulla re gloriatum magis esse Flamininum quam quod Graeciae reddidisset libertatem, eiusque rei argumenta attulit versus Graecos ab ipso Flaminio compositos, sic Plutarchus pergit:

τῇ γοῦν Κορινθίων πόλει πρὸς τοὺς Ἕλληνας τὸ αὐτὸ δις ἤδη συμβέβηκε.

Haud dubie δ' οὖν legendum. Non enim praecedentium hic ratio redditur, sed narrationem *abrumpit* scriptor et ita loquitur: „sed quomocunque se ea res habet, Corinthus bis ea felicitate usus est ut communis patriae libertas ibi proclamaretur”, et deinde addit quae ipse Neronem ibi auditiv declamantem.

C. XV Longa protasi (ἐπεὶ δὲ κτέ.) describitur periculum in quod respublica Romana pervenerit Antiocho cum magna classe Graeciam petente Aetolisque defectionem atque adeo apertum bellum parantibus. Tum sic pergit:

καὶ σφόδρα δέσαντες οἱ Ῥωμαῖοι . . . στρατηγὸν μὲν ὕπατον τοῦ πολέμου Μάνιον Ἀκίλιον κατέπεμψαν κτέ.

A σφόδρα incipere debet apodosis. Deleatur ergo καί.

Cum eo et ipse Flamininus est profectus, Graecorum maxime causa

ὣν τοὺς μὲν εὐθύς ὀφθεῖς ἐποίησε βεβαιοτέρους, τοὺς δὲ ἀρχομένους νοσεῖν ὥσπερ τις ἐν καιρῷ φάρμακον ἐνδίδους τὴν πρὸς αὐτὸν εὐνοίαν ἔστησε καὶ διεκώλυσε ἐξαμαρτεῖν.

Utique τις eximendum. Pulchre Flamininus dicitur amore Graecorum erga ipsum tanquam remedio discordiae usus.

C. XVI Carminis quod in honorem Romanorum et Flaminini etiamnunc cantant Chalcidenses, ultimam partem servavit Plu-

tarchus, sed quos versus primos citat, eorum neque caput neque pedes constant:

πίστιν δὲ Ῥωμαίων σέβομεν  
τὰν μεγαλευκτοτάταν ὄρκοις φυλάσσειν.

Ecquid θέλομεν?

C. XVII Rogatus aliquid a Dinocrate Messenio Flamininus  
ταῦτα μὲν ἔφη σκέψασθαι.  
Sintenisius de more σκέψασθαι retinuit.

ib. Achaeos copias Antiochi, ab eius legatis enumeratas, metuentes lepide erexit Flamininus monendo omnes illos milites, quamvis variis ornentur nominibus, Syros esse, homines ignavissimos, remque iocosa illustrat narratiuncula „cum quondam” ait „apud hospitem cenarem eumque non sine admiratione quadam vituperarem quod tam multas apponeret carnes, respondit ille: suillae sunt omnes, sed variis modis paratae conditaeque”. Haec, ut opinor, Flamininus dixit audivitque παρά τῷ ξένῳ, non, quemadmodum nunc legitur παρὰ τῷ ξένῳ. Ad nullum enim certum Flaminini hospitem ea referri verba possunt.

C. XVIII In notissima narratiuncula de Lucio Flaminio eiusque amasio hic se, quamvis nunquam hominem occidi vidisset, tamen illius causa gladiatorum pugnam neglexisse ait

τὸ πρὸς ἐκείνον ἡδὺ τοῦ πρὸς αὐτὸν ἐν πλείονι λόγῳ θέμενος.

Mire dicta haec hoc sensu: „pluris faciens quod illi quam quod sibi iucundum esset.” Sic enim vertere malim quam cum Didotiana: „voluptati illius sua ipsius voluptate postposita.”

C. XIX Hunc Lucium senatu movit Cato, atque ob eam causam Titus Flamininus gravissimas in Catonem suscepit inimicitias ita ut omnibus eius consiliis adversaretur

οὐκ οἶδ' ὅπως εὖ καὶ πολιτικῶς καὶ πρὸς ἀρχόντα νόμιμον καὶ πολίτην ἀριστον . . . ἀνῆκεστον ἔχθραν ἰράμενος.

Caecutiat oportet editor qui Schaeferi emendationem καί (quod ante πρὸς legitur) delentis commemoret sed non recipiat in textum. Hoc quoque notatu dignum quod οὐκ οἶδ' ὅπως hic vim habet negativam.

C. XX Flamininus novos usque appetebat honores, eaque res iudice Plutarcho ipsi honori erat quamdiu bellum etiam gerere poterat:

καὶ γὰρ ἐχιλιάρχησεν αὐτὸς μετὰ τὴν ὑπατείαν.

„Sed quod etiam aetate confectus undique gloriolam quamvis inanem consecrabatur hoc iure ei vitio dabant homines”. Et exempli causa affertur Hannibal, sine ulla idonea causa, sed ut Hannibalis interfector dici posset, ab eo ad mortem adactus. De ea re in sequenti capite pulcherrima haec leguntur:

οὐκ ὀλίγοις ἐπαχθῆς ἔδοξεν ὁ Τίτος καὶ περιττὸς ἄγαν καὶ ὠμὸς ὥσπερ ὑπὸ γήρας ἀπτήνα καὶ κόλουρον ἀφειμένον ζῆν χειροῦν τὸν Ἀννίβαν ἀποκτείνας, οὐδενὸς ἐπείγοντος, ἀλλὰ διὰ δόξαν, ὥς ἐπώνυμος τοῦ θανάτου γένοιτο.

In quibus omnia egregie sunt enuntiata et iure suum sibi obtinent locum. Sed minime ferendum quod vocabula οὐδενὸς ἐπείγοντος, quae hic singulare habent acumen, etiam in capite XX post vocabula citata καὶ γὰρ . . . μετὰ τὴν ὑπατείαν sunt posita: ibi enim de iis agitur rebus in quibus illud gloriae studium iustam habuit causam et egregios tulit fructus. Quam saepe Plutarchi textus eiusmodi repetitionibus atque adeo προλήψει est commaculatus!

ib. Quod Midas quoque, item ut Themistocles, dicitur αἶμα ταύρειον πιεῖν novum mihi est.

*Comparatio Philopoemenis et Flaminii* c. II „Quod Philopoemen bellum cum Graecis gessit triste quidem fuit sed facultatem ei praebuit egregiam suae virtutis demonstrandae: gessit enim cum Spartanis fortissimis, Cretensibus versutissimis Graecorum.”

Egregie haec cohaerent sed ineptissime divelluntur interposita sententiola aut sensu cassa aut certe inanissima:

οἷς γὰρ ὁμοία τᾶλλα τῷ προὔχειν ἀρετῇ κρατοῦσι.

C. III γενναῖα μὲν οὖν Τίτου τὰ πρὸς τοὺς Ἕλληνας ἐπικικῆ καὶ Φιλάνθρωπα, γενναϊότερα δὲ Φιλοποίμενος τὰ πρὸς τοὺς Ῥωμαίους δχυρὰ καὶ Φιλελεύθερα· ἴσον γὰρ χαρίζεσθαι τοῖς δεομένοις ἢ λυπεῖν ἀντιτείνοντα τοὺς δυνατωτέρους.

Hic Naberus ante λυπεῖν inserit μή, iniuria si quid ego video.



Haec enim est sententia: „morem gerere iis qui aliquid a te petunt facilius est et minus molestum, quam potentes irritare obsistendo eorum voluntati; atqui qui facit quod minus est molestum minore laude dignus quam qui molestiorem rem peragit, ergo maior Philopoemenis quam Flaminii laus”.

*Pyrrhus* c. VI Pyrrhus multa magnaue mente agitans sed spe tantummodo proxima quaeque arripiens

*εὔρεν ἐμφῦναι τοῖς Μακεδόνων πράγμασιν ἐκ τοιαύσδε τινος προφάσεως.*

Excidit substantivum unde infinitivus *ἐμφῦναι* pendebat („facultatem” vel tale aliquid). Didotiana: „ut se Macedonicis negotiis immisceret hanc nactus est ansam”, tamquam si *τοιάνδε τινὰ πρόφασιν* esset traditum.

C. VII Demetrius et Pyrrhus iam antea inimicitias inter se gerebant

*ἐπεὶ δὲ καὶ κατασχόντες ἀμφοτέροι Μακεδονίας συνέπιπτον εἰς τὸ αὐτό.*

Unde pendet genitivus *Μακεδονίας*? Si a *τὸ αὐτό*, quid sibi vult nudum istud *κατασχόντες*?

C. XI Demetrii milites ducem suum relinquere cupientes Pyrrhum quaerebant et ubi ille esset rogabant

*ἔτυχε γὰρ ἀφρημένος τὸ κράνος ἄχρι οὐ πάλιν συμφρονήσας καὶ περιθέμενος ἐγνώσθη.*

Haud dubie πάλιν transponendum est ut cum *περιθέμενος* iungatur: „donec intellecto (cur frustra quaereretur) denuo imposita capiti galea a militibus agnosceretur”.

C. XIV Cineas quoniam etiam Demosthenem audiverat

*ἐδόκει μόνος εὔ μάλιστα τῶν τότε λεγόντων οἶον ἐν εἰκόνι τῆς ἐκείνου δυνάμεως καὶ δεινότητος ἀναμιμνήσκειν τοὺς ἀκούοντας.*

Saepe, ut et hic, μόνος superlativi habet vim: „omnium illius temporis oratorum maxime”. Removeatur ergo istud *εὔ μάλιστα* explicandi gratia in margine adscriptum.

ib. Rogante Cineas quo modo Macedones, si Romanos vicissent, sua usuri essent victoria, Pyrrhus

ἔρωτᾷς, εἶπεν, ὦ Κινέα, πρᾶγμα Φαινόμενον.

Mire et insolite sic res perpericia manifesta significatur.

C. VI Ut Tarentinos ad gravitatem modestiamque redigeret  
ἀπέκλεισε μὲν τὰ γυμνάσια καὶ τοὺς περιπάτους, ἐν οἷς ἀλυσύν-  
τες ὑπὲρ τῶν πραγμάτων λόγῳ διεστρατήγουν.

Quid sit ἀλύειν ὑπὲρ τῶν πραγμάτων nescio ; λόγῳ plane abundat, nam τὸ διαστρατηγεῖν semper fit oratione.

ib. Impetum facit in hostes Pyrrhus

αὐτόθεν τε περίοπος ὢν ὅπλων κάλλει καὶ λαμπρότητι κεκοσ-  
μένων περιττῶς, καὶ τὴν δόξαν ἐπιδεικνύμενος ἔργοις οὐκ ἀποδέουσιν  
τῆς ἀρετῆς.

Immo vero τῆς δόξης ... τὴν ἀρετὴν. Haec enim sententia  
requiritur: rebus ipsis Pyrrhus ostendebat virtutem suam non  
esse infra famam.

C. XVIII Nemo e senatoribus Romanis Pyrrhi dona accepit  
καίπερ ἄνδρας τε τοὺς ἡλωκότας ἐν τῇ μάχῃ δίχα λύτρων ἀφιέν-  
τος αὐτοῖς τοῦ Πύρρου καὶ συγκατεργάσασθαι τὴν Ἰταλίαν ἐπαγ-  
γελλομένου.

Donec docuerint nos Sintenisii promitti ea quae peracta iam  
sunt, hic συγκατεργάσασθαι legemus.

C. XIX ἄχθομαι ait Appius Claudius in celebri illa oratione  
πρὸς τῷ τυφλῷ εἶναι μὴ καὶ κωφῷ ὢν ἀλλ' ἀκούῳ αἰσχροῖς  
βουλευμάτα κτέ.

Ut vitetur hiatus simulque bene decurrens restituatur sententia,  
pro ἀκούῳ cum „deterioribus” est legendum ἀκούων.

ib. λέγεται δὲ Κινέα, ἐν ᾧ ταῦτ' ἐπραττεν ἅμα ποιησάμενον  
ἔργον καὶ σπουδάσαντα τῶν τε βίων γενέσθαι θεατὴν κτέ.

Deleatur καὶ σπουδάσαντα, manifestum interpretamentum prae-  
cedentis ποιησάμενον ἔργον.

C. XXI Vehementem in Pyrrhi hoplitas impetum faciunt  
Romani

τὸ τρώσαι καὶ καταβλεῖν ὁρῶντες, τὸ δὲ παθεῖν εἰς οὐδὲν τι-  
θέμενοι.

Pro ὀρῶντες requiritur verbum quod *studendi cupiendique vim* habeat.

ib. Pyrrhus vincit vi beluarum

τῶν Ῥωμαίων . . . οἷον ἐφόδῳ κυμάτων . . . οἰομένων δεῖν ἐξίστασθαι  
μηδὲ ὑπομένειν ἀπράκτους ἀποθνήσκειν ἐν τῷ μηδὲν ὠφελεῖν πάντα  
πάσχοντας τὰ χαλεπώτατα.

Non bene ὑπομένειν et ἀπράκτους ἀποθνήσκειν inter se iunguntur; deletο ὑπομένειν et sanus sensus et sententiae structura restituitur.

C. XXII εἰς ἐλπίδας ἀνέπεσε.

Immo vero ἐνέπεσε.

ib. Dubius haeret Pyrrhus quorsum se primum convertat, in Siciliam an in Graeciam.

εἴτα τοῖς Σικελικοῖς μειζόνων ὑποκεῖσθαι πραγμάτων δοκούντων,  
Λιβύης ἐγγὺς εἶναι δοκούσης, ἐπὶ ταῦτα τρέψας Κινέαν μὲν ἐνθὺς  
ἐξέπεμψε κτέ.

Quae sit ista Pyrrhi deliberatio me quidem fugit, et propter ineptam verbi δοκεῖν repetitionem Plutarchi verba labem contraxisse suspicor. Quid quod Africa vicina Siciliae est, non videtur.

ib. In Erycis arce oppugnanda terribilis aspectu hostibus fuit Pyrrhus

καὶ τὸν Ὅμηρον ἔδειξεν ὀρθῶς καὶ μετ' ἐμπειρίας ἀποφαίνοντα  
τῶν ἀρετῶν μόνην τὴν ἀνδρείαν Φορὰς πολλάκις ἐνθουσιώδεις καὶ  
μανικᾶς φερομένην.

Obscura haec; ultimum vocabulum corruptum videtur.

C. XXIII Carthaginensibus, si foedus fieret pecuniam classemque offerentibus Pyrrhus

ἀπεκρίνατο μίαν εἶναι διάλυσιν καὶ Φιλίαν πρὸς αὐτοὺς, εἰ πᾶσαν  
ἐκλιπόντες Σικελίαν ὄρω χρῶνται τῇ Λιβυκῇ θαλάσῃ πρὸς τοὺς  
Ἕλληνας.

Superbi reponsi vim infregit sciolus intempestive post ἀπεκρίνατο inserens πλείονων ἐφιέμενος, quae verba ei suppeditavit id quod proxime sequitur πρώτης δὲ Λιβύης ἐφιέμενος. Sic repetitio vere intolerabilis nascitur.

C. XXVII Pyrrho copias suas Spartam ducente Spartani val-  
lum facere decreverunt quod fodiendum cum senibus in se re-  
ceperunt feminae; eos qui aetate militari erant quiescere iusserunt  
καὶ λαβυῦσαι μέτρον αὐταὶ καθ' αὐτὰς ἐξειργάσαντο τῆς τάφρου  
τὸ τρίτον μέρος.

Pro μέτρον instrumentum quo foditur exspectes.

C. XXVIII In proelio cum Pyrrhi militibus strenuè pugnan-  
tem Acrotatum iuvenem, quem Chilonis regina deperibat, Spar-  
tani admirabantur:

ἐπεὶ δὲ ἀπῆει πάλιν διὰ τῆς πόλεως ἐπὶ τὴν αὐτοῦ τάξιν αἴ-  
ματος κατάπλεως καὶ γαῦρος ὑπὸ τῆς νίκης ἐπηρμένος [καὶ] μείζων  
ἔδοξε γεγονέναι καὶ καλλίων ταῖς Λακαίνοις καὶ τὴν Χιλωνίδα τοῦ  
ἔρωτος ἐζήλουν.

Inclusi particulam καί, quia a μείζων incipit apodosis, et  
Graecum est μείζων καὶ καλλίων, non καὶ μείζων καὶ καλλίων.

ib. Egregium se inter Pyrrhi comites bellatorem praestitit  
Phyllius quidam, qui, cum vulneribus se confectum sentiret, in  
locum suum recepit commilitonem pone stantem, quo facto

ἔπεσεν ἐντὸς τῶν ὀπλων ὥστε μὴ γενέσθαι τὸν νεκρὸν ὑπὸ τοῖς  
πολεμίοις.

Immo vero ἐπί: corpus suum in manus hostium venire noluit  
Cf. c. XXVII: Chilonis restim paratam habebat ὅπως ἐπὶ τῷ  
Κλεωνύμῳ μὴ γένοιτο τῆς πόλεως ἀλούσης.

C. XXIX Pyrrhus cum in somnio Spartam de coelo tactam  
vidisset, simul atque experrectus est laetus speique plenus omnia  
ad oppugnationem parare iussit duces suos, amicis vero et som-  
nium illud narravit:

οἱ μὲν οὖν ἄλλοι θαυμασίως ἐπείθοντο, Λυσιμάχῳ δ' οὐκ ἤρεσκεν  
ἡ ὄψις κτεί.

Optimae est Latinitatis quod dat interpretes Didotianus: „quum  
id reliquis *mirifice* probaretur”, sed Graecum adverbium θαυ-  
μασίως sic ut hic cum verbo πείθεσθαι iunctum corruptelae mihi  
moveret suspicionem. Possit aliquis ad Platonicum illud θαυμασίως  
ὥς provocare, sed specie quam revera firmiter ea sit defensio.

Sed fortiter Pyrrhi impetum sustinuerunt Spartani iisque

strenue operam Spartanæ navaverunt. Et præterea in tempore adfuerunt subsidia militum diu expectata. Tum vero

αἱ τε δὴ γυναῖκες εὐθὺς ἐπὶ τὰς οἰκίας ἐσκεδάσθησαν οὐδὲν ἔτι πολυπραγμονεῖν ἀξιοῦσαι τῶν πολεμικῶν.

Non placet ἀξιοῦσαι, præstaret certe: „necessarium iudicantes”.

C. XXX Iam abundante copiis urbe, quam se nullo negotio expugnaturum speraverat

τὸν τε Πύρρον ἔσχε μὲν τις ἀλκή καὶ φιλοτιμία μᾶλλον διὰ τοὺς προσγεγονότας κρατῆσαι τῆς πόλεως.

Quæ illa bellatoris acerrimi fuerit *φιλοτιμία* res ipsa clamat: auctae hostium copiae stimulos ei subiiciebant honoris. Sed ἀλκή non est huius loci: expectamus aliquid quod *ardorem* et pugnandi studium significet.

ib. Sparta Argos castra moventem Pyrrhum subsequuntur Spartani eiusque agmini negotia facessunt; ex angustiis milites suos educit Pyrrhus filiumque Ptolemaeum ex ultimo agmine ad se vocat. In illum patris imperio parentem vehementem faciunt impetum Spartani, et cum ab hoste confossus concidisset comitesque eius se in fugam dedissent

οἱ Λακεδαιμόνιοι διώκοντες καὶ κρατοῦντες ἔλαθον εἰς τὸ πεδῖον συμβalόντες καὶ ἀποληφθέντες ὑπὸ τῶν ὀπλιτῶν.

Lacunam in textu relictam hic malletm, sponte enim intelligeremus quid actum esset: persequendi ardore abrepti Spartani in apertum campum, qui maxime iis fuerat vitandus, deveniunt, ibi enim equitatu suo in eos uti Pyrrhus potest, id quod palam fit verbis quæ statim sequuntur:

ἐφ' οὗς ὁ Πύρρος . . . ἐπέστρεψε τοὺς ἰππεῖς τῶν Μολοσσῶν.

In verbis vero traditis primum corruptum est *συμβalόντες*. Sed id quidem leni medicina sanari potest: legendum enim est *ἐμβαλόντες*. At istis ἀποληφθέντες ὑπὸ τῶν ὀπλιτῶν quid faciam prorsus me latet: non ab hoplitis sed ab equitibus Spartani *includuntur et reditu arcentur*: hæc enim insunt in isto ἀποληφθέντες, quod prave accipit interpretes Didotianus „a gravis armaturæ militibus *avulsi*” vertens. Quodsi illi morem gerentes ἀπὸ pro ὑπὸ legeremus et ἀπολαμβάνειν „avellendi” sensu positum concederemus, tota perturbaretur narratio: hoplitæ ipsi

illi Spartani sunt, de quibus hic agitur, sunt enim *ἐπίλεκτοι Λακεδαιμόνιοι*.

Dum ergo filium ulciscens in miseros illos Spartanos Pyrrhus irruit a latere adstans dux illorum Eualcus parum abfuit quin gladio ei manum amputaret; habenas vero praecidit:

*ὁ δὲ Πύρρος ἄμα τῇ πληγῇ τοῦ δόρατος διελάσας ἐκείνον ἀπερρύν τοῦ ἵππου.*

Immo vero τῷ δόρατι: eodem temporis momento quo dux Spartanus habenas illas praecidit (*ἄμα τῇ πληγῇ*), Pyrrhus illum hasta sua transfixit, deinde ipse de equo suo se leniter in terram dedit et rem ad pedestre revocavit proelium.

C. XXXII Stabat Argis in foro lupus aeneus taurusque iam certamen inituri. De quo monumento hanc incolae narrant historiam:

*Δαναῶ . . . εἰς Ἄργος πορευομένῳ λύκον Φανῆναι ταύρῳ μαχόμενον. Θέμενον δὲ τὸν Δαναὸν, ὡς ὁ λύκος εἶη πρὸς αὐτοῦ, ξένον γὰρ ὄντα τοῖς ἐπιχωρίοις ἐπιτίθεσθαι καθάπερ αὐτὸν, ἐφορᾶν τὴν μάχην.*

Haud una causa est cur istud *θέμενον* suspectum habeam: primum *θέσθαι* insolite sic est positum ut significet: „omen interpretari”; deinde ingratissime sonat *μαχόμενον, θέμενον*. Postremo paulo post iterum idem legitur verbum (in *ἐπιτίθεσθαι*). Pro vero vocabulo (quid illud fuerit non definio) ab oscitante librario *θέμενον* scriptum opinor qui vocabulorum *μαχόμενον* et *ἐπιτίθεσθαι* sonum haberet in auribus.

C. XXXIV Tegula a muliere Argiva in caput eius coniecta concidit Pyrrhus ὑπὸ τῶν πολλῶν ἀγνοούμενος. At agnoscunt eum Zopyrus et duo tresve alii ex Antigoni comitibus, iamque ab ictu colligentem vires in quoddam trahunt vestibulum. Ibi quamvis tremens et consternatus terribili Pyrrhi aspectu Zopyrus caput ei amputat:

*ἤδη δὲ σύνδηλον ἦν τὸ γεγονός· πλείοσι καὶ προσδραμῶν ὁ Ἀλκυονεύς (Antigoni filius) ἤτησε τὴν κεφαλὴν ὡς ἂν κατανοήσων acceptumque caput patri cum amicis epulanti proiicit.*

Quantocius hinc vocabula ὡς ἂν κατανοήσων facessant. Nam primo quidem tempore, ut vidimus, ignorabatur a *vulgo*, quis

ille homo esset a muliere percussus. Sed statim eum agnoscunt Zopyrus paucique alii regis comites, pauloque post complures. Ergo non erat cur regis filius iam experireretur agnosceretne mortuum (ὥς ἂν κατανοήσων). Et nisi certo scivisset Pyrrhum illum esse, quae causa erat cur putaret laetaturum patrem suum cum caput illud vidisset?

*Marius* c. V Herennii cliens *Marius* dici nolebat

ὥς, ὅτε πρῶτον ἄρχων ἀνηγορεύθη, τὸν πελάτην ἐκβεβηκώς.

Nihili est istud ultimum vocabulum; scripsit Plutarchus venustissima usitatissimaque metaphora ἐκβεβηκώς.

„At” ita scriptor pergit „non verum fuit argumentum, quo se clientem negavit *Marius*:

ἀρχὴ γὰρ οὐ πᾶσα τοῦ νέμειν προστάτην ἀπαλλάσσει.

Ignota mihi est locutio νέμειν προστάτην. Ecquid ἔχειν scripsit Plutarchus? Non enim obstare videtur huic coniecturae hiatus qui est in τοῦ ἔχειν.

C. XI De Cimbrorum origine et nomine et alia tradit Plutarchus et hoc:

ἄλλοι δὲ Φάσι Κιμμερίων τὸ μὲν πρῶτον ὑφ’ Ἑλλήνων τῶν πάλαι γνωσθέντων οὐ μέγα γενέσθαι τοῦ παντὸς μόριον . . . τὸ δὲ πλεῖστον αὐτῶν κτέ.

Quis adspicere haec vel obiter potest quin statim sentiat quae hic inter se opponantur? Parva, ut opinor, pars quaedam et reliquum totum quod erat maximum. Parva autem pars illa fuit ea quae primum antiquis innotuit Graecis. Lege ergo γνωσθέν pro γνωσθέντων. Tradita lectio omnem fugit interpretationem.

C. XIV In contione Saturninus *Marium* consulem esse creandum clamat, *Marius* se honorem illum recusare simulat; proditorem patriae eum tribunus appellat

καὶ Φανερός μὲν ἦν ἀπιθάνως συνυποκρινόμενος τὸ προσποιήμα τῷ *Μαρίῳ*

tamen populus strenuo in tanto discrimine opus esse duce intelligens *Marium* consulem creabat.

Istud ἀπιθάνως quid sibi vult? Intelligebant homines cum

simulante Mario colludere tribunum. Hoc satis est: *imperile* vero vel inscite simulasse tribunum e cetera narratione minime apparet. Potius dixerim aptissimam fuisse et callidissimam simulationem quae id effecerit quod simulator voluerit. Non tamen auctor sum ut istud ἀπιθάνως deleamus: leniori medicina loco subveniam ut ex ineptissimo lepidissimus fiat. Addo enim negationem: colludere cum Mario tribunum, licet id scite callideque faceret, sentiebant cives; tamen tempore coacti Marium consulem creaverunt

C. XVII De vulturibus Marii victorias praemonstrantibus haec legimus

δύο γὰρ (γῦπες) ἐφαίνοντο πρὸ τῶν κατορθωμάτων αἰεὶ περὶ τὰς στρατείας, καὶ παρηκολούθουν.

Pro *περὶ* Haitingerus coniecit παρά. Sed non *temporis* requiritur indicium (in πρὸ τῶν κατορθωμάτων iam inest illud) verum loci. Legendum est στρατιάς (exercitus, castra). Propter huius vocabuli usum cf. Them. VII: ἐξήγαγε πολλὴν στρατιὰν πρὸς τὰ Τέμπεη.

C. XXV Quid sibi voluerit Marius quod e pilo eximeret alterum clavum ferreum et pro eo ligneum fragilem insereret sic describitur:

προσπεσόντα τὸν ὕσσον τῷ θυρεῷ τοῦ πολεμίου μὴ μένειν δρθόν, ἀλλὰ τοῦ ξυλίνου κλασθέντος ἤλου καμπὴν γενέσθαι περὶ τὸν σίδηρον.

Non *ferrium* et *claves ligneus* eleganter inter se opponuntur, sed, id quod dedit Plutarchus: clavus ferreus et clavus ligneus: ὁ ξύλινος καὶ ὁ σιδηροῦς ἥλος.

Lege ergo περὶ τὸν σιδηροῦν.

C. XXVIII Postquam narravit Marium Saturnini et Glauciaae ope sextum obtinuisse consulatum, haec addit:

ὥς δὲ Ῥούτιλιος ἱστορεῖ, τὰ μὲν ἄλλα Φιλαλήθης ἀνὴρ καὶ χρηστὸς, ἰδίᾳ δὲ τῷ Μαρίῳ προσκεκρουκώς, [Φησὶν, ὥς] καὶ τῆς ἔκτης ἔτυχεν ὑπατείας ἀργύριον εἰς τὰς Φύλας καταβαλὼν πολὺ καὶ πριάμενος τὸν Μέτελλον ἐκκρούσαι τῆς ἀρχῆς, Οὐαλλέριον δὲ Φλάκκον ὑπηρέτην μᾶλλον ἢ συνάρχοντα τῆς ὑπατείας λαβεῖν.

Deleantur cum Reiskio inclusa; sequentes infinitivi ἐκκρούσαι



et λαβεῖν pendent a πριάμενος, neque opus est cum Reiskio ante ἐκκροῦσαι inserere τό. Cum omni genere verborum Plutarchus infinitivos iungere amat et etiam accusativos cum infinitivis. Ut ex innumeris exemplis unum afferam, modo haec legimus (c. 25): τεχνάζων . . . τὸν ὕσπιν μὴ μένειν ὀρθόν.

C. XXIX De agro dividendo legem tulit Saturninus addiditque: darent iusiurandum senatores se huic legi obtemperaturos. Iuraturum se Marius in senatu negavit hoc solum spectans ut Metellum in plebis adduceret odium. Nam cum eius exemplo motus idem Metellus promississet et paucos post dies in contione Saturninus senatores iurare iuberet, Marius

μακρὰ χαίρειν ἐάσας τοῖς ἐν τῇ βουλῇ νεανιευθεῖσιν ἀπὸ Φωνῆς callide praefatus quaedam iuraturum se dixit.

Hic ego quid sibi istud ἀπὸ Φωνῆς velit haudquaquam intelligo, neque quidquam me docet Wyttenbachius in lexico illa verba sic illustrans: „non animo”. Etenim *simulasse* in senatu Marium ex ipso narrationis contextu egregie apparet, quam elegantissime a Plutarcho enuntiata eiusmodi explicationibus corrumpi equidem non fero. Ergo ista ἀπὸ Φωνῆς unde pedem huc intulerint quamvis ignorem, e textu censeo removenda.

Sequitur: ὁ μὲν οὖν δῆμος ἡσθεῖς ὁμόσαντες ἀνεκρότησε καὶ κατευδήμησε.

Vidimus non dedisse iusiurandum Marium sed se daturum dixisse. Hoc tamen promisso contentus fuit populus. Lege ergo: ὡς ὁμόσαντος. Sic et sententiae et structurae consultum erit.

C. XXX Obnoxium semet ipsum Saturnino rempublicam pervertenti reddiderat Marius ita ut ne turpissimas quidem fraudes fallaciasque pudori haberet. Cum enim primarii viri nocte ad eum venissent petituri ut Saturnini consiliis obviam iret

ἐτέραις θύραις ἐκεῖνον ὑπεδέξατο τούτων ἀγνοούντων· εἶτα πρό-  
Φασιν λέγων πρὸς ἀμφοτέρους κοιλίας διάρροϊαν, νῦν μὲν ὡς τοῦ-  
τον, νῦν δὲ ὡς ἐκεῖνον ἐπὶ τῆς οἰκίας ἀνὰ μέρος διατρέχων συνέκρουε  
καὶ παρώξυνε.

Nihili est ἐπὶ τῆς οἰκίας, neque dubito quin διὰ τῆς οἰκίας sit legendum: per totas aedes currebat Marium, modo ad hunc modo ad hunc modo ad illos.

C. XXXVI Cum Metellus ab exilio rediisset, Marius in Orientem abiit, specie ut Matri deorum votum solveret sed revera alias res mente agitans

ἤλπιζε γὰρ τοὺς βασιλεῖς συνταράξας καὶ Μιθριδάτην ἐπίδοξον ὄντα πολεμήσειν ἀναστήσας καὶ παροξύνας εὐθὺς ἐπ' αὐτὸν ἡγεμῶν αἰρεθήσεσθαι.

Hic primum pro εὐθὺς legendum esse αὐθις apparet e sequentibus καὶ νέων μὲν τὴν πόλιν θριάμβων . . . ἐμπλήσειν. Deinde nimis lene verbum ἀναστήσας videtur. Didotianus interpres quid requiratur docet versione sua: „Mithridate irritato”. Sed ipsum verbum non praesto.

C. XXXIV Senex iam Marius, novi honoris bellici cupidus, ridiculum in modum arma tractabat et corpus exercebat, absurdissimo usus praetexto:

Ἐφη γὰρ ἐθέλειν τὸν υἱὸν ἀσκῆται παρὼν αὐτὸς ἐπὶ στρατείας.

Vitio solito, quod etiam c. XVII notavimus, hic στρατείας legitur pro στρατιᾶς. Nondum se exercitus Marii dederat in viam; sed adesse se *in castris* velle simulabat Marius ut filii exercitationibus praeesset.

C. XXXV Sulpicius, turbulentus ille tribunus plebis

διὰ τᾶλλα πάντα θαυμάζων καὶ ζηλῶν τὸν Σατορνίνον nimis lentum eum timidumque vocabat.

Istud διὰ utique abesse debet; praesertim verbum ζηλοῦν illam respuit praepositionem. Recte interpres Didotianus: „cetera Saturnini laudans atque imitans”.

ib. Sulla consul Sulpicii satellites fugiens forte in Marii aedes incidit a quo per aversam ianuam dimittitur

αὐτὸς δὲ Σύλλας ἐν τοῖς ὑπομνήμασιν οὗ Φησι καταφυγεῖν πρὸς τὸν Μάριον, ἀλλ' ἀπαλλαχθῆναι βουλευσόμενος ὑπὲρ ὧν Σουλπίκιος ἠνάγκαζεν αὐτὸν ἄκοντα ψηφίσασθαι περισχῶν ἐν κύκλῳ ξίφεσι γυμνοῖς καὶ συνελάσας πρὸς τὸν Μάριον, ἄχρι οὗ προελθὼν ἐκείθεν εἰς ἀγορὰν, ὡς ἡξίου ἐκεῖνοι, τὰς ἀπραξίας ἔλυσε.

Nihil horum intelligo, in mentemque mihi hic venit Aristophanei ioci: μῶν οὐ κέκλοφες ἀλλ' ἥρπακτες; Non enim video quid inter Sullae ipsius narrationem et praecedentem intersit.

Narrat Plutarchus *confugisse* ad Marium Sulla. „Immo vero” ait Sulla in commentariis „non *confugi* sed *recessi* (ἀπηλλάχθην) ad Marium: eo enim me Sulpicius compulit (ἀπελάσας). Atque inde prodii in forum et quod postulabant adversarii feci ut iustitium solverem”. En virum fortem qui iure graviter ferat se *confugisse* ad Marium dici! Neque quidquam praesidii in Appiano, qui primum habet, quae eodem redeunt quo verba a Plutarcho e Sullae commentariis citata, ὡς βουλευσόμενος ὑπεχώρει (= ἀπαλλαχθῆναι βουλευσόμενος), deinde, paucis interiectis: καὶ ὁ Σύλλας ἐπελθὼν ἐβάστασε τὴν ἀργίαν. Quae verba sensu cassa esse video, emendationem non praesto. Nam constat quidem pro ἐπελθὼν legendum esse ἐπανελθὼν: reversus (a fuga illa ad Marium, quam *recessum* vel *abitum* ipse Sulla vocabat) in forum (inde enim aufugerat vel pulsus erat); sed quid absurdo illo ἐβάστασε faciam non video. Nihil aliud huc quadrat nisi ἔλυσε, sed id quidem quo modo in ἐβάστασε abire potuit?

ib. Sulla milites suos Romam duxit

τοὺς δὲ χιλιάρχους οὓς ἐπέπεμψε Μάριος, προσπεσόντες οἱ στρατιῶται διέφθειρον.

Illud ἐπέπεμψε e typothetae errore natum putabam, sed video in Didotiana quoque legi. Haud dubie tamen ἐξεπέμψε legendum; vide supra: ὁ Μάριος ... δύο χιλιάρχους ἐξεπέμψε παραληφομένους τὸ Σύλλα στράτευμα.

ib. Vela dat Ostia Marius, filio relicto ad commeatum parandum. Qui cum non sine multis periculis eam rem perfecisset

ἐπὶ θάλασσαν ἦκε καὶ νεὼς ἐπιβὰς εἰς Λιβύην πλεούσης ἀπέπρασεν.

Mirum, hercle, compositum! Non est dubium quin διεπέρασεν sit legendum neque latet causa corruptelae. Iuvenis enim ille in proxime praecedentibus dictus est commeatum petisse e Mucii praedio, sed non latuisse adversarios qui eodem equites miserint ad eum comprehendendum. At hortulanus eos viderat accedentes, iuvenem absconderat in plaustro leguminum pleno, boves plaustro iunxerat

οὕτω δὲ πρὸς τὴν οἰκίαν τῆς γυναικὸς διακομισθεὶς . . . νεὼς ἐπιβὰς . . . ἀπεπέρασε.

Quis non videt eum qui *clam*, in plastro abditus, domum suam ducatur, abducatur, reducat, absurde διακομίζεσθαι sed aptissime ἀποκομίζεσθαι dici? Pro διακομισθεὶς — ἀπεπέρασε legendum est ἀποκομισθεὶς — διεπέρασε. Sexcenties eiusmodi permutationibus corruptus est Plutarchi textus. Cf. praeterea c. 40 διαπεράσας τὸ πέλαιος.

### C. XXXVII Fugientes per litus Italiae Mariani

ὀρῶσιν ἱππέων Ἰλιν πρόσθεν ἐλαύνοντας ἐπ' αὐτοὺς καὶ κατὰ τύχην δλκάδας δύο Φερομένας.

Nihili est ultimum vocabulum; requiritur Graece quod est in versione Didotiana: „duas onerarias naves *prope litus*”. Legatur ergo παραΦερομένας.

In illarum alteram Marium senem comites inferunt, iubentibusque equitibus aut appellere navem aut Marium eiicere ἀπεκρίναντο μὴ προσεῖναι τὸν Μάριον.

Itane vero! „nolite Marium prodere” equitibus respondent nautae qui Marium in navem suam receperunt. Aut Graece permiscere et conturbare licet omnia, aut προήσεσθαι legendum est: „non prodituri sumus Marium” nautae clamarunt.

### ib. Abditus in herba Minturnensi iacet Marius et

πορρωτάτω τοῦ μέλλοντος εἶχε τὴν διάνοιαν.

Non intellexisse haec videtur interpres Didotianus sensu cassa haecce praebens: „quam longissime ab eo quod eventurum erat cogitationibus abductis”. Plutarchus hoc voluit: „omnia alia eventura exspectans potius quam id quod revera accidit”. Nautae enim, equitum illorum minas veriti Mario persuaserant ut ibi aliquantisper requiesceret donec ventus flaret secundus: tum se statim vela daturus. At vix dum ibi Marium deposuerant cum sublatis ancoris fugerunt. Cf. Lys. XI: apud Aegos flumen milites Athenienses ἡγόραζον, ἐπλανῶντο περὶ τὴν χώραν, ἐκάθευδον ὑπὸ ταῖς σκηναῖς, ἡριστοποιοῦντο, πορρωτάτω τοῦ μέλλοντος ἀπειρία τῶν ἡγουμένων ὄντες.

### C. XXXVIII In sexto Marii consulatu Fanniae cuiusdam

maritus uxorem adulterii accusaverat. Causam Marius cognoscit; illum dotis causa scientem duxisse uxorem impudicam intelligit; ergo dotem reddere eum iubet

τῆς δὲ γυναικὸς ἀτιμίας ἔνεκα τῇ καταδίκῃ χαλκοῦς τέσσαρας προσετίμησεν.

Includantur verba ἀτιμίας ἔνεκα τῇ καταδίκῃ et pro τῆς γυναικὸς legatur: τῇ γυναικί. Mulieri quatuor assium multam dixit: ignominiae causa id eum fecisse monendi non sumus, et istud τῇ καταδίκῃ prorsus supervacuum est.

C. XL Marium iuvenem comitesque eius Iampsas rex detinet insidias in eum struens

οὐ μὴν ἀλλὰ συμβαίνει τι τῶν εἰκότων αὐτοῖς πρὸς σωτηρίαν.

Id quod accidit huiuscemodi fuit: formosi iuvenis primum misericordia movetur quaedam e regiis ancillis, deinde e misericordia amor nascitur: illa ergo ei quaecunque ad fugam opus essent praebet. *Inexpectata*, ut opinor, ea fuit salus. Lege ergo τι τῶν ἀπεικότων.

C. XLI ταῦτα τῷ Μαρίῳ πυνθανομένῳ πλεῦσαι τὴν ταχίστην ἐφαίνετο.

Satis insolite hic ἐφαίνετο pro ἰδοξε positum est.

ib. Squalidus barbaque promissa Marius in urbem rediit

βουλόμενος μὲν ἐλεεινὸς εἶναι τῷ δὲ οἴκτῳ συνεμέμικτο πλέον τὸ φοβερόν.

Elegantissime enuntiata haec sed venustatem sermonis corrumpit sciolus post συνεμέμικτο addens τὸ οἰκεῖον τῆς ὀψευς, quod verissimum quidem est, sed quae vera non usquequaque sunt inculcanda.

C. XLII Proditione Ostiam Marius capit, multos incolas occidit

καὶ γεφυρώσας τὸν ποταμὸν ἀπέκοψε κομιδῇ τὰς ἐκ θαλάσσης εὐπορίας τῶν πολεμίων.

Possuntne sic Marii adversarii, quos ille oppugnat, appellari an πολιτῶν legendum? Nam quod e. c. equites qui Marium iuvenem *persequuntur* (c. XXXV) πολέμιοι dicuntur, id quidem minus me movet.

C XLII Laudatur Octavius consul tamquam vir

τὸ πρόσχημα τῆς ὑπατείας ἀκολάκευτον ἐπὶ τῶν πατρίων ἐῶν καὶ νόμων ὥσπερ διαγραμμάτων ἀμεταβόλων διαφυλάξας.

*Fundamentorum* hic potius quam *figuratum* exspectes imaginem, et fundamenta ἀμετάβολα quae sint novimus omnes, sed nihili videtur διαγράμματα ἀμετάβολα. Hoc tamen maxime movet suspicionem quod paulo post ipsa illa vox διάγραμμα suo sibi sensu redit — et iam satis cognitam habemus illam in textu Plutarchi vitiorum originem. Dicitur enim idem ille Octavius paulo fuisse infirmior, afferturque eius rei hoc argumentum: cum a militibus, quos Marius praemiserat, raptus a tribunali et occisus esset λέγεται διάγραμμα Χαλδαϊκὸν ἐν τοῖς κλόποις αὐτοῦ φονευθέντος εὑρεθῆναι. Iam mihi relegat aliquis totum locum, non poterit non sentire istud διαγραμμάτων . . . διαφυλάξας . . . διάγραμμα certum esse erroris indicium. Sed quid pro διαγραμμάτων sit legendum quis dicat?

C. XLIII Κίννας μὲν εἰσῆει δορυφορούμενος, Μάριος δὲ παρὰ ταῖς πύλαις ὑποστὰς εἰρωνεύετο πρὸς ὄργην Φυγὰς εἶναι λέγων.

Abiciantur ista πρὸς ὄργην quo melius sentiamus iocum illum fuisse hominis iamiam ad dirissima quaeque transitori.

ib. οὗς Βαρδυαίους προσηγόρευσεν.

Ipsene Marius hoc nomen servis illis dedit an vulgo sic appellabantur? Equidem προσηγόρευον lego. (Exstat varia lectio προσηγόρευεν).

In caede illa Cinnana pauci erant

οἱ μὴ προδόντες τοὺς παρὰ σφῶς καταφυγόντας.

Non est huius loci praepositio παρά, sed legendum πρὸς. Neque hic latet unde natum sit vitium. Praecedit enim:

ἡλέγχετο δὲ καὶ ξενίας καὶ φιλίας πίστις οὐδὲν ἔχουσα παρὰ τὰς τύχας βέβαιον.

C. XLV ἐν δὲ τούτῳ ὥσπερ τροπαίας τινος ἀμειβοῦσης undique de Sullae victoriis afferebantur nuntii. Mira haec structura, neque suspicionis experts.

Intelligebat ergo Marius mox sibi certamen fore cum bella-

tore egregio qui antea ipsum fugasset et nunc Mithridatem in suum repulisset regnum. Perturbabatur ergo animo

ὕπὸ τοιούτων θραυόμενος λογισμῶν καὶ τὴν μακρὰν ἄλην αὐτοῦ καὶ φυγὰς καὶ κινδύνους διὰ γῆς καὶ θαλάττης ἐλαυνομένου λαμβάνων πρὸ δῖθαλμῶν.

αὐτοῦ: cuius, obsecro? Sullaene? Immo ipsius. Lege ergo αὐτοῦ.

Paulo post haec legimus:

τέλος δὲ ὡς ἤκε τις ἀπαγγέλλων ἀπὸ θαλάσσης . . .

ἀπαγγέλλων quid? Excidisse hic quaedam videntur, cum praesertim in sequentibus νέοι προσπίπτοντες αὐτῷ φόβοι . . . εἰς νόσον κατηνέχθη πλευρίτιν durissimum sit anacoluthum.

C. XLVI Πλάτων μὲν οὖν . . . ὕμνει τὸν αὐτοῦ δαίμονα καὶ τὴν τύχην ὅτι πρῶτον μὲν ἄνθρωπος, εἴτα Ἕλλην [οὐ βάρβαρος οὐδὲ ἄλογον τῇ φύσει θηρίον] γένοιτο κτέ.

Inclusa delere malim quam cum Schaefero maiorem eorum transponere partem.

*Lysander* c. IV E pecunia, quam a Cyro accepit, Lysander ἐπιμετρήσας τὸν ὀβολὸν τοῖς ναύταις καὶ λαμπρυνάμενος δλίγῳ χρόνῳ τὰς ναῦς τῶν πολεμίων κενὰς ἐποίησε.

Nullus istis καὶ λαμπρυνάμενος locus hic est. Neque opus Lysandrum ea re gloriari: vel sic permanat ad hostes rumor meliorem esse Spartanorum militum conditionem quam suam. Sed unde ista vocabula invecta sint non video.

C. V ὥστε προσέχειν ἅπαντας αὐτῷ καὶ χαρίζεσθαι καὶ ποθεῖν ἐλπίζοντας οὐδενὸς ἀτυχήσειν τῶν μεγίστων ἐκείνου κρατοῦντος.

*Desiderio* (ποθεῖν) in sequentibus demum locus, ubi legimus successorem Lysandro missum Callicratidam. Neque recte habere videtur κρατοῦντος, quod est νικῶντος, non, quod hic requiritur, ἄρχοντος.

C. VII Quid est (quod Lysander facere quibusdam videbatur) τὸ δίκαιον μεγαλύνειν ἐπὶ τῷ λυσιτελοῦντι?

An: „iustitiam laudare (magni facere) sed ea conditione si lucrum afferret”? Errat interpretes Didotianus vertens: iustitiam utilitati coniunctam magni faciens.

C. VIII οἷς πρῶτοις ἐπιτύχοι τῶν νεωτεριζόντων ἐχαλέπαινε τῇ Φωνῇ καὶ προσῆγε τραχυνόμενος.

Quam vim hic habeat verbum προσάγειν me latet et τῇ Φωνῇ coniunctum malim cum τραχυνόμενος quam cum ἐχαλέπαινε. Plutarchum dedisse suspicor: τῇ Φωνῇ προσῆγει τραχυνόμενος et illa ἐχαλέπαινε et καὶ addita esse ab eo qui insolitam, sed vere Plutarcheam, vocabulorum dispositionem non ferret.

ib. Periuria Lysandri ita ab auctore nostro reprehenduntur ut dicatur non esse

Λακωνικὸν τὸ χρῆσθαι τοῖς θεοῖς ὥσπερ τοῖς πολεμίοις, μᾶλλον δὲ ὑβριστικώτερον

„nam qui periuriis ad fallendum utitur, hostes (inimicos) a se metui, sed deos contemni agnoscit”.

Hic ut τοῖς πολεμίοις sanum sit metuo.

C. XIV In ceteris civitatibus multos cives occidens et in exilium pellens Lysander oligarchiam instituit

Σαμίους δὲ πάντας ἐκβαλὼν παρέδωκε τοῖς Φυγάσι τὰς πόλεις. Immo τὴν πόλιν: nolo enim hic de pluribus unius insulae cogitare oppidis; omnia unam πόλιν efficiunt.

C. XV εἴτα μέντοι συνουσίας γενομένης τῶν ἡγεμόνων παρὰ πότον καὶ τινος Φωκέως ἔσαντος ἐκ τῆς Εὐριπίδου Ἠλέκτρας τὴν πάροδον . . .

Utique transponendum παρὰ πότον ita ut inter Φωκέως et ἔσαντος legatur.

C. XVII E Lysandri lege reipublicae aurum argentumque habere licebat, privato non licebat; at sic tamen irrepsit avaritia τῆς χρείας ἀξίαν προσλαμβάνουσης καὶ ζῆλον.

Pro προσλαμβάνουσης legendum est προσβαλλούσης: usus auro argentoque pretium dedit et ut a civibus cuperetur effecit. E tradita lectione nullum unquam extundes sensum.

C. XIX. Quid illud sit quod Lysandri Φιλοτιμία dicatur fuisse τοῖς πρῶτοις καὶ ἰσοτίμοις ἐπαχθῆς μόνον vel qua ratione



illud sequentibus, ubi item de viris primariis sermo est, opponatur me fugit.

Paulo post notetur *συναμφοτέρους* pro *σύμπαντας* positum.

ib. In scytales descriptione: magistratus, ad quem secretae literae mittebantur, lorum istud suo circumvolvebat baculo

*ὥστε τῆς ἑλικος εἰς τάξιν ὁμοίως ἀποκαθισταμένης ἐπιβάλλοντα τοῖς πρώτοις τὰ δεύτερα κύκλῳ τὴν ὄψιν ἐπάγειν τὸ συνεχὲς ἀνευρίσκουσιν.*

Sanane haec sint an *ἀνευρίσκοντα* legendum subdubito.

C. XXIII Civitates Asiae Lysandro monente Spartam miserunt legatos petentes ut dux belli Agesilaus mitteretur

*ὃ δοκεῖ τῆς βασιλείας οὐκ ἔλαττον Ἀγησιλάῳ καλὸν ὑπάρχει διὰ Λυσάνδρου.*

Ecquid διὰ Λυσάνδρου, „Lysandri opera”?

C. XXIV Postquam narratum est Lysandrum, quamquam ab Agesilao a bello fuerit remotus et in Hellespontum missus, tamen utilem navasse operam Agesilao (effecit enim ut Spithridates cum suis copiis ad eum transiret), haec sequuntur:

*ἄλλο δὲ οὐδὲν ἐχρήσατο αὐτῷ πρὸς τὸν πόλεμον.*

Obscurus est horum verborum sensus, non enim sic possunt accipi ut subiectum fiat Agesilaus, non Lysander, quoniam sequitur: *ἀλλὰ τοῦ χρόνου διελθόντος ἀπέπλευσεν εἰς τὴν Σπάρτην ἀτίμως, ὀργιζόμενος μὲν τῷ Ἀγησιλάῳ κτέ.* Interpres Didotianus haec praebet: „nihil aliud eo in bello perfecit”, ad incitas, ut opinor, redactus.

ib. „In magno illo Heraclidarum numero duae” ait „tantummodo gentes regem praebebant Spartae, ceteri omnes e nobilitate generis nullum habebant emolumentum”

*αἱ δ' ἀπ' ἀρετῆς τιμαὶ πᾶσι προὔκειντο τοῖς δυναμένοις.*

Obscura haec quoque, praesertim in *δυναμένοις* haereo. Meræ libidinis est cum Didotiano interprete sic locum vertere: „virtutis praemia, omnibus, qui ea poterant adipisci, communia erant”.

ib. Omnibus Spartiatis ad regiam dignitatem dare aditum volebat Lysander

ἤλπιζε δὲ τῆς βασιλείας οὕτω δικαζομένης οὐδένα πρὸ αὐτοῦ Σπαρτιάτην ἂν αἰρεθήσεσθαι.

Immanem soloecismum ingeniose sustulit Naberus pro ἂν αἰρεθήσεσθαι legens ἀναρρηθήσεσθαι. Restat δικαζομένης quod quo modo emendem nescio, sanum non esse certo scio. Requiritur aliquid quod significet id quod praebet interpres Didotianus: „si ea lege reges designarentur”.

C. XXV Quae Lysander sit molitus ut, lege de regibus creandis mutata, ipse ad summam perveniret potestatem narraturus sic incipit Plutarchus ut promittat se expositurum totam

ἐπιβουλὴν καὶ σκευωρίαν τοῦ πλάσματος οὐ Φαύλην οὔσαν οὐδ' ἀφ' ᾧ ἔτυχεν ἀρξαμένην, ἀλλὰ πολλὰς καὶ μεγάλας ὑποθέσεις, ὥσπερ ἐν διαγράμματι μαθηματικῷ, προσλαβοῦσαν καὶ διὰ λημμάτων χαλεπῶν καὶ δυσπορίστων ἐπὶ τὸ συμπέρασμα προϊοῦσαν.

Lepidam comparationem unum vocabulum pessumdat προσλαβοῦσαν, pro quo haud dubie προλαβοῦσαν est legendum: demonstratio enim mathematica primum sumit ὑπόθεσιν. Cf. c. XXVI: ταύτην λαβὼν ἀρχὴν τὰ λοιπὰ παρ' ἑαυτοῦ προστεκεταίνετο.

C. XXVIII ἤδη δὲ παντάπασι χαλεπὸς ὦν ὄργην διὰ τὴν μελαγχολίαν ἐπιτείνουσαν εἰς γῆρας κτέ.

Sana haec esse non credo, sed legendum suspicor: εἰς μελ. ἐκ. διὰ τὸ γῆρας. Senectus efficiebat ut iracundia in melancholiam transiret.

ib. Quid illud sit quod Lysander, cum primum ad Haliartum Pausaniam exspectare decrevisset, morae impatiens

λαβὼν τὰ ὅπλα καὶ τοὺς συμμάχους παρορμήσας ὀρθίῳ τῇ Φάλαγγι παρὰ τὴν ὁδὸν ἦγε πρὸς τὸ τεῖχος me fugit. Ecquid κατὰ τὴν ὁδὸν legendum? Signum profectionis dedit, deinde in ipso itinere urbem est aggressus.

Sulla c. II In initio huius capituli legitur aliquid quod nescio an a doctis archaeologis negligatur:

τοῦ δὲ σώματος αὐτοῦ τὸ μὲν ἄλλο εἶδος ἐπὶ τῶν ἀνδριάντων φαίνεται, τὴν δὲ τῶν ὀμμάτων γλαυκότητα κτέ.

Opponuntur hic inter se ea quae cernantur et quae non cer-

*nantur in statu. Non cernitur color oculorum, ergo non solebant pingi oculi . . . et fortasse neque capilli neque supercilia ceteraque ex hoc genere.*

C. III Bocchus insidias Iugurthae struens Sullam advocabat δι' ἐκείνου μάλιστα βουλόμενος τὴν σύλληψιν καὶ παράδοσιν τοῦ Ἰογόρθα γενέσθαι ἢ δι' αὐτοῦ.

Istud μάλιστα vitio natum e μάλλον suspicor.

C. V Pro στρατεῖαν legendum esse σατραπείαν demonstravi Mnem. 1903 p. 294.

C. VI Bocchus in Capitolio signa collocanda curavit Iugurthae a se Romanis Sullaeque dediti

τόν τε δῆμον ἄμα θεραπεύων ἐν Ῥώμῃ καὶ τῇ Σύλλῃ χαριζόμενος.

Nimis stupidos sibi finxit lectores, qui istud ἐν Ῥώμῃ addidit. Et addidit inepto loco!

ib. (versus finem) ἀποδειχθῆναι στρατηγὸς ἐπὶ Μιθριδάτην ἐθεράπευε τὴν ὑφ' ἐαυτοῦ στρατιάν.

Frustra huiusce structuræ rationem quaeras defensionemve. Post ἐπὶ Μιθριδάτην excidisse suspicor ἐπιθυμῶν. Causa erroris in apërto est.

C. VII Marius senex appetens Mithridatici belli gloriam nobis depingitur tamquam

ἄνὴρ τῷ τε σώματι βαρὺς καὶ ταῖς ἐναγχοῖς ἀπειρηκὼς στρατείαις διὰ γῆρας ἐκδήμων καὶ διαποντίων πολέμων ἐφιέμενος.

Multi, sat scio, haec eodem modo quo interpretes Didotianus accipient, qui sic vertit: „gravi vir corpore et qui nuper aetatis causa bellicis laboribus succubisset e. q. s.” Sed dubium non est quin vocabula ταῖς ἐναγχοῖς στρατείαις contineant aliquid quod verbis ἐκδήμων καὶ διαποντίων πολέμων sit *oppositum*, et si ἀπειρηκὼς hic eam vim haberet quam interpretes putat, istud „expeditionibus confectus propter aetatem” verborum esset non ferendae. *Locī*, non temporis hic est adverbium ἐναγχοῖς, et admonemur eorum quae in vita Marii c. 33 s. f. leguntur: ἀΦῆκε τὴν στρατηγίαν ὡς ἐξεδυνάτων τῷ σώματι διὰ τὴν ἀσθένειαν. Le-

gendum ergo est τὰς ἔναγχος ἀπειρηκῶς στρατείας, ut ἀπειρηκῶς fere idem sit quod ἀφεικῶς. Cum bellum in ipsa esset gerendum Italia, Marius aetatem excusavit.

C. XII Obsidet Athenas Sulla, et nisi Romam redire festinasset παρὴν ἀκινδύνως ἐλεῖν τὴν ἄνω πόλιν [ὑπὸ λιμοῦ] συνηγμένην ἤδη τῇ χρεῖα τῶν ἀναγκαίων εἰς τὸν ἔσχατον καιρὸν.

Dele importunum emblemata. Quis enim tam brevi spatio bis eandem rem significari ferat, primum simpliciter (fame), deinde ornate (inopia rerum necessariorum)?

C. XIV κατελήφθη μὲν οὖν ἡ πόλις ἐκεῖθεν ὡς Ἀθηναίων οἱ πρεσβύτατοι διεμνημόνευον.

Sic haec verba accipienda puto ut Plutarchus puer Lampriam avum narrantem audiverit de rebus quas ille cognoverit ab Atheniensibus grandaevis, Sullae aequalibus. Mira res, sed non plane incredibilis.

C. XIX Mire dictum τρόπαιον τοῦ Θουρίου κατὰ κορυφὴν βεβηκός, pro ἐστηκός.

C. XXIX In proelio ad portam Collinam ipse Sulla candido vehebatur equo: agnoscebatur ergo a duobus adolescentibus in adversariorum exercitu, qui hastas in eum coniecerunt

αὐτὸς μὲν οὖν οὐ προενόησε, τοῦ δὲ ἵπποκόμου μαστίξαντος τὸν ἵππον ἔφθη παρενεχθεὶς τοσοῦτον ὅσον περὶ τὴν οὐρὰν τοῦ ἵππου τὰς αἰχμὰς συμπεσούσας εἰς τὴν γῆν παγῆναι.

Miraculum hic nobis narratur non minus absurdum quam quod quondam ad cives placandos commentus dicitur rex facetus: θαῦμα ἂν ἦν εἰ ἡ κλεῖς περὶ τὸν ὄφιν εἴλικτο. Pro περὶ τὴν οὐρὰν quantocius παρὰ repono.

C. XXXI De Sullae proscriptione et alia legimus et haec:

λέγειν ἐπῆκει τοῖς κολάζουσιν ὡς τόνδε μὲν ἀνηρῆκει οἰκία μεγάλη, τόνδε δὲ κῆπος κτῆ.

Pro κολάζουσιν aliud quid expectes. Ut iam concedam ea voce *percussores* significari, non credo Sullae ministros sic de caede ab illo iussa disputasse. Aliorum illud est, qui ipsi totius

negotii sint expertes. Scripsit ἀκούουσι vel eiusmodi aliquid Plutarchus.

C. XXXIII Reprehenduntur Sullae largitiones infimis mortalium

ἰθὺν [χώρας] καὶ πόλεων χαριζομένου προσόδους.

Deleatur inclusum vocabulum: populorum urbiumque reditus Sulla largiebatur.

C. XXXIV Pro καλόν legendum esse κάλλιον demonstravi Mnem. 1903 p. 317.

C. XXXV pro οὐσίας legendum esse λείας demonstravi Mnem. 1903 p. 320. Hic addo haudquaquam illam emendationem refutari iis quae leguntur in vita Crassi c. II παρὰ τὴν ὑπατείαν ἀποθύσας τῷ Ἡρακλεῖ τὴν δεκάτην. Nam de Sullae hic agitur triumpho rebusque ad triumphum pertinentibus.

ib. In uxoris exsequiis Sulla omnibus modis leges a se de luxu cohibendo latas neglexit

πότοις καὶ συνδείπνοις . . . παρηγορῶν τὸ πένθος.

Unde praepositio ista huc pervenerit nescio, pellendam censeo.

C. XXXVII πρὸ μιᾶς δὲ ἡμέρας πυθόμενος τὸν ἄρχοντα Γράνιον, ὡς ὀφείλων δημόσιον χρέος οὐκ ἀποδίδωσιν ἄλλ' ἀναμένει τὴν αὐτοῦ τελευτὴν, μετεπέμψατο τὸν ἄνθρωπον εἰς τὸ δωμάτιον, καὶ περιστήσας τοὺς ὑπηρέτας ἐκέλευσε πνίγειν.

Si revera magistratum eo tempore gessisset Granus, praetorem eum vel aedilem vel quaestorem appellasset Plutarchus. Sed permulta alia hic locus habet quae minime in populi Romani magistratum conveniant: de plebe homine ita utitur tyrannus, de plebe hominem τὸν ἄνθρωπον dicit qui Graece scit. Puto de iocoso illo praecone Granio hic agi cuius facetias multas in libris de Oratore commemorat Cicero. Amicus ille fuit Crassi, sed nihil obstat quominus duodecim post Crassi mortem annis etiam in vivis fuerit. Aut ergo κήρυκα legendum aut aliud vocabulum idem officium significans.

*Comp. Iycurgi et Sullae* c. II Sulla et in alios multos fuit iniquissimus amicos et

Λουκρήτιον Ὀφέλλαν ἀντὶ πολλῶν καὶ μεγάλων ὑπατείαν μνῶ-  
μενον . . . ἀποσφάζει προσέταξε.

Post μεγάλων substantivum aliquod excidit, fortasse ὑπουργιῶν, quod sequente ὑπατείαν facile a librario potuit omitti.

C. III In publica auctione Sulla amico cuidam parvo pretio bona addicere volebat

ἐτέρου δὲ τὴν τιμὴν ὑπερβαλλομένου καὶ τοῦ κήρυκος τὸ προσ-  
τεθὲν ἀγορεύσαντος διηγανάκτησε.

Praeconis est clara voce proclamare. Lege ergo ἀναγορεύσαντος.

C. IV In victoriarum comparatione magis refert quos victor habuerit adversarios,

τρυφὴν γὰρ οἶμαι καὶ παιδιὰν πρὸς Ἀντίοχον διανουμαχεῖν τὸν Ἀλκιβιάδου κυβερνήτην

sed arduum et grave fuit negotium Marium, Mithridatem, Telesinum vincere.

Sententia verborum certa est, requiritur enim decantatum illud *ludus iocusque*. Sed recte *ludi* sensu τρυφὴν dici vix credo.

*Cimon* c. II Maiores nostri Lucullo statuam posuerunt, at nos ἀναληψόμεθα τῇ γραφῇ τῶν παραλλήλων βίων τὰς πράξεις τοῦ ἀνδρός.

Ista non intelligo; haereo in verbo ἀναληψόμεθα, pro quo exspecto fere *inseremus*. Videntur autem viri docti e vulgata scriptura effecisse ab hac vita vitarum suarum scribendarum initium fecisse Plutarchum (v. Gréard).

ib. ἐν τοῖς καλοῖς ἀναπληρωτέον ὥσπερ ὁμοιότητα τὴν ἀλήθειαν.

Verba ὥσπερ ὁμοιότητα equidem deleverim, ut reliqua signif-  
cent: „in virtutibus describendis veritate opus est plena, non imminuta”. Sequitur enim fere hoc: „de vitiis vero verecunde est narrandum”. Mire autem ibi iunguntur ἀμαρτίας καὶ κήρας.

C. VIII Coronam petente Miltiade Lachares vocem misit

οὐκ εὐγνώμονα μὲν ἀρέσασαν δὲ τῷ δήμῳ τότε.

Transpone: τῷ τότε δήμῳ: populo qui tunc erat, rudi scilicet et subrustico, sententia illa durior placebat.

C. X Ἦδη δὲ εὐπορῶν ὁ Κίμων ἐφόδια τῆς στρατιᾶς ἃ καλῶς ὑπὸ τῶν πολεμίων ἔδοξεν ὠφελῆσθαι κάλλιον ἀνήλυσεν εἰς τοὺς πολίτας.

In verbis εὐπορῶν ἐφόδια τῆς στρατιᾶς haereo, neque quidquam varia lectio ἐφοδίων prodesse videtur. In praecedentibus autem narratum est in praeda dividenda Athenienses auctore Cimone sibi elegisse captivos, ornatum eorum, quamvis splendidum, reliquisse sociis, neque spem eum fefellisse, nam mox illorum cognatos multo pluris eos redemisse quam quanti ornamenta illa essent, ita ut statim in quatuor menses victum praebere copiis posset. Itaque sine ullo damno immo cum magno emolumento ista ἐφόδια τῆς στρατιᾶς abiiciemus; adscripsit aliquis ad pronomen ἃ explicandum; annotatione in textum recepta periit venustissima oppositio ἃ καλῶς ὑπὸ τῶν πολεμίων ἔδοξεν ὠφελῆσθαι κάλλιον ἀνήλυσεν εἰς τοὺς πολέμιους.

C. XIII verba ἐπηγωνίσατο ταῖς νίκαις sic accipere viri docti videntur: „statim post victorias illas novum adiit certamen”. Certe interpretes Didotianus haec praebet: „certamen aliud quasi additamentum victoriis et tropaeum quaerens subiit”. Insolite tamen dictum illud.

C. XIV In iudicium vocatur Cimon quod pecunia ab Alexandro accepta nullam in Macedoniam fecerit incursionem.

ἀπολογούμενος δὲ πρὸς τοὺς δικαστὰς οὐκ ἰώνων ἔφη προξενεῖν οὐδὲ Θεσσαλῶν, πλουσίων ὄντων, ὥσπερ ἑτέρους, ἵνα θεραπεύωνται καὶ λαμβάνωσιν, ἀλλὰ Λακεδαιμονίων, μιμούμενος καὶ ἀγαπῶν τὴν παρ' αὐτοῖς εὐτέλειαν καὶ σωφροσύνην, ἥς οὐδένα προτιμᾶν πλοῦτον, ἀλλὰ πλουτίζων ἀπὸ τῶν πολεμίων ἀγάλλεσθαι.

Haec parum apte decurrit sententia. Excidisse quaedam crediderim.

C. XV Quamdiu aderat Cimon cohibuit hominum popularium ardorem. Sed cum iterum ad classem esset profectus

τελείως ἀνεθέντες οἱ πολλοὶ καὶ συγχέαντες τὸν καθεστῶτα τῆς

πολιτείας κόσμον τὰ τε πάτρια νόμιμα, οἷς ἐχρῶντο πρότερον, Ἐφιάλτου προεστῶτος ἀφείλοντο τῆς ἐξ Ἀρείου πάγου βουλῆς τὰς κρίσεις πλὴν ὀλίγων ἀπάσας.

Istud τε Schaeferus addidit. Sed ne sic quidem locus sarcitur. Fortasse totum istud τὰ πάτρια . . . . πρότερον tamquam interpretamentum eius quod praecedit τὸν καθεστῶτα τῆς πολιτείας κόσμον est eiiciendum.

Sic demagogi isti

εἰς ἄκρατον δημοκρατίαν ἐνέβαλον τὴν πόλιν, ἣδη καὶ Περικλέους δυναμένου καὶ τὰ τῶν πολλῶν φρονοῦντος.

Haec quoque suspecta. Certe istud δυναμένου suum sibi μέγα flagitat. Sed scioli annotationem olet totum istud ἣδη — φρονοῦντος.

C. XVI Pro πόλεις legendum esse ἐπαύλεις demonstravi Mnem. 1903 p. 317. Haud mediocriter hoc invento gaudeo.

C. XVIII μετὰ δὲ ταύτην τὴν ὄψιν αὐτοῦ τῷ Διονύσῳ θύσαντος ὁ μὲν μάντις ἀπέτεμε τὸ ἱερεῖον.

Immo vero ἀνέτεμε, quod solemne est verbum de haruspice exta consulente.

Lucullus c. 1 ἰδῶκει δὲ καὶ ἄλλως αὐτοῖς ἄνευ προφάσεως οὐκ ἀγεννὲς εἶναι τὸ τῆς κατηγορίας ἔργον.

Admodum suspecta mihi sunt vocabula ἄνευ προφάσεως quibus sine ullo detrimento hic carere possimus. Interpretamentum videtur vocabuli ἄλλως „vel sic”, quod fere idem est ac *sine certa causa*.

Et Latine et Graece facundus erat orator Lucullus

ὥστε καὶ Σύλλας τὰς αὐτοῦ πράξεις ἀναγράφων ἐκείνῳ προσεφώνησεν.

Ultimum vocabulum quo sensu dictum sit me latet. Vertunt „ei inscripserit”; sed quomodo, obsecro, illud cum iis quae continuo sequuntur ὥς συνταξομένῳ καὶ διαθήσονται τὴν ἱστορίαν ἄμεινον cohaeret? Non, ut opinor, librum alicui „dedicantes” illum nobis melius argumenta disponere declaramus.

C. II Non ab omni parte perspicuum mihi est quod περὶ τοῦ Λουκολλείου νομίσματος narratur:



διετέλεσεν ἐπὶ πλεῖστον ὑπὸ τῶν στρατιωτικῶν χρειῶν ἐν τῷ πολέμῳ λαμβάνον ἀμοιβὴν ταχεῖαν.

Melius intelligerem si λαβόν scriptum esset: milites illos nummos mutando sparserunt per provincias, et sic in usu esse illi perstiterunt.

ib. λέγεται δὲ μήτ' εἰς Μέμφιν ἀναβῆναι μήτ' ἄλλο τῶν θαυμαζομένων ἐν Αἰγύπτῳ καὶ περιβοήτων ἱστορῆσαι.

Immo vero λέγει: ipse hoc Lucullus in suis commentariis dicit, quod luce clarius apparet ex iis quae continuo sequuntur: σχολάζοντος γὰρ εἶναι ταῦτα θεατοῦ καὶ τρυφῶντος, οὐχ, ὡς αὐτὸς, ἐν ὑπαίθρῳ τὸν αὐτοκράτορα σκηνοῦντα παρὰ ταῖς ἐπάλξεσι τῶν πολεμίων ἀπολελοιπότης. Mirum et vix credibile eiusmodi aliquid per tot saecula viros doctos latere potuisse!

Ex eodem genere vitium mihi deprehendisse videor apud Flaviū Iosephum A.I.-19, 14. Describens spectaculum, in quo Caligula interfectus est, et alia et haec narrat:

πολλῆς δὲ δπόρας ἐπιχειομένης τοῖς θεωροῖς καὶ πολλῶν ὀρνέων ὁπόσα τῷ σπανίῳ τίμια τοῖς κτωμένοις, ὁ Γάιος ἡδονῇ τὰς περὶ αὐτοῖς ἐθεώρει μάχας καὶ διαρπαγὰς οἰκειουμένων αὐτὰ τῶν θεωρῶν. ἔνθα δὲ καὶ σημεῖα μανθάνει δύο γενέσθαι· καὶ γὰρ μῆμος εἰσάγεται, καθ' ὃν σταυροῦται ληστῶν ἡγεμῶν, ὃ τε ὀρχηστής δρᾶμα εἰσάγει Κινύραν, ἐν ᾗ αὐτός τ' ἐκτείνεται καὶ ἡ θυγάτηρ Μύρρα, αἰμά τ' ἦν τεχνητὸν πολύ.

Haec spectat Caligula, verum facta ea esse et Caligulae illa oblata omnia quis μανθάνει? Ut opinor, is qui haec scripsit. Dedit ergo μανθάνω i. e. „apud auctores meos invenio”. Paulo post sequitur quod est eiusdem generis:

ὁμολογεῖται δὲ καὶ τὴν ἡμέραν ἐκείνην γενέσθαι ἐν ᾗ Φίλιππον τὸν Ἀμύντου Μακεδόνων βασιλέα κτείνει Πausanίας.

i. e. de hac re consentiunt auctores mei. Omnino Iosephus libenter suarum disquisitionum facit mentionem.

C. IV In bello civili neutris partibus se adiunxit Lucullus, neque tamen ob eam causam minoris eum faciebat Sulla

ἀλλὰ τὴν τε γραφὴν, ὡς εἴρηται, τῶν ὑπομνημάτων ἐκείνῳ δι' εὐνοίαν ἀνέθηκε . . .

ὡς εἴρηται, ubi? In mentem nobis venit loci in c. I de quo

modo agebamus, quamquam ibi haudquaquam idem dicitur quod hic: τὰς αὐτοῦ πράξεις ἀναγραφῶν ἐκείνῳ προσεφώνησε, hoc est: ipse Sulla commentarios suos conscripsit, sed eos Lucullo . . . quid? „Inscripsit” ait interpres Didotianus, quod eodem redit ac pervulgatum illud „dedicavit”. Ut faciamus προσφωνεῖν eam vim habere, carmen aliquod, orationem, librum denique aliquem arte limatum in fronte gerere nomen eius, quem poeta, orator, historicus insigni velit afficere honore intelligimus, nudos aridosque commentarios non intelligimus, cum praesertim ipse eorum auctor se scribendi artem parum callere fateatur. Deinde quo modo haec procedit disputatio: „Lucullus tam Graece quam Latine facundus erat, ergo Sulla honoris causa suos commentarios illius ornavit nomine, utpote qui melius eos dispositurus compositurusque esset”? Hinc quoque aliquem extundas sensum: ubi nunc ante c. IV Plutarchus Sullam dixit commentarios suos perscribendos mandasse Lucullo? Nusquam, ut opinor, et tamen τὴν γραφὴν τῶν ὑπομνημάτων ἐκείνῳ ἀνέθηκε quid possit significare aliud non video. Suspicio ergo in c. I a Plutarcho scriptum fuisse τὰς αὐτοῦ πράξεις ἀναγράφειν ἐκείνῳ προσέταξεν. Dixeris ne sic quidem quae capitibus I et IV narrentur inter se concinere: duae res ibi traduntur, sed eae minime diversae, immo quam maxime inter se cognatae. Qui alii suos commentarios perscribendos mandat primum insigne ei dat amoris benevolentiaeque documentum, deinde eum tamquam scribendi artificem insigni afficit honore.

C. VI Praecia meretricula viris, quibuscum rem habere solebat, utebatur

πρὸς τὰς ὑπὲρ τῶν Φίλων σπουδὰς καὶ πολιτείας.

Ultimum vocabulum sanum esse non credo utpote quod nullo modo cum praepositione ὑπὲρ iungi possit. Adscripsitne aliquis καὶ πολιτείας ad significandum illa Praeciae studia ad rempublicam pertinuisse?

C. VII In eam venerat respublica conditionem ut fieri posset nihil

Κεθήγου μὴ σπουδάζοντος οὐδὲ Πραικίας μὴ κελευούσης παρὰ Κεθήγῳ.

Nihili istud videtur. Legendum:

Κεθήγου μὴ κελεύοντος οὐδὲ Πραικίας μὴ σπουδαζούσης παρὰ Κεθήγῳ.

Nunc demum recte et ordine, simulque facete, dicta sunt omnia: Cethegus tribunus non iam *vetabat* sed *iubebat* et sua apud eum, tamquam si consul vel praetor esset, gratia utebatur ... meretrix.

#### C. IX Castra ponit Lucullus

ἐν τόπῳ κατὰ τῶν ὁδῶν ἄριστα πεφυκότι καὶ τῶν χωρίων, ἀφ' ὧν καὶ δι' ὧν ἀναγκαῖον ἦν τοῖς Μιθριδατικοῖς τὰ ἐπιτήδεια φοιτᾶν.

Immo vero καὶ τῶν ὁδῶν ... καὶ τῶν χωρίων. Optimus ille erat castrorum locus et quod pertinebat ad vias, quibus ad hostes commeatus advehebatur et quod ad agros unde frumentari illi solebant. Venustissimus est chiasmus:

καὶ τῶν ὁδῶν . . . . . καὶ τῶν χωρίων

~~ἀφ' ὧν . . . . . δι' ὧν.~~

Ad genitivos illos quod attinet, quamquam minime rarus ille usus, adscribere tamen locum e Platone iuvat, qui mirifice huc quadrat: Leg. p. 705 C. ναυπηγησίμης ὕλης ὁ τόπος ἡμῖν τῆς χώρας πῶς ἔχει;

#### C. XIII In myoparonem transiit Mithridates

τῆς ὁλκάδος, ἐφ' ἧς ἔπλει, μήτε πρὸς τὴν γῆν εὐπαρακομίστου διὰ μέγεθος ἐν σάλῳ μεγάλῳ καὶ κύματι τυφλῷ παρισταμένης τοῖς κυβερνήταις κτέ.

Si sana haec, iungenda inter se sunt εὐπαρακομίστου παρίσταμένης ita ut prius vocabulum secundi sit praedicatum et ἡ ναὺς πρὸς τὴν γῆν εὐπαρακόμιστος παρίσταται τοῖς κυβερνήταις significet: navis se docilem praebet gubernatoribus ita ut facile in terram possit dirigi.

#### C. XIV „Cur hostem nobis” Lucullus milites desidiam non ferentes rogat „Tigranem ultro faciamus”

πάσαι μὲν αἰτίας δεόμενον ἐφ' ἡμᾶς, εὐπρεπεστέραν δὲ οὐκ ἂν λαβόντα τῆς ὑπὲρ ἀνδρὸς οἰκείου καὶ βσιλιέως ἀναγκασθέντος ὑπουργεῖν αὐτῷ;

Corrupta haec neque sanantur Schaeferi coniectura ἀναγκασθέντα, qua et hiatus nascitur. Et illam tamen probat strenuus ille traditarum lectionum propugnator Sintenisius! Nulla est vera medicina qua non efficiatur ut articulus τῆς suum sibi substantivum nanciscatur. Ecquid τῆς ὕ. ἀ. οἱ. κ. β. ἀναγκασθείσης ὑπουργίας? Nullum unquam habebit speciosius belli praetextum Tigranes quam *si cogetur* cognato regi *opem ferre* (pulcherrimum erit praetextum coacta i. e. necessaria, quam regi cognato praebet, opera).

Etiam ea quae statim sequuntur:

τί οὖν δεῖ τοῦθ' ἡμᾶς ἐξεργάσασθαι καὶ διδάξαι Μιθριδάτην ἀγνοοῦντα, μεθ' ὧν ἐστὶν αὐτῷ πολεμητέον, καὶ μὴ βουλόμενον ἀλλ' ἀδοξοῦντα συνελάυνειν εἰς τὰς Τιγράνου χεῖρας;

corrupta videntur. Non enim video quid hic isto ἀδοξοῦντα faciam. Quod si ita agere liceret ut egit Didotianus interpres, qui μὴ βουλόμενον ἀλλ' ἀδοξοῦντα vertit: nolentem et *dedecori sibi ducentem*, nullum iam in Graecis libris esset obstaculum: quodvis vocabulum significare quidvis posset. Sed ἀδοξεῖν et semper fuit et nunc est „in nullo honore esse”. Legendum ἀμφοδοξοῦντα censeo: ad Tigranem confugere non *vult* Mithridates, neque tamen *plane nolle* eum dixerim, cogitat de ea re et dubius haeret. Eum ne impellamus! θέλει μὲν, ἐχθαίρει δὲ, βούλεται δ' ὁμως.

C. XVI ὁ Μενέδημος εἰπὼν μηδὲν ἀναγκαιότερον τοῦ σώζεσθαι Λούκουλλον κτέ.

Post ἀναγκαιότερον insere εἶναι, non enim Latina haec sed Graeca.

C. XVII Notabilis quaedam loquendi brevitās hic observatur. Mithridates se parem Romanis non esse intelligens castra movet, persequitur eum Luculli exercitus et parum abest quin ipse rex in manus incidat hostium, sed salutem ei affert persequentium avaritia:

ἦν μὲν γὰρ ἐν ἐφικτῷ τῆς διώξεως ὁ ὑπεκφέρων τὸν ἄνδρα ἵππος, ἡμιόδου δὲ τῶν τὸ χρυσίον κομιζόντων μεταξὺ τοῦ βασιλέως εἴτ' ἀπὸ ταυτομάτου παρεισπεσόντος εἴτε τοῦ βασιλέως ἐπίτηδες ἐμβαλόντος αὐτὸν εἰς τοὺς διώκοντας

eo se Romani converterunt et dum aurum rapiunt effugit Mithridates.

Hic post μεταξὺ τοῦ βασιλέως alterum membrum καὶ τῶν διακόντων est omissum, neque ulla est damni illati suspicio. Fortasse hac luce illustrari potest locus ille in Aristophanis Acharnensibus saepe frustra tentatus — quem velim norunt periti

Ceterum obnoxium fuisse hoc caput videtur legentis importunitati, qui se continere non potuerit quin ad οὐ τοσαύτην οὔσαν adscriberet ἀλλὰ μικράν et τάχει μὲν οὐκ ἀπελείποντο τοῦ λαβεῖν verbis ἀλλ' ἤλθον ἔγγιστα τούτου illustraret.

C. XX τὴν ἐπαρχίαν ἄρρητοι καὶ ἄπιστοι δυστυχίαι κατεῖχον ὑπὸ τῶν τελωνῶν καὶ τῶν δανειστῶν πορθουμένην καὶ ἀνδραποδίζομένην, πιπράσκειν ἰδίᾳ μὲν υἱοὺς εὐπρεπεῖς θυγατέρας τε παρθένους, δημοσίᾳ δ' ἀναθήματα, γραφὰς, ἱεροὺς ἀνδριάντας ἀναγκάζοντων.

Sic scripsit Plutarchus, sed librarius praecedentibus illis *παισιν* participiis in errorem inductus pro ἀναγκάζοντων dedit ἀναγκαζομένων et sic locum pulcherrime structum corruptit.

ib. Tandem aliquando miseri provinciales addicti serviebant servitute, sed ipsa servitute duriora erant ea quae praecedebant *σχοινισμοὶ καὶ κιγκλίδες καὶ ἵπποι καὶ στάσεις ὑπαιθροί.*

Vocabula καὶ ἵπποι omisit interpres Didotianus, neque quicquam mortalium quid sibi *hic* velint explicabit. Unde tamen pedem intulerint non est obscurum. Nempe *σχοινισμῶν* et *κιγκλίδων* quae sit ratio is demum novit qui unquam forum vidit ubi venales prostant boves ovesque sed praesertim equi. In margine ergo annotavit aliquis *ἵπ.* ad significandum equorum instar tractatos miseros illos fuisse homines, inde postea istud textus dehonestamentum καὶ ἵπποι natum est.

C. XXI Appius Claudius civitatibus, quae in manus pervenerunt Tigranis, libertatem promittebat per Lucillum obtinendam ἣν γὰρ οὐκ ἀνασχετὸς ἢ τῶν Ἀρμενίων ἀρχὴ τοῖς Ἑλλησιν [ἀλλὰ χαλεπή].

Unquamne vidisti turpius additamentum?

## C. XXIV De sacris Dianae Persicae bobus haec narrantur:

χρῶνται ταῖς βουσί πρὸς θυσίαν μόνον, ἄλλως δὲ πλάζονται κατὰ τὴν χώραν ἄφεται χαράγματα φέρουσαι τῆς θεοῦ λαμπάδα, καὶ λαβεῖν ἐξ αὐτῶν, ὅταν δεηθῶσιν, οὐ πάνυ ῥαδίον ἐστὶν οὐδὲ μικρᾶς πραγματείας.

Lege λαβεῖν τιν' αὐτῶν.

C. XXVI Si quis ex uno exemplo cognoscere vult quanto artificio Plutarchus periodos struere possit quae aures impleant et parum absint a carminum suavitate, legat mihi locum, a verbis ἐπεὶ δὲ πανστρατιᾷ incipientem, quo exponitur quid Tigranem permoverit ut ad Tigranocerta impetum faceret in Romanos.

C. XXVII Lucullus ad locum fluminis, qui facillime posset transiri, procedens speciem fugientis praebebat Armeniis. At iam gloriantem iocantemque Tigranem Taxilas, vir prudentissimus, sic corripuit: „vellem ita se res haberet”

ἀλλ' οὐτ' ἐσθῆτα λαμπρὰν οἱ ἄνδρες λαμβάνουσιν ὁδοιποροῦντες οὔτε θυρεοῖς ἐκκεκαθαρμένοις χρῶνται καὶ κράνεσι γυμνοῖς.

Hic utique delendus articulus οἱ, quoniam in universum dicta haec sunt, non de solis Luculli militibus.

C. XXVIII Cum iam se victorem esse intellexisset Lucullus, milites iussit

μηδὲν ἐτι χρῆσθαι τοῖς ὕσσοις, ἀλλ' ἐκ χειρὸς ἕκαστον διαλαβόντα παῖειν τῶν πολεμίων κνήμας τε καὶ μηρούς.

Verbi διαλαβόντα quae vis sit nescio. Interpres Didotianus dat: „ne pilis uterentur, sed *statim gladiis* femora et tibias ferirent”, ad sensum rectissime, sed in Graeco exemplari ista *statim* et *gladiis* desiderantur et aegre quidem. Latere in διαλαβόντα suspicor.

C. XXXIII Post multas magnasque res feliciter gestas tandem aliquando fortuna adversari Lucullo coepit; quidquid porro tentabat nullam ei gloriam gratiamve afferebat

ἀλλὰ καὶ τὴν προϋπάρχουσαν (δόξαν) ἐγγὺς ἦλθε δυσπραγῶν καὶ διαφερόμενος μάτην ἀποβαλεῖν.

Quo sensu hic διαφερόμενος dictum sit me latet. Neque similis mihi noster locus illi in vita Marii videtur (c. XXVI), ubi Marium legimus ἀστοχῆσαι τῶν πολεμίων καὶ παρενεχθέντα τῆς Φάλαγγος ἐν τῷ πεδίῳ διαφέρεισθαι πολὺν χρόνον. Ibi enim additum ἐν τῷ πεδίῳ monet διαφέρεισθαι *oberrandi* sensu esse accipiendum. Nihil tale nostro loco et vereor ut cum δυσπραγῶν recte aliud iungatur participium *oberrantem* significans.

#### C. XXXIV Publius Clodius

κατὰ τοῦ Λουκούλλου λόγους χρηστοὺς εἰς οὐκ ἄκοντας οὐδ' ἀηθεῖς τοῦ δημαγωγεῖσθαι  
spargebat. Pro χρηστοὺς aliud requiritur adiectivum quod „blandos, auditu iucundos” significet, vel „gratos”, quod interpretes Didotianus dat de suo, immo de nihilo.

C. XLI In suavissima illa narratione de cena lauta opiparaque quam Ciceroni et Pompeio invitis parandam curavit Lucullus et alia et haec legimus „hodie” Cicero inquit „apud te cenare cupimus sed ea conditione ne quidquam extra ordinem nostra causa apponas”. Sequitur:

θρυπτομένου δὲ Λουκούλλου καὶ μεταλαβεῖν ἡμέραν ἀξιούντος κτέ.

Admodum insolite dictum istud μεταλαβεῖν ἡμέραν quod sic reddit interpretes Didotianus: „in alium diem differre”.

*Comparatio Cimonis et Luculli* c. I τὸ δ' ἐφ' ἡδονὴν, ὡς τέλος, καταστρέψαντα τὰς κκλὰς πράξεις ἤδη λοιπὸν Ἀφροδίσια τῶν πολέμων καὶ στρατηγιῶν ἄγοντα παίζειν καὶ τρυφᾶν οὐκ ἄξια τῆς καλῆς Ἀκαδημίας.

Istud ἄξια errore, qui paratam habet excusationem, scriptum pro ἄξιον. De ἤδη λοιπὸν, quod interpretes Didotianus negligit, subdubito, sed videtur ἠθικῶς positum hoc sensu „iam posthac” (Belg. *nu voortaan*).

Tum haec Luculli cum Cimone infertur comparatio:

ὁ καὶ θαυμαστόν ἐστιν· ὑπεναντίως γὰρ ἡ νεότης τοῦ μὲν ἐπίψογος καὶ ἀκόλαστος γεγενῆναι δοκεῖ, τοῦ δὲ πεπαιδευμένη καὶ σώφρων..

Arena sine calce! Lege: ὁ δὲ θαυμαστόν ἐστιν, ὑπεναντίως ἡ νεότης (deleto γάρ) κτέ.

ib. αἱ δ' ἐπὶ τὰς πράξεις καὶ τοὺς ἀγῶνας κατορθώσεις ἡδονὰς ἑτέρας ἔχουσai κτέ.

Aut κατορθώσεις corruptum est, aut pro ἐπὶ alia praepositio (κατά?) requiritur.

C. II εἰ τοίνυν μέγιστον ἔργον ἡγεμόνος εὐπείθειαν ἐργάσασθαι δι' εὐνοίαν κτέ.

Rarus usus hic praepositionis διὰ cum accusativo. Sic tamen Plutarchus scripsisse videtur: iungendum enim εὐπείθειαν δι' εὐνοίαν: „obedientiam quae propter benevolentiam praestatur”, quod fere idem est ac „obedientiam e benevolentia natam”. Non necesse ergo videtur cum Coraë verbo ἐργάσασθαι praefigere praepositionem ἐν.

ib. τὸν δ' (Lucillum) οὐ παντελῶς ἂν τις ἐξέλοιτο τῆς παρ' αὐτὸν αἰτίας.

Obscurissima haec. Ecquid pro παρ' legendum εἰς (vel ἐπ' vel πρὸς) ut ἡ εἰς αὐτὸν αἰτία sit: „crimen quo petitur ab iis qui de eo censuram agunt”?

ib. Mire Lucillus dicitur εἰς τηλικαύτας ἀπεχθείας προελθεῖν (in tam graves incidisse inimicitias). Vulgo ipsae inimicitiae dicuntur ad aliquem προίεναι vehementiae gradum.

C. III πολὺ δ' ὁ Λούκουλλος προῆλθε.

Aut corrupta haec sunt aut sic accipienda: „Lucillus multo longius (quam Cimon) bello est progressus” ut τεκμήριον δὲ μέγα κτέ., quod aliquanto post legitur, habeat quo referatur.

ib. τὸ δαιμόνιον ἀμφοτέροις ἔοικεν εὐμενὲς γενέσθαι, τῷ μὲν ἂν χρὴ κατορθοῦν, τῷ δ' ἂν φυλάττεσθαι χρὴ προμνηῦον.

Sua sibi Plutarcho reddatur venustas deleta posteriore χρῆ.

*Continuabuntur.*



## DE AGRO TOMITANO

(Ovid. Pont. III, 1, 19 sqq.).

In diario Germanico c. t. *Archiv für Philol. u. Paedag.* Vol. XIX fasc. 3 p. 14 sqq. Beckerus quidam, vir nobilis, qui ab imperatore Austriae in terras Danubii ostiis adiacentes eo tempore legatus fuerat, multa ex Ovidii Tristibus Epistolisque Ponticis collegit ad demonstrandum antiquorum Tomorum, hodiernae Constantiae (Köstendje), regionem ibi egregie et ipsi veritati convenienter describi. Cetera omnia sunt eiusmodi ut nihil ibi dicat poeta quod non quivis de quavis regione, quam oderit contemnatque, dicere possit. Una tantum res commemoratur quae illius agri propria videatur: absinthium. „Nihil enim” Beckerus ait „magis toti regioni suum sibi praebet aspectum quam immensi illi campi absinthio consiti.” Nunc ipsum Ovidii locum aspiciamus:

Rara neque haec felix in apertis eminet arvis

Arbor, et in terra est altera forma maris.

Non avis obloquitur, nisi silvis siqua remotis

Aequoreas rauco gutture potat aquas.

Tristia per vacuos horrent absinthia campos.

Omittamus vss. 22 sq. qui, nisi pro *remotis* satis audacem Burmanni coniecturam *relictis* recipimus, ne intelligi quidem possunt, et vel sic declamantis potius sunt quam pingentis. Restant tria quae imperito pictae tabulae instar videri debeant et pictae ab artifice fideliter referente ea quae ante oculos habeat: 1 arborum absentia, 2 planities mari similis, 3 agri absinthio consiti. Sed quis adeo hospes est in nostris literis, quin de hac trium illarum rerum enumeratione paulisper reputans in risum erumpat memor eorum quae iam puer legit in . . . Xenophontis Anabasi (I, 5, 1): ἐν τούτῳ τῷ τόπῳ ἦν μὲν ἡ γῆ πεδίον ἅπαν ὁμαλὸν ὥσπερ θάλαττα, ἀψινθίου δὲ πλήρης, δένδρον δ' οὐδὲν ἐνῆν.

J. J. HARTMAN.

## COLUMBAE INTERNUNCIAE.

SCRIPSIT

S. A. NABER.



Anno 1574 per maiorem anni partem Leidenses obsidionem obfirmatis animis toleraverunt, donec tandem immisso Oceano et circumiacentibus agris submersis Boisotus, quem princeps Arausionensis classis praefectum constituerat, Hispanis fusis fugatisque, salutem attulit miseris mortalibus, qui propemodum fame enecti et ad desperationem adacti, post breve intervallum consilii inopes Harlemensium exemplum magis secuturi videbantur quam Alcmariensium, quibus singulari fortunae beneficio ex obsidione exemptis, tandem Victoria Gueusios respicere coepit. Ad hunc usque diem omnes grato animo recordantur incredibili modo oppidum suum ab interitu fuisse servatum. Quo die primum salus affulsit — est autem dies tertius m. Oct. — omne virile ac muliebre secus agit festum diem. Nec desunt studiosi iuvenes, qui gloriantur quod quadamtenus in societatem partae virtutis adsciscuntur, cum praesertim meminerint Arausionensem, ut Leidam venerit, ne summae constantiae suum praemium deesset, haud sine quadam acerba ironia Philippi Regis nomen obtegentem, afflictæ civitati insigne tribuisse beneficium et condidisse Academiam Lugduno-Batavam d. 8 m. Febr. 1575, qui festus dies imprimis Professorum est et Studiosorum iuvenum, sicuti mense Octobri reliqui cives magis in partem veniunt communis laetitiae. Quam multi anni elapsi sunt ex quo non nisi mente ac cogitatione interesse possum celeberrimo coetui

meritissimorum virorum, qui tunc in Auditorium Maius congregari solent!

Quorsum haec omnia? Scilicet nemo mirabitur quod in municipali museo et alibi pie conservatur si quod post tria saecula monumentum superest exantlati laboris. Quin et hospitibus ipsa domus commonstratur, unde d. 26 m. Sept. speculator secum tulit sex columbas, quae ibi nidificarant. Est ea domus sita ad Canalem grandem, exadversum fossam, per quam classiarii octo diebus post famelicæ hominum nationi „halecem” appor-  
tarunt et „panem candidum”. Ex columbis autem post paucas horas duae vel tres ad nidum suum deinceps devolarunt cum annexis epistoliis tum Boisoti, tum Arausionensis principis, ut oppidanis qui iam de salute desperabant, animos adderent et significarent, quum primum Auster coepisset flare, se cum navibus affore, quibus iamdudum per breviter iter esset praeclusum. Itaque spe celerius rerum facies conversa fuit tandemque illorum malorum requiem nacti sunt.

Hucusque quod narraui, ab omnibus traditur; quod dicturus sum, fortasse non aequè notum est. Nimirum anno ante, qui annus fuit 1573, Harlemenses obsidione pressi et ipsi eodem artificio non semel usi sunt, nec tamen hodie praeter historiarum scriptores huius rei quisquam meminit: certe quum ipse per novem annos de numero civium Harlemensium essem, numquam quenquam audivi, qui, quum Hasselaeriam laudibus in coelum efferret, etiam columbarum tabellariarum mentionem in-  
iiceret. Dices fortasse longinquitate temporis rei memoriam in-  
termortuam fuisse? Ita est; sed etiam paucis annis post expugnatam urbem iam eadem erat omnium oblivio. Dicam quod comperi.

Primus omnium Frutersius est, qui anno 1577 de Leidæ obsidione scripsit additque, quod etiam aliunde abunde novimus, Leidenses cum ad columbas internuncias recurrerent, secutos fuisse Harlemensium exemplum. Praeterea docet in ea re Hollandos imitatos fuisse artificium quod Romani iam monstrassent et diserte provocat ad Frontini testimonium. Hunc ipsum audiamus, locus legitur Strategem. III 13. 8: „Hirtius consul columbis, quas inclusas ante tenebris et fame adfecerat, epistolas seta ad collum religabat easque a propinquo, in quantum poterat,

moenibus loco emittebat. Illae lucis cibique avidae altissima aedificiorum petentes excipiebantur a Bruto, qui eo modo de omnibus rebus certior fiebat: utique postquam disposito quibusdam locis cibo columbas illuc devolare instituerat". Credo bonum Frontinum nescire quid dicat; nimium certe ineptum est quod commentus est.

Quod contendo illum columbarum usum in hac Europae parte saeculo sexto decimo fere omnibus incognitum fuisse, luculenter probatur Casauboni testimonio qui in Animadversionibus ad Athenaeum p. 677 ita disputat: „Versiculo e Pherecratis Pistoribus ἀπόπεμψον ἀγγέλλοντα τὸν περιτερόν, tangitur mos antiquorum, utentium saepe columbis internunciis, sicuti Romae fieri solitum in Theatris <sup>1)</sup>. Sed in historia seria invenies huius rei exempla: ut apud Plinium libro decimo c. 38. Vide etiam Aelianum libro nono Πικίλ. c. 2. *Nostra quoque memoria idem factitatum in obsessa quadam Belgii urbe et audiui saepius et legi.*" Haec leguntur in priore Athenaei editione quae a. 1600 prodit; deinde adscripsit Casaubonus quae post eius mortem a. 1621 locum invenerunt in altera editione: „Arnoldus Abbas Lubecensis in Historia Slavorum: „Volens rex Antiochiae suos praescire quid factum esset, dimisit columbam. Solent enim exeuntes ad quaelibet negotia secum asportare columbas, quae domi pullos habent noviter creatos: et si in via forte volunt accelerare nuntium, scriptas litteras sub umbilicos columbae subtiliter ponunt et eam avolare permittunt: quae cum ad suos foetus properat, celeriter amicis desideratum nuncium apportat." Iacobus Vitriacensis de historia Orientali: „Sunt praeterea columbae quae nunciorum fungentes officio, litteras dominorum sub alis deportant, hora aut tempore modico multa terrarum spatia transeuntes; sunt autem valde utiles, maxime quando per terras inimicorum alii inimici transire non audent." Luculentus hic locus est: etiamsi non pro certo dicere ausim utrum de Harlema an de Leida Casaubonus locutus sit — malim tamen hanc potissimum urbem intelligere — hoc tamen apparet — sive haec scripta fuere in Monte Pessulano sive Lutetiae — Gallos tunc

---

1) Hartmannus mihi indicavit Martialis Epigramma VIII. 32, sed nondum indagare potui, quos locos Casaubonus praeterea cogitarit.

temporis rem usu optime cognovisse. Ceterum Causaubonus respicit Plinii locum H. N. X. 37.53: „Quin et internuntiae in rebus magnis fuere, epistolas annexas earum pedibus in obsidione Mutinensi in castra consulum Decimo Bruto mittente.” Quod ad Aelianum attinet, is narrat Taurosthenem Ὀλυμπιονίκην — qui fere floruisse videtur inter Olymp. XC usque ad XCV — eodem die nunciasset victoriam patri Aeginetae per columbam ἀπαυθυμερίζουσιν. Sed conficitur id quod probare institi Hugonis Grotii diserto testimonio, qui de columbis Harlemensibus tacet, sed eloquenter de Leida exsequitur quod non describere gravabor: „Itaque morbis belloque consumtos, et nihil non experta(?)<sup>1</sup>) fame, post longae spei commercia, ad Mutinense exemplum avibus internuntiis, perfossi aggeres, aperta amnium septa et terris immissum mare, attollente fluctus pleno Lunae orbe, ad hoc ventis mire obsecundantibus, servaverunt: quin et moenium ruina, ultimum urbibus malum, tunc fuit salutare, obiecta auribus eruptionis imagine, quae hostem decepit et terruit.” Obiter addo, quamquam ea res plane non pertineat ad meas columbas, verum id quidem esse quod Grotius tradidit de moenium ruina ad Portam Vaccinam, sed, quod impense miror, Fruinius noster in relatione de Leidae obsidione memorabilem rem ne uno quidem verbulo dignam censuit.

Apparuit nobis maiores olim Frontinum contulisse, Plinium, Aelianum; potuissent etiam Anacreonteum carmen ad partes vocare, quod carmen nobis certe Hollandis omnibus notum est propter Petrum Nieuwlandum, qui elegantissime vertit quod Belgice scriptum longe magis placere debet quam id quod missellus poeta invita Minerva barbaro sermone consarcinavit:

Ἐρασμὶνὴ πέλεια,  
πόθεν πόθεν πέτασσαι;

cui columba:

Ἀνακρέων μ' ἐπεμψε  
πρὸς παῖδα, πρὸς Βάθυλλον,  
.  
.  
.  
καὶ νῦν ὁρᾷς ἐκείνου  
ἐπισολὰς κομίζω.

1) Annalium Editio, quae Amstelodami prodit a. 1657, negligenter facta est et scatet vitiis.

Nunc sciendum est distingui debere inter columbam (-um) = περιτερᾶν (-όν) et palumbem (-um, -am) = πέλειαν vel πελειάδα. Columbae candidae sunt, λευκαὶ περιτερᾶι, ac proinde palumbes nigrae dicuntur, μέλαιναι. Vide modo Aristotelem Hist. Anim. V 13, qui hoc quoque addit neminem alere palumbes; solae enim columbae cicurantur indeque iam antiquis temporibus Aegyptus sua habebat ingenti numero columbaria, περιτερῶνας. Nidificat autem palumbes in arborum summitatibus, quod columba numquam facit. Facit hoc ad Horatii locum:

Piscium summa genus haesit ulmo,

Nota quae sedes fuerat *columbis*.

Ludicra imago quam maxime displicet in seria descriptione, nec minus offensioni est aperta imitatio eorum quae Ovidius habet Metam. I 296:

Hic summa piscem deprendit in ulmo.

Hinc etiam interpretes qui non nisi paucissimas in Horatio interpolationes agnoscunt, illam tamen strophē obelo solent notare et fatendum est verba dedecere reliquam odarii gravitatem. Sed praeterea sciendum est exstare variam lectionem *palumbis* eaque etiam Bentleio minime displicuit, nam columbarum nidos in summa ulmo frustra quaeras. Virgilius multo accuratius Aen. V 214:

Qualis spelunca subito commota columba,

Cui domus et dulces latebroso in pumice nidi,

Fertur in arva volans.

Verum hoc misso quod minus facit ad id quod ago, video in extremo Oriente, apud Assyrios et Babylonios innumeros columbarum greges fuisse habitos, credo propter fimum, quo agri optime stercorantur; deinde procedente tempore occidentem versus migrarunt et, quemadmodum hodie apud Venetos, sic olim apud Syros columba insigni honore colebatur, quae res etiam tironibus nota est ex Xenophontis Anabasi. Persae contra, sicuti Herodotus docet I 138, hoc avium genus oderant, sed causam minime perspicio estque lacuna eo loco in codicibus. Sed plurimum me advertit quod apud Athenaeum legitur IX 394 E: Χάρων δὲ ὁ Λαμψακηνὸς ἐν τοῖς Περσικοῖς περὶ Μαρδονίου ἱστορῶν καὶ τοῦ διαφθαρέντος στρατοῦ Περσικοῦ περὶ τὸν Ἄθω γράφει καὶ ταῦτα· καὶ λευκαὶ περιτερᾶι τότε πρῶτον εἰς Ἑλλήνας ἐφά-

νησαν, πρότερον οὐ γιγνόμεναι. Cur ea res Charoni digna visa est quam memoriae proderet? Nondum vidi qui responderet, nec certe sequar Victorem Hehnum: „Da die Perser nach Herodot. I 138 die assyrisch-babylonischen *περισεράς* als der Sonne feindlich verabscheuten und in ihrem Lande nicht duldeten, so werden es phönizische, cyprische, cilicische Schiffer gewesen sein, die mit Idolen ihrer Göttin auch die Tauben derselben mit sich führten.” Hanc rationem ne ipsi quidem Hehnio multum placuisse credo et alia via est insistendum. Persae, uti coniiicio, secum attulerant columbas tabellarias, quas postquam accolae ceperunt earumque usum cognoverunt, mox ea res per totam Graeciam percrebruit, nam utilitas adverterat omnes.

Ceterum plurimum dubito rectene viri docti perhibeant propter Charonis testimonium, ante tempora bellorum Persicorum nullas Graecos cognovisse columbas. Homerus quidem *πέλειαν* appellat et *πελειάδας*, non appellat *περισεράς*, quod nomen vix locum habere potest in hexametro metro; cecinit tamen Il. Φ 493:

δακρυόεσσα δ' ὑπαιθα θεὰ Φύγεν, ὥστε πέλεια,  
ἦ ῥά θ' ὑπ' Ἴρηκος κόλην εἰσέπτατο πέτρην,  
χρησμών· οὐδ' ἄρα τῇγε ἀλώμεναι αἰσιμον ἦεν.

Nempe quod modo apud Virgilium vidimus, in cava rupe sunt columbis latebrae, non palumbis. Rem commendo iis qui historiam animalium pertractant. Ceterum hodie, quod in vulgus notum est, columbarum et palumbium species miris modis permixtae sunt. De columbarum imaginibus in vetustissimis Graecorum monumentis conferri poterit Schraderus apud Hehnum p. 348 edit. septimae.

---

#### ADDENDUM.

Hanc dum plagulam corrogo, affertur docta disputatiuncula Ioannis Moelleri, qui (*in der Berliner Philologischen Wochenschrift* XXX 9 p. 287 sq.), haud paucos veterum locos de columbis internunciis in unum contulit. Non sinit concessum spatium plura excerpere itaque lectores illuc ablegare satis habeo.

---

# NOTULAE CRITICAE AD SILIUM ITALICUM.

SCRIPSIT

P. H. DAMSTÉ.

(Continuantur e Vol. XXXVIII pag. 126).



IX. 8. Libro nono ineunte de Varronis proeliandi cupiditate nimia agitur.

Nec minor in Poeno properi certaminis ardor.

Erumpunt vallo, fortuna urgente sinistra,

Consertaeque manus; nam sparsi ad pabula campis

Vicinis raptanda Macae fudere volucrem

Telorum nubem.

Versibus igitur huius libri prioribus decem de Romanis sermo omnis est excepto uno versu octavo (*Nec minor in Poeno* e. q. s.), nam verbum *erumpunt* (vs. 9) de Romanorum militibus intelligendum esse verba, quae sequuntur, *fortuna urgente sinistra* satis comprobant. Versu demum decimo verbis *nam sparsi* e. q. s. hostes in scenam inducuntur.

Quoniam igitur Hannibalis ardor sane importune hic memoratur atque versus *Nec minor* e. q. s. narrationis cursum male interrumpit, eum utpote loco nostro quam alienissimum delendum esse censeo.

96: Nec longum celerarat iter, cum *tendere* in armis

Aggere Sidonio venientem conspicit hostem.

Ad verbum *tendere*, si revera a poeta positum est, nimirum mente est supplendum obiectum quale est *gressus* vel *vestigia*, sed dubito, nam nusquam, quantum scio, noster id omittere



solet. Utique maluerim: cum *fulgere* in armis, cl. Verg. Aen. VI. 827:

Illae autem, paribus quas *fulgere* cernis in armis.  
Cf. vs. 107 huius libri: et notis fulsit lux tristis ab armis,  
XII. 233: casside nota fulgentem.

103: *Tyriamque* sequentum  
Satricus esse manum et Sidonia vulnera credens,  
Auctorem caeci trepidus circumspicit ictus.

Corrigendum puto: *Tyriumque*, quae forma contracta in Punicis et alibi legitur et VII. 714 (Poenum), 723 (Tyrium), VIII. 202, IX. 503, XI. 26 (Italum), VIII. 300 (Ausonium). Vocabulum *manus* catervam significare manifestum est; sin brachium interpretari velis, verba sequentia *Sidonia vulnera* ad additamentum redigentur frigidissimum.

229: subiere leves, quos horrida misit  
Pyrene, populi varioque *auxere* tumultu  
Flumineum latus.

In codicibus mss. scripturae discrepantia est: *auxere*, *anxere*, *ausere*, unde Heinsius: *et vario cinxere* coniecit, quod Van Veen probat. At praestare opinor Summersii propositum: *clausere*, cl. I. 52 et VI. 707:

et Thrasymenni litora Tusci  
Claus a cadaveribus,  
quem locum in Mnem. Vol. XXXVIII pag. 122 pluribus exemplis allatis a virorum doctorum coniecturis defendi. Nunc moneo, contrarium esse IX. 557: laxatusque deo campus, et XVII. 123: ripas spumanti gurgite laxat.

258: tum triste *movebat*  
Augurium et similes defuncto in corpore vultus.

Immo: *movebant*, quia res duae significantur prorsus diversae. Augurium enim est monitum illud: „Fuge proelia, Varro!” quod, sanguine in clipeo a Solimo pictum, vs. 261 designatur verbis *arma vetantia pugnam*, similes vero vultus sunt Solimi atque Satrici.

263: Namque illum, cui *femineo* stant corde timores,  
Moverit ista manus, e. q. s.

Vix dubito quin reponendum sit: *feminei*, quod Van Veen iam in Mnem. Vol. XXI pag. 265 proposuit cl. XIII. 17 et Senec. Med. 42.

267: *Tum* minitans propere describit munera pugnae.  
At vero in acie instruenda Varro nihil omnino minitatur, verum minatus est cum modo Paulo pugnam vetanti responderet, qua de causa pro *Tum* scribendum esse arbitror: *Haec* vel *Sic*.

305. Copiae, quae proelium iam iam initurae sunt, clamorem tollunt,

*Phlegraeis* quantas effudit ad aethera voces  
*Terrigena* in campis exercitus.

An: *Phlegraeis* in campis? Silii non est, praepositionem in talibus addere, quare rogo ut mecum scribas: *Terrigenum* campis exercitus. Cf. Val. Fl. II. 17:

immania monstra  
Terrigenum caelo quondam adversata gigantum.

314: *Acrius* insanus dextra qua ducitur ensis,  
Bellantum pars magna iacet.

Hic locus varie sollicitatus est. Summers Gronovii coniecturam sane ingeniosam recepit: *Ac prius* — quam spretis Heinsii propositis quae sunt: *Acri ast* et *Ast acri*. Schrader voluerat: *Ac prior* atque Owen nuper versum aliter tentavit scribendo: *Acrius in stragem* dextra qua ducitur ensis. Mihi quidem magis placet:

*Artius*, insanus dextra qua ducitur ensis,  
Bellantum pars magna iacet.

Nempe modo dictum est, magna telorum vi effusa hinc atque hinc milites cecidisse. Consentaneum igitur est sequi, qua parte res comminus gesta sit (cf. vs. 378: qua dextera concita Poeni limitem agit), homines artius concidisse, quin etiam affirmatur vs. 321:

nec morte peracta

Artatis cecidisse licet,  
atque tota hac narrationis parte (inde a vs. 314) de acie conferta imprimis sermo est.

## 372. De Scaevola:

nec tanta vitam iam strage volebat,

Sed dignum proavo letum et *sub nomine* mortem.

Cf. XVII. 60: terribilem magno sub nomine molem, 374: venietque pari sub nomine ductor.

## 403. De Mario et Capro, adolescentibus intima familiaritate iunctis, dicitur:

Lucis idem auspiciū ac patrium *et commune* duobus  
Paupertas:

Barthii lectione *aes patrium* iure damnata Heinsius *ac patriae* legendum putat, nisi *patrium πατρώον* interpreteris. At, hercle, ita interpretandum est! Sed aliud vitium locum inquinat: tollendum enim est illud *et*. Poeta festive dicit, patrimonium quoque adolescentibus commune fuisse, paupertatem sc. Librarios eiusmodi locutiones, cum non intellexerent, frequentissime corripuisse et solemnī effugio fatale illud suum *et* ubique infulsisse Drakenborch ad vs. 329 huius libri monuit.

## 434. Scipio et Hannibal

Stabant educti diversis orbis in oris,

Quantos non alios vidit concurrere tellus,

*Marte* viri dextraque pares, sed cetera ductor

Anteibat Latius, melior pietate fideque.

Virgulam, quam post *tellus* posui, olim perperam post *Marte* collocatam esse atque *Marte* cum *pares* iungendum Van Veen primus vidit, quem Summers secutus est. Non tamen omnia recte iam procedere videntur. In copulatione enim *Marte dextraque*, qua Van Veen virtutem bellicam denotari credit, mihi tautologia nimia inesse videtur, ita ut pro *Marte* fortasse scribendum sit: *Arte*. Quod si legimus, viri pares fuisse dicuntur tam pugnandi arte quam viribus. Cf. X. 188: quos — hanc ipsam pugnae rector formarat ad artem.

491: Cum ventis positus custos, cui flamina carcer  
Imperio compressa tenet caelumque ruentes  
Eurique et Boreae parent Corique Notique,



615:                    Vicini tandem se fluminis undis  
                          Praecipitem dedit et tenui decepta liquore  
                          Stagnantis per plana vadi tulit incita *longis*  
                          Extantem ripis flammam.

Scribendum est: *longe*; prorsus requiro adverbium ad *extantem*, ad *ripis* vero epitheton *longis* moleste abundat.

X. 134. Hannibal Abarim alloquitur,

   namque una hic armiger *ira*

Flammabat Martem atque omnis comes ibat in actus.  
 Vocabulum *ira* iam Heinsio mendosum visum est, qui proposuit: *huic armiger acrem*, quamquam interpretari posse addit: *una ira*, pari ira et prorsus eadem qua dominus. Ista tamen explicatio probabilis non est, nam tempora imperfecta *flammabat* et *ibat* demonstrant, consuetudinem armigeri significari, atque illud *omnis comes ibat in actus* me inducit ut cetera verba peculiare quoddam munus eiusdem viri designare credam. Quae cum ita sint, pro *ira* substituere velim: *aere*, quo recepto sensus erit: Namque hic armiger simul aere, h. e. tuba, Martem flammabat, simul nusquam non ducem suum comitabatur.

164:    ceu fulmine celsa

Aesculus aut proavis ab origine cognita quercus  
 Cum fumat percussa *Iovi*, sacrosque per aevum  
 Aetherio ramos populantur sulphure flammae, cet.

Corrige: *Iovis*, quod nomen cum *fulmine* est iungendum.

173:    iacet ingens Phorceys ab antris

Herculeae Calpes, caelatus Gorgone parmam,

Unde genus tristique deae manabat origo.

Gorgoni scilicet origo a Calpe Herculeae deducitur, ubi una cum sororibus olim regnarat. Versus igitur 175, quo ea origo commemoratur, nimirum pendet a verbis *antra Herculeae Calpes*, a quibus nunc verbis *caelatus Gorgone parmam* male separatur. Multi sane locum corruptum esse ante me viderunt: Thilo inter versus 174 et 175 versum unum excidisse putat atque Summers cruce vocabulo *tristique* praefixa coniecturam protulit: *tristique*

*dea*, qua quid proficiamus me latere profiteor. Aut fallor aut ordo versuum turbatus est atque ita restituendus:

173                                iacet ingens Phorcys ab antris,  
 175 Unde genus tristique deae manabat origo,  
 174 Herculeae Calpes, caelatus Gorgone parmam.

180. Paulus Phorcyn ense ferit

tergo qua balteus imo

Sinuatur coxaeque sedet munimen *utrique*.

Altera lectio est: *utraque*. Ex Heinsii emendatione ab editoribus recensetur: *coxaeque* — *utrique*, sed verum esse suspicor: *utrimque* servata lectione tradita *coxaeque*.

247: Tum vero incumbunt Libyes *super* ipse citato

Ductor equo, qua flatus agit, qua pervius ensis,

Qua sonipes, qua belligero fera belua dente.

Versum 247 alii aliter interpungunt, cum post *super* plerique, nonnulli ante hoc vocabulum virgulam ponere soleant. Summers post vs. 249 versum excidisse credit verbum continentem quo *ductor* referretur, atque sane sententia tale verbum flagitat, sed simplicius videtur pro *super*, quod nunc abundat, corrigere: *subit*.

270. Lentulus Paulum iam iam moriturum alloquitur:

Testor caelicolas, inquit, ni damna gubernas

Crudelis belli vivisque in turbine tanto

Invitus, plus, Paule, (dolor verba aspera dictat)

Plus Varrone nocet.

Moneo adiectivum *invitus*, quod editores nunc interpunctione sua supra expressa ad verba *gubernas* et *vivis* referunt, multo melius ad verbum *nocet* esse referendum, qua de causa virgulam, quae nunc fere post *invitus* collocari solet, traiciendam esse iudico post *tanto*.

279. Paulus et alia ei respondet et haec:

calcaribus aufer,

Qua vulnus permittit, equum atque *hinc* ocus urbis

Claudantur portae, ruet haec ad moenia pestis,

Dic, oro;

Varie haec edita iam sunt, cum nonnulli post vs. 281 plene distinguant, Drakenborch post *equum* — Bauer post *atque hinc* colon posuerit, Summers denique verba *ruet* — *pestis* cancellis incluserit. Heinsii atque Summersii interpunctionem maxime probabilem existimo, sed pro *hinc* legendum credo: *huic* (i. e. Poeno), ut etiam in vs. 375 huius libri codices alii *hinc*, alii *huic* exhibent. Scribendum igitur videtur:

atque huic ocus urbis  
Claudantur portae (ruet haec ad moenia pestis)  
Dic, oro.

360. Somnium Hannibalis narratur.

Ipse refulgebat Tarpeiae culmine rupis  
Elata torquens flagrantia fulmina dextra  
Iuppiter, et *lati* fumabant sulphure campi.

Heinsius *Latii* proposuit, sed malim adverbium *late* ad *fumabant*. Cf. X. 168, XII. 5, 145 (Torreri *late* campos), XVII. 423, 493, 508.

382. Verba Magonis sunt ad Hannibalem:

Tanta mole, inquit, non Roma, ut credidit ipsa,  
Sed Varro est victus. *quonam* tam prospera Martis  
Munera destituis fato patriamque moraris?  
Mecum exsultet eques; iuro hoc caput e. q. s.

In libris mss. traditum est: *quenam*, unde nonnulli *quaenam* olim legere solebant, vulgo tamen *quonam* editur. Bauer, qui ipse quoque *quaenam* recensuit, ascripsit Thilonem *quonam* postea recte defendisse, sed nescio an praestet:

*quoniam* tam prospera Martis  
Munera destituis fato patriamque moraris,  
Mecum exsultet eques:

395: Clamor saepe repens et saepe silentia fixis  
In *tellurem* oculis.

Immo vero: *In tellure*.

398: Saucius omnis *eques*; galeis carpere superbum  
Cristarum decus et damnarunt Martis honores.

Blass, cui Van Veen assentitur, scribendum censuit: *equus*,





Heinsii sententiae accedo, bene editionem Parmensem *volucris* — *cursu* habere affirmantis, quod item in Romana principe et Mediolana editione fuisse Drakenborch addit, qui conferri iubet XIII. 194 :

Forma ex his Numitor, cursu plantaue volucris  
Praestabat Laurens.

530:                                hinc ornus et altae  
Populus alba comae, validis accisa lacertis,  
Scinditur, hinc ilex, proavorum condita saeclo.

Heinsius vel sine veterum librorum auctoritate *consilia* corrigendum esse contendit, quod idem pro *cognita* substituere voluit in huius libri vs. 166:

ceu fulmine celsa  
 Aesculus aut, proavis ab origine *cognita*, quercus  
 Cum fumat percussa Iovi.

Hic vero Drakenborch lectionem traditam recte vindicavit et Heinsii coniecturam refellendam esse demonstravit, unde loco nostro idem propositum ei placuisse magnopere miror. Licet enim *consita* hic quidem bonum sensum praebeat, lectio *condita* satis bona videtur. Si quid mutandum esset, equidem hic quoque: proavorum *cognita* saeclo praeferrem, h. e. iam *cognita* proavis, ergo: quercus antiquissima.

537. Milites pyris congerendis operam dabant,  
Donec anhelantis stagna in Tartessia Phoebus  
Mersit equos, *fugiensque* polo Titania caecam  
Orbita nigranti traxit caligine noctem.

Si quid video, emendandum est: *surgensque*; nempe sol occidens demum labori finem imposuit, i. e. tempus illud, quo Luna surgens noctem induxit.

551. Hannibal post victoriam Gradivum in vota ciet.  
Primitias pugnae et laeti libamina belli  
Hannibal Ausonio cremat haec de nomine victor,  
Et tibi, Mars genitor, votorum haud surde meorum,  
Arma electa dicat spirantum turba virorum.

Horum versuum tres priores cum versus quarti parte dimidia

(verba *Primitias* — dicat) nullam omnino difficultatem praebent, sed verba *spirantum turba virorum* totam orationem impeditam reddunt ac salebrosam neque quicquam iuvat Heinsii coniectura *superantum* (= victorum). Equis credet, Silium scripsisse: Hannibal tibi pugnae primitias cremat et turba meorum militum, qui adhuc vivunt (vel: qui victores sunt), arma electa tibi dicat? Immo Hannibal graviter ac sollemniter locutus est: 'Hannibal tibi pugnae primitias cremat et arma electa tibi dicat', et *primitiae pugnae, laeti libamina belli, arma electa* non sunt res diversae, sed omnia sunt nomina, quibus spolia caesorum denotantur. Sequitur igitur, verba *spirantum turba virorum* aliquid continuisse quo Latini significarentur, pertinentia ad *arma electa*, atque corruptelam latere in *turba*, non in *spirantum*. Suspicio me tenet poetam scripsisse: *spirantum torva* virorum; dicit enim Hannibal arma electa hostium fortissimorum, qui acriter pugnantes occubuerunt quosque idem vs. 572 appellat „superbas virtute et factis animas.” Cf. XV. 411: fratris spirans ingentia facta, XVII. 397: patrui spirantis proelia dira effigies, et Homericum: μένεια πνέοντες Ἀχαιοί.

608. De Varronis e proelio Cannensi reditu

Haud secus ac, fractae rector si forte carinae

Litoribus solus *vacuis* ex aequore sospes

Adnatet, incerti trepidant, tendantne negentne

Lactato dextras, ipsamque odere salutem

Unius amissa superantis puppe magistri.

Vix intellego interpretes aequo animo ferre potuisse epitheton *vacuis*: si Varro cum naufrago conferretur, qui litori vacuo sive deserto appulsus esset, tota comparatio claudicaret, nam Varro ex acie — rector navis e naufragio servatus hac in re similes dicuntur, quod civibus suis redditi non cari exoptatique redeunt, propterea quod ille exercitu, hic navigio amisso solus incolumis evasit. Locus igitur flagitat ut pro *vacuis* reponamus: *patriis*. Sic Varro dicitur vs. 632: deiectum attollere vultum Ac patriam aspicere et luctus renovare pigebat.

XI. 5. Post Cannensem victoriam

adiungere dextras

Certavere palam *rumpenti* foedera Poeno.

Coniecturam Blassii *rumpentes* redarguit versus 161 huius libri, ubi Decius cives suos compellat:

Itis, ait, cives violanda ad iura parentum?  
 Damnatumque caput temerati foederis aris  
 Iungitis hospitio?

28: Sed fas id Celtis, fas impia bella referre  
 Boiorum fuerit populis: Capuaene furorem,  
 30 Quem Senonum genti, placuisse, et Dardana ab ortu  
 Moenia barbarico Nomadum sociata tyranno  
 Quisnam mutato tantum nunc tempore credat?

Gronovius versum 32, qui sibi languor et sopor ipse esse atque enervem reddere iratam admirationem videretur, ὑποβολιμαῖον et insiticiū putabat, quo inducto tota oratio fieret admirantis, quae per verbum infinitivum proferri solet. Suspiciatus est librarios, cum id genus constructionis non intellexerent, explendo, ut putabant, sensui addidisse versum subditiciū. Quod iure Gronovium sensisse Summers affirmat neque ego dissentio: versus Silio sine dubio abiudicandus atque uncinis iam includendus est.

Praeterea autem locum nostrum alio vitio inquinatum esse credo, quod nunc aperiam.

In huius libri initio gentes Italicae enumerantur, quae post Cannas arma Hannibali iunxerunt: Samnites, Bruttii, Apuli dicuntur vs. 8—10, deinde haec sequuntur vs. 11 sqq.:

Tum gens Hirpini vana indocilisque quieti  
 Et rupisse indigna fidem — ceu dira per omnis  
 Manarent populos foedi contagia morbi.

Post hanc observationem, quam totam seriem potius clausisse exspectaveris, continuo, hercle, instauratur aliarum gentium enumeratio atque Atella, Calatia, Tarentum, Croton, Locri, Celtae deinceps commemorantur!

Versus igitur 12 et 13 accuratius consideremus.

Quivis iam agnoscat, verba *ceu dira* — *morbi*, quamvis per se satis perspicua, huic loco importunissima esse atque narrationis cursum male interrumpere, sed rogo quid sibi velint verba *Et rupisse indigna fidem*? Discere velim quare gens vana ac turbulenta sit indigna quae fidem rumpat. Nonne contra evenire

solet? Bentley id probe intellexit, cum *Nec rupisse i. f.* proponeret, verum verba non corruptela laborant, sed versus de suo loco migrarunt. Si versus 12 et 13 post versum 31 reposueris atque Gronovio obsecutus versum 32 induxeris, omnia bene procedent:

- 28 Sed fas id Celtis, fas impia bella referre  
 29 Boiorum fuerit populis: Capuaene furorem,  
 30 Quem Senonum genti, placuisse, et Dardana ab ortu  
 31 Moenia barbarico Nomadum sociata tyranno  
 32 [Quisnam mutato tantum nunc tempore credat?]  
 12 Et rupisse indigna fidem — ceu dira per omnis  
 13 Manarent populos foedi contagia morbi.  
 33 Luxus et insanis nutrita ignavia lustris cet.

Ita si versus restitueris, èt verba *Et rupisse indigna fidem* bonam interpretationem iam admittere videbis èt enumerationem gentium post vs. 11 iusto iam tenore procedere èt versus 12 sq. suo loco vere redditos esse, cum versus multi, qui sequuntur (33—54), *dira illa contagia foedi morbi* plurimis exemplis illustrent.

48. In urbe Capua luxu corrupta

Nec, quos vile genus despectaque lucis origo

Foedabat, sperare sibi et deposcere *primi*

Deerant imperia ac patriae pereuntis habenas.

Potius crediderim poetam scripsisse: *prima*. Cf. vs. 94 huius libri:

an tua, Virri,

Prima atque ante alias sors, concedente senatu,

Te citat ac nostris aequat iam purpura Brutis?

55: Has astu aggressus quo verteret acrius aegras

Ad Tyrios mentes, quae nulla sorte daturam

Certus erat Romam — neque *enim* impetrata volebat —

Pacuvio fuit haud obscurum *crimine* nomen —

Hortatur e. q. s.

Pro *impetrata* Bauer Livinei coniecturam *impetranda* recepit atque Blass *imperitata* maluit, sed veram lectionem esse conicio: neque *et impetrata* volebat. Pacuvius enim ea petebat quae certus erat

Romanos numquam duros esse quaeque insuper impetrare ipse nolebat.

Versu autem 58 voc. *crimine* sanum esse non posse alii iam viderunt. Quod tamen L. Mueller proposuit *carmine*, minime probabile duco. Suspicio mihi orta est poetam scripsisse: haud obscurum *ab origine* nomen, cl.

X. 165: proavis ab origine cognita quercus.

XII. 344: ortum Iliaca iactans ab origine nomen.

XII. 393: Ennius antiqua Messapi ab origine regis.

XIV. 462: Daphnis, deductum ab origine nomen antiqua.

XV. 291: Hic gente egregius veterisque ab origine regni.

XVI. 148: Perfidiam fugio et periuram ab origine gentem.

XVI. 428: Discant qui pecudum ducunt ab origine nomen.

XVII. 33: Hic prisca ducens Clausorum ab origine nomen.

157. Campani foedus cum Hannibale inituri erant,

Sed non *invictum* ponebat pectore robur

Tum solum Decius Capuae decus.

Nonne praestat: *invicto*? Cf. vs. 170 infra:

Novi dis animas similes et pectora magnis

Numquam angusta malis.

161. Decius in oratione, qua cives suos a consilio deterrere conatur, exclamat:

Damnatumque caput temerati foederis aris

Iungitis hospitio?

Buchwald pro *aris* scribendum esse censuit: *armis*, sed lectionem traditam confirmat XIV. 82:

pactamque per aras

Haud facilis temerare fidem.

Cf. etiam XVII. 67:

Immemor hic dextraeque datae iunctique per aras

Foederis.

Et XVII. 86: castas polluti foederis aras testatus, nec non XV. 557:

patulos regione Metauri

Damnavi tumultis Poenorum atque ossibus agros.

Itidem adducor ut Heinsium iniuria metuuisse credam, ne verbis

*Terrore expulso* (vs. 176) mendum subesset, cl. XII. 6: vicina-  
que late Praemisso terrore quatit.

185: Non ita, *non* Decio permixtum fasque nefasque,  
Haec ut velle queat.

Fere non dubito quin Silio reddendum sit: Non ita *iam* Decio cet.

343: Tot bellis quaesita *viro*, tot caedibus armat  
Maiestas aeterna *ducem*. si admoveris ora, e. q. s.

Suspisor poetam scripsisse:

Tot bellis quaesita *ducem*, tot caedibus armat  
Maiestas aeterna. *viro* si admoveris ora, cet.

361: Et *magna* Superum cura servatus in arma  
Scipiadae Poenus.

Tam ipsum contextum quam verborum sonum requirere apparet:  
*magni*. Cf. vs. 371 huius libri: magno generatus Hamilcare, et  
vs. 450: *magni* pectora Achillis.

439: Atque haec e multis carpsit mollissima mensae.  
Hunc versum genuinum esse nemo umquam mihi persuadebit.  
Conflatus atque insertus est ab aliquo, qui legentem non satis  
monitum putaret, inde iam fabulam a Teuthrante cantatam  
capere initium. Qua de causa non cum Heinsio *musae* pro inepto  
illo *mensae* corrigendum esse opinor, sed versum totum, utique  
frigide atque insulse abundantem, uncinis includendum.

Versus autem, quibus Teuthras cantum exorditur, prava in-  
terpunctione vulgo laborare credo, quos ita distinguere velim:

440 Argolicis quondam populis, mirabile dictu,  
Exaudita chelys. lapidem testudine felix  
Ducere et in muris posuisse volentia saxa,  
Haec Amphionio vallavit pectine Thebas  
Ac silice aggeribus per se scandente vocatis

445 Iussit in immensum cantatas surgere turris —  
Altera e. q. s.

Ceterum voc. *testudine* (vs. 441), quod Ruperti qui *vel pectine*  
— et Thilo qui *dulcedine* proposuit, corruptum habuerunt, tan-  
gendum non esse docet me quidem Hor. A. P. 394 sq.:

Dictus et Amphion, Thebanæ conditor urbis,  
Saxa movere sono testudinis et prece blanda  
Ducere quo vellet.

Denique locum, quo tertiæ lyrae laudes canuntur, mendo laborare iam primo aspectu facile apparet:

449 iam quæ Peliaca formabat rupe canendo  
Heroum mentes et magni pectora Achillis,  
Centauro dilecta chelys, compesceret iras  
Percussa fide vel pelagi vel tristis Averni.

*Iam* ex Dausquei correctione probabiliter scribi solet, sed non intellego coniunctivum *compesceret* neque versum ultimum suspectum habere nequeo, cum historia Arionis iam supra memorata sit et Orphei fabula infra fuse enarretur. Quæ cum ita sint, forsitan conicere liceat, vs. 451 sq. a nescio quo insertos esse, cum vs. 453—8 perperam huc migrassent, de qua re vide Summersium ad vs. 290.

487: *At* patulo surgens iam dudum ex aequore late  
Nauticus implebat resonantia litora clamor.

Corrigendum: *Et* patulo. Signa varia gaudium testantia hic enumerantur, quo elati Mago sui que milites patrio oppido appropinquabant, neque ullus coniunctioni adversativæ locus est.

521: vidi cum turbine saevo  
Ausonia et sonitu *bellantis* fusa per agros  
Uni terga daret.

Etiam si *bellantes agros* ferri posse putes, vide quam languide illud *sonitu* post *turbine saevo* dictum sit. Heinsius *tonitru* et fortasse *bellanti* scribendum esse censuit, sed Siliani moris memor prætulerim: sonitu *torrentis*, cl. IV. 520, ubi etiam copiae cum torrente comparantur:

Ut torrens celsi præceps e vertice Pindi  
Cum sonitu ruit in campos,  
ad quem locum Drakenborch videatur. Deinde IX. 365:  
tum turbine nigro

Sanguinis exundat torrens.  
et XII. 189:





tatione opus esse credo, ut locus in integrum restituatur; legendum puto *lectum*, quod ad *dolorem* videlicet referatur.

116: Ast hic Lucrino *mansisse* vocabula quondam  
Cocyti memorat.

Viros doctos hunc locum iniuria coniecturis sollicitasse, Kochium *manasse* — Blassium *transisse* proponendo, quivis perspiciet qui ea perlegerit, quae ad VIII. 213 (Mnem. Vol. XXXVIII p. 125) a me annotata sunt.

168. Marcellus Hannibalem Nolae appropinquantem videns exclamat:

'Arma, *cruentus*

Hostis adest, capite arma, viri', clamatque capitque.

Circumstant *rapidi* iuvenes aptantque frementi

Sanguineas de more iubas.

Offendit adiectivum *cruentus*, quod quin corruptum sit non dubito. Veram lectionem puto: 'Arma, *iuventus*, Hostis adest, capite arma, viri', quandoquidem sequitur: Circumstant *rapidi iuvenes*. In hisce autem non cum Heinsio *Circumdant* scribendum esse arbitror, sed pro *rapidi* corrigendum: *trepidi*. Cf. vs. 286:

Vosque, invicta diu, nunc heu sine Marte *iuventus*  
Debellata bonis Capuae.

179; Dumque ea Marcellus, iam claustra revellere Poeni  
Et *scalis* spretos tentabat rumpere muros.

Haec in libris mss. leguntur. Vox *scalis* nimirum Nodellium perduxit ut pro *spretos* emendandum putaret: *spretis*, quod editores recentiores receperunt. Longius progressus est Lefebure, qui etiam *tentare irrumpere* scribere voluit. At notio *spretos muros* in locum nostrum optime cadit atque ipsum verbum simplex *rumpere* veram lectionem quasi monstrat. Mihi enim dubium non est quin Silio pro *scalis* sit reddendum: *scutis*. Cf. vs. 514 sq.:

eia, incute muris

Umbonem Iliacis Capuaeque repende ruinas.

210. Hannibal cum militibus suis mollitiem ignaviamque increparet,

Vincebat clamore tubas vocisque vigore

Quamvis obstructas *saevus* penetrabat in auris.

Heinsius vs. 208, ubi *saevo Mavorte* legitur, propter adiectivum versu 211 repetitum *laevo* vel *foedo* vel *saevo M.* proposuit. At vocabulorum intra breve spatium a Silio repetitorum Summers ad vs. 442 huius libri nonnulla exempla attulit, quem numerum quivis facile augere potest, neque quicquam est quod in verbis *saevo Mavorte* aliis de causis offendat. Verum nostro loco pro *saevus*, epitheto importuno et abundanti, contextum ipsum requirere credo genitivum *socium*, qui ad verba *obstructas in auris* vix ac ne vix quidem desiderari potest. Cf. vs. 253: galeam magno socium clamore reportans, et vss. 490, 578, 628, 630.

241: Tum delapsus equo galeam atque insignia magni

Consulis abruptit dextra spoliaturque *videntem*.

Haerent editores in participio *videntem*, pro quo Burmannus *iacentem* proposuit, recentiores vero Blassii coniecturam *nitentem* recipere solent. Ascripsit tamen Summers, traditam lectionem fortasse recte legi cl. vs. 276, quem locum iam Drakenborchium attulisse video ad demonstrandum, *videntem* esse posse adhuc viventem, spiritum trahentem, quod non nego sed minime hic idoneum esse opinor. Poetam aliud quid hoc loco significare voluisse credo.

Pedianus modo umbram Pauli invocaverat ut se spectaret poenas expetentem a milite Poeno, qui spoliis eius indutus pugnabat, vs. 239: vocat inde viri ad spectacula manis. Scripsit igitur Silius, ni fallor, *videntis* (ad *consulis* sc. pertinens), ut inferret, Pauli umbram morem gessisse Pediano atque spectatorem affuisse armorum suorum recuperatorum.

Ceterum obiter hic moneo, verbum *violataque* (vs. 245), quod Heinsius et Ruperti coniecturis vexarunt neque satis intellexit Drakenborch, tangendum non esse; Pedianus enim cervicem eo violaverat quod vi galeam abruperat.

253: Tum galeam magno socium clamore reportans  
*Immitem* quatiebat equum, spumantia *saevo*  
 Frena cruentantem morsu.

Poetam scripsisse mallet: *Immissum* quatiebat equum, spumantia  
*crebro* cet., sed quamquam de *immitem* dubito (Schrader *immitis*  
 proposuit), epitheton *saevo* utique genuinum videtur.

335: spectabitis *ipsi*  
 Aegida turbato quatientem in proelia mundo.  
 Veram lectionem puto: *ipsum* (Iovem sc.).

343: Sardoas patrio quatiebat milite *terras*.  
 Heinsii coniectura *turres* reicienda est, qua proposita ipse addit:  
 „sed et *terrae* et *campi* *quatiuntur* et ad I. 297 refert. Ita sane  
 atque addo XII. 399, XIII. 36, XVII. 421.

363. Enumerantur gentes variae, quae deinceps Sardiniam  
 insederunt.

Nec parvum decus, *advecto* cum classe paterna  
*Agmine* Thespiadum, terris, Iolæ, dedisti.  
 Suspisor Silium scripsisse: *adventus* — *Agmina*. Tu vero, Iolæ,  
 his terris agmina Thespiadum, haud parvum decus, dedisti,  
 cum classe paterna eo *adventus* es.

415. Ennius postquam Hostum interfecit,  
 Vertuntur iuvenis casu perculsa per agros  
 Agmina, et *effusae* pariter dant terga catervae.  
*Agmina* illa scilicet Sardorum sunt, sed quales *catervae* fuerint  
 nunc non liquet, quamquam sine dubio Poeni dicuntur, qui  
 Hosto „appulsis animos auxere carinis” (vs. 379). Quod nescio  
 an poeta significaverit scribendo: *affusae*. Cf. huius libri versus  
 361: Affluxere etiam et sedes posuere coactas  
 Dispersi pelago post eruta Pergama Teucris.  
 429: Iamque in Dauniacos transfundens agmina campos.  
 576: Effundit rupto persultans agmina vallo.  
 et XV. 219:

A tergo affusis cingebat tecta carinis.

434: Verterat et mentem *Tyria* ad conata Tarentus,  
Portisque intrarant Poeni.

Poetae reddendum censeo: *Tyrii* (i. e. Hannibalis), quo nomine  
Hannibal etiam XV. 433 indicatur.

453. Hannibal dum Tarentum expugnat, nuntius affertur  
Assessos Capuae muros, claustra ipsa revelli  
Portarum ac totum *miseris* incurrere bellum.

Maluerim: *sociis* cl. vss. 490, 500, 578, 628, 630.

Quae re audita Hannibal (vs. 456)

immani per proxima motu

Evolat et minitans *avida* ad certamina fertur.

Suspicio me tenet, poetam non *nava* scripsisse, quod Heinsius —  
neque *avide*, quod Drakenborch coniecit, sed: *alia* ad certamina.

465. De Centenio

vitis honore

Perfunctus *Latiae*, subito stimularat agrestis

Sermemque manum sternendam obiecerat hosti.

Gronovius et Heinsius legere voluerunt *subitos*. Cum vero ad  
verba *vitis honore perfunctus*, de tribuno Romano dicta, epitheton  
*Latiae* moleste abundare videatur, agrestes autem illi quales  
fuerint non satis pateat, locum sic constituendum censeo:

vitis honore

Perfunctus, *Laios* subito stimularat agrestis cet.

490. Hannibal

unaque negari

Intravisse sibi Capuaeque *erumpere* cernit.

Verbum *erumpere* recte legi neque recipiendam esse Heinsii con-  
iecturam *irrupere* è Drakenborch contendit è comprobatur Liv.  
XXVI. 5. 5: Praemissis namque nuntiis Capuam, quo tempore  
castra Romana aggressurus esset, ut eodem et illi ad eruptionem  
parati portis omnibus sese effunderent, ingentem praeiuit terrorem.

633. Hannibal exclamat:

*Ventis* debetis nimirum hiemisque procellis

Unum, Roma, diem!

Imhofii coniectura *nimbis* ab editoribus memorari solet, sed immerito locum sollicitavit, quod demonstrant vs. 629, 631, 656, 661—3, nec non 677: ventis hiemique fugaces terga damus?

697. Iuppiter de Hannibale queritur:

etiamne parabit

Nostras *ille* domos, nostras perrumpere in arces?

Mirum ni poeta scripsit: Nostras *ire* domos.

734. Romani cum e moenibus Hannibalem signa moventem viderent,

*tacita ora* vicissim

Ostentant nutnque docent, quod credere magno

Non audent haerente metu.

Scribendum esse suspicor: *tacito ore*.

Versum autem, qui nunc numero 738 notatur:

Ac tacitae natis infigunt oscula matres,

non suo loco legi arbitror; si quid video, traiciendus est post vs. 743.

#### AD MENSAS PANICEAS.

Ad vaticinium, a Celaeno datum (Verg. Aen. III. 255 sqq.), ab Heleno mitigatum (ib. 394), eventu comprobatum (VII. 112 sqq.), multa ab editoribus observata leguntur, sed eiusmodi liba etiam nunc confici nemo, quantum scio, monuit. Id autem nuper didici e libro *EO THEN*, quem A. W. Kinglake conscripsit, Methuen cum sociis alterum emisserunt Londinii a. 1905. In prooemio nempe p. xxx haec leguntur:

„Turkish dinners consist of a quantity of dishes, generally at least seven or eight, and sometimes as many as twenty; but each is only tasted and rapidly removed. At first it looks somewhat mysterious when people apparently wrap up some pieces of string in brown paper and eat the parcel with avidity. But the string is cheese drawn out like very attenuated vermicelli, and the brown paper sheets of very thin bread which serve as a tablecloth and napkin us well as for food.”

Hanc annotatiunculam, licet tenuissima cuiuspiam videatur, utilissimam existimabo, si ad Kinglakii libellum aureum cognoscendum perfruendumque aliquos adduxerit.

P. H. D.

# VARIA.

SCRIPTISIT

I. VAN WAGENINGEN.



AD CICERONEM.

De n. d. I § 25: „atque haec quidem vestra, Lucili. Qualia vero sint superiorum <sup>1)</sup>, ab ultimo repetam. Thales enim Milesius, qui primus de talibus rebus quaesivit, aquam dixit esse initium rerum, deum autem eam mentem, quae ex aqua cuncta fingeret. † Si di possunt esse sine sensu et mente <sup>2)</sup> cur aquae adiunxit, si ipsa mens constare potest vacans corpore?”

Ultima verba sine dubio corrupta sunt, et varie viri docti conati sunt ea emendare, sed eorum conatus non mihi probantur. Quid enim? Velleius Epicureus, qui hoc loco verba facit, omnes fere philosophorum de rerum natura doctrinas percensens, non modo paucis verbis argumentum dat uniuscuiusque doctrinae, sed singulis disciplinis etiam addit refutationem suam, quod statim apparet ex proximo exemplo, ubi praemissae Anaximandri opinionioni continuo subiungitur: „sed nos deum nisi sempiternum intellegere qui possumus?” Itaque in verbis ad Thaletis doctrinam pertinentibus emendandis opera nobis danda est, ut hic disputationis ordo restituatur. Deinde in verbis laudatis praeter illud „sine sensu et mente”, quod omnino absurdum est, cum paulo

---

1) Ita recte hoc vocabulum transposuit Doederlinus.

2) *sensu et mentem* B<sup>1</sup>, *sensu, mentem* Ed., *visu et mente* Asc. (cf. ed. quam curavit Mayor p. 10).

ante dictum sit „deum esse mentem”, iure miramur duas illas sententias condicionales „si di possunt esse sine sensu” et „si ipsa mens constare potest vacans corpore”, quae fere eodem redeunt (si omittimus verba „et mente”). Nam si meminimus virum Epicureum hoc loco verba facere atque tenemus eo auctore mentem non posse sentire sine corpore, facile perspicuum fit verba, „si di possunt esse sine sensu” esse explicationem sententiae: „si ipsa mens (= deus) constare potest vacans corpore”, atque hoc interpretamentum in ipsum textum irrepsisse. Nullus enim sensus, inquit Epicurus, sine corpore. Quae si recte disputata sunt, sic legendum censeo:

„[Si di possunt esse sine sensu] <S>ed mente<m> cur aquae adiunxit, si ipsa mens constare potest vacans corpore”?

Cur Thales — ita Velleius rogat — mentem aquae adiunxit? h. e.: cur ei non sufficit solam mentem statuere primum rerum elementum, si eam posse constare putavit sine corpore?

Ibid. § 26: „Inde Anaxagoras, qui accepit ab Anaximene disciplinam, primus omnium rerum discriptionem et modum mentis infinitae vi ac ratione dissignari et confici voluit; in quo non vidit neque motum sensui iunctum et continentem in infinito ullum esse posse neque sensum omnino, quo non ipsa natura pulsa sentiret”.

Verba sunt obscura, sed sine ullo vitio in codicibus tradita. Antequam ea Belgice vertam, hoc unum monere velim vocabulum „sensus” in sermone Epicureorum non modo facultatem sentiendi („gewaarwording”), sed etiam id significare, quod corpore tangendo efficit, ut animus sentiat („indruk van buiten”), cf. Lucr. II 434: „tactus enim tactus pro divum numina sancta corporis est sensus <sup>1)</sup>” = „onder „sensus” is niets anders te verstaan dan eene aanraking, eene aanraking zeg ik u bij de goden, van het lichaam”. Quod si tenemus, Cicero sive potius Velleius hunc in modum ratiocinari videtur:

„Vervolgens heeft Anaxagoras, die zijne leer van Anaximenes heeft overgenomen, het eerst beweerd, dat de afbakening en

1) Idcirco apud Lucr. II 804 retinendum est: *quodam sensu*, cf. III 272.

begrenzing <sup>1)</sup> van het heelal (wereldorde) tot stand is gekomen door de inwerking en het overleg van een oneindigen geest. Hierbij zag hij over het hoofd, dat er in het oneindige geen beweging, die met gewaarwording (bewustzijn) gepaard gaat <sup>2)</sup>, bestaan kan, en dat er van gewaarwording geen sprake hoegenaamd kan zijn, indien er niet een wezen is, dat een indruk krijgt en gewaar wordt."

Quoniam interpretes latebat vera notio vocabuli „sensus”, in ultimis verbis, praesertim in ablativo „quo” et in participio „pulsa” haeserunt, sed simulatque locus Lucretianus nos docuit Epicureis „sensum” idem valere quod „tactum”, atque in eo inesse vim èt initii actionis èt effectus, iam non est, cur gravemur ablativum „quo” iungere cum participio „pulsa”. Pro quo non Cicero etiam scribere potuit: *quin*.

Ibid. § 80. Postquam Velleius Epicureus deorum formam hominibus esse similem contendit, Cotta Academicus ita respondet: „detur id vobis (sc. in dis omnia emendata esse); num etiam una est omnium facies? nam si plures, aliam esse alia pulchriorem necesse est. Igitur aliquis non pulcherrimus deus”.

Miror neminem adhuc animadvertisse ultima verba sensu carere. Nam si alius deus alio pulchrior est, unus est pulcherrimus. Ergo delebimus illud *non*? Non opus est, sed si post *deus* signum interrogationis ponemus, sana sententia existet: „igitur aliquis non pulcherrimus deus?” *non* dictum est pro *nonne* (Kühner LG. II p. 1012 A; Hand. Turs. IV p. 309), et cum responsum expectetur affirmativum, usus pronominis *aliquis* recte se habet.

#### AD SENECA.

Epist. II 2: „illud autem vide, ne ista lectio auctorum multorum et omnis generis voluminum habeat aliquid vagum et instabile: certis ingeniis immorari et innutriri oportet, si velis aliquid trahere, quod in animo fideliter sedeat ... § 3 non

1) Cicero vertit verbum Graecum *διεκδύμνησε*, cf. Ritter-Preller HPhG. § 163.

2) Ita *indolet τοῦ νοῦ* describitur.



prodest cibus nec corpori accedit, qui statim sumptus emittitur; nihil aequae sanitatem impedit quam remediorum crebra mutatio; non venit vulnus ad cicatricem, *in quo medicamenta temptantur*; non convalescit planta, quae saepe transfertur."

Multorum auctorum lectionem improbens Seneca exempla affert, quae omnia idem moneant: ne quid nimis! Sed in exemplo paenultimo omnino deest illa notio multitudinis, nisi forte putes eam verbo temptandi designari. At ne tum quidem concinnitas permittit, ut substantivum *medicamenta* suo careat attributo, quare post *in quo* inserendum esse arbitror: <multa>.

Epist. IV 3: „proface modo: intelleges quaedam ideo minus timenda, quia multum metus afferunt. nullum <malum est> magnum, quod extremum est. mors ad te venit: timenda erat, si tecum esse posset; <sed> necesse est aut non perveniat aut transeat."

Verba *quia multum metus afferunt* non concoquo, neque ea Muretus intellexit, qui pro *afferunt* proposuit: *auferunt*. Sed non hoc Seneca demonstrare voluit mortem (nam de ea tota disputatio est) omnes reliquos metus auferre, sed eam, quia ultima rerum sit, postremum esse metum; et: „nullum malum est magnum, quod extremum est", ut philosophus addit. Si eam sententiam restituere cupimus, pro *multum* legendum est *ultimum* (cf. Kuehner LG. II p. 317).

Epist. XV 4: „sunt exercitationes et faciles et breves, quae corpus et sine mora lassent et tempori parcant, cuius praecipua ratio habenda est: cursus et cum aliquo pondere manus motae et saltus vel ille, qui corpus in altum levat, vel ille, qui in longum mittit, vel ille, ut ita dicam, saliaris, aut ut contumeliosius dicam, fullonius: † quos libet (pL<sup>1</sup>, quod libet ε) ex his elige usum rudem facilem (p, usum rude facile L)."

Verba corrupta Buechelerus ita correxit: „quoslibet ex his elige usum rudem, facilem", sed minime placent *usum rudem facilem* et vix sanam praebent sententiam. Felicius Madvigius:

„quod libet ex his elige usus ex facili”, sed nimis a lectione tradita recessit, nec participium futurum *usus* hoc loco ferri posse mihi videtur. Equidem post *elige* interpungendum esse opinor, deinde parva mutatione adhibita legendum: „quodlibet ex his elige: usus reddet facile”, h. e.: exercitationem quamvis ex iis, quas enumeravi, eligere poteris, mox illa facilis tibi fiet usu.

In proximis paragraphis (§§ 6—7) quae Seneca de gestatione et ambulatione disserit, male interrumpuntur verbis: „nec tu intentionem vocis contempseris, quam veto te per gradus et certos modos extollere, deinde deprimere”. Sed de voce postea demum agitur, cum praecepta de ambulatione data sunt. Quare verba modo laudata transponenda esse puto post *produxeris*. Qua transpositione ea, quae re et argumento inter se cohaerent et nunc disiecta iacent, apte iunguntur: § 6 *quorum nihil ne ambulatio quidem vetat fieri*. § 7 *quid si velis deinde quemadmodum ambules discere? admitte* cet. Tum post *produxeris* ita epistula procedit: *nec tu intentionem vocis contempseris, quam veto te per gradus et certos modos extollere, deinde deprimere. quid ergo? a clamore protinus et a summa contentione vox tua incipiet? Damnat* igitur philosophus exercitationem artificiosam vocis, damnat etiam nimiam intentionem in orationis exordio, sed suadet Lucilio, ut pro animi impetu modo vehementius modo lentius loquatur: „non enim id agimus, ut exerceatur vox, sed ut exerceat.” Itaque loquendi exercitationes corpus exercent et valetudini prosunt.

#### AD PERSIUM.

Sat. I 67:

sive opus in mores, in luxum, in prandia regum  
dicere, res grandes nostro dat Musa poetae.

Pro *sive* legendum puto *silve* (olim nimis audacter proposui: *etsi*) et cum Iahnio -ve interpretor: etiam, adeo. Lectio tradita sensu caret, nam patet patronum divitem, de quo Persii adversarius h. l. agit, non posse dici saturas scribere in mores, in luxum, in prandia regum, ad quos ipse pertinet (ut Conington vult vertens: „he is equally great too in satire”) — talia enim

argumenta satirica iam versu primo damnata sunt ab oblocutore poetae, — sed patrono illi a Musa datas esse *res grandes* h. e. heroicas, quae levibus saturis recte opponuntur. Illud *sive opus* „laat het zelfs noodig zijn” concessive dictum est. Idem editor Conington, qui *sive* retinet, *res grandes*, ut sententia loci sibi constet, Anglice vertere cogitur per: „the grand style”, sed *res* non genus dicendi significat, verum ipsum argumentum.

## AD ILIADIS SCHOLIA A.

A 189. στήθεσιν λαοίοισι: <ή διπλή> ὅτι δύο ἐμερίμνησεν οὐκ ἐναντία ἀλλήλοισι. ὅπερ ἐκλαβὼν τις προσέθηκεν ἢ ἄλλον παύσειεν κτέ.

Pertinet Aristonici hoc scholion ad vs. 189—192, quorum versuum ultimum spurium esse Aristarchus — perperam, ut opinor — arbitrabatur. Sed huius opinio ut intellegi certe possit, pro ἐκλαβὼν scribendum est οὐ καταλαβὼν (κ'λαβὼν): „versum 192 addidit qui non intellegeret poetae verba „διάνδιχα μερμήριξεν” spectare ea quae vs. 190 sq. dicuntur, an circumstantes dispelleret, Agamemnonem autem confoderet.”

M 276. Didymi hoc scholion non recte sic affertur in editionibus: „νεῖκος: Ἀρίσταρχος νῖκος διὰ τοῦ ι· βούλεται γὰρ λέγεσθαι τῆς νίκης τὴν ἥτταν.” Quae etiam in Ebelingi Lexico Homérico (I 1134<sup>b</sup> infra) sic afferuntur: „βούλεται λέγεσθαι τῆς νίκης ἰ (Cobet τὴν νικησάντων, Schmidt Did. τῆς νίκης) τὴν ἥτταν.” — Rectius sane Ludwich Arist. I 342: „in der Handschrift steht τὴν νίκηῶν, nur ἢν beidemal tachygraphisch gekürzt”, qui tamen — mirum! — non perfecit emendationem, sed ipse edidit: „βούλεται γὰρ λέγεσθαι τῇ νίκῃ τὴν ἥτταν” sive verba sine sensu.

Id ipsum quod praebet codex: τὴν νίκησιν” servandum erat: „τὴν νίκησιν”. Nam signum illud tachygraphicum ea aetate qua codex A perscriptus est cum -ην tum -ιν significasse nemo nescit, et nostro loco *brevem* syllabam esse intellegendam docet syllabae νι- accentus.

„Volebat” (putabat) igitur Aristarchus „νῖκος” l.l. dici „τὴν νίκησιν” sive „τὴν ἥτταν”. v. L.

# DONATIANA ET TERENTIANA

SCRIPSIT

H. T. KARSTEN.



## PARS I.

Erdmannus Struck De Terentio et Donato. Dissert. Rostochiensis. Lips. 1910.

Hermannus Steinmann De artis poeticae veteris parte quae est *περί ἡθῶν*. Diss. Gottingensis. 1907.

Argumentum dissertationis „de Terentio et Donato” hoc est, ut demonstretur in commento Donatiano ad Terenti fabulas scholia optima quaeque (p. 74) ad fabulas e Menandreis conversas, hoc est ad Andriam, Eunuchum, Adelpbos, non deberi interpreti Romano, sed Graeco, qui ipsius Menandri fabulas aliquando adnotationibus instruxerit. Haec sententia non minus novitate insignis est, quam, si vera est, maximi momenti ad quaestionem de fontibus et auctoritate totius commentii.

Quales sint illae adnotationes originis Graecae, sic describitur p. 2: „Praeter adnotationes artem grammaticam et rhetoricam redolentes non paucae nobis occurrunt, quae ad oeconomiam fabulae et ad artem poetae scaenicae spectantes et argumentum coloremque scaenae tractantes ad initia praesertim scaenarum adscribuntur ideoque a nobis „scaenicae” sive „aestheticae” nominatur”. Itaque dividuntur scholia, ad scaenarum initia posita, in grammatica et rhetorica scholiastae Romani et scaenica sive aesthetica scholiastae Graeci.

Res plane demonstratur quinque tabulis, ubi cuiusque fabulae scholia ad scaenarum initia secundum haec genera separatim indicantur. Ex his tabulis cognoscitur, ut scribit Struckius p. 5, „in fabulis e Menandro conversis scholiastam illum aestheticum sive scaenicum perraro desiderari”<sup>1)</sup>, et hoc quoque p. 7: „ad fabulas Menandreas semper fere scholia, quae totam scaenam explicant, praesto esse, dum ad fabulas Apollodori, Hecyram et Phormionem, illum optimum scholiastam aestheticum desideramus”. In his Apollodori fabulis sane „occurrit alter (scholiasta) compluribus locis, qui item illustrare totam scaenam conatur, sed ut homo eloquentiae praeceptis instructus”<sup>2)</sup>, cuius rei exempla exhibentur p. 8 sqq. Tum conceditur quidem ad Hecyram et Phormionem non ex omni parte deesse adnotata aesthetica, sed p. 10 sqq. dicuntur haec rara esse et a Donato aliena.

Scholia aesthetica ad fabulas Menandreas, praestantiora illis alteris, origine non esse latina sed graeca variis modis ostenditur p. 15—37:

1. Comparatione similium scholiorum Graecorum ad Sophoclis Electram.

2. Usu vocis *οικονομίας* et rariore et minus eleganti ac subtili in scholiis ad fabulas Apollodoreas quam ad Menandreas, itemque usu vocum *πιθανότης* et *ὑποποιία*.

3. Singulari rerum et litterarum Graecarum notitia in scholiis aestheticis conspicua.

4. Figuris quibusdam rhetoricis, quae inveniuntur quidem in omnium fabularum adnotationibus, sed aesthetice magis adhibitae in his, rhetorice in illis. Demonstratur hoc de analogia, amphibolia, ethopoeia, astismo.

Haec prior pars dissertationis clauditur hac conclusionum sylloge<sup>3)</sup>:

1) Quod ibidem legitur: „nam quicumque de commentariis Terentianis bene meriti sunt, negant scholiastam aestheticum, utpote hominem perspicacem et subtilem, eundem fuisse atque grammaticum istum stolidum fatuumque”, id subscribere non ausim.

2) Hic et alibi Struckius interpreti aesthetico Graeco opponit alterum, rhetoricæ et grammaticæ artis praeceptis instructum. Sed illi tamen infra addicuntur etiam scholia cum formulis Graecis grammaticis et rhetoricis, uterque igitur rhetor erat.

3) Conclusiones ipsius Struckii verbis exprimenda curavi.

Scholia aesthetica in fabulis Apollodoreis desiderantur. in Menandreis occurrunt. Interpret aestheticus se praestat maxime scientem et rerum et litterarum Atheniensium. Non solum spirant haec scholia animum scholiorum Graecorum, sed redolent etiam illa aesthetica iudicia disciplinam Graecam. Debemus igitur conicere hunc scholiastam esse scholiastam Graecum Menandri. Neque miramur ad Menandri, qui nuncupatur *ἄστρον τῆς νέας κωμωδίας*, non item ad Apollodori comoedias scholiastam Graecum exstitisse. Apollodorus non tanti aestimatus est, neque de scholiasta Apollodoreo quicquam cognovimus. Illa Menandrea vero scholia fuisse non coniectura hariolamur, immo exstitisse quaedam (Timachidis) accepimus <sup>1)</sup>.

In altera parte dissertationis id egit Struckius, ut quod adhuc tantummodo coniecerat, Donatum scholia aesthetica ad Andriam Eunuchum Adelpbos hausisse ex commentario Graeco, unice verum esse confirmaret.

Hanc disputationem ingeniose sic instituit.

Tres illae fabulae sunt contaminatae et scaenas continent, quae in exemplo Menandreo aut omnino deerant aut aliter se habebant. Similiter in commento Donati nonnumquam omnino desunt scholia aesthetica ad scaenarum initia, nonnumquam adsunt, sed ita, ut non quadrent ad scaenae formam Terentianam. Quod utrumque ita explicatur: primum deficiente scaena Menandrea Donatus nullum scholium invenit quod verteret; dein scholium Menandreum, temere translatum ad initium scaenae contaminatae, huic non conveniebat. Haec sane verissima sunt eaque probatio prorsus esse efficax et fide digna, si primum constaret de scaenarum divisione Menandrea, ubi scilicet identidem nova scaena Graeca inceperit ubique desierit, ac dein si satis certo sciremus, qua ex parte, non universe, sed singulis locis et paene versibus, poeta Latinus Graecum exemplum aut fideliter secutus sit, aut ex altero exemplari Graeco contaminaverit novaque de suo immiscuerit.

1) Susemihl, H. L. Gr. tempore Alex. II p. 189, de Timachide hoc scripsit: „T. commentierte zum mindesten die Frösche des Aristophanes, die Medea des Euripides und den Kolax des Menandros (Cramerii Anecd. Par. IV 25. 17 *Τιμαχίδης ἐν τῇ Κόλακῳ* (Mein. *Κόλακος*) *ὑπομνήματι*), vielleicht auch den Hermes des Eratosthenes“. Struckius hinc efficit exstitisse scholia ad omnes Menandri fabulas.

Struckius haec omnia satis perspexit eiusque disquisitiones in hac altera parte saepissime versantur idcirco in lubricis quaestionibus ad formam comoediarum Menandri antiquam et propriam atque ad contaminationem Terentianam pertinentibus, quae tamen quaestiones aliqua veri specie tum demum solvi poterunt, si ipsius Menandri fabula integra forte fortuna in lucem redierit <sup>1)</sup>). Quae Struckius passim proposuit de scaenarum Graecarum divisione et de locis ex alterutro exemplari Graeco desumptis ipsiusque Terentii interpolationibus non minus fortasse verisimilia sunt iis, quae alii viri docti saepius excogitarunt, sed tamen aequae incerta <sup>2)</sup>), nec novae coniecturae tali fundamento tuto superstrui possunt.

Tandem totius dissertationis conclusio sic exprimitur p. 74: „Auctoribus Graecis palmam reddidisse nobis sat sit. Nam cum Terenti tum Donati optima quaeque esse Menandri eiusque interpretis demonstravisse videmur”.

Operae pretium est argumenta, quibus et haec conclusio et quas antea rettuli nitantur, accurate persequi, quod brevi disputatione absolvi non poterit propter magnam rerum copiam, quae locupletissima dissertatione continetur.

Primum quidem agendum est de V tabulis in quibus scholia ad scaenarum initia, quae per compendium principalia vocabo, distribuuntur inter scholiastam aestheticum Graecum et rhetoricum Romanum. Neglego hunc postremum, de cuius scholiis vix dissentio et agam tantummodo de aestheticis, de quibus statim haec quaestio oritur, quae scholia nuncupantur aesthetica?

Struckius nos monet se hoc vocabulo non ea uti ratione, quae hodie usurpatur et vel negare videtur scholia vere aesthetica in commento inveniri <sup>3)</sup>); complectitur ille hoc titulo haec

1) Cf. von Arnim, Nov. Ann. XXV, 1910 p. 241.

2) Quantopere de contaminatione etiam nunc sub iudice lis sit, ostendit R. Kaueri recensio de libris Terentianis a. 1898—1908 in Bursiani Ann. CXLIII 1909 p. 215—270, veluti p. 315 sq. de Andria, 257 sq. de Adelphis.

3) Pag. 2 adn. 2: „Nobis quoque hoc verbo cum utimur, observandum est quod monet Rudolfus Griesinger „Die aesthetischen Anschauungen der alten Homer-Er-

diversa, p. 2: scholia de fabulae oeconomia, de arte poetae scaenici, de colore scaenarum, pleraque ad scaenarum initia primo et secundo loco posita in fabulis Menandreis <sup>1)</sup>, et tandem p. 19 aethetico scholiastae dantur omnia ad Menandreas fabulas de rebus litterisque Graecis, aut in quibus vox *οικονομία* etc. legitur, ita ut ei denegentur tantum scholia grammatica et rhetorica.

Igitur titulus aetheticus neque ipsius hominis neque adnotationum eius certam imaginem mentibus nostris evocat et necesse erit aliam horum scholiorum divisionem aliasque appellationes instituere, ut earum natura probe secernatur.

### Scholia principalia ad Andriam.

Fabula scaenas habet XXVIII, quarum duae postremae videntur additae a Terentio. Reliquarum scholia principalia (i. e. 1 et octies etiam 2) omnia dantur interpreti aethetico, praeter II 3 et V 3, ubi ab initio leguntur scholia rhetorica. Adnotationes illae „aetheticae” varii sunt generis et a me sic definiuntur:

Nequaquam desunt quae nostro sensu vere aethetica dici possint, cum in his aliquis lepor, elegantia, mira ars in scaena conspicua lectori <sup>2)</sup> commendentur: 412.1 vide quam mire ... 481.1 specta in hac scaena quam scite ... 625.1 elegans perturbatio ... 965.1 in hoc actu mira arte ...

Sunt scholia satis multa, quae duplicia dici possunt, cum sub uno numero duas observationes contineant vulgo satis breves, quas tamen uno nomine iuste comprehendere nequeas:

338.1 schol. de argumento scaenae et dein dramaticum <sup>3)</sup>.

klärer, dargestellt nach den Homerscholien” diss. Tübingen 1907 adn. 2 p. 19: „Freilich ist hierbei Vorsicht geboten, dass wir nicht mit den Ausdrücken auch die Anschauungen unserer modernen „Aesthetik” in die alten Urteile hineinlegen”.

1) Haec „semper fere totam scaenam explicare dicuntur” p. 7. Cf. p. 14: „semper studet ut aliquid de tota scaena adnotet”.

2) Fabularum scholia lectoribus destinata erant; cf. Pho. 211: hic locus actoris magis quam lectoris est, sqq. 175: coniuncte legendum est. Hec. 502. 2: magno pondere legendum utrumque pronomen. Ad 324. 2: quod in lectione gestu ostendi minime potuit, sqq.

3) Dramatica appello scholia, quae respondent Enanthii observationibus de fabula in genere, veluti hoc schol. et 404. 1; ad 904. 1 796. 1 de „turbis” de „nodo erroris” de „catastrophe” compara Euanthium IV 5; praeterea quae sunt de externo apparatu scaenico, uti 716 de personis, aliaque eiusmodi.



404. 1 dramaticum et de argumento. 459. 1 de argumento (usque ad „suspicio senis”), de oeconomia <sup>1)</sup>. 684. 1 de argumento (usque ad „Mysidem”), de oeconomia. Pars prior brevissima de argumento, amplissime explicatur in scholio 2, quod cum scholio 1 unam adnotationem effecisse videtur. 716. 1 de argumento et dramaticum. Hanc alteram partem non Graecam, sed Romanam esse perspicuum est: „vide non minimas partes in hac comoedia Mysidi attribui, hoc est personae femineae, sive haec personatis viris agitur, ut apud veteres (i. e. Plautum Terentium, alios), sive per mulierem, ut nunc videmus”. 796. 1 dramaticum et ethographicum. 842. 1 de argumento et ethographicum. 904. 1 de argumento et dramaticum.

Iuxta haec duplicia inveniuntur simplicia varii generis:

28. 1 et 2, utrumque est dramaticum et inter se non nisi forma differunt <sup>2)</sup>, 172. 1 de oeconomia personae, uti 740. 1, 206. 1 et 2 Struckius pro aestheticis habuit, sed revera 1 continet expositionem argumenti rhetoricam <sup>3)</sup>, uti 375. 1, quod Str. ipse rhetoricis adnumeravit; 2 continet praeceptum rhetoricum, quibus modis persona commendetur. 236. 1 de argumento scaenae, uti 432. 1. 301. 1 et 2 Struckius haec scholia interpreti Graeco vindicare videtur, quamquam quod de iis disputat p. 43 non prorsus intellego; utrumque autem Romanum esse, alterum oeconomicum, alterum dramaticum (Euanth. III 9)

1) Oeconomia est multiplex seseque ostendit, primum in argumenti expositione, cum primis colloquiis vel monologiis spectatores ea docentur quae ad rerum sequentium intelligentiam necessaria sunt; dein apparet in totius fabulae processu, qui ita instituendus est, ut singuli eventus, personarum apparitiones, decessus, dicta factaque apte praeparantur et evolvantur atque inde a primo rerum et personarum concursu usque ad enolutionem s. catastrophem comoedia probabili via ac ratione procedat. Hinc oriuntur quaedam species: oeconomia personarum, orationis, prooeconomia sive praeparatio vel praestructio. Tertio loco oeconomia adhiberi debet in personarum moribus instituendis, qui per totam fabulam conservandi aut nonnumquam mutandi sunt, prout iusta animi humani cognitio postulare videtur. Scholia ad hoc genus pertinentia cum Steinmanno appellavi ethographica.

In omni oeconomia tamen cavendum est poetae „ne nuda appareat *συνέσις* comoediae” (Phorm. 57. 3), utque personae sua sponte neque ex poetae arbitrio quicquid agere aut loqui videantur. Cf. Steinmann p. 40 sqq.

2) Cf. Euanthius de virtute Terenti III 5, de deo ex machina III 2. Ceterum de his scholiis, ut de seq. 172. 1 et 2, postea accuratius erit agendum.

3) Wessnerus iam comparavit Eugraphium ad h. l.

legentibus facile apparehit. 553. 1 de oeconomia fabulae, ut 580. 2 et 670. 722. 1 de oeconomia scaenae, quod attinet ad pronuntiationem. 820. 1 potius rhetoricum dixerim <sup>1)</sup> quam aestheticum.

Deest, ut vidimus, scholium aestheticum ad II 3 et ad V 3; quod illuc deest, Struckius ita explicat, ut sumat scaenam II 3 apud Menandrum iunctam fuisse cum II 2. Cur desit ad V 3 non inveni.

Itaque de Andriae scholiis principalibus, quae Struckius uno nomine aethetica appellavit sic statuendum est:

Non desunt vere aethetica, sed quater inveniuntur. Octo sunt duplicia, promiscue oeconomica, dramatica, ethographica, de argumento. Tria sunt rhetorica (cf. ad 206, 301 et 820). Reliqua decem simplicia sunt et praeter ethographica easdem species exhibent quas duplicia.

Quod Struckius dixit (p. 7), ad fabulas Menandreas semper fere scholia praesto esse, quae totam scaenam explicent, hac scholiorum consideratione non confirmatur. In duplicibus sexies, in simplicibus semel (432. 1) argumentum brevissime tangitur, in his semel uberius (236. 1). In 684. 2 copiose de argumento scaenae disputatur, sed hoc Str. silentio paene praeterit (vide p. 50). Ex his igitur ieiunis vulgo adnotationibus effici non potest, interpretem illum aestheticum „optimum esse iudicem de scaenis Menandreis (p. 14), aut eius iudicia redolere disciplinam Graecam” (p. 37), quin immo „scholiastam Romanum tantum abhorrere a Graeco, quantum Terentius distat a Menandro” (p. 53) <sup>2)</sup>.

### Scholia principalia ad Eunuchum.

Scaenae sunt XXVI. Duo, I 2 et V 4, incerta de causa scholiis vacant; reliquarum principalia a Struckio omnia dantur interpreti aethetico, ex his tamen eximenda est adnotatio ad I 1

1) Vide mox de scholiis Adelphorum fabulae.

2) Scholia rhetorica quidem, sed simul scaenarum argumenta multo plenius nec male enarrantia leguntur saepe apud Eugraphium ad scaenarum initia, e. g. ad Andriam II 1. 4. 6 III 2 et sic ad reliquas fabulas non raro. Cf. P. Wessner in ed. Eugraphi commenti Lips. MCMVIII, praef. p. iv sq.

(46. 1), quae est e genere rhetorico de quo videbimus ad *Adelphos*. Principalia quae supersunt haec genera referunt:

Vere *aesthetica* 207. 1. 232. 2. 292. 1. 643. 1. 668. 1, in quibus *argumentum scaenae* eo consilio succincte indicatur, ut iudicium feratur de lepore, arte poetae, delectatione spectantium, sim.

*Duplicia*: 232. 1 de *oeconomia personae* <sup>1)</sup>, et de *argumenti utilitate*. 454. 1 vere *aestheticum* et de *oeconomia orationis*.

1025. 1 *scholium peculiare, ethicum* <sup>2)</sup> et *oeconomicum*.

In simplicibus de *oeconomia fabulae vel scaenae vel personarum* agitur 539. 1. 615. 1. 2. 629. 2. 827. 1. 840. 1. 1002. 1.

*Argumentum tangitur* 391. 1. 629. 1. 910. 1

Genus *peculiare ethographiae* invenitur in his scholiis: 727. 1. 739. 1. 771. 1. 971. 2. 3. 1031. 1, ubi *intrans personae* *ἥθος* describitur, quatenus sese aperit externis indiciis, velut ebrietate, ira, vestitu, oratione, habitu.

Itaque in scholiis *Eunuchi ad scaenarum initia* unum est *rhetoricum*, quinque sunt *revera aesthetica*, tria *duplicia diversae indolis*, tria de *argumento*, sex *oeconomica*, quinque *ethographica*, unde manifestum est *discrimen inter principalia Andriae et Eunuchi*.

### Scholia principalia ad *Adelphos*.

Ut horum *natura* prorsus *singularis* probe cognoscatur haec *praemonenda* sunt.

In libris de arte rhetorica numquam deerat caput de *exemplis*, quibus praeter alia artis instrumenta oratores utebantur ut rem facerent „ornatorem vel apertorem vel probabiliorem” (ad *Her.* IV 62). Sumebantur exempla ab oratoribus et poetis <sup>3)</sup> et e poetis latinis post Ennium ea praebant Vergilius et

1) Sic se habet: „In hoc scaena non stans sed quasi ambulans persona inducitur”. Verba quae continuo sequuntur „constitit tamen aliquantum intuens spectatores, dum secum loquitur”, cur Wessnerus cursivis litteris notaverit, non video.

2) Sic designavi hanc adnotationem: „Reminiscere hunc (Gnathonem) esse qui . . . , et hinc videbis, quos exitus habeat assentatio”. Igitur hoc, uti 232. 1 in parte altera, pertinet ad scholiorum genus de fabularum utilitate, quod infra cognoscetur.

3) Quintilianus XII 4. 1. V 11. 1 sqq. 17. Cf. etiam Aristotelis *rhet.* I c. 2. II c. 20. 25, Apsines c. 8, ad *Her.* IV 1 et 7.

maxime Terentius <sup>1)</sup>, quem Ciceronem etiam adhibuisse satis notum est.

Hoc si tenemus, intellegimus quid sibi velint prima scaenarum scholia ad hanc fabulam sic incohantia: hic exemplum est, in hac scaena exemplum est, sim., quae leguntur: 155. 2. 209. 1. 540. 1. 713. 1. 719. 1, 763. 1. 855. 1 <sup>2)</sup>. Sunt igitur scholia rhetorica eorum in usum, qui exercitationes suas exemplis et sententiis, ethicis maxime, illustrare aut de tali themate declamationem instituere cuperent. Atqui non ea tantum scholia in quibus vox exemplum legitur, at alia quoque, in quibus deest sed facile suppleri poterit, rhetorica sunt prorsus illis similia, veluti 288. 2: hinc demonstratur (= hic exemplum est), qui sit, maternus affectus, quam grata in dominos servorum fides sit, eundemque laborem et dolorem esse ex falsis quam ex veris malis. 355. 1: hic ostenditur, quod severi homines ac recti et honesti tenaces vel ridiculi sint vel odio habeantur, quoquo accesserint. 592. 1: haec scaena plena est sententiarum senilium ad officia demonstranda; et sic porro 610. 1: de characterē amantis, 882. 1: de absurda blanditia et repentina largitate, 899. 1: imaginem . . . quam dulcis sit iunioribus assentatio et quam ingrata censura. Haec scholia non id agunt, ut narretur argumentum scaenae, aut oeconomia demonstratur, aut certae personae in hac fabula mores notentur, sed definiunt

---

1) Euphrasius, praef. in Andriam: „Cum omnes poetae virtutem oratoriam semper versibus exsequantur, tum magis duo viri apud Latinos, Vergilius et Terentius, ex quibus, ut suspicio nostra est, magis Terentii virtus ad rationem rhetoricae artis accedit”.

2) 155. 2: hic ex. est contumeliosi per potentiam divitis et in perniciem suam pauperis contumacis. 209: i. h. sc. . . . ex. vitae avarorum, qui saepe in damnum ipsius avaritiae rationibus ruunt, sqq. 540. 1: in hoc actu ex. est, neminem facilius quam optimum quemque falli atque deludi. 713. 1: hic ex. inducitur saevi patris ex affectu vero et ob hoc invisī omnibus, sqq. 719. 1: In h. sc. ex. est intempestivae oburgationis et per hoc ridiculae. 763. 1: hic ex. inducitur licentiae servorum sub mīti domino. 855. 1: In h. sc. ex. ind. hominum, qui virtutem taedio deserunt sqq. Unum huius generis scholium praesto est ad Eunuchum 46. 1: in hac *πρωτόσει* ex. proponitur, quam non suae potestatis sit qui amat, quam sapiat qui non amat neque aliter affectus est.

Steinmannus minus recte haec scholia cum eis coniunxit (p. 80 sq) in quibus scholiastae loquuntur de comoediarum utilitate spectatoribus. Haec enim leguntur plerumque in praefationibus fabularum vel apud Euanthium et in Exc. de comoedia, raro ac prorsus aliter constituta ad scaenas, nec umquam ad earum initia.

exemplum ethicum et quaestionem generalem, ut dicit Quintilianus (III 5. 4), quam scaena praebeat. Hoc nomine eidem huic generi rhetorico adgreganda mihi etiam videntur 88. 1, 447. 1, 517. 1, quae non proprie continent descriptionem argumenti <sup>1)</sup>, nec non Andr. 820. 1, de quo vide supra.

Fabula Adelphorum scaenas habet XXVII, sed IV 5 et V 2. 6. 8. 9 scholiis principalibus, qualia hic volumus, carent, adsunt igitur ad scaenas XXII. Ex harum scholiis, ut ostendimus, XV sunt rhetorica ethica, a qua specie distinguenda sunt scholia rhetorica vulgaria, quorum specimen exhibet II 3, relatu dignum, ut sentiatur discrimen: in hac scaena gratiarum actio est ex persona et eius qui praestitit et eius cui praestitum est et ex ipsius praestiti (cod. praemii, corr. Schöll) quantitate.

Supersunt haec: 26. 1 oeconomicum de personarum nomini-bus <sup>2)</sup>. 2 dramaticum et oeconomicum (cf. praef. 1. 3). 255. 1 ethographicum. 288. 3 rhetoricum (cf. supra Andr. 206. 2). 299. 1 dramaticum. 511. 2 quaestio de interpretatione huius scaenulae sex versus continentis. 787. 1: In hac scaena collatio est personarum, mitis ac saevi parentis; igitur argumentum brevissimum.

Dum igitur Struckius scholia ad scaenarum initia, praeter II 3, omnia aethetico generi attribuit, invenimus longe plurima referre genus rhetoricum prorsus singulare, reliqua diversae esse indolis, in quibus unum de argumento et deesse aethetica proprie sic dicenda. Itaque Adelphorum scholiasta rem prorsus aliter gessit atque Andriae aut Eunuchi.

Transeo ad fabulas Apollodori, de quibus Struckius affirmavit, p. 7 sq. „desiderari optimum scholiastam aetheticum” et occurrere alterum, „qui item illustrare totam scaenam conatur, sed ut homo eloquentiae praeceptis instructus”.

1) 88. 1: In hoc actu diversi homines, diversi patres, diversa studia proponuntur: hic lenis hic amarus, hic facetus hic impolitus, hic facilis hic pertinax et difficilis in delictis. 447. 1: h. sc. fidem amici erga defunctum, maturitatem senilis orationis et accusationem eius, quem laedere nolit ipse accusator, continet. 517. 1: hic ostenditur timiditas boni adulescentis et ruri se(?) ad peccandum ex delicti conscientia et reverentia parentis. Wessnerus pro „ruri se” correxit „reversi”, sed Ctesipho non potest simul esse „bonus” et „reversus ad peccandum”, verum est „bonus” et „rudis ad p.”, sic enim legendum videtur. Cf. Ov. ex P. III 7. 18.

2) De hoc scholio postea videbimus.

## Scholia principalia ad Hecyram.

Praesto sunt haec ad XVIII scaenas, desunt ad V 2. 4. Horum altera pars secundum ipsum Struckium, quod vix exspectaveris, etiam sunt aesthetica 58. 1. 2. 3. 198. 3. 274. 1 (cf. Ad. 196. 1). 415. 1. 516. 1. 2. 623. 1. 727. 1. 799. 3. 2. 1. Addendum mihi videtur 607. 1, ubi argumentum describitur <sup>1)</sup>).

Credideris eum haec scholia, quae simillima esse concedit aestheticis illis ad Menandri fabulas, etiam e Graeco fonte derivata habere, non quidem Menandreo, sed Apollodoreo <sup>2)</sup>. Nihil vero minus. Condemnantur haec scholia una cum similibus ad Phormionem, absque omni probatione hac sententia p. 13: „Iam pro certo habemus scholia illa aesthetica scaenas Apollodoreas enarrantia paucis locis inveniri (immo X ad scaenas XVIII), quos quidem a Donato alienos esse iam Scheidemantel censuit” <sup>3)</sup>. De tribus scholiis aestheticis, 58. 3. 727. 1. 281. 5, contenditur p. 13 hausta esse ex Euanthio, sed perperam, ut mox apparebit.

Ceterum scholia quae hic quoque uno nomine appellantur aesthetica, revera referunt denuo has species diversas: duplicia: 76. 4 oeconomia orationis et argumenti. 274. 1 de argumento et ethographia. 415. 1 dramaticum et oeconomicum. 516. 1 iudicium aestheticum de ethographia personarum. Porro simplicia: 58. 2 oeconomia personae. 516. 2 oeconomicum. 623. 1 dramaticum. 799. 1 et 808. 1 ethographia servi. 799. 2. de pronuntiatione. ibid. 3 dramaticum. De 58. 1. 3. 198. 3. 727. 1 postea videbimus.

Scholia quae supersunt ad scaenas VIII, sunt sane rhetorica,

1) „In hoc colloquio reconciliatio senum est post iurgium mixta disputatione Pamphili de non reducenda uxore”. Struckius propter vocem „disputatione” adnumeravit hoc scholium rhetoricis.

2) Nihil sane traditur de Graeco interprete comoediarum Apollodori, sed de Menandri quoque comoediarum Terentianarum interprete nihil constat; novimus tantum adnotationes fuisse Timachidae ad Colacem.

3) Ed. Scheidemantel in „Quaestionibus Euanthianis” a. 1883 permulta scholia ad Euanthium revocanda esse censuit. Qua de re P. Wessner recte sic indicavit: „Die Vermutung liegt nahe dass auch ein Teil der scholien auf Euanthius zurückgeht, doch haben alle Versuche in dieser Richtung zu keinen gesicherten Resultat geführt”. (Pauly-Wissowa, Real-Encycl. in voce Euanthius).

nec tamen inter se similia: 76.2. 281.1. 336.1 exhibent annotationes scholasticas, non Donati, sed magistrorum qui in institutione puerorum hanc fabulam prae ceteris adhibebant, uti docent commenta Donati et Eugraphii. Ab his differunt scholia rhetorica ipsius Donati, quibus immiscetur vulgo elementum ethicum 243.1. 361.1<sup>1)</sup>, aut aestheticum 451.1, aut de argumento 243.1. Unum ex his 577.1, quaestionem continet, qualesprehendimus in Adelphorum scholiis<sup>2)</sup>.

Modo dixi Struckium contendisse p. 13, scholia aethetica 58.3 et 727.1 conformata esse ad id, quod docuerat Euanthius III 4: „Tum personarum leges circa habitum, aetatem, officium, partes agendi nemo diligentius a(?) Terentio custodivit, quin etiam solus ausus est, cum in fictis argumentis fidem veritatis assequeretur, etiam contra praescripta comica meretrices interdum non malas introducere, quibus tamen et causa, cur bonae sint et voluptas per ipsum non deficit”.

De legibus et praescriptis illis comicis accurate disputavit Steinmannus l.l. p. 68 sqq., nempe certas personas comicas, patres, amatores, servos, milites, meretrices, alias, vulgo certis quibusdam ingenii proprietatibus insignes esse, a quibus poetae raro discesserint, at vero Apollodorum fuisse qui in Hecyra praeceptis neglectis personas novo modo moribus instruxerit<sup>3)</sup>.

Hinc in praefatione Hecyrae l. 9 hoc legitur: In tota comoedia hoc agitur, ut res novae fiant, nec tamen abhorreant a con-

1) Scholium notabile continens partem rhetoricam, oeconomicam, ethicam: „In hac scaena conquestio est ad deliberationem descendens, an habeat Pamphilus, an excludat uxorem, in qua tota oratio Pamphili ad argumentum spectans amatoria magis quam maritalis est: nam aliter non perveniretur ad ultimam cognitionem omnium rerum nisi adulescens furtivum conceptum uxoris et partum aliquanto lenius, quam coniugalioris dolor expetit, toleravisset”.

2) Struckius p. 8 citavit quae scripsi de scholiis rhetoricis Donati Mnem. XXXIII p. 140—153; vide ibidem p. 229—268 de sch. rhet. interpolatorum; de sch. Hecyrae agitur 248 sqq. De scholiis ad scaenarum initia, quae a ceteris nonnihil differunt, p. 142 sqq. disputavi, sed tum non agnovi peculiare genus illud in commento Adelphorum. De Donati proprietatibus in rhetoricis vide Mnem. l.l. p. 128, 132 sq. 139 sqq. 146 sqq.

3) L.l. p. 73 Viam monstraverat Leo, Plaut. Forsch. 126 adn. 4: „bewussten Abweichung von den ausgebildeten Typen zeigt ausser den Captivi die Hecyra Apollodors” e. q. s.

suetudine: inducuntur enim benivolae socrus, verecunda nurus, lenissimus in uxorem maritus et item deditus matri suae, meretrix bona" <sup>1)</sup>, et 727.1: rarus hic vitae color in hac allocutione miscetur a poeta, nam meretrix loquitur et senex et quod est admirabilius, bona meretrix, mitis senex, ut intellegas laborasse Terentium (h. e. Apollodorum), ut a lege comicorum recederet et in actu tamen consuetudinem retineret. Similia leguntur 774.3. Brevius res tangitur in 198.3. 856.3; in 58.3. 756.1. 834. 840.1 laudatur oeconomia, qua haec morum mutatio in meretrice probabilis sit facta. Quod igitur Euanthius scripsit III 4 satis notum erat et multo plenius expositum habemus in Hecyrae praefatione et scholiis. Erant qui etiam Thaidem in Eunucho bonae meretricis personam repraesentare crederent, vix recte; vide ad Eun. 198.

Denique Struckius cum Euanthio III 5: „temperavit affectum ne in tragoediam transiliret”, cett. comparavit Hec. 281.5, sed praeceptum, non miscendas esse res comicas cum tragicis aut contra, antiqua est observatio iam obvia in scholiis ad tragicos, Androm. 32, alibi, de qua vide Steinmannum p. 76. Lepidissimus locus hac in re est ad Andriam. 105.3: Animadvertite, ubique a poeta sic induci comicas mortes, ut cum ad necessitatem argumenti referantur, non sint tamen trageicae, nam aut meretrix sumitur aut senex aut de duabus simul uxoribus una uxor; itaque huiusmodi obitus aut mediocri tristitia excipiuntur aut etiam gaudio. Cf. 106.2. Hec. 171.2. Pho. 95.4. 244.1. 750.2, quae adnotationem Andriae illustrent.

### Scholia principalia ad Phormionem.

In Phormionis commentario, inde a II 4 valde mutilo, supersunt ad scaenarum initia XVIII scholia, e quibus Struckius VIII aesthetica nominavit, X rhetorica. Sed locum mutare debent 153.1 et 231.2, quae non sunt aesthetica, cum 766.1 et

---

1) Causalis sententia per enim pertinet ad res novas, dum nec ... abhorreant a consuetudine" significat: non pugnant cum eo, quod fieri solet in vita quotidiana, ubi etiam benivolae socrus, verecunda nurus, etc. non desunt; etenim comoedia debet esse cotidianae vitae speculum. Excerpta de com. V 1 (cf. Steinmann. p. 56).



784.1, quae non sunt rhetorica; praeterea non rhetorica sunt 766.1 et 784.1. De aestheticorum autem auctore iam modo audivimus sententiam arbitrariam, qua omnia a Donato <sup>1)</sup> abiudicantur; atqui nulla in re differunt ab adnotationibus aestheticis ad fabulas Menandreas, quas Struckius Graeco interpreti assignavit <sup>2)</sup>, et ad Phormionem quoque eadem species praesto sunt, nempe scholia duplicia 35.2 de scaenae utilitate spectatori, de miro lepore et facetiis, de artificiosa poetae oeconomia. 153.3 ethicum exemplum ex genere rhetorico, quod cognovimus ad Adelphos, et oeconomicum de rerum imminentium praestruitione. 315.1 ethographicum „de parasitis vilioribus, ut in Eunuchio de potioribus”, et de proprietate Terenti (i. e. Apollodori). Simplicia sunt haec: 35.1 dramaticum de personis protacticis (Euanth. III 2). 179.1 oeconomicum. 606.1 oeconomicum. 766.1 argumentum breve. 784 oeconomicum. 829 argumentum breve.

Scholia principalia rhetorica vulgo sunt scholastica et a Donato me iudice abiudicanda <sup>3)</sup>, scilicet 231.1. 485.1. 567.1, 990.1. Genuina et semirhetorica 153.2 et 441.2. De scholio 348.1 disputavi in Mnemosyne XXXIII p. 141 sq.: ab initio rhetoricum est, in fine („meminisse autem” sq.) ethographicum; his interpolator interposuit titulum declamationis, forma prorsus similem titulis declamationum et controversiarum Senecae et Quintiliani. Quod autem scholium sic incipit: „In hac scaena, ut rhetoribus placet, veluti quaedam controversia est”, ostendit Donatum, tametsi, ut Struckius dicit, (p. 37) „imbutus erat grammaticis et rhetoricis studiis”, tamen in commentario Terentiano secundo demum loco rhetoris partes agere voluisse <sup>4)</sup>

1) Donatus h. l. idem est, qui interpret aestheticus graecus nominatur, sic etiam p. 14 „Donatus ... de Menandreis ... optimus ... iudex”, p. 23 „aestheticus”; ei opponitur „alter” i. e. rhetoricus Romanus p. 7. Pag. 38 autem in adn. 1 hoc legimus: „Donatiana” cum dico, non affirmo Donatum ipsum interpretem Graecum exilasse, sed auctorem quandam Donati id munus suscepisse censæo atque eum Asprum fuisse mihi persuasi”.

Miror quid Wessnerus de his censeat.

2) Scholia totam scaenam enarrantia ad Menandreas etiam fabulas vix reperiuntur, itaque hac de causa Pho. 766 et Hec. 377.1 Graeco origine indigna haberi non possunt.

3) Vide supra p. 152 adn. 2.

4) Cf. etiam Pho. 282.3: „Haec apud oratores *μετάθεσις αἰτίας* dicitur”.

neque ei tribuenda esse, ut olim accuratius demonstravi, scholia mere rhetorica inferioris notae, puerorum disciplinam spectantia.

### Conclusio de scholiis principalibus omnium fabularum.

1. Nomen „aestheticum” damnandum est, cum nihil certi doceat, immo in errorem inducat quicumque ea scholia recte iudicare et probe secernere velit, quoniam amplectitur genera permulta inter se satis diversa.

2. Inveniuntur haec genera ad scaenarum initia omnium fabularum, alia aliis meliora aut peiora sed in ipsis argumentis similia.

3. Principalia Andriae et Eunuchi in eo conveniunt quod rhetorica rara sunt, at discrepant in eo quod Eunuchi scholia saepe elegantiora sunt et maiorem habent rerum varietatem, maxime vero genere ethographico frequenti ad Eunuchum, raro ad Andriam (tantum in schol. duplicibus 796. l. 840).

4. Principalia Adelphorum pleraque exhibent exempla, quaestiones generales, sententias nonnumquam, in usus rhetoricos comparata.

Hinc efficitur de communi principalium auctore aesthetico ad fabulas Menandreas cogitari non posse.

5. Ad fabulas Apollodoreas secundum ipsum Struckium, tot fere aesthetica leguntur, quot rhetorica, eaque aesthetica nulla in re differunt a Menandreis. Principalia rhetorica hic sane multo frequentiora sunt quam ad Andriam et Eunuchum, sed pauciora quam ad Adelphos et genere vulgo diversa.

6. Communis conclusio de omnibus scholiis principalibus nulla fieri potest nisi haec, aestheticorum, quae a Struckio vocantur, auctorem ubicunque eundem se ostendere.

Hic peractis auctor p. 14 sqq. demonstrare studuit, interpretem illum aestheticum fuisse scholiastam aliquem Graecum fabularum Menandri, quem Donatus expilaverit <sup>1)</sup>. Utitur his argumentis.

---

1) Ab hoc inde loco sermo est non tantum de scholiis ad scaenarum initia, sed de omnibus.

1. In comparationem vocantur scholia dramatica Graeca, h. e. tragica, cum comica desint. Adhibet autem scholia quasi principalia Sophoclis Electrae.

2. Persequitur usum vocis *οικονομίας* et figurae *ὑποποιίας* per omnia scholia fabularum e Menandro conversarum.

3. Ostenditur scholiastae peritia rerum et litterarum Graecarum.

4. Disputatur de peculiari ratione qua usurpentur in his scholiis tropi et figurae analogia, amphibolia, ethopoeia, astismus.

Priusquam has quaestiones aggrediar necesse est breviter exponere argumentum dissertationis Steinmanni <sup>1)</sup>, quae locuples est et perspicue scripta cognituque dignissima.

Steinmannus indagavit, quid scholiastae Aeschyli, Sophoclis, Euripidis et Terenti <sup>2)</sup> de personarum moribus nos doceant.

De Donato haec habet p. 5: „Quamquam igitur concedi debeat Donatum utilem esse, quo fundamentum huius commentationis iaciatur, quippe cuius scholia copiosa sint et bene servata et prae se ferant certi nec aliunde ignoti grammatici nomen, quo fit, ut propius ad libri speciem accedant (verisimile etiam est instar libri tradita esse Donati scholia), neque ita sint tractata ut scholia Graeca, quae semper erant dispersa codicum in marginibus, tamen non e re est separare Donatum a Graecis scholiis, sed oportet haec duo scholiorum corpora coniuncta tractari, quia plane eandem scilicet Graecam disciplinam exhibent, quod statim demonstrabitur” <sup>3)</sup>.

Post censuram libri Ad. Trendelenburgii (Grammaticorum de arte tragica iudiciorum reliquiae, ed. 1867) sequitur

Caput I continens Notationes personarum in scholiis propositae, ubi scholia exhibentur de personis tragicorum et Terenti.

Caput II inscribitur De ethographiae disciplina, quae tractatur quinque paragraphis.

1) Titulum posui in capite huius commentationis. Legimus pagina tituli aversa: „De dissertatione probanda ad ordinem philosophorum rettulerunt F. Leo et E. Schwartz”.

2) Pag. 4: „Scholia Aristophanea ad hanc rem nihil fere valent”.

3) Pag. 4 exposuit de ethopoeia, quae ex Euripide praesertim fluxerit in comediam novam fabulasque latinas.

1. *De poetae via ac ratione ethopoiiae instituendae.* Apud scholiastas personae cognoscuntur his indiciis: ex nominibus (hoc tantum apud comicos), ex eo quod commendatur sive insinuat personam a se ipsa, ab altera, ab utraque (cf. e. g. Ad. 206. 2), ex verbis vel sententiis (vita Soph. ἐκ μικροῦ ἡμιστιχίου ἢ λέξεως μιᾶς ἡθοποιεῖ), ex loquendi genere (Ad. 259. 1); raro ex ipsis factis; ex personis oppositis (Electr. 328 ἐπίτηδες τοῖς ἀγρίοις ἤθεσιν ἀντιπαράττουσι πρᾶα κ. τ. λ.), denique ex locis ipsius poetae indolem significantibus. De singulis his indiciis citantur scholia praecipua (p. 29—39).

2. *De oeconomia.* Vocis definitio. Hic autem quaeritur, „quomodo personarum mores ad fabulam procedentem pertineant” et „quomodo poetae personas suo consilio dirigant, dum sponte sua agere videntur” (Eun. 965 „poeta hoc agit, personae nesciunt”, sim.); in hoc cavendum est ne spectatores poetae consilia perspiciant <sup>1)</sup>. — De discrimine inter personas comicas fictas et tragicas ex historia desumptas. De oeconomia chori. De expositione argumenti per personas agentes. De oeconomia et prooeconomia rite adhibenda (προπαρασκευάζειν πιθανῶς, praeparatio s. praestructio), qua in re poetae nonnumquam hoc agendum, ut praevideant spectatores, quae secutura sint. De personarum moribus aliter instituendis in comoedia atque in tragoedia. De vitando incredibili. De his omnibus rebus disputatio multo brevior est quam exemplorum copia e scholiis, (p. 40—54).

3. *De personarum veritate,* quae praesertim in comoedia debent esse consuetudini congruae, cum comoedia sit imitatio vitae, speculum consuetudinis etc. Euanth. II 6, Excerpta de com. V 1 et 5, (p. 55—58).

4. *De morum constantia.* Illustratur hoc e. g. Medae scholio 992 ἔδει αὐτὴν μὴδε κλαίουσιν εἰσάγεσθαι, οὐ γὰρ οἴκετον τῷ προσώπῳ, multisque similibus graecis et latinis. Sunt personae constanter inconstantes. Animi affectiones vehementiores per-rumpunt morum constantiam (e. g. Eun. 320: non hoc personae tribuendum est, sed affectui), (p. 58—64).

1) Cf. Don. Andr. 459. 1: ... in multis enim οἰκονομία comicorum poetarum ita se habet, ut casu putet spectator venisse, quod consilio scriptoris factum est.

5. *De morum mutatione.* Secundum naturam humanam nascitur ex rerum casuumque experientia μεταβολα et morum mutatio (Ad. 895. 2: ut ... non sit absurdum spectatoribus Demeam tam cito esse mutatum; sim.). Locus de ἀναλογία, (p. 65—68).

6. *De morum generibus ac speciebus,* in comoediis maxime, ubi personae non extrinsecus arcessuntur. In §§ 2—5 leges expositae sunt, quibus standum sit poetae in formandis personis; hic iam agitur de certis personarum characteribus, quae in omnibus fabulis redeunt: amatores, senes, patres, puellae liberales, parasi, milites, servi, lenones, meretrices. De propria personarum oeconomia Apollodori in Hecyra (vide p. 152). De proprietatibus quibusdam tragoediae et comoediae hac in re. Decorum, τὸ πρέπον. De fabularum utilitate spectatoribus: εἰώθασιν οἱ ποιηταὶ δόγματὰ τινα εἰς ὀφελείαν τῶν ἀκουόντων εἰσφέρειν Sept. c. Th. 182 et Hec. praef. 1. 3: „cum delectat plurimum non minus utilitatis affert spectatoribus”; aliaque similia multa, (p. 68—86).

Haec omnia ex utilissima commentatione ideo rettuli, ut luculenter appareret, quantopere ars scholiastica penitus Graeca esset, atque commentum Donati, praeter scholia quae res et sermonem Romanorum spectant, imaginem referre doctrinae Hellenisticae. Clamat hoc ingens scholiorum copia utriusque sermonis a Steinmanno identidem prolata<sup>1)</sup>. Valet illud cum de aliis tum de rhetoricis maxime scholiis, sumptis ex arte mera Graeca. Tropos, figuras, formulas huius artis quas-cumque noverant tirones, quid enim in discenda arte proficerent, nisi iam inde ab initio ea probe callerent, ut hodie rerum naturalium studiosi nihil prius habent, quam terminologia, quae vocatur, chemicae, physicae, botanicae, etc. ante omnia penitus se imbuere. Scribebant illas formulas, ut Quintilianus, modo graece modo latine et qui aliquam doctrinam affectabant, ut fit, lubentius quidem graece, quod scholia pseudo-Donatiana centies ostendunt, unde tamen nemo efficit eiusmodi adnotationes prae ceteris e graecis fontibus detortas esse.

1) Praeter locum supra allatum ex Steinmanni libro, vide etiam p. 47: Hae translationes et imagines Graecam esse disciplinam demonstrant. P. 48: Hanc (artem) puram putam Graecam esse quivis videbit. P. 66: quo, ut alias saepe, demonstratur unam eandemque scilicet Graecam disciplinam etiam in scholiis latinis praeberi.

Itaque, ut ad Struckii argumentationes revertar, comparatio scholiorum Donati cum Sophocleis nihil novi nos docet. Esset alicuius momenti, si inde effloresceret insignis aliqua similitudo adnotationum Graecarum cum eo genere, quod ille ad fabulas Terenti Menandreas κατ' ἐξοχὴν aestheticum appellavit, et simul differentia cum scholiis ad fabulas Apollodoreas, sed neutrum usu venire potuit, quoniam, ut supra vidimus, „aesthetica” per totum commentum similia sunt. Quin in ipsis scholiis Electrae a Struckio allatis, quaeque etiam aesthetico scholiastae adsignavit (p. 18), inveniuntur eadem genera, quae ad omnes fabulas latinas deprehendimus: 121. 472. 516. 823 argumenta brevissima. 126. 1236 ethographica. 253. 1058 de oeconomia orationis. 328 de personis oppositis (cf. Steinmann p. 36); adsunt etiam scholia duplicia promiscue de ethographia, oeconomia, argumento, etc. 660. 874 (oec. person.). 1098. 1384. 1404. Sic confirmatur denuo commentum Terentianum omnino pendere ex doctrina scholiastarum graecorum, idque etiam in dicendi formulis quales sunt εἰσῆγαγεν „inducitur” οἰκεῖτον „familiares”, ἀρμόζον „conveniens, congruum”, centum aliis, quas notavit sedulo Steinmannus.

Post comparationem cum scholiis graecis, sequitur p. 19 argumentum sumptum ex usu vocis

#### Οἰκονομία.

Usurpatur vocabulum quater ad Andriam et toties ad Adelpheos, octies ad Eunuchum, sed semel tantummodo ad Hecyram et bis ad Phormionem, unde illic scholiastam Menandreum, hic imitatore latinum testificari scriptor opinatur. Post ea tamen quae modo disputavi, constat usum vocis graecae nihil ad rem facere, dummodo res ipsa non desit in scholiis Hecyrae et Phormionis, quod minime accidit. In Phormione, praeter 534 et 750.1, ubi vox graeca legitur, latina rei significatio valde frequens est: 70.1 bona praeparatio ... 153.3 rerum imminentium praestructio ... et sic porro 238.2. 269.1. 295.1. 304.2. 312.2. Praeterea sine figurae mentione oeconomiae genera tractantur 57.3. 98.4. 140.1. 144.1. 311.1 alibi. Vides hos locos fere omnes pertinere ad scaenam II 1 (vs. 231—314), quoniam scilicet ab hac scaena incipit, quod Euanthius IV 5 nominavit „incrementum processusque turbarum ac totius nodus erroris”, in qua fabulae parte iusta oeconomia et prooeconomia

maximi momenti est. Ad Hecyram figurae nomen invenitur tantummodo 175. 3, sed suo iure scholiasta si voluisset addere potuisset aliis locis, ubi modo brevius modo „elegantius et subtilius” <sup>1)</sup> oeconomiae genus aliquod notavit: 178. 4. 182. 1. 193. 327. 1. 488. 2. 489. 1. 567. 1, in quibus laudatur respectus ad καταστροφὴν, aliaque rerum praesentium aut futurarum bona procuratio.

De ethopoeia, quae denuo in censum vocatur p. 33 sq., infra videbimus.

Sequitur p. 26 sqq. argumentum

De rebus Graecis.

Alterius scholiastae rerum graecarum peritia probatur adnotationibus ad Andr. 226. 4. Ad. 26. 1 581. 973. 1. Eun. 414. 2. 774. 3, de comicarum personarum nominibus graecis <sup>2)</sup>. Mitto quod eadem res etiam tractatur ad Hec. 78. 4, Phorm. praef. I 1, 26. 1, etenim neque has neque illas adnotationes graeco interpreti imputari posse arbitror, cuius lectores non revera indigebant huiusmodi monitis: Strato nomen accommodatum militiae (Eun. 414. 2), Cratinus ἀπὸ τοῦ κράτους, id est potentia (Ad. 581), servus fidelis Parmeno, miles Thraso vel Polemon, invenis Pamphilus, Syrisus deminutivum a Syro (Eun. 774. 3), quod autem ducitur (ibid.) Simalio a simio vel a simia ob foeditatem oris vel nasi, doctrinam pseudograecam prodit hominis Romani, ut Misargyrides et Pseudulus (Andr. 226. 4) produnt Plauti lectorem.

Argumentum alterum de rerum Graecarum peritia aut ignorantia petitur ex Andr. 219. 1, ubi scholiasta MenandreuS „morem vere graecum” ut liberi non sublatis interficerentur, cognovisse perhibetur, dum scholiasta Romanus ad Hec. 400. 2

1) Respicio his vocibus p. 22, ubi Struckius laudat elegantem et subtilem artem scholiorum quorundam de oeconomia ad fabulas Menandreas.

2) Ecce praecipuum, Ad. 26. 1: Nomina personarum, in comoediis dumtaxat, habere debent rationem et etymologiam; etenim absurdum est comicum, <cum> apte argumenta confingat vel nomen personae incongruum dare vel officium, quod sit a nomine diversum. Hinc servus fidelis Parmeno, infidelis Syrus vel Geta, miles Thraso vel Polemon, invenis Pamphilus, matrona Myrrina et puer vel ab odore Storax vel a ludo et gesticulatione Scirtus et item similia. In quibus summum poetae vitium est, siquid e contrario repugnans contrarium diversumque protulerit, nisi per ἀντίφρασιν ioculariter nomen imponit, ut Misargyrides in Plauto dicitur trapezita. De Scirto schol. ad Hec. 78. 4 παρὰ τὸ σκίρτωσαι. Lepidum etiam An. 855. 7: „Catus, ardens ἀπὸ τοῦ καλεῖν, unde Cato dictus: ingeniorum enim igneus vigor est”.

id ignoraverit<sup>1)</sup>. In his autem scholiis hoc nequaquam aperte declaratur, sed, quod gravius est, Struckius praetervidit „morem illum crudelem” non minus in usu fuisse apud Romanos, unde Cicero, quo tempore se mortuum esse mallet, scribere potuit ad Att. XI. 93: „utinam susceptus ne essem”<sup>2)</sup>.

Sequitur p. 88 argumentum

De litteris Graecis.

Scholiastam fabularum Menandrearum illis litteris magis imbutum fuisse, efficitur ex Ad. 537. 2. Eun. 167. 4 et 689. 1 (Andria hic non comparet), ubi citantur fragmenta Theocriti atque Aristophanis, et Hellanicus de eunuchis. Ad fabulas Apollodorean non minora quidem reperiuntur fragmenta satis ampla Demosthenis, Isocratis, Euripidis (Pho. 68. 2. 252. 3. Hec. 214. 3), sed haec Struckius a graeco auctore aesthetico ideo abiudicat, quia sumpta sunt ex scriptoribus rhetoricis maxime. Quid hoc est? Num scholiasta Menandreu in comoediis interpretandis repudiavit aut ignoravit locos congruos oratorum graecorum et Euripidis talesque Romanis interpretibus reliquit?

Tandem Struckius scholiastam illum Graecum fuisse demonstrat ex usu figurarum rhetoricarum, quae quidem per omne commentum reperiuntur, sed quas ille adhibuerit „magis ut aestheticus”, alter „ut vir vere rhetoricus” (p. 31).

Probat hoc de formulis, quae vocantur analogia, amphibolia, ethopoeia, astismus, quales formulae, partim dupliciter adhiberi possunt ut σχήματα λέξεως aut διανοίας, partim eiusmodi sunt, ut de earum usu et significatione inter scriptores rhetoricos graecos vel latinos nequaquam semper constiterit, quod Volkmannus in notissimo libro identidem ostendit; itaque ex diverso earum usu nihil sequitur, quod attinet ad scholiastae originem graecam vel latinam.

Statim hoc apparet ex locis, ubi designatur

Analogia.

In scholiis ethographicis Ad. 789. 1, sermo est de analogia

1) Andr. 219 ad verba: „quidquid peperisset decreverunt tollere”, scholiasta: paritur enim aut mas aut femina et solet iustior causa esse tollendi, si marem uxor peperit. Hec 400 ad verba „continuo exponetur”, scholiasta: mire necandi pueri non fit mentio, quia Pamphili filius invenietur, cum ei etiam per patrem puellae poeta succurrit.

2) Cf. Marquardt, de vita privata I p. 3 adn.



servata in caractere Demeae, et Eun. 790. 3, de analogia servata in oratione: „qui leviora laudaverat, hic exclamare iam iam debet”. Hec. prol. 48. 2 est figura λέξεως grammatica. Alibi non legitur in commento, neque usquam in Graecis scholiis, ut ait Steinmannus p. 66 sq.

#### Amphibolia.

Secundum Volkmannum, p. 90 sq. 402, amphibolia apud Quintilianum et Grammaticos etiam graecos est figura λέξεως, *ambiguitas dictionis*, ut definit Donatus (Gr. Lat. IV 395), quo nomine vicies legitur in commentariis omnium fabularum praeter Eunuchum. Struckius putat interpretem aestheticum eam aliter usurpasse ad Eun. 1090. 1 et Andr. 68. 3 et 955. 3, in quo erravit quod attinet ad Eunuchum et ad Andriae locum alterum, utrobique enim amphibolia posita est in dictione, nempe in usu vocum „virtute” et „recte”. Scholium Andriae 68. 3 debetur interpolatori, qui corrigit Donati scholium 2, ubi eadem sententia recte παράδοξοι appellatur. Quam varie autem haec figura adhiberetur notavit Donatus in Arte l.l.: *fil praeterea pluribus modis, quos percensere omnes ne nimis longum sit non oportet*.

#### Ethopoeia.

Figura appellatur etiam μιμησις, *imitatio morum alienorum* <sup>1)</sup> et citatur ad Eun. 15. 3 et 155 <sup>2)</sup>, Hec. 148. 2, ubi actor alius personae verba, quibus antea haec usa est, repetit ad opinionem eius vel indolem exprimendam. Ad Adelfhos 308. 3 adhibetur ethographice. Huius autem scholii difficilius interpretatio, quam dedit Struckius non recte se habet in eo quod scribit p. 34: „ἡθοποιία Getae hoc loco est morum”.

Ad verba Sostratae, dicta a latere ad spectatores ita ut fugiant Getam

Non intellego satis quae loquitur (scil. Geta),

1) Quint. IX 2. 53. Figuram satis ambiguum fuisse monet Volkman. p. 490 in adn. Die Ausdrücke προσωποποιία und ἡθοποιία waren ursprünglich völlig synonym ... Doch war auch hier der Sprachgebrauch sehr schwankend.

2) Hunc locum omisit Str. sed dedit Quintilianus l.l. Scholium Hecyrae 148. 2 prorsus graecum: ἀποστροφή καὶ ἡθοποιία ἀπὸ διηγύματος εἰς μιμητικὴν, e graeco procul dubio fluxit, una cum 311. 1 ἐξεταστικὴ ὑπὸ κριτικῆς ... διαλεκτικῶς, et 2 αἰτιολογικὴ ἀπόκρισις, et 3 ἐσχηματισμένως.

scholiasta hoc adnotavit: „ad hoc Sostrata ignorans inducitur, ut malo nuntio repente feriat<sup>ur</sup>... quia autem non est perdenda tam suavis ἠθοποιία dolentis ad irascentem, idcirco non audit Geta, conversus ne ob illam loqui desinat”.

Quod ita explicandum est. Geta, solus in scaena, Sostratae adventum non animadvertit neque audivit eam dicentem: „Non intellego satis quae loquitur”, sed magis magisque iratus ob perfidiam quam putat Pamphili, loqui pergit donec era eum interpellat (vs. 320), quae paulatim perturbata et anxia facta quid verba eius significant, eum aperire tandem cogit „malum nuntium” (vs. 326) Pamphilus alienus est a nostra familia, quo ita „feritur” ut in graves questus erumpat, 330 sqq.

Ille igitur „dolor” optimae mulieris, sensim oriens dum a latere servi verba auscultat, dein increscens tandemque exundans, est „suavis ethopoeia dolentis ad irascentem”, quae iam praeparatur vs. 305 cum ex Getae habitu aliquid mali praesagire incipit: „me miseram, quid nam est quod sic video timidum et properantem Getam?” Versibus 309—320 nascens illa anxietas et dolor non verbis significatur, sed ore et gestu. Haec autem ethopoeia periisset („perdenda”), si Geta erae praesentiam iam vs. 308 sensisset, cuius misericordia commotus iras in adolescentem et malum nuntium silentio tum pressisset.

Ex iis, quae Struckius iam prius disputaverat de ethopoeia p. 26, hoc tantum refero. „Servi Athenienses, inquit, et ei qui in comoedia socii atque paedagogi epheborum inducuntur, non sunt homines impoliti aut ineruditi”; dein interpretem Menandream hoc, ut Graecum, scivisse dicit, quia nusquam loquitur de servorum imperitia, at scholiastam Phormionis et Hecyrae id nescivisse, ut scholia bis ostendant ad Phormionem 186. 6. 249. 2 et saepius ad Hecyram. At vero in Phormionis scholiis bis notatur „imperitia” et „vitiosa locutio” Getae, pauperculae mulieris mancipii, non profecto politi aut eruditi. Tum in Hecyrae scholio 306. 1 nulla Parmenonis imperitia tangitur, sed argutia servilis et astuta in respondendo ero iuvenili. Tria autem scholia, ad Hecyram vs. 309, 311, 323 ego quoque repudio, non quod aliquid contineant dedecoris in Parmenonem, sed quia a Donato aliena sunt. In 309. 1 Donatus

orationis vitium acu tetigit, cum hoc autem pugnat 2 in quo leguntur praeter alia haec verba ... „convenit servo haec humilitas orationis”. In 311.3 Donatus denuo dicendi rationem recte interpretatus est, inepte autem aliquis addidit: „ἀνακολουθία ista convenit servo”, nam nulla est anacolouthia. Similiter denique 323.2 Donati verbis: „perturbatus Parmeno idem repetit verbum”, alter stulte addidit: „et aptum est personae servili”.

Ceterum quod Struckius posuit, serviles ephoborum comites in nova comoedia non fuisse impolitos aut ineruditos, unde hoc certo novimus? Memini nuper me legere: „iudicium nostrum de Menandri fabulis firmo fundamento non niti, quamdiu non una saltem e melioribus comoedia integra nobis praesto sit”<sup>1</sup>).

Tandem pervenimus ad disquisitionem (p. 34)

#### De astismo.

Astismus est species ironiae, de cuius significatione non magis constabat inter rhetores quam de ceteris omnibus, quod norat Donatus, cum scriberet, A. G. IV 402: „est tropus multiplex numerosaeque virtutis, namque astismus putatur quidquid simplicitate rustica caret et faceta satis urbanitate expoliturum est”<sup>2</sup>). Cocondrius contra in libro de tropis (Speng. Rh. Gr. III 235) ἀπτεῖσμον dicit esse εἰρωνείαν ἐφ’ ἡμῶν, ut χλευασμὸς et quinque alii tropi indicabant εἰρωνείαν ἐπὶ τῶν πλῃσιον. Illud autem ἐφ’ ἡμῶν quid velit distinctius sic definitur: ἀστεισμὸς μὲν οὖν ἐστὶ λόγος, ὃς ἐαυτοῦ πρὸς ἕτερον ἔχων τὴν διαβολήν, cum lepido exemplo ex Odyssea XVII 397, ubi Telemachus ad Antinoum: Ἀντίνο’, ἦ μευ καλὰ πατὴρ ὥς κήδεαι υἱός.

In commento commemoratur ter ad Eunuchum, semel ad Phormionem. Scholiasta Phormionis ad vs. 151 sequitur definitionem Donati. Ibi Davus abiturus sic rogat:

Numquid, Geta, aliud me vis?

Respondet alter: Ut bene sit tibi. Adnotat scholiasta: ἀπτεῖσμός pro „nihil”. Recte: Geta urbaniter negat se aliud

1) Sic von Arnim loco anteo laudato p. 4 adn. 1.

2) De aliis astismi definitionibus vide Ernesti lex. rh. gr. p. 44 et 96. Paucas habet de tropo satis raro Volkmannus p. 432 sqq., qui de ironiae generibus hoc denovo docet: Uebrigens wurden diese Begriffe in der hier gegebenen Unterscheidung nicht allgemein anerkannt.

velle. Sic etiam Struckius, qui vero scholiastam Eunuchi graecam definitionem ob oculos habuisse contendit. Vix credo.

Eun. 274 Gnatho eximiam puellam, quam militis nomine Thaidi daturus est, Parmenoni monstrat his verbis:

Sed quid videtur hoc tibi mancipium?

Scholiasta: ταπεινῶς τῷ ἀστεϊσμῷ: mancipium dicit puellam aut virginem. Optime; extenuat parasitus pulcherrimae puellae donum humili cognomine mancipii facitque hoc specie urbanitatis, sed revera faceta ironia in Parmenonem, qui Phaedriae nomine asportat mancipia minoris pretii. Est igitur, ex definitione Donati, extenuatio per „facetam satis urbanitatem”. Struckius putat Gnathonem loqui per ironiam in semet ipsum „witzige Selbstironie”, quod quomodo tueatur non intellego.

Eun. 342 Chaerea narrat Parmenoni, quomodo senex odiosus se compellaverit in via, ut formosam puellulam diutius sequi non potuerit:

Dum haec dicit (scil. senex), abiit hora: rogo num quid velit.

„Recte”, inquit, abeo . . .

Scholiasta 1. „Recte” pro eo quod est „nihil”. 2. et moraliter τῷ ἀστεϊσμῷ. Quod denuo probandum. Ut supra in versu Phormionis, hic quoque urbana negandi formula usurpatur a sene, pro „nihil volo” <sup>1)</sup>. Iterum me fugit, senem, cum diceret „Recte”, usum esse ironia in semetipsum, ut putat Struckius.

Eun. 123. Thais petivit a Parmenone, ne usquam efferat quae narratura sit de se suisque rebus; ille taciturnum se pollicetur quicquid vere dixerit, sed falsa effluent, cum plenus rimarum sit. Cum igitur illa haec dicit vs. 119 sqq.

Ego cum illo, quocum tum uno rem habebam hospite,

Abii huc, qui mihi reliquit haec quae habeo omnia,

Parmeno interpellat:

Utrumque hoc falsumst: effluet. Th. Qui istuc? Pa. Quia

Neque tu uno eras contenta neque solus dedit:

Nam hic quoque bonam magnamque partem ad te attulit.

Scholium 123. 1: ἀστεϊως, nec „Phaedria” sed „hic” dicit tangens illum (sc. Phaedriam, qui praesens est), et quasi invito illo haec exprobat. Paucis his verbis Donatus subtilem ur-

1) Vide Fabia in ed. Eun. ad vs. 191.

banitatem pronominis hic bene declaravit, cui nemo, opinor, non assentitur praeter Struckium (p. 35), qui interpretes errasse et commenti redactorem locum prave explicavisse contendit, cum hic intellegendus sit Parmeno digito se ipsum ostendens per *ειρωνειαν εφ' εαυτου*.

Absolvi disquisitionem de dissertationis parte priore, multis industriae et doctrinae laudibus insigni, sed in qua tamen auctor non perfecisse mihi videtur id quod agebat, ut verisimiliter duo ostenderet, primum, existere in commento Andriae, Eunuchi, Adelphorum, cum ad scaenarum initia tum ad alios versus per multos, genus scholiorum aestheticum his fabulis proprium et deficientem aut spurium in commento Hecyrae ac Phormionis, deinde, scholia illa aesthetica revocanda esse ad Menandri comoediarum scholiastam graecum.

Transeo ad dissertationis partem alteram, cuius argumentum supra (p. 143) delineavi.

---

## PARS II.

Huius partis quasi praefatiuncula sunt quae leguntur p. 38 supra:

„Sed haec aesthetica „Donatiana” ex scholiis Menandreis ducta esse, cum veri specie ostendisse mihi videar, tamen non probavimus neque demonstravimus. Hoc ut assequamur, quaestionem de Donato institutam cum studiis nonnullis Terentianis vel Menandreis coniungamus. Nam cum Terentius non semper Menandreae fabulae scaenas amplexus sit, scholiastam illum aestheticum, si quidem est Menandreu, non aequè exstare suspicandum est”.

In his igitur auctor primum hoc fatetur, thesin suam, scholia aesthetica in tribus his fabulis ducta esse e commentario ad Menandri comoedias, habere iam veri speciem, sed nondum esse demonstratam, unde sequitur, ut ea thesi in sequentibus uti nondum liceat pro re iam probata et explorata, id quod nonnum-

quam tamen non cavit <sup>1)</sup>. Ea autem „studia”, quae dein commemorantur, sunt studia de harum fabularum contaminatione deque scaenarum ambitu et forma Terentiana et Menandrea, unde conclusiones ducuntur de veritate et origine scholiorum, quae ad scaenas illas contaminatas praesto sunt. Iam supra dixi (p. 144), cur quaestiones ad contaminationem fabularum pertinentes et quae inde concluduntur, mihi silentio praetereundas esse censeam, quippe quae, ut nunc se res habet, ita ad liquidum perduci nequeant, ut satis firmum disputandi et concludendi praebeant fundamentum. Sed inveniuntur in hac parte cum scholiorum tum versuum Terentianorum interpretationes minus iustae, quas negligere non debeo, in his igitur nunc versabimur. \*

### Andria.

In prima scaena (28—171) argumentum fabulae exponitur per colloquium senis Simonis cum liberto Sosia tali modo, ut, postquam mutuis laudibus se ornarunt <sup>2)</sup>, inde a vs. 48 Simo solus fere res enarret pauca interponente Sosia, quibus longae narrationis uniformitas hic illic interruptitur. In *Andria Graeca* eadem expositio fiebat per continuam senis orationem, qui solus erat in scaena. In *Perinthia Menandri*, ex qua Terentius suam *Andriam* contaminavit cuiusque comoediae prima scaena fere iisdem verbis quibus *Andria* erat scripta, senex exponebat argumentum per colloquium cum uxore <sup>3)</sup>. Terentius igitur hanc rationem praetulit ideoque a Donato laudatur ad vs. 28 his verbis:

„In hac scaena haec virtus est, ut <in> argumenti narratione

---

1) Hoc accidit p. 57, ubi legimus: „Hanc scaenam iam propter hunc interpretem aestheticum (Adelph. vs. 196) Menandream esse contendo”, et p. 62 adn. 2: „Iam quod scholiastam scaenicum (= aestheticum graecum) ad insequentes scaenas legimus, satis est ad refellendam opinionem Fielitzii, qui ... scaenas V 4 usque ad finem fabulae apud Menandrum defuisse censet”.

2) Itaque vs. 28 - 47 additi sunt a Terentio.

3) De contaminatione agitur in prologo vs. 9—14. De singulis in commento 10. 1: „Prima scaena Perinthiae fere iisdem verbis quibus *Andria* scripta est, cetera dissimilia sunt” c. q. s. 13. 1 et 14. 1: „conacius sibi est primam scaenam de Perinthia esse haustam, ubi senex ita cum uxore loquitur, ut apud Terentium cum liberto. At in *Andria Menandri* solus est senex”. De contaminatione nuperrime egit R. Kauer in *Bursiani Annal.* 1909, p. 212 sqq.

actio scaenica videatur, ut sine fastidio longus sermo sit ac servilis oratio”.

Nemo, opinor, negabit laudari hic Terentium, quod longi sermonis taedium sustulerit adhibito interlocutore, unde actio quaedam in hac scaena exstiterit. Struckius tamen cupiens hoc scholium vindicare scholiastae Andriae Menandreae, ubi solus senex rem narrabat, interpretationem excogitavit prorsus mirabilem verbisque contrariam. Secundum illum p. 39, „actio scaenica”, quam scholiasta totius scaenae („in hac scaena”) virtutem esse declarat, „inest in iussu senis vs. 28: Istaec intro auferte, abite”. Sed quae in hoc iussu actio scaenica lateat, non ostendit, nec quisquam sentiet. Comparat Adelph. vs. 26, sed hoc nihil ad rem; putat praeterea scholiastam latinum hic Sosiam nominare debuisse, sed scholium nihil attinet ad personam Sosiae, de quo agitur in scholiis 3 et 6, verum tantummodo ad scaenae characterem dialogicum. Neglexit autem Str. scholium quod sequitur ad eundem versum:

28. 2: „Haec scaena pro argumenti narratione proponitur, in qua fundamenta fabulae iaciuntur, ut virtute poetae, sine officio prologi vel *θεῶν ἀπὸ μηχανῆς*, et periocham comoediae populus teneat et agi res magis quam narrari videantur”.

Vides in hoc scholio pro eo quod illuc est „actio scaenica” planius dici „agi res magis quam narrari”.

De his scholiis paulisper digrediar. Sunt fere similia. Utrius auctor habendus est Donatus? Me iudice prioris. Leguntur quidem in altero quae in priore desunt et aliquam speciem habent: de de officio prologi vel deorum ex machina et de fabulae fundamentis iactis in expositione, sed haec ipsa produnt interpolatorem illum <sup>1)</sup>, quem olim sescenties deprehendisse mihi videbar (ut norunt paucissimi illi v. d., qui haec studia curant) et quem etiam hodie identidem reperio, quoties ad commentum revertor. Donati scholiorum argumenta retinens immutat ille formam et additamentis ea exornat depromptis saepe aliunde ex ipso Donato aut falsis. Sic etiam hoc loco. Primum illud sumpsit a Donato ad Hecyram 58. 1, aut ab Euanthio III 2<sup>2)</sup>, alterum

1) Non amplius dixerim Editorem.

2) Euanthius et Donatus aetate non nimis distabant. Secundum Hieronymum

additamentum est otiosum nec verum, nam in expositione fabulae fundamenta non „iaciuntur” sed narrantur<sup>1)</sup>; tertium additamentum eiusdem notae est in verbis: „et periocham comoediae populus teneat”, nam primum expositio non dat populo periocham comoediae sed „partem argumenti” (Exc. de com. VII 4), et virtus poetae non in ipsa expositione posita est, quam nulla non exhibet fabula, sed, ut Donatus indicat, in eo quod agi res magis quam narrari videantur; denique gravissimum est, quod omittitur res praecipua, Terentium sic fecisse ut spectatorum fastidium evitaretur<sup>2)</sup>).

In eadem scaena haec leguntur

55 Simo. Quod plerique omnes faciunt adolescentuli,  
ut animum ad aliquod studium adiungant, aut equos  
alere aut canes ad venandum, aut ad philosophos,  
horum ille nil egregie praeter cetera  
studebat, et tamen omnia haec mediocriter.

60 Gaudebam. Sosias. Non iniuria; nam id arbitror  
adprime in vita esse utile, ut ne quid nimis.

Ad postremum versum scholiasta adnotavit:

„Ut ne quid nimis sententia non incongrua servo, quia  
et pervulgata et non refertur ad personam domini dicentis et  
de quo dicitur”.

ille Constantinopoli obiit a. 359, et Donatus a. 354 „Romae insignia habebatur”. Sumpsitne igitur talia alter ab altero an uterque ab Aspro, Varrone aliove auctore?

1) „Fundamenta” etiam vox satis grandiloqua de rebus ante actis. Apud Euanthium IV 5, et in Excerptis de comoedia VII 2, atque in Donati praef. III 1 haec pars fabulae semper appellatur tantum expositio, vel narratio fabulae.

2) Nota est Wessneri opinio de commenti origine, prolata in Edit. praef. p. XLVI. Hanc coniecturam, nam ille prudenter scripsit: „sic mihi rem composui”, ab eius popularibus iam saepe pro re comperta adhibitam repperi; sic Struckius p. 57: „cum Donati commentum, inquit, pessime contractum, duabus manibus excerptum, tum conglutinatum esse constat”. Ex hac igitur opinione scholiorum par, de quo nunc agimus, in iis quae dissimilia habent, repraesentarent ea, quae olim coniuncta fuissent in una adnotatione Donati, continenti simul apta et inepta ac supervacanea; ex hac autem adnotatione alter excerptor extraxisset quae optima sunt et unum rotundum scholium efficiunt, alter vero Donati mentem non percepisset et potissimum otiosa, si modo haec Donatea esse credideris, reddidisset. Hoc ideo minime credibile est, quia non semel, sed in plerisque scholiis fere similibus, idem evenisse fatendum erit ei, qui talia scholia accurate comparaverit. Ceterum scholia similia aut fere similia rariora esse quam vulgo creditur, probasse mihi videor in libro de com. Donat. orig. et compos. p. 8 sqq. et passim per totum librum.



Rabbow pro „domini” correxit „modo”, atque „et quotidie” pro „et de quo”. Wessner cum illo scripsit „modo”, verum „sed de quo” pro „et de quo”. Struckius merito retinuit „domini”, at recepit „sed de quo”. Coniectura Rabbovii „et quotidie” dittologiam parit post „pervulgata”.

Iam vero Struckius contendit hoc scholium constare duabus partibus prave conglutinatīs (p. 40), quarum altera latino, altera graeco interpreti deberetur. Agendi ratio satis arbitraria in sententia grammatice concinna, nisi ratio detur cur hoc factum sit. Dein partem graecam: „et non refertur” sqq. sic explicat: „In ultima parte scholii commentator affirmat: hanc sententiam „ne quid nimis” non referendam esse ad personam „domini dicentis”, sed ad personam <eius>, de quo dicatur: „etenim illud vitae praeceptum minus in ore est (ad „referendam” cf. Don. Hec. 153. 1) senis <sup>1)</sup> quam Pamphili, cuius indolem dominus effingit ita ut sit: „adulescens nihil egregie praeter cetera studens” docere videtur „ne quid nimis”. Haec si recte intellego, hoc significant: Graecus commentator affirmat, senem hoc adagium citasse, non ut suum de filio iudicium aperiret, sed ut ipsius filii indolem designaret, qui sua agendi ratione docere videretur „ne quid nimis”. Interpretatio mira, quia sic non senex verum adolescentulus sapientis vice fungitur, at, etiamsi hoc admittimus, tamen falsa, cum neglegatur verbum „arbitror” (vs. 60), quod hoc vult: „ego senex (vel Sosia apud Terentium) arbitror illud „ne quid nimis” in vita adprime esse utile”.

Donatus me iudice sic scripsit: „Sententia non incongrua servo, quia est (sic Stephanus pro „et”) pervulgata et non refertur ad personam domini dicentis” h. e. non spectat ad personam Simonis, qui dominus est Sosiae hoc dicentis; scilicet servo incongruum esset dominum suum adagio probare. Postrema verba „et de quo dicitur” nondum sanata sunt <sup>2)</sup>. Frequens est

1) Nempe v. d. putat, omnia quae Sosia Terentianus loquitur, apud Menandrum etiam a sene dicta fuisse. Secundum scholium supra citatum V. 14. 1 Sosiae verba sumpta sunt e Perinthia, ubi ea loquebatur uxor. Viri docti dissentiunt.

2) Abicio igitur coniecturam prolatam in Mnem. XXXII. 228. Proverbium in ore servi longe aliter excusavit Servius ad Aen. 10. 861, ubi haec verba solemniter „res si qua diu mortalibus ulla est” in ore hominis sacrilegi Mezentii sic excusat: „ea enim quae per naturam movent animos, in quamvis personam cadunt ... unde

in commento referre et referri ad pro coniungere cum, pertinere, spectare, trahere, reddere ad, quae eodem sensu adhibentur (cf. 251. 1. 262. 1. 279. 1. 328. 1 al.); cum nostro loco convenit 327. 4: „oportuit” ad „patrem refert” (= laat de dichter slaan op hetgeen de vader moest doen), 327. 1: hoc ad patrem refert.

In scaena sequenti I 2 Simo antequam Davus foras exit, haec loquitur

172 Non dubiumst, quin uxorem nolit filius;  
ita Davum modo timere sensi, ubi nuptias  
futuras esse audivit. Sed ipse exit foras.

Ad vs. 173 scholiasta adnotavit: „Non recessit de loco senex, „sensi” ergo: antequam cum Sosia loqui coepisset”.

Observavit Struckius hoc scholium non convenire fabulae Terentianae, in qua senex post vs. 171:

„Eamus, nunciam intro: i prae, sequor”

scaenam relinquere debuit, sed convenire graecae fabulae ubi manebat in scaena.

Sic sane primo obtutu videtur, sed paulisper cogitantes intellegimus in fabula Menandrea eiusmodi adnotationem ad hunc versum absurdum fuisse futurum, etenim in illa fabula senex monologium suum nondum finiverat et loqui perrexit donec Davus intrat <sup>1)</sup>; quis igitur homo sanus illic adnotaverit, senem adhuc loquentem non recessisse? Ideo ne rogabo quidem, quomodo graece scholium audiverit, quod sine Sosiae mentione cogitari non potest.

Sed convenitne haec adnotatio scholiastae Terentiano? Nonne in latina fabula post vs. 171 senex recessit de loco? Ita denuo nobis videtur. Sed aliter visum est Donato, qui statim ad primum scaenae versum 172 hoc monuit: „Peracta narratione iam

---

et Terentius servis dat plerumque sententias prudentissimas quidem, sed quae se per naturam offerunt cunctis, ut ne quid nimis”. Eum imitatus est Eugraphius, qui ad Andriae locum praeter alia etiam haec scripsit: „primo omnium in hominibus natura i. e. sensus aequalis est”. Cf. Mnem. XXXIII p. 135 sq., de Eugraphio Servii imitatore et Wessner in ed. Eugr. praef. p. v.

1) Sic recte Struck. p. 40 sq.: „In Menandri fabula senex vs. 171 ... non dixit, sed (usque ad vs. 167) de Davo servo et de timore servi nuntio nuptiarum perterriti (172—175) locutus est”. Quid sibi velit parenthesis non assequor, fortasse hoc: „usque a vs. 167”, nam „usque ad vs. 167” non verum esset.

persona Sosiae non erat necessaria; ergo substituit senex per quem agenda sunt reliqua". Igitur duo scholia, utrumque genuinum, negant Simonem scaenam reliquisse invito verbo „sequor". Et sic etiam Americanus editor Andriae <sup>1)</sup>, cui assentior: „We must suppose that instead of following Sosia immediately, Simo lingers behind to reflect upon the situation" etc.

Ad initium scaenae II 2, a Terentio contaminatae, legitur adnotatio de scaenae argumento, quam Struckius non ad hanc scaenam quadrare contendit, sed ad sequentem II 3, vel potius ad II 2 + II 3, quas apud Menandrum coniunctas fuisse putat.

Scholium sic se habet: „Haec scaena consilium continet personarum, ad quas maxime pertinet argumentum, et hic est locus, in quo ut fieri solet fortuna mixta rebus dispositis magnas turbas dat" <sup>2)</sup>.

Negat vir doctus primum, scaenae personas, Davum, Pamphilum, Charinum eas esse „ad quas maxime pertineat argumentum", ac dein in hac scaena esse „consilium", sed esse Davi narrationem. Utrumque perperam infitiat si reputamus hoc scholium legi ad Andriam latinam, non graecam.

Terenti Andria „ex duorum adulescentium periculis gaudiisque componitur", ut ait Donatus 305.1, quocum confer praefationes II 1 et III 2, Euanthium III 9; itaque non minus Charinum, quam Pamphilum Davumque haec fabula celebrat; Struckius cum hoc negat nimis irretitus est comoediae forma Menandrea. Porro Davi narratio continetur tantum vs. 353—369, ea autem quae praecedunt inde a vs. 338 et sequuntur usque ad vs. 374, exhibent trium illorum colloquium, quod recte „consilium" dici potest, i. e. consultatio, quo sensu et alii et e. g. Quintilianus dixit XII. 2. 21: „de quibus rebus maxima saepe in senatu consilia versata sunt". Scaena sequens II 3 consultationem continet sane seriorem et efficaciorum Davi et

1) P. Terenti Afri Andria with introduction and notes by H. R. Fairclough second ed. 1904, Boston and Chicago.

2) Pars est fabulae haec scaena cum sequentibus, quae appellatur epitasis, i. e. „incrementum processusque turbarum ac totius nodus erroris", ut dicit Euanthius IV 5; cf. Andr. praef. I 5. „Fortuna mixta rebus dispositis" = se immiscens rebus a fabulae personis scite, ut putabant, ordinatis. De duplici scholii natura vide supra p. 145.

Pamphili, quam scholiasta 375. 1 „deliberationem” nuncupavit, quae desinit in certum patris decipiendi consilium.

In scaena II 5 Simo filium Pamphilum, amatorem Glyceri, ita compellat:

418 Hodie uxorem ducas, ut dixi, volo.

Probe scit Chremetem, ut res nunc se habent, filiam suam neque hodie nec cras Pamphilo uxorem esse daturum, confidenter tamen filium iubere sic audet, quia pro certo habet, eum sibi morem non gesturum. Atqui Pamphilus, Davi praeceptis bene instructus, inopinanter respondet:

Neque istic neque alibi tibi erit usquam in me mora.

Senex primo obmutuit, sed dein speciose reponit:

Facis ut te decet,

Quom istuc quod postulo impetro cum gratia.

et paulo post:

I nunciam intro, ne in mora, quom opus sit, sies.

In sequenti scaena II 6 Simo, qui nullus dubitat quin repentino filii obsequio aliquid doli subsit et ille revera nuptias abhorreat, a Davo certior fieri cupit, quid vere ille cogitet, idque cognoscere conatur duplici ratione, primum aperte, dein cum fidem respondentis servo non habet, alio modo. Itaque prius sic rogat:

Potin es mihi verum dicere? Da. Nil facilius.

Simo. Num illi molestae quidpiam haec sunt nuptiae eius(?) propter consuetudinem huiusce hospitae?

440 Davus. Nil hercle; aut, si adeo, biduist aut tridui haec sollicitudo, nosti, dein desinet

Etenim ipse secum eam rem reputavit via.

Simo. Laudo. Da. Dum licitumst ei dumque aetas tulit, amavit; tum id clam; cavit ne umquam infamiae

445 ea res sibi esset, ut virum fortem decet.

Nunc uxore opus est: animam ad uxorem adpulit.

Senex sentiens ludibrio se haberi, nunc rogat cur tamen ille tristis sit, si nuptias velit:

Subtristis visus est esse aliquantum mihi.

Davus. Nil propter hanc rem, sed est quod suscenset tibi.

Simo. Quid namst? Da. Puerilest. Si. Quid id est?

[Da. Nil. Si. Quin dic, quid est?

**Davus.** Ait nimium parce facere sumptum.

His multa etiam garrulus addit, donec tandem Simo, tricas sentiens sed non perspicuens:

Tace, inquit, ego istaec recte ut fiant videro,  
et mox secum

Quid nam hoc est rei? quid hic vult veterator sibi?

Nam si hic malist quicquam, em illic est huic rei caput.

Scaena, una in paucis lepida et egregia arte confecta, tota fere describenda fuit paucisque adnotatiunculis meis munienda, ut et duplex Simonis conamen veritatis eliciendae ex servo luculenter appareret, et totius scaenae concinnitas perspiceretur, et sentiretur denique quam scite Donatus eius indolem breviter sic designaverit ad vs. 432: „Haec scaena dolos continet utriusque personae, quibus utaque et capit et capitur miro modo”.

Iam vero Struckius hanc scaenam gravi vitio laborare censet, nempe interpolatione versuum 438—446, quae debeantur Terentio, qui eliminaverit versus Menandros. Cur sic putat? Ex prava nimirum interpretatione versum 438 et 447, quorum priorem alterum repetere contendit <sup>1)</sup>. Ergo praetervidit harum rogationum discrimen et similia putavit quae prorsus sunt diversa, quo facto totius scaenae lepor eum fefellit. Ceterum Str. ulterius progressus est atque etiam invenisse sibi videtur, quid Menandrea Andria habuerit, ante vs. 447, pro priore senis rogatione quam fixerit Terentius. Extricavit hoc ex scholio, quod graecum esse putat, ad vs. 449.1: „Puerile est; apparet Davum nunc quaerere quid respondeat et ad quam causam derivet aversa suspicione tristitiam Pamphili, quam animo advertit senex”.

Haesit in verbis aversa suspicione, quae sic explicavit, ut concludat, in loco Menandreo Davum suspicionem senis, aliquam fallaciam esse in nuptiis a Pamphilo non recusatis, avertisse simulando discordare Pamphilum et Glycerium. De hac re mox dicam. Nunc hoc tantum observo: in ipso scholio nihil esse quod hanc explicationem flagitet aut commendet, et praeterea totam illam coniecturarum structuram concidere, si

---

1) Pag. 46.: „Quaerit enim Simo e servo (438), num Pamphilo nuptiae molestae sint. ... Nihilominus senex quaestionem repetit „substitis viast esse aliquantum mihi (447)”.

meminimus nullam esse in hac scaena eiusdem rogationis otiosam repetitionem.

Ceterum gratum est, viri docti observationes mihi ansam praebuisse ad tractandas duas quaestiones difficiliore, quarum altera est de discordia irisque simulatis inter amantes, altera de scholii illius auctoritate.

Coniectura viri docti, Davum iam in scaena II 6 simulasse iras esse inter amantes, imprimis respuenda est, quia praepropera eius rei mentio pugnat cum fine huius scaenae et cum oeconomia sequentium III 1 et 2.

Irae illae commemorantur demum in scaenis III 3 et 4, vss. 552. 575 sq. 591 sq. 597, ibique adhibentur a Simone ad vincendum Chremetis nuptiarum odium, quod unicum est obstaculum, quominus nuptiae fiant, ex quo Pamphilus pollicitus est in se moram non futuram (vide 526 sqq.). Et vicit Chremetem (592 sqq.). At vero si Simo hoc certissimum remedium ad perficiendas nuptias a Davo iam accepit in II 6, multa, quae dein leguntur, inepta sunt. Primum senis desperatio in fine scaenae II 6, 457 sq. (vide vss. supra citatos), tum quod in III 1 et 2 cum Davo litigare pergit et quid sibi faciendum sit incertus errat, porro quod, cum Pamphili fidem et amorem Glyceri optimumque ingenium semel iterumque laudent ancilla et obstetrix, vs. 462, 464, 466, 487 sqq., nihil senex obloquitur nec Davum rogat <sup>1)</sup>, quid haec significant, cum tamen irae sint inter eos. Denique quae Simo loquitur 526 sqq. credere prohibent, eum aliud etiam adiumentum habere ad promovendas nuptias, quam filii pollicitationem.

Etiam si autem viri docti coniectura reicienda est, tamen manet haec quaestio, ubinam senex a Davo acceperit hunc nuntium de amantium discordia: sic enim Chremeti affirmat roganti vs. 575 sq.

Qui scis eos nunc discordare inter se?

Simo. Ipsus mihi Davus, qui, intumust eorum consiliis, dixit.

Et denuo vs. 591:

Narro huic (Chremeti), quae tu (Davus) dudum narrasti mihi.

Ubinam Davus hoc dudum, dixit, qui iam inde a scaena

1) Uti postea vs. 853.

II 4 continuo cum Simone in pulpito versatur, nec intus ideo hoc narrare ei potuit? Spengelius ad vs. 591 adnotavit: „dudum pertinet ad narrationem 506—522”. In his tamen versibus irae nusquam aperte indicantur, neque in vss. sequentibus (525—532) Simo usquam prodit, se hoc argumentum in promptu habere ad commovendum Chremetem. Attamen in vss. illis a Spengelio citatis fere inest id quod quaerimus, praesertim in vs. 519sq.

Davus. Quis igitur eum ab illa abstraxit nisi ego?

[nam omnes nos quidem

scimus, quam misere hanc amarit: nunc sibi uxorem expetit.

Simo his verbis fidem habere adhuc haesitat (524 sq.). Itaque sic concludo. Cum Simo in sequenti scaena III 3 primis precibus suis Chremetem exorare non potuit, sed multis verbis ab hoc repellitur (538—549), ille animo volvens, qua alia ratione Chremetem placare possit, ea quae Davus incertis verbis modo affirmaverat, paucis his contraxit: „Irae sunt inter Glycerium et gnatum” (552), et aliquanto post non mendaciter Davum nuntii auctorem nominat.

Quaestionem ab interpretibus antiquis et recentioribus non explanatam fusius tractandam esse censui.

Altera quaestio versatur in scholio, vel potius in scholiis duobus, quorum secundum Struckius omisit, ad vs. 449:

S. Quid namst? D. Puerile est. S. Quid *id* est? D. Nil.

[S. Quin dic, quid est?

Primum, supra iam relatum, nunc etiam repetam, quo facilius comparetur cum altero:

1. „Apparet Davum nunc quaerere, quid respondeat et ad quam causam derivet aversa suspicione tristitiam Pamphili, quam animo advertit senex”.

2. „Utrum ideo suspendit, ut senex magis audire desideret <sup>1)</sup>, an quia necdum commentus est causam contra rependendam propositioni senis?”

Scholia non congruunt. Utrum praestat?

Spengelius adnotavit: „Durch die Zögerung will Davus seiner Rede den Schein der Wahrheit geben”. Si huic interpretationi addimus initium scholii secundi, plenissima demum versus

1) Sic correxi lectionem codicum: „Utrum magis i. s., ut senex a. d.”.

interpretatio oritur haec: „Respondendi cunctatione Davus rei audiendae cupiditatem senis excitat et simul orationi suae speciem veritatis dare conatur”. Ergo Davus non, ut dicitur in scholio primo, quaerit, quid respondeat, sed consulto et callide in respondendo tergiversatur. In eodem scholio verba a versa suspicione a vero aliena sunt, nam suspicio Simonis de filii fallacia in accipiendis nuptiis, nusquam in hac scaena avertitur aut tollitur, sed permanet, usque ad finem scaenae III 2, ubi vide vs. 580 sq.

Secundi scholii pars altera eandem interpretationem proponit, quae legitur in initio scholii primi. Igitur scholium secundum Donato reddendum est, qui non raro duarum explicationum optionem exhibet <sup>1)</sup>. Interpolator peiorem amplexus est in scholio primo, addiditque de suo quae, ut vulgo, inepta sunt. Ecce alterum exemplum scholiorum ex parte similiurn, sed quae ad duos eiusdem commenti excerptores revocari nequeunt.

#### Adelphi.

Omitto denuo quae disputantur de fabulae contaminatione et scaenarum graecarum divisione, deque scholiis vocem *οικονομῶν* taliaque continentibus, qua de re satis superque in prima parte dixi. His exemptis pauca tractanda restant ad locorum interpretationem pertinentia.

De scaena II 4 in dissertatione sic legitur p. 59: „Scaenam autem a Menandro ductam esse etiam ex Donati verbis elucet, qui aliquid a Terentio mutatum esse adnotat vs. 275. 2: *Menander mori illum voluisse fingit, Terentius profugere*. Recte igitur secundum verba Terenti alter scholiasta Romanus vs. 275. 1 dicit: *deest fugere*, alter vero, Graecus, secundum verba Menandri vs. 274. 4: *deest perire, sed τῷ εὐφημισμόῳ tacetur*, cf. 275. 2: *ἀποσιώπησις εὐφημισμού χάριν*”.

Versamur in colloquio ubi Aeschinus fratrem Ctesiphonem reprehendit, quod propter amorem et pudorem aufugere voluerit, nec se antea in auxilium vocaverit:

Aesch. Hoc mihi dolet, nos sero rescisse et rem paene in eum locum

Redisse, ut si omnes cuperent tibi nil possent auxiliari.

1) Cf. Eun. 463. 1, 550. 2, aliaque quae in libro meo passim notavi.



Ctes. Pudebat. Aesch. Ah, stultitias istaec, non pudor.

[Tam ob parvolam

275 Rem paene e patria! turpe dictu. Deos quaeso ut istaec  
[prohibeant.

In vs. 275 post „paene e patria” deesse per aposiopesin verbum *fugere* vel *profugere* scholiastae Latino facile concedimus. Apud Menandrum pro „fugere” legebatur *mori*. Iam lector hoc quaeso cogitet, utrum scholiasta graecus, ut Str. ait, hic adnotare potuerit: „deest perire”, quod in ipso textu graeco legebatur! Ceterum Str. in eo quoque erravit, quod hoc scholium traxit ad vs. 275, cum legatur ad 274, ubi etiam aliquid deest, ut animadvertit Donatus in 274. 1: „deest fateri”. Verissime; neque hoc deest per aposiopesin aut euphemismum, sed per ellipsin, unde apparet ad hunc quoque versum scholium non quadrare. Porro Struckius ad vs. 275 e primo scholio citavit tantum verba: „deest fugere”, sed plene sic se habet 275. 1: „Deest „fugere”, quia amatores comici cito comminantur patriam se deserturos, ut amicam consequantur”, et sic 275. 2: „ἀποσιώπησις εὐφημισμού χάριν. Menander *mori* illum voluisse fingit, Terentius *profugere*”.

Quid de his scholiis iudicandum est? Struckius postremum propter graeca ἀπ. εὐφ. χάριν, graeco interpreti vindicare videtur. Perperam, nam in reticentia verbi „fugere” vel „profugere” nullus est euphemismus. Reliqua verba: „Menander... profugere” Donati esse nemo negabit. Sed quid aestimandum de priore scholio? Ibi ratio redditur cur Ctesipho fugere voluerit. Terentius hoc non indicavit, sed ratio non improbabilis est, et concinit cum ea Slomanus: „Ctesipho might have followed „the music girl to Cyprus (cf. vs. 278), as Antipho threatened to do, Phorm. 551”<sup>1)</sup>.

Itaque sic statuo: Donatus uno tenore hoc dedit: „Paene ex patria, deest „fugere”, quia amatores... consequantur. Menander *mori* illum voluisse fingit”. Emblemata graecum magistello est reddendum, eidem fortasse, qui finxit 274. 4; ut supra vidimus (p. 158) libenter illi graecis formulis utebantur. Additamentum „Terentius profugere” otiosum est post scholii initium.

1) In edit. Anglica a. 1901 ad h. v.

## Eunuchus.

Omissis denuo iis, quae in hoc capitulo disputantur a re aliena, tractabo scholium quod legitur in scaena contaminata e Colace III 1 vs. 440. 2:

„Hic magna *οικονομία* est, qua Terentius praeparat, quemadmodum iurgium inter Thaidem militemque et Gnathonem per duas partes serpat fabulae”.

Duae partes fabulae intelleguntur vulgo res desumptae ab altera parte ex Menandri Eunucho, ab altera e Colace<sup>1)</sup>. Simili ratione ad Andriae scaenam ex Perinthia contaminatam III 1 adnotatur 301. 1: „In hoc colloquio altera pars ostenditur fabulae”. Hanc interpretationem Struckius, qui hanc adnotationem ad graecum denuo interpretem revocat, probare non potuit, ut consentaneum est. Rettulit igitur duas partes ad unam Eunuchum Menandream, et scholium sic explicat (p. 67), ut „iurgium”, quod „per duas partes serpat fabulae”, significet duo iurgia unius fabulae graecae. Cum autem in Eunucho unum tantum iurgium ostendatur, ab hoc iurgio distinxit „prius iurgium, quod iam ante initium fabulae exstitit” (p. 67), et quo respicere dicit Parmenonem vs. 480 sqq.; iurgium alterum secundum illum incipit III 2. Haec interpretatio ab omni parte claudicat. Primum, poeta in scaena III 1 „praeparare” non potest iurgium ante initium fabulae initum, secundo loco, eiusmodi iurgium non dici potest pars fabulae, tertio, duo iurgia serpentia per unam fabulam prorsus alia res est atque unum iurgium serpens per duas partes fabulae.

Restant duo loci Terentiani cum scholiis suis, in quibus aliqua repugnantia esse videtur.

In scaena III 5 Chaerea violata virgine gestiens indutus vestitu eunuchi Thaidis domo exit et circumspiciens sic rogat:

---

1) Vide quae exposuit Fabia in edit. praef. p. 43 sq., ubi cum alia tum haec leguntur: „Ce que Donat appelle les deux parties de la pièce, ce sont, sans nul doute les éléments fournis, d'un côté, par l'original principal, de l'autre, par l'original secondaire”. Ipse verba „et Gnathonem” emblema esse putat, sed Gnathonis mentio non absorta est, cum hic et alibi in fabula iurgii auctor et promotor existat. Kampe totum scholium sine iusta causa proscripsit. De iurgio serpente per duas partes fabulae vide Fabiam p. 44.

Num quis hic est? Nemost. Num quis hic me sequitur?

[Nemo homost

550 Iamne erumpere hoc mihi licet gaudium? e. q. s.

Adnotavit scholiasta vs. 449. 2: „Duo metuit: ne quis ex his <sup>1)</sup> obuius comprehensor occurrat et ne quis sui persecutor exsistat”.

Paulo post sic pergit Chaerea:

Sed neminemne curiosum intervenire nunc mihi,  
qui me sequatur quoque eam, rogitando obtundat, enicet,  
555 quid gestiam aut quid laetus sim, .... ubi siem  
vestitum hunc nactus. e. q. s.

Adnotavit scholiasta vs. 554. 1: „Id cupit gaudens, quod aliis tristibus molestum sit, nam contra Menedemus (cf. Heaut. I 1) gravatur narrare quae dolet”.

Igitur in vs. 449 Chaerea metuit hominum praesentiam, in 554 exoptat cui laetitiam enarret, cuius voti statim compos fit appropinquante Antiphone vs. 527 his verbis:

Adibo atque ab eo gratiam hanc quam video velle, inibo. Scholia utriusque exclamationis sententiam vere reddiderunt, et quod pugnare videntur, debetur mutato animi affectui in adulescentulo, cuius timorem, ne tali vestitu conspiciatur in via, vincit mox exundans animi alacritas <sup>2)</sup>. Itaque non est quod alterutrum scholium damnemus. Str. graeco scholiastae dedit postremum 554. 1. Cum tamen sentiat scholium primum 549. 2 convenire cum Chaeraeae exclamatione priore, interpolatos esse censet a Terentio primos scaenae versus tres, et Menandri Chaeream hoc loco philosophatum esse, quae leguntur in Andria 957—962, ubi scholiasta narrat: „Hanc sententiam totam Menandri de Eunuchō transtulit”. Hanc coniecturam nunc mitto, satisque sit ostendisse unde locorum et scholiorum repugnantia iustissime orta sit.

Commentationis initio rem magni momenti fore dicebam, si demonstrari posset, multa et insignia Commentī scholia e Grae-

1) Corrigendum videtur: exeunti.

2) Fabia eleganter: „Le désir de confier à quelqu'un son extrême bonheur, l'emporte maintenant sur la crainte que Chaeréa avait toute à l'heure d'être vu où poursuivre”.

cis fontibus a Donato esse translata, quam ob causam Struckii argumenta tantum non omnia summa cura ponderanda esse ratus sum. Quamquam autem vir doctissimus id quod sibi proposuit nusquam probabili ratione demonstravisse videtur, tamen ipsum eius conamen magni pretii habendum est, quoniam ad commentum auctoritatem cognoscendam necessario experimentum huius generis erat faciendum nemoque id magis docte et firmiter et sagaciter praestare me iudice potuit, quam in hac dissertatione factum est, in qua praeterea multa interim observata et disputata sunt, quae magnam semper habebunt utilitatem.

Adiciam pauca de alia dissertatione ad Donati quoque auctoritatem pertinenti, quam scriptorem nuper mihi mandandam curasse gratus refero. Titulus est

De Servii doctrina rhetorica et de  
Terentiano commento Donati, scripsit  
Otto Feyerabend, Marpurgi MCMX.

In dissertationis capite quod inscribitur „Donatea”, haec lego: „Quae Karstenus de Terentiano commento explicavit, ex parte comprobans, eis quae iam proferam confirmare mihi videor” <sup>1)</sup>. Hanc inter nos congruentiam eo pluris facio, quod scriptor alia via ac ratione rem adortus eadem saepe mecum scholia interpolata esse iudicavit, veluti duabus paginis 22 sq. haec statim inveni: Phorm. 107. 4. Eun. 89. 2. 908. 3, quibuscum confer in libro meo p. 110. 31. 87, et sic alibi alia.

Conclusio comparationis, quam de doctrina rhetorica in commentariis Servii et Donati instituit, invenitur p. 58: „Servium una cum Charisio, Diomede, Donato ad unum fontem recurrere. Charisius nimirum et Diomedes et Ars Donati ex illo fonte non nisi quod ad grammaticorum usum fuit, hauserunt, cum Servius et Donatus in commentariis suis ex profundo hauserunt”, e. q. s.

Quatenus sic recte statuerit indagare non huius est loci. Ego nunc de uno tantum libri loco, quae ad meam quasi provinciam pertinet, haec in medium proferam.

1) Citantur in adnotatione: Karsten, de com. Don. ad Ter. fabulas origine et compositione, Lugd. Bat. 1907 et Mnemosyne, vol. 32 et 33.

Pagina 14 citatur ad Eunuchi vs. 642:

Sed quid hoc, quod timida subito egreditur Pythias? hoc scholium, quod Feyerabend Donato attribuit: „Timida timens: aliud naturale est, aliud eventus est, ut: „addit se sociam timidisque supervenit Aegle, naiadum pulcherrima” (Verg. Ecl. 6. 20).

Tum citatur Servius ad hunc Vergili locum: Timidis aut timentibus, — nam timidus est qui semper timet, timens vero qui ad tempus formidat ex causa, — aut revera „timidis”, quia pueris per aetatem naturaliter timor est insitus”.

Haec comparans v. d. sic concludit: „Servium fusius rem tractasse ne mireris, si commentum Terenti non nisi mutilatum atque dilaceratum nobis servatum esse, Donatum vero in Vergiliano commentario latius atque uberius ea exponere potuisse memineris”.

Non equidem nego commentum Donatianum mutilum et lacerum ad nos pervenisse, si hoc intellegitur de toto opere, sed non idcirco credendum est, genuina ipsius Donati scholia mutila aut decurtata in commento praestare. Hoc accipi tantum debet, quoties de singulis scholiis id rite demonstretur. Qui igitur putat hoc scholium Donati esse mutilum, prius inquireat sitne genuinum, qua de re, ut alias saepe, ita nunc quoque iudicium in promptu est. Praecedit nempe huic scholio aliud de eadem voce huiusmodi:

642.2 Timida modo aegra, turbata, commota. Plautus (Ba. 105): „nam ut ex mari timida es” <sup>1)</sup> et hic ipse (Hec. 320): „uxorem” inquit, „Philumenam pavitare nescio quid dixerunt”.

Hic vocis „timida” interpretatio unice vera est et Plauti exemplum prorsus est idoneum. Haec est igitur Donati opinio, cui tamen non imputandum est exemplum quod additur Hecyrae a re omnino alienum. Eandem fere adiectivi interpretationem

1) In Plauti loco Bacchis sororem sic alloquitur: „Eamus hinc intro ut laves, nam uti mari vecta es, credo timida es”. Weise hoc adnotavit: timida es aegra es et perturbata ex timore navigationis.

Etiam vs. praecedens 641 Donati scholium habet cum exemplo congruo e Bacchidibus, ubi tamen vs. 100 multo melius sic citatur: „Prius adero quam te amare desinam”, in textu est prius hic adero, q. t. a. d. Neutrum Plauti locum ipse inspexit cum haec scriberet. Citavitne e memoria an ex alio auctore?

Donatus dedit ad Adelph. versum 305: „Video timidum et properantem Getam”, ubi adnotat: „timidum” perturbatum, non enim timet sed dolet, sic Plautus cett.”.

Itaque scholium 642.3 debetur magistro, nec hoc tantum, sed etiam ad Phormionem 205.2, ubi hac forma legitur: „Timidum” pro timentem, ut „addit se sociam” etc. Utroque loco falsum est, timidum dici pro timentem. Formula scholam sapit, unde magister eam temere adhibuit, cum Donatus suo iudicio in explicanda voce usus sit. Timidus apud Plautum et Terentium semper fere usurpabatur pro perturbato, ut docent exempla citata a Fabia ad locum Eunuchi et a P. Thoma ad Hecyram. Apud Vergilium Ecl. VI 20 „timidis” revera indicat pueros timentes ne expergefiat Silenus dum ei nasum sublinunt, et sic ibidem vs. 77 „timidos nautas” deprehendimus. Plenam regulam scholarem invenimus apud Isidorum, diff. verb. 354, ubi praeter Servii verba haec etiam leguntur: „Tali intellectu distinguuntur pavidus et pavens, stupidus et stupens, etc.”, et solemne huius regulae exemplum erat versus Vergilianus, ut probat adnotatio ad Hecyrae prologum 1. 4: „Populus studio stupidus in funambulo”, ubi scholium 3: „stupidus” pro stupens, ut timidisque s. Aegle”<sup>1)</sup>. Itaque Feyerabend Servium non comparavit cum Donato, sed cum scholiasta minoris notae, neque ille rem fusius tractavit quam Donatus, nec concludi quicquam hinc potest de scholiorum Donati condicione mutila.

De hac autem re est quod addam. Scholia cum alia „aesthetica”, tum ea quae leguntur ad scaenarum initia Andriae, Eunuchi, Adelphorum, a Struckio sine exceptione laudata sunt ut egregia et graecorum digna doctrina<sup>2)</sup>. Ex his laudibus, etiamsi aliquantum inde detrahimus, haec tamen restat, scholia illa nequaquam esse mutila aut lacera. Ostendimus autem reliquarum quoque fabularum scholia principalia easdem cum illis habere proprietates et merita; quin possunt etiam e commento alia scholia

1) Quae de his scholiis disputavi in libro meo p. 18, mutanda et supplenda sunt ex supra scriptis.

2) Vide quantopere distet Gerstenbergii iudicium de his scholiis p. 64, qui suspicatur ea scholia esse „tenues amplioris commentarii rhetorici reliquias”, quem refutare conatus sum Mnem. XXXIII p. 128 sqq.

permulta proferri, quae principalibus illis amplitudine, doctrina, forma praestent; sic ingens scholiorum Donateorum numerus existit, quae nullam mutilationis labem ostendant. Contumeliae in commentum ipsius Donati iactatae ea tantum scholia tangunt, quae pristini operis auctori immerito imputantur; at sane non levis labor est hic aera a lupinis secernere, quod tamen probabiliter fieri posse, spero fore ut aliquando demonstrem.

## AD HYMN. APOLL. 402.

Sumpta specie delphini Apollo e maris fluctibus insilit in tabulatum navis Cnosiae versus Pylum iter facientis:

τῶν δ' ὅς τις κατὰ θυμὸν ἐπεφράσατο νοῆσαι,

πάντος' ἀνασσεύσκει, τίναςσε δὲ νῆϊα δοῦρα.

οἱ δ' ἀκέων ἐνὶ νηϊ καθήατο δειμαίνοντες,

405 οὐδ' οἱ γ' ὄπλ' ἔλυσον κτέ.

In his quae excipsi versibus tam molesta sunt verba ὅς τις — νοῆσαι, „that Gemoll may be pardoned for giving up the passage as hopeless” (Allen-Sikes, The Homeric Hymns); non interpretantis enim sed absurda recte — id est absurde — vertentis est „whoever thought to observe the dolphin”. Itaque aut tentanda est correctio aut desperandum. Mihi manifesto vitio laborare videtur infinitivus νοῆσαι. Quisquis nautarum in animum sibi inducebat . . . , — nam ὅς τις . . . ἐπιφράσσαιτο verum duco cum plerisque editoribus, — ille navem (crebris caudae ictibus) penitus concutiebat. Haec quomodo explenda? Pro-nomen ὅς τις, pro quo codex optimus habet οὗ τις, mente mutemus in εἴ τις, quo magis perspicuus fiat contextus; nam revera ita rescribere non videtur esse necessarium: „quoties aliquis e nautis cete, quod saltu ingenti in navem se deiecerat, volebat (vel conabatur) . . . quid? Inde pellere opinor, remove-re vel eiusmodi quid; proxime autem ad litteras traditas accedit φοβῆσαι. Cum hospitem molestum fugare conabantur, ille motu vehementi totum navigium tremefaciebat, ita ut omnes metu percellerentur. Itaque exinde ἐνὶ νηϊ καθήατο δειμαίνοντες, anxii expectantes quid esset futurum, donec oram Peloponnesi praetervecta navis pervenit Crisam in sinum Corinthium: ibi ἐκ νηὸς ὄρουσε γάναξ γεκάτεργος Ἀπόλλων.

V. L.

# AD SCRIPTORES HISTORIAE AUGUSTAE.

SCRIPSIT

P. H. DAMSTÉ.



Scriptores Historiae Augustae iterum  
recensuit H. Peter. Volumen alterum.  
Lipsiae MDCCCLXXXIII.

CAPITOLINI MAXIMINI 2.1 *et in prima quidem pueritia fuit pastor, nonnumquam etiam + procerte, qui latronibus insidiaretur et suos ab incursionibus vindicaret.*

Credo *procerte* formam mutilam esse vocabuli *procurator*.

2.5 *hic adulescens et semibarbarus et vix adhuc Latinae linguae, prope Thraecica imperatorem publice petit, ut e. q. s.*

Ante *prope* reponendum est: *lingua*, quod propter vocabulum antecedens excidit.

2.7 *tunc Maximinus sedecim lixas uno sudore devicit sedecim acceptis praemiis minusculis [non militaribus] iussusque militare.*

Expungantur verba, quae uncis inclusi.

3.2 *tunc ille, ubi de se intellexit imperatorem locutum, suspicatus barbarus et notum se esse principi et inter multos conspicuum, ad pedes imperatoris equitantis accessit.*

Voc. *barbarus*, cui locus suus est ante *ad pedes*, perperam in verum superiorem migrasse arbitror.

3.6 *hinc igitur factus conspicuus inter milites clarus, amari a*



*tribunis, a commilitonibus suspici, impetrare ab imperatore quod vellet, cet.*

Non cum Eyssenhardtio *clarus* delendum puto, sed emendandum: *conspicius inter multos, inter milites clarus* coll. 3. 2: notum se esse principi et inter multos conspicuum.

4. 4 *Hic diu sub Antonino Caracallo ordines duxit* [centuriatos] *et ceteras militares dignitates saepe tractavit.*

Vocabulum, quod uncinis saepsi, glossa manifesta est.

4. 9 *et tamen retentus est per amicos Heliogabali, ne hoc quoque illius famae accederet, quod*

*Corrige sed tamen.*

5. 1 *fuit igitur sub homine impurissimo tantum honore tribunatus, sed numquam ad manum eius accessit, numquam illum salutavit, per totum triennium huc atque illuc discurrens; [modo agris, modo otio, modo fictis languoribus occupatus est.]*

Emendandum puto: *honore tribu(nicio or)natus* et verba a me inclusa, quae Cornelissen emendare studuit scribendo: *fictis laboribus*, equidem in marginem reicienda opinor.

5. 4 *Maximinus . . . qui apud divum parentem meum* [Severum] *tantus fuit, quantum illum fama conperitis.*

Nomen a nescio quo postea additum esse locus ipse arguit.

6. 2 *quinta quaque die iubebat milites decurrere in se, simulacra bellorum agere; gladios, loricas, galeas, scuta, tunicas et omnia arma illorum cottidie circumspicere, e. q. s.*

Petschenigium recte iudicare scribendum: *decurrere. ipse* etiam comprobatur Gord. tert. 28. 3.

8. 2 *Maximinus autem ea fuit semper astutia, ut milites non virtute regeret sed etiam praemiis et lucris sui amantissimos redderet.*

Restituendum est: *non modo virtute regeret.*

9. 4 *'Et qui ab uno non potest occidi, a multis occiditur. ele-*

*fans grandis est et occiditur, leo fortis est et occiditur, tigris fortis est et occiditur:*

Olim scriptum esse suspicor: *Ut qui ab uno non potest occidi, a multis occiditur, elefans e. q. s.*

12. 4 *denique quasi navale quoddam proelium in palude fecit plurimosque illic interemit.*

Sic vulgo recensetur, cum codices mss. *aule* et *alue* exhibeant. At absurde dictum videtur, unum hominem, qui in palude inhaereret, ibi navale quoddam proelium fecisse. Aut equidem fallor aut sub scripturae vetustae vestigiis latet: *quasi animal quoddam*. Cf. 25, 2.

20. 5 *denique ipsi contra Maximinum et senatus et Balbinus bellum crediderunt. Profecto igitur ad bellum Maximo [contra Maximinum] Balbinus Romae bellis intestinis et domesticis seditionibus urgebatur.*

Verba uncinis a me cincta inducenda esse èt repetitio molestissima comprobat èt locus, ubi nunc leguntur. Cf. Maxim. et Balbin. 10. 1.

20. 7 *Et recreatus quidem imperator fuerat Maximinus audita morte Gordiani atque eius filii [Capeliani victoria].*

Tollendum est interpretamentum a me indicatum.

22. 6 *inter haec Maximinus cum filio adolescente . . . circumire muros . . . nunc suos verbis, nunc oppidanos rogare. verum nihil profecit.*

In Palatino post *verbis* legitur: *milites*, quod Bambergensis omisit. Nescio an vera et genuina lectio sit: *nunc suos verbis mitibus, nunc oppidanos rogare.*

24. 6 *Romam laureatas litteras misit, quae in urbem ingentem laetiliam fecerunt.*

Immo potius: *in urbe.*

MAXIMINUS IUNIOR 27. 6 *habuit et Graecum rhetorem Eugamium sui temporis clarum. Desponsu illi erat Iunia Fadilla, proneptis*

*Antonini; quam postea accepit Toxotius, eiusdem familiae senator, qui perit post praeturam, cuius etiam poemata extant.*

Suspicio me tenet, verba cuius etiam poemata extant ad Eugamium pertinere atque post voc. *clarum* olim scripta fuisse.

27.8 *dextrocherium cum costula de hyacinthis quattuor praeter vestes auratas et gemmis ornatas ceteraque insignia sponsaliorum.*

Ita Peterus e coniectura sua recensuit, cum Palatinus et omnes regias — Bambergensis et omnes auratas praebeant. Equidem Palatini lectionem veram esse persuasum habeo neque causa ulla est, propter quam verba aut cum Eyssenhardtio delenda aut cum Petro mutanda esse videantur; lectio Bambergensis videlicet orta est e voc. *auratas* perperam repetito.

29.1 *De hoc adolescente Alexander Aurelius ad matrem suam scribit [Mamaeam], cupiens ei sororem suam Theocliam dare, in haec verba:*

Delendum est nomen, ut locus ipse quem obtinet suadet.

29.6 *qui dicit idcirco se etiam filium suum appellasse imperatorem, ut videret vel in pictura vel in veritate, qualis esset iunior Maximinus in purpura.*

Restituendum est: *videretur* coll. epistula sequenti et 32. 2: cum ingens gaudium esset, quod caput Maximini videretur.

29.10 *nos enim hoc loco finem libri faciemus, ad alia, ut iubetur velut publico iure, properantes.*

Eyssenhardtio non credo, haec omnia esse delenda, sed unum voc. *libri* inducendum puto. Quod aliquem ascripsisse suspicor, qui non intellexeret, scriptorem non libri finem dicere sed rerum privatarum, non ad rem publicam pertinentium.

30.1 *posita ab eodem vitis intra annum ingentes uvas purpureas attulit et mirae magnitudinis facta est.*

Verbum legitimum est: *tulit*, quod hic quoque scribendum est, quandoquidem praefixum at ex praecedenti as bis scripto originem duxit.

31. 3. *lupi [urbem] quingenti simul ingressi sunt in eam urbem, in qua se Maximinus contulerat.*

Eyssenhardtio obsecutus Peterus *urbem* deleuit idque iure quidem, sed emblemata demonstrat, corrigendum esse: *in quam*, ad quae verba illustranda nescio quis id olim suprascripserit.

CAPITOLINI GORDIANI 3. 1 *Sed priusquam de imperio eius loquar, dicam pauca de moribus: adulescens cum esset [Gordianus, de quo sermo est,] poemata scripsit, quae omnia extant.*

Verba, uncinis a me inclusa, ad marginem releganda moneo.

4. 8 *iam illud satis constat, quod filium, Gordianum nomine, Antonini signo inlustraverit, cum apud praefectum aerarii [more Romano] professus filium publicis actis eius nomen insereret.*

Additamentum significavi ridiculum.

6. 4 *socero suo Annio Severo tantum detulit, ut in familia eius quasi filium migrasse se crederet.*

Corrige sodes: *in familiam.*

12. 3 *hunc autem morem apud veteres necessitates publicae reppererunt, ut, si forte aliqua vis ab hostibus inmineret, . . . vel si nollent ad amicos aliqua permanere, senatus consultum tacitum fieret.*

Tam antecedens *ab hostibus* quam res ipsa me adducunt ut ad *inimicos* emendandum esse credam.

15. 2 *Gordianus tamen fortunam belli experiri cupiens filium suum iam natu grandiore, [quadraginta et sex annos agentem,] . . . contra Capelianum et Maximinianos misit.*

Verba inclusa mihi quidem postea addita videntur.

17. 2 *quae singula videntur familias designare.*

Post *singula* excidit: *singulas*, quod et ratio requirit et sequentia ultro suggerunt: sed ego Iunium Cordum sequor, qui dicit ex omnibus his familiis Gordianorum coaluisse nobilitatem. Cf. Treb. Poll. Tyr. trig. 31. 5: ne si de singulis singula quaeque narrarem.

17.5 *et primis diebus sui natalis Antoninus est appellatus, mox in senatu Antoni nomen est editum, vulgo deinde Gordianus haberi coeptus.*

Pro *editum* requiro sollemne in talibus verbum *inditum*.

20.6 *dicta .... non magna, non minima sed media et quae appareat hominis esse ingeniosi sed luxuriantis et suum deserentis ingenium.*

Malim *appareant* coll. Maxim. et Balbin. 12.8: *nec dissimulari poterat maeror, qui apparebat in frontibus singulorum.*

22.6 *qui ambo pro senatu et pro p. R. contra Maximinum arma sumpserunt et militaris vel morte vel necessitate perierunt.*

Omnino recipienda est lectio *militari*, sed insuper expungendum *vel ante morte*: nempe Gordianus iunior utpote in proelio occisus militari morte periit, pater eius mortem sibi consciverat. Cf. Treb. Poll. Gall. duo 13.7: ipse Venerianus militari perit morte.

24.4 *dis igitur gratias, quod volente temet ipso emendata res est.*

Ita Peterus e Baehrensii coniectura scripsit: *traditum est volente in te*; equidem illud *in te* ortum esse suspicor ex litteris ultimis vocabuli *volente* per errorem iteratis atque restituendum esse: *volente ipso*.

26.5 *illic frequentibus proeliis pugnavit et vicit Sapore Persarum rege summo. et post Artaxansem et Antiochiam recepit et Carras et Nisibin, quae omnia sub Persarum imperio erant.*

Ista Peteri recensio est. In codd. vero cum post *vicit* additum sit *ae*, Iordanus et Eyssenhardtus locum ita constituerunt: *et vicit et Sapore Persarum rege summo [et] post † Artaxansem e. q. s.*

Vix dubito quin in scriptura *et post* vestigia lacerata habeamus vocabuli *oppida*, ad quod sequens illud *quae omnia* refertur. Insuper cf. 27.6: Carras deinde ceterasque urbes imperio Romano reddidimus. Locum igitur sic restituo: *et vicit et Sapore Persarum rege summo oppida Artaxansen et A. recepit et C. et N., quae omnia sub Persarum imperio erant.*

30.8 *verum cum secum ipse cogitaret amore populi R. et senatus circa Gordianum et totius Africae ac Syriae totiusque orbis Romani, cum et nobilis esset et nepos ac filius imperatorum et bellis gravibus totam rem p. liberasset, posse fieri, ut flexa quandocumque militum voluntate Gordiano redderetur imperium, re recenti cum in Gordianum irae militum famis causa vehementes essent, clamantem e conspectu duci iussit ac dispoliari et occidi.*

Spreta librorum mss. scriptura *amorem* Peterus Petschenigii coniecturam *amore* recepit. At vero lectionem traditam sanam ac genuinam esse existimo, sed post *liberasset* excidisse *et* ex haplographia praecedentium litterarum, ita ut a verbo *cogitaret* primo obiectum rei (*amorem*) penderet (cf. 2.3 infra), secundo accusativus cum infinitivo (*posse fieri*).

Ad locum alterum haec observanda videntur.

Iam in eo erat ut Philippus Gordiano vitam concederet, *cum* secum reputans quantum hic ab universis diligeretur unde fieri posset ut aliquando revocaretur ad imperium, repente sententia mutata eum occidi iussit. Iam apparet quid pro corrupto *recenti* vel *rerecenti* restituendum censeam, nempe:

*repente, cum in G. . . . . essent, clamantem e. q. s.*

CAPITOLINI MAXIMUS ET BALBINUS 1.2 *cum igitur . . . . ingressi essent curiam ac praecipue timorem Maximini adventu fronte ostenderent, referente consule de aliis rebus, qui primam sententiam erat dicturus, sic exorsus est.*

Ante qui primum *s. e. d.* propter nominis Maximini supra scripti similitudinem nomen *Maximus* excidisse credo: is enim verba faciebat, quod nunc non patet sed tamen effici potest ex 2. 1.

2.3 *cervices suas quisque respiciat, uxorem ac liberos cogitet, avilas patriasque fortunas.*

Post *cogitet* restituendum est: *et*, quod per haplographiam omisum est.

2.7 *Maximum igitur atque Balbinum, quorum unus in re militari tantus est, ut nobilitatem generis splendore virtutis + ei lezerit, alter ita clarus nobilitate est, ut e. q. s.*

Ex multis coniecturis, quibus critici verbum corruptum emen-

dare conati sunt, Salmasii propositum *illuxerit*, quod Iordanus et Eyssenhardtius receperunt, mihi quidem satis probabile videtur, sed utique corrigendum est *ignobilitatem*, ut iam Lipsius vidit et multi loci comprobant, quales sunt Maximinus 20. 1: senatus — Maximum ex praefecto urbi et qui plurimas dignitates praecipue gessisset, ignobilem genere sed virtutibus clarum et Clodium Balbinum, moribus delicatorem, imperatores creavit; Maximus et Balbinus 5. 1: Maximo pater fuit Maximus, unus e plebe, ut nonnulli dicunt faber ferrarius, ut alii raedarius; 5. 11: senatus ei homini, quod non licebat, novae familiae, imperium tamen detulit; 14. 1: cum Balbinus Maximus quasi ignobilem contemneret, Maximus Balbinum quasi debilem calcaret; 16. 2: Maximus — summae tenuitatis sed virtutis amplissimae fuit.

5. 2 *cui fratres quattuor pueri fuerunt, quattuor puellae, qui omnes intra pubertatem interierunt.*

Ita sane post Salmasium edi solet, cum in libris mss. exaratum sit *veri*. At tamen dubito, veram lectionem a Salmasio esse revocatam neque scio an olim scriptum fuerit: *veri*, h. e. germani.

Idem vitium subesse puto loco in Aelii Spartiani Aelio Vero 2. 1:

*primus tantum Caesar est appellatus, non testamento, ut antea solebat, neque eo modo quo Traianus est adoptatus, sed eo prope genere quo nostris temporibus a vestra clementia Maximianus atque Constantius Caesares dicti sunt quasi quidam principum filii viri et designati Augustae maiestatis heredes.*

Hoc loco Iordanus et Eyssendhardtius pro *veri* et recensuerunt *virtute* auctore Bernhardy, sed mihi persuasum est exigua tantum mutatione opus esse ad locum sanandum, nempe scribendum: *filii veri et*. Cf. Capitolini Opil. Macrin. 3: *veri* successores.

5. 10 *post haec praefectus urbi prudentissimus, ingeniosissimus et severissimus adprobatus est. quare + veluti senatus ei, homini* [quod non licebat] *novae familiae, imperium tamen detulit, e. q. s.*

Locum, quem multi varie restituere conati sunt, ita emen-

dandum esse credo: *quare causa virtutis senatus ei, homini novae familiae, imperium tamen detulit, e. q. s. Ineptum additamentum sciolo deberi nemo iam negabit.*

7.7 *Denique nonnulli, quemadmodum Catonem et Caesarem Salustius comparat, ita hos quoque comparandos putarunt, ut alterum severum, clementem alterum, bonum illum, istum constantem, illum nihil largientem, hunc affluentem copiis omnibus dicerent.*

Sana haec esse non possunt, quia Maximi moribus bonitas minime convenit atque inter alterum — alterum et illum — hunc insolita est copulatio illa: illum — istum. Scriptum olim fuisse suspicor: illum iustum, hunc constantem, deinde iustum hunc in istum depravatum, quo facto bonum insertum sit.

Propter iustitiam Maximus multis locis laudatur.

9.3 *nam et in publicum processit, manus singulis quibusque tetendit et paene ictum lapidis passus est, <ut> alii dicunt, etiam fuste percussus est.*

Emenda: *nam ut in publicum processit, manus singulis quibusque tetendit.* In sequentibus autem opus non est cum Salmasio ut inserere sed restituere: *et paene ictum lapidis passus, ut alii dicunt, etiam fuste percussus est.*

14.4 *sed ille suspicatus, quod contra se eos peteret, quem postulare putabat monarchiam, primum frustratus est, deinde usque ad litem perventum est.*

Peterus ita scripsit pro librorum mss. verbis: *quem postulabat monarchiam*, alii aliter. Equidem unam modo litterulam mutandam esse credo, scribendum scilicet: *quem postulabat monarchiae*. Librarius cum verbi sollemnem in iudiciis notionem non agnosceret, duos accusativos ei apposuit, quam constructionem unam non ignorabat.

17.3 *quocirca nulla vox tam fortis, nulla oratio tam felix, nullum ingenium tam fecundum umquam fuerit, quod possit publicam felicitatem digne exprimere. quae quanta et cuius modi sint, iam in ipso exordio principatus vestri cognoscere potuimus, cet.*

Pro *sint* corrige: *sit*, quippe quod ad publicam felicitatem pertineat.



17.7 cum eos Augustos et principes generis humani videam, quorum antehac perpetuo cultu mores et modestiam meam tamquam veteribus censoribus meis cuperem probata et † haec esse confidam in priorum principum testimoniis, vestris tamen ut gravioribus iudiciis gloriarer.

Scribendum videtur: et explorata esse confidam: credo scribam cum litteras ex posuisset, similitudine formarum probata et plorata deceptum alteram vocabuli partem praetermisisse, quo facto ex postea in haec mutatum sit. Cf. 15.2: huc accedit quod multis honoribus ac potestatibus explorati sunt.

(Continuabuntur).

AD HYMN. CER. 445.

Postquam Proserpina matri est reddita, ita tamen ut ad Ditis aedes eam aliquando redire necesse esset, illic enim imprudens pomi punici granum comederat, Iuppiter Rheam misit quae Cererem reduceret in sedes caelitum,

ὑπέδεκτο δὲ τιμὰς  
δωσέμεν', ἃς κεν ἔλοιτο μετ' ἀθανάτοισι θεοῖσι.  
445 'νεῦσε δὲ τοι κούρην τέτεος περιτελλομένοιο  
τὴν τριτάτην μὲν μοῖραν ὑπὸ ζόφον ἡρόεντα,  
τὰς δὲ δύο παρὰ μητρὶ καὶ ἄλλοις ἀθανάτοισι.

Mandavit igitur Rheae nuntium, quem haec mox eisdem verbis usa ad Cererem pertulit (vs. 462—466). Sed quid significant verba ἐνευσε κούρην? Nihil opinor, et frustra Ruhnkenius — dubitanter sane — conferebat Iliadis locum, ubi Iuppiter Troianis νίκην καὶ κῦδος, Danaïs πῆμα νεῦσαι dicitur (Θ 175); ibi enim annuere breviter est dictum pro annuendo promittere, at puellam sive annuere sive promittere quid esset nemo dixit aut dicere potuit. Ergone in lacuna unius pluriumve versuum capaci illum quem desideramus infinitivum periisse censemus? Mirum tamen si his eadem verba in lacuna interierunt. Non tam graviter, ni fallor, textus laborat: pro 'νεῦσε scribatur 'νάσσε. Iuppiter Proserpinam per duas anni partes apud Cererem ceterosque caelites, per tertiam in aedibus Ditis collocavit sive sedem ei assignavit, ibi degere iussit. Itaque iam Filia et Mater ναιετάουσιν ubi iussit pater deorum (vs. 485).

Passim εν et α, passim σ et σσ permutata esse in codicibus (e. g. vs. 14 ἐγάλασε pro -ασσε, vs. 365 δεσπόσεις pro -δσσεις), nemo nescit; ad eam autem quam proposuimus correctionem tuendam satis valere videntur Diomedis verba: πατήρ ἐμὸς Ἀργεῖ ἐνάσθη πλαγχθείς (Ξ 119), Menelai de Ulixē: καὶ κέ τοι Ἀργεῖ ἔνασσα πόλιν κτέ. (δ 174), nec non quae in hymno Apollinis leguntur: νῆδν dei ἔνασσαν ἀθέσφατα φύλ' ἀνθρώπων (vs. 298).

V. L.

# ANNOTATIONES CRITICAE AD PLUTARCHI OPERA.

SCRIPSIT

J. J. HARTMAN.

(Continuantur ex huiusce vol. pag. 105).



Nicias I Timaeus de Siciliensi Atheniensium expeditione et alia multa effutiit absurdissima et

τοῖς Ἀθηναίοις οἰωνὸν ἡγήσασθαι γεγονέναι τὸν ἀπὸ τῆς νίκης ἔχοντα τοῦνομα στρατηγὸν ἀντεικόντα πρὸς τὴν στρατηγίαν.

Hinc me non extrico nisi primum ἡγήσασθαι deleo: ὁ Νίκιας ἀντεικὼν γέγονεν οἰωνός. Verum cui rei oratione sua Nicias ad-versatus est? Imperione? Non opinor sed ipsi expeditioni. Lege ergo στρατεῖαν pro στρατηγίαν, quod frequentissimo in Plutarchi textu vitio e praecedenti στρατηγός natum.

ib. „Res a Nicia gestas ideo omittere non possum quia continent”

τὸν τρόπον καὶ τὴν διάθεσιν τοῦ ἀνδρὸς ὑπὸ πολλῶν καὶ μεγάλων παθῶν καλυπτομένην.

Immo vero ἀποκαλυπτομένην (cum C m. pr.) vel ἐκκ. Magnis cladibus Niciae indoles patuit.

C. II Gratus populo fiebat Nicias

τῷ δεδιέναι τοὺς ὑπερορῶντας αὐξεῖν δὲ τοὺς δεδιότας.

Vocabulis τοὺς ὑπερορῶντας significari sycophantas manifestum est, sed qui possint iis significari quaero. Vitium latere suspicor.

C. VII Mira structura cernitur in hisce, ubi Cleon dicitur, iterum iubente Nicia imperium copiarum in se recipere et acclamante populo

ἐξαρθεῖς καὶ ἀναφλεχθεῖς τὸ φιλότιμον.

An illud τὸ φιλότιμον ex annotatione natum?

ib. Quis credat Plutarchum tam inepte fuisse verbosum ut scriberet quod edidit Sintenisius:

εἰώθεσαν αὐτοῦ τὴν κυφότητα καὶ τὴν μανίαν φέρειν μετὰ παιδιᾶς οὐκ ἀηδῶς?

Confidenter rescribamus οὐκ ἀηδῶς.

C. IX Comparatur Alcibiades cum agro Aegyptiaco, qui φάρμακα πολλὰ μὲν ἐσθλὰ μεμιγμένα πολλὰ δὲ λυγρὰ ferebat, diciturque ob eam causam

δημαγωγὸς οὐχ ὁμοίως ἄκρατος.

Non *eodem modo* temerarius? Eodem modo quo quis? Compararet nemo. Legamus οὐχ ὁμαλῶς ἄκρατος (i. e. non *aequaliter*, sive, ut dat interpres Didotianus, non *usquequaque* temerarius), habebimus quod aptum sit respondeatque imagini.

ib. Athenienses pacis iam cupidi

ἐπειθ' οὕτω περὶ παντὸς εἰς λόγους συμβάλλοντες ἐποιήσαντο τὴν εἰρήνην.

Hic recte Wytttenbachius ante παντός inseruit τοῦ, sed tum demum locus in integrum restitutus erit, si praeterea praepositionem εἰς delebimus: de tota re sermones conferebant.

C. XI Athenienses, cum Hyperbolum ostracismo damnassent, primum laetati sunt, deinde

ἡγανάκτουν ὥς καθυβρισμένον τὸ πρᾶγμα τοῦτο πρὸς ἄνθρωπον ἀνάξιον γεγονέναι λέγοντες.

Ut multi alii Plutarchi loci sic hic quoque permutatione et transpositione est turbatus: loco mota est coniunctio ὥς et in verbis καθυβρισμένον et γεγονέναι facta est confusio formarum: prioris verbi requiritur infinitivus, secundi participium. Denique totus locus sic restituendus:

ἡγανάκτουν καθυβρίσθαι τὸ πρᾶγμα τοῦτο, ὥς πρὸς ἄνθρωπον ἀνάξιον γεγονὸς, λέγοντες.

Ipsē ostracismus contumelia affectus videbatur, utpote qui adhibitus esset indigno homini.

C. XII sic incipit:

ὁ γοῦν Νικίας . . . . .

Sed nulla iam praecedentium redditur ratio; *abruptitur* praecedens disputatio et ad aliud argumentum transitur. Ergo pro γοῦν legendum est δ' οὖν.

C. XIII ἄνθρωπος γάρ τις ἐξαίφνης ἀναπηδήσας ἐπ' αὐτὸν (sc. τὸν βωμὸν), εἶτα περιβάς ἀπέκοψεν αὐτοῦ λίθῳ τὸ αἰδοῖον.

Haud defuturos opinor qui quid sibi participium περιβάς velit non intelligant. Certe non intellexit interpres Didotianus. Dat enim „quumque circumivisset”. Quod satis ridiculum: quid enim attinebat primum in aram insilire, deinde circum eam ambulare? Certe additum oportuit eum prius *desiluisse*. Sed nihil mutandum, res enim quam maxime perspicua. Cum in aram insilisset, ita homo consedit ut solent qui equo vehuntur, altero crure ab altera parte dependente. Hoc enim est περιβαίνειν.

C. XIV Cum semel Nicias imperium, quamvis invitus, suscepisset, non iam erat tempus cunctandi et cavendi

ὥστε παῖδς δίκην ἀπὸ τῆς νεῶς ὀπίσω βλέποντα καὶ τὸ μὴ κρατηθῆναι τοῖς λογισμοῖς ἀναλαμβάνοντα καὶ στρέφοντα πολλάκις ἐναμβλῦναι καὶ τοὺς συνάρχοντας αὐτῷ καὶ τὴν ἀκμὴν διαφθεῖραι τῶν πραγμάτων.

Obscura haec, praesertim verba τὸ μὴ κρατηθῆναι τοῖς λογισμοῖς ἀναλαμβάνοντα. Rectius obiiceretur Niciae ὅτι τὸ κρατηθῆναι (Φόβῳ) οὐκ ἀνελάμβανε τοῖς λογισμοῖς. Ecquid Plutarchus scripsit, ita ut in navis imagine sibi constaret:

ἀπὸ τῆς νεῶς ὀπίσω βλέποντα, καὶ μὴ τὸ κρατῆσαι τοῖς λογισμοῖς ἀναλαμβάνοντα, ἀλλὰ στρέφοντα πολλάκις κτέ.?

Quid illud sit quod Atheniensium naves, quae *speculandi causa* Syracusarum intrarunt portum, dicuntur Λεοντίνους ἐπὶ τὴν οἰκίαν ἀποκαλοῦσαι διὰ κήρυκος prorsus me latet. Aliunde haec aberrasse censeo.

C. XV Graecum vix esse videtur τὸν Λάμαχον ἄγων ὑφ'

ἐαυτοῦ. *Ecquid ἔχων ὑφ' ἐαυτῷ? „Subiectum sibi et obnoxium Lamachum habebat Nicias”.*

C. XVI Castra posuit Nicias loco

ὅθεν ἥκιστα βλαπτόμενος οἷς λείπεσθαι τῶν πολεμίων ἤλπιζεν ἐξ ὧν ἐθάρρει πολεμήσειν ἀκωλύτως.

*Locum perturbatum corruptumque sic refinge:*

ὅθεν, ἥκιστα βλαπτόμενος οἷς λείποιο τῶν πολεμίων, ἤλπιζεν ἐξ ὧν ἐθάρρει πολεμήσειν ἀκωλύτως

i. e. unde sperabat se, nulla re impeditum *eisque rebus usum quibus confidebat*, (hoc enim est ἐξ ὧν ἐθάρρει) proelium commissurum, dum ipsi minime obsessent res, quibus hostibus esset inferior.

Egregie inter se opponuntur οἷς λείποιο τῶν πολεμίων et ἐξ ὧν ἐθάρρει. Animos enim ei dabant res quibus se *hostibus superiore* esse sciebat.

C. XX Post adventum Gylippi fortuna Niciae convertitur; mittit ergo Athenas nuntios, desperationis testes

οἱ δ' Ἀθηναῖοι καὶ πρότερον μὲν ὥρμητο πέμπειν ἐτέραν δύναμιν εἰς Σικελίαν, Φθόνῳ δὲ τῶν πρῶτον πραττομένων πρὸς εὐτυχίαν τοῦ Νικίου τσσαύτην πολλὰς διατριβὰς ἐμβαλόντων τότε γοῦν ἔσπευδον βοηθεῖν.

Sana esse ista non possunt; ut mittam ineptissimam tautologiam verborum Φθόνῳ τῶν πρῶτον πραττομένων πρὸς εὐτυχίαν τσσαύτην, frustra quaerimus qui fuerint illi qui moram inferrent. Latent in verbis τῶν πρῶτον πραττομένων sed quomodo inde protrahi possint non video.

C. XXI Nocturno proelio cum Boeotis congressi Athenienses quam multa habuerint adversa sic describitur:

ἡ γὰρ ἄτακτος ἀνάμιξις ἐν ταυτῷ μετὰ φόβου καὶ ἀγνοίας καὶ τὸ τῆς ὀψεως ἄπιστον ἐν νυκτὶ μήτε σκότος ἄκρατον μήτε Φῶς ἐχούσης βέβαιον, ἀλλ' οἶον εἰκὸς ἤδη καταφερομένης σελήνης καὶ περισκιαζομένοις ὅπλοις πολλοῖς καὶ σώμασι κινουμένοις διὰ τοῦ Φωτὸς μὴ διαταροῦσαν τὰ εἶδη φόβῳ τοῦ πολεμίου καὶ τὸ οἰκτεῖον ποιεῖν ὑποπτον, εἰς δεινὰς ἀπορίας καὶ περιπετείας καθίστη τοὺς Ἀθηναίους.

Non confusionis sed confusa descriptio ista, e qua nemo mortalium se extricare unquam poterit. Hoc unum certum est pro *ποιεῖν* legendum esse *ποιεῖν*: incertus prospectus (*τὸ τῆς ὀψέως ἀπιστον*) faciebat ut metu hostium socii ipsi metuerentur. De reliquis dubito, ea praesertim causa quod verbum *περισκιάζω* praeter hunc locum semel tantummodo apud Plutarchum reperitur, Arat. c. XXII; ibi autem dicitur *περισκιάζεσθαι* *via* in quam umbrae proiiciuntur, quae significatio nullo modo huc quadrat. Quodsi etiam res ipsae, *quarum umbrae proiiciuntur*, dici possunt *περισκιάζεσθαι* (et quidni possint?) parata est totius loci emendatio: abiecto enim *καί* quod ante illud *περισκιαζομένοις* legitur pro *διασαφούσαν* legendum erit *διασαφούση*: nox, iam in occasum vergente sole, propter arma, quorum huc illuc proiectabantur umbrae, et propter corpora, quae se in lunae movebant lumine, non perspicuas exhibebat formas.

C. XXII Auctor est Demosthenes ut castra moveant, sed obstat Nicias; ceteri putantes

*τὸν Νικίαν προσδοκῶντα καὶ πιστεύοντα τοῖς ἔνδον οὕτως ἔρρωμένως ἀναμάχεσθαι περὶ τῆς ἀποβάσεως*

ei assentiuntur. Corruptum hic esse *προσδοκῶντα* manifestum est. Neque enim suum sibi habet obiectum et, si haberet, adversa fronte pugnaret cum iis quae sequuntur: qui *expectat* etiam aliquid, in rebus, quas in ipsis habet aedibus castrisque, *non* habet fidem. Paulo post in capite XXIII recte verbum *προσδοκῶντων* legitur. Equidem hinc istud *προσδοκῶντα καὶ* confidenter eiecerim. An excidit aliquid („novas copias”) et *καί* pro ἥ est scriptum? Minus hoc verisimile.

C. XXIII Anaxagorae λόγος de lunae defectu erat tunc

*ἀπόρρητος ἔτι καὶ δι' ὀλίγων καὶ μετ' εὐλαβείας τινὸς ἢ πίστεως βαδίζων.*

Secundum istud *καί* et pronomen *τινός* plane sunt supervacua, immo turbant et sententiam et structuram; contra excidit, quo plane non possumus carere, *μᾶλλον*. Intra paucos res versabatur, dubitantes magis quam credentes.

C. XXVII Miseri Niciae milites inter tela hostium vix procedunt et ad fluvium Asinarum perveniunt

ἐκεῖ δὲ τοὺς μὲν οἱ πολέμιοι *συνενεγκόντες ἐνέσεισαν* εἰς τὸ ρεῖθρον, οἱ δὲ *Φθάνοντες ὑπὸ δίψους ἑρρίπτουν* ἑαυτούς.

Nondum, ut opinor, eo iam est perventum ut hostes eorum cadavera coniciant in unum — et quid aliud in clade bellica istud *συνενεγκόντες* significare potest? — sed *compellunt* in eundem locum fugientes, tum in fluvium detrudunt. Legendum ergo *συνελαύνοντες* est.

*Crassus* c. I Mortuo fratre altero, Crassus eius  
*γυναικὶ συνήκησε καὶ τοὺς παῖδας ἐξ ἐκείνης ἔσχε.*

Mire dictum, sive vertis: „quos liberos habuit Crassus, eos ex illa uxore progenuit”, sive *ἔσχε* sic accipis ut sit: „domi servavit educavitque”. Tum enim dictum oportuit: *τοὺς ἐξ ἐκείνης παῖδας*. In *τούς* ego adiectivum numerale (*τρεῖς*) latere suspicor.

C. III Alexander Crassi in philosophia praeceptor magnum ipse dedit verae philosophiae documentum:

οὐ γὰρ ἦν ἀποφήνασθαι *ῥαδίως*, πότερον προσῆλθεν αὐτῷ *πενέτερος* ἢ *προσελθὼν ἐγένετο*.

Venuste dictum hoc, modo *ῥαδίως* in *ῥᾶδιον* mutas.

Additur hoc: *μόνος δ' οὖν ἀεὶ τῶν φίλων αὐτῷ συναποδημῶν στέγαστρον ἐλάμβανεν εἰς τὴν ὁδὸν καὶ τοῦτ' ἐπανελθὼν ἀπητείτο*.

Non video quid hac re probetur vel redarguatur.

C. IV In speluncam confugit Crassus, quae in agro Vibii Pacciani erat in Hispania, unumque servum misit ad Vibium

*ἀποπειρώμενος ἤδη καὶ τῶν ἐφοδίων ἐπιλιπόντων*.

Quid in *ἀποπειρώμενος* lateat nescio, corruptum esse certo scio.

In ista speluncae descriptione neque quid sint *κρημνοὶ συμφορήμενοι*, neque quid ἢ *μάλιστα περιπίπτει* τὸ *Φῶς* (ecquid *προσπίπτει*?) intelligo. Haereo etiam in isto *ἔχει κόλπους δι' ἀλλήλων ἀνοιγομένους* (ubi lectionibus a Sintenisio commemoratis nihil proficimus), neque cur spelunca fuerit *ἀστάλακτος καὶ καθαρός*, et quid sibi prius illud velit adiectivum, perspicio.

C. V Mittit Crasso Paccianus, dum aetatis eius habet rationem cibos exquisitiores.

ἔπει τὴν γε χρεῖαν ἀναγκαίως μᾶλλον ἢ προθύμως ὑπουργοῦντος εἶναι.

Nonne post χρεῖαν excidit παρέχειν aliusve infinitivus in hanc sententiam? „Intelligebat *nil nisi victum praebere* eius esse qui vi coactus magis quam libenter opem ferat”?

C. VI Honores, quibus Pompeius a Sulla afficiebatur, Crasso bilem movebant, licet haud iniuria illi postponeretur

ἐμπειρίας τε γὰρ ἐνδεὴς ἦν καὶ τῶν πράξεων αὐτοῦ τὴν χάριν ἀφῆρουν αἱ συγγενεῖς κῆρε; ἐπιφερόμεναι, φιλοκέρδεια καὶ μικρολογία.

Displicet additum istud ἐπιφερόμεναι.

ib. Fama est Crassum in Brutiis proscripsisse quendam non iubente Sulla sed ut bona illius haberet

δι' ὃ καὶ Σύλλαν καταγνόντα πρὸς μηδὲν ἔτι χρῆσθαι δημόσιον αὐτῷ.

Non me retinet hiatus metus (praecedit enim χρηματισμῶ) quominus pro δι' ὃ ... καταγνόντα legendum censeam ὃ ... γνόντα.

C. VII Ut demonstret metum incussisse hominibus Crassum, hoc affert exemplum Plutarchus:

ὁ γοῦν πλεῖστα πράγματα παρασχὼν τοῖς καθ' αὐτὸν ἄρχουσι καὶ δημαγωγοῖς Σικίνιος πρὸς τὸν εἰπόντα τί δὴ μόνον οὐ σπαράττει τὸν Κράσσον, ἀλλὰ παρήσι, χόρτον αὐτὸν ἔχειν Φησὶ ἐπὶ τοῦ κέρατος.

Delectat me iste homo negotia *demagogis* exhibens: putabam demagogos πράγματα παρέχειν οὐκ ἔχειν. Et nunc quoque puto. Rescribo ergo δημαγωγὸς pro καὶ δημαγωγοῖς. Sicinnius ille (Brut. 217) dicitur „homo impurus”; ibi eum dicto petulanti, tribunus plebis cum esset, adversus consulem usum esse cognoscimus. Praeterea cum Reiskio legendum ἔφησεν pro Φησί.

C. X Quid illud sit quod Crassus milites, qui armis amissis fugerant,

δπλίζων αὐθις ἐγγυητὰς ἤτει τῶν δπλων ὅτι φυλάξουσιν



me latet. An ita ostendit se ex eorum numero decimum quemque sumpturum quem supplicio capitali afficiat?

C. XVIII Deam Hierapolitanam alii Venerem dicunt, alii Iunonem

οἱ δὲ τὴν ἀρχὰς καὶ σπέρματα πᾶσιν ἐξ ὑγρῶν παρασχούσαν αἰτίαν καὶ φύσιν νομίζουσι καὶ τὴν πάντων εἰς ἀνθρώπους ἀρχὴν ἀγαθῶν καταδείξαντες.

Corrupta haec esse vel repetitio ἀρχὰς ... ἀρχὴν docet.

C. XX Auctor Crasso est Cassius ut exercitum iuxta fluvium ducat, et alia argumenta afferens et hoc

εὐπορίαν τὰ σιτηγὰ τῆς ἀγορᾶς παρασχεῖν ἅμα συγκαταίροντα πρὸς τὸ στρατόπεδον.

Pro παρασχεῖν legendum est παρέξειν, quod et apud Appianum legitur. Deinde istud ἅμα quid sibi vult? Quenam alia res simul cum ista fiet? Lege θαμὰ, omnia fient quam aptissima: *identidem*, cum agmen subsistet, et naves illae ad ripam appellentur militibusque commeatum praebebunt.

C. XXI Quid sit πεδῖον ἀχανές καὶ περιελαυνόμενον me latet. Didotianus interpres dat: „campos ab omni parte equitatus *patentes*”. Haud dubie eiusmodi aliquid hic requiritur, sed e verbis traditis equidem illud non efficio.

C. XXIV Sagittas miserunt Parthi

ἀπὸ τόξων ... τῇ σκολιδότητι τῆς καμπῆς ἠναγκασμένον τὸ βέλος ἀποστελλόντων.

Vellem istud ἠναγκασμένον aut emendaret aliquis aut mihi explicaret!

C. XXV Parthi ὀπίσω στρέψαντες ἐδίωκον.

Plane contrarium requiritur. Vidit hoc Naberus qui ἐνέδωκαν proponit. Sed aptius huic loco mihi videtur ἐδιώκοντο: „dabant se persequendos, sive eo adducere Romanos conabantur ut se persequerentur”. Est et lenior ea medicina.

C. XXIX Perfidus dux Andromachus Romanum exercitum huc illuc duxit, postremo

ἐξέτρεψεν εἰς ἔλη βαθία καὶ χωρία τάφρων μεστὰ τὴν πορείαν χαλεπὴν καὶ πολυκλανὴ γενομένην τοῖς ἐπισπομένοις.

In γενομένην latet γίνεσθαι λέγων vel aliquid in eam sententiam.

C. XXXII Surenas, qui Romanis vitio dabat impudicas narrationes in sarcinis ducis cuiusdam inventas, graviter reprehendit scriptor

Παρθικὴν Σύβαριν ἐφελκόμενον ἐν τοσαύταις παλλακίδων ἀμάξαις, τρόπον τινα ταῖς λεγομέναις ἐχιδναῖς καὶ σκυτάλαις ἀντιμόρφως τὰ μὲν ἐμφανῆ καὶ πρόσθια μέρη φοβερά καὶ θηριώδη δόρασι καὶ τόξοις καὶ ἵπποις προβαλλομένην, κατ' οὐρὰν δὲ τῆς φάλαγγος εἰς πόρναις καὶ κρόταλα καὶ ψαλμοὺς καὶ παννυχίδας ἀκολάστους μετὰ γυναικῶν τελευτῶσαν.

Ut lepida imago ordine procedat, pro προβαλλομένην legendum est προβαλλόμενον et τελευτῶσης pro τελευτῶσαν. In fronte ipse Surenas habet terrores, agmen eius desinit in lasciviam, *ορρονι-  
tur* ergo serpentibus illis qui vultu sunt placido sed venenum habent in cauda. Nihil horum intellexit interpres Didotianus qui ἐχιδναῖς ἀντιμόρφως vertit *viperatum instat*.

Totum locum de Crassi clade Belgice verti in libro c. t. „de avondzon des Heidendoms” vol. I p. 123—149. Ibi in annotationibus praeterea hasce proposui emendationes et probare sum conatus:

C. XIX in initio restituatur nomen *Artavasdes* pro *Artabazo*.

C. XXI legatur ὥσπερ ὅπλων αὐτῷ δεῆσον ἢ χειρῶν, οὐ ποδῶν τῶν ταχίστων pro ὥσπερ ὅπλων αὐτῷ δεῆσον, οὐ χειρῶν οὐδὲ ποδῶν τῶν ταχίστων.

ib. sub finem pro ὁμοῦ legatur ὁμοῦ τι.

C. XXVIII l. ἄς ἐκπεσούσας τῆς ὁδοῦ pro ἐκπεσούσας τῆς ὁδοῦ, ἄς.

C. XXX l. διὰ νυκτὸς ἰόντες εἶναι pro διὰ νυκτὸς ἰέναι.

C. XXXI omissis αὐτῷ verba καὶ προὔτεινε τὴν δεξιάν ponantur post βασιλεὺς γὰρ σοι δίδωσι τοῦτον.

*Comparatio Niciae et Crassi c. I* Ingentes fecit impensas Crassus ἐστιάσας ἅμα τοσαύτας μυριάδας ἀνθρώπων εἴτα θρέψας πάλιν.

Scire velim quomodo hic *ἔστιαν* et *τρέφειν* inter se opponantur. Interea istud *θρέψας* corruptum esse suspicor.

ib. Omne vitium est inaequalitas quaedam et inconstantia; apparebit hoc si respexerimus

*τοὺς αἰσχροῦς συλλέγοντας εἴτα χρηστῶς ἐκχέοντας*  
in quorum numero et Crassus fuit: turpiter rem fecit sed divitias suas profudit bene, utiliter, recte: cibum enim prae-buit civibus inopibus. Nonne haec recte procedunt? Hic tamen vitium odoratur Sintenisius, strenuus ille criticorum adversarius atque Emperii viri acutissimi in textum recepit emendationem, sed eam perversam. Certum et constans est illud infortunium eorum qui nimis sunt dediti codicibus: cum lectionem traditam mutant ultro corrumpunt textum. Coniecit enim Emperius *εἴτ' ἀχρήστως* pro *εἴτα χρηστῶς*. Sed frumentum praebere populo non est inutiliter rem perdere, et ista lectione omnis *ἀνωμαλία* perit, quae elucet ex adverbiiis inter se oppositis *αἰσχροῦς* et *χρηστῶς*.

C. II Rectene habeat verbum *λαμβάνειν* in his: *τὸ λαμπρὸν ἐν πολιτείᾳ λαμβάνειν* quaerendum videtur. Requiritur fere *αῖνέειν* et facile e praecedenti *λαμπρὸν* istud *λαμβάνειν* nasci potuit.

C. III Videbatur Nicias, cum expeditionem Siciliensem dissuadebat

*ῥαστώνῃ καὶ μαλακίᾳ τὸ παρ' αὐτὸν ἀποστερεῖν Σικελίας τὴν πόλιν.*

Immo *τὸ καθ' αὐτόν*, quantum in ipso erat.

C. IV Cupiebat Crassus *προσεργάσασθαι* (recte Reiskius *προσκατεργάσασθαι*) τὴν Ἀσίαν οἷς Πομπηϊὸς ἐπῆλθε καὶ Λούκουλλος ἀντίεσχεν, ἄνδρες εὐμενεῖς καὶ πρὸς πάντας ἀγαθοὶ διαμεινάντες, προελόμενοι δὲ ὅμοια Κράσσῳ καὶ τὰς αὐτὰς ὑποθέσεις λαβόντες.

Neque quid verba notata significant intelligo neque quo modo sententia sequens coniunctione *ἐπεὶ* his annecti possit. Est enim huiuscemodi: *ἐπεὶ καὶ Πομπηϊῷ τῆς ἀρχῆς δεδομένης ἡ σύγκλητος ἠναντιοῦτο.*

*Sertorius* c. III ἐν τῇ πόλει Κάστλων παρεχίμαζε τῆς Κελτιβήρων.  
Praepositio παρά quid in composito sibi velit non video. An διεχίμαζε legendum?

C. VI Male me habet quod de Sertorio dicitur: τοὺς μὲν βαρβάρους ἐθεράπευσε χρήμασι, τὴν δ' Ἰβηρίαν ἐπειχθεὶς κατέσχε. In quibus quid sibi ἐπειχθεὶς velit non intelligo.

C. VII Magnopere classis Sertorii laborabat τοῦ πελάγους τὰ πολλὰ τῶν πλοίων πλάγια ταῖς ῥαχίαις περιβάλλοντος.

In cod. E est ἐπιβάλλοντος, sed dubium non est quin παραβάλλοντος sit legendum.

C. VIII διεκβαλὼν τὸν Γαδειραῖον πορθμὸν ἐν δεξιᾷ τοῖς ἐκτὸς ἐπιβάλλει τῆς Ἰβηρίας.

Abiice magistelli annotationem ἐν δεξιᾷ. Quis enim tam stultus ut non sponte intelligat eum, qui per fretum Gaditanum in Oceanum vectus sit, ut Hispaniae oram aggrediatur dextrorsum se convertere?

C. IX Sertorius gentes Africae, quibus auxilio venerat, nulla affecit iniuria, pecuniam, urbem imperium iis reddidit

ὅσα καλῶς εἶχε δεξάμενος δίδόντων.

Utcunque intelligi ea possunt: „a dantibus nihil accipere volebat nisi quantum satis erat”. Nescio tamen an vitium lateat, tam insolite dicta sunt.

C. X καίτοι δοκεῖ περὶ τὸν ἔσχατον αὐτοῦ βίον ὠμότης καὶ βαρυθυμίας τὸ περὶ τοὺς δμήρους πραχθὲν ἔργον ἐπιδείξει τὴν φύσιν οὐκ οὔσαν ἡμερον.

Tam mire contorta haec ut non possim credere sic a Plutarcho profecta; suspicor invito eo ista ὠμότης καὶ βαρυθυμίας ἔργον invecta, scioli enim videtur annotatio. Certe non utendum Sintenisii coniectura ἔρημον pro ἡμερον scribentis. Boni isti „traditionis” patroni si ipsi aliquid comminiscuntur, tamquam fato quodam ad absurdissima quaeque trahuntur!

C. XI (τὴν νεβρὸν) dicebat Ἀρτέμιδος δῶρον εἶναι καὶ πολλὰ τῶν ἀδῆλων ἐπιφημίζεν αὐτῷ δηλοῦν.

Plutarchum scripsisse opinor ἐπιφημίζειν neque addidisse δηλοῦν.

C. XII In longa enumeratione ducum quos Sertorius superavit videndum an non particula καί, quae nomen Θωράνιον praecedit, sit delenda quo melius decurrat sententia.

C. XXII Metellus praemium proponit ei qui Sertorium occiderit ὥς ἀπογνώσει Φανερεῶς ἀμύνης ὠνούμενος τὸν ἄνδρα διὰ προδοσίας. Omnino removendum istud ὥς. Revera enim sic se res habebat.

C. XXIV Marcus Marius, quem copiarum ducem Mithridati miserat Sertorius

τὰς μὲν ἡλευθέρου (πόλεις) ταῖς δὲ ἀτέλειαν γράφων χάριτι Σερτωρίου κατήγγελεν.

Ultima haec sana esse non credo. Certe monstrum istud κατήγγελεν, licet Sintenisio in deliciis esse videatur, quantocius hinc facessat. Nec probanda altera lectio κατήγγειλεν, quia tantummodo imperfecto hic locus est. Sed κατήγγελλεν scribendo locum non sanamus. Nihili enim ista γράφων κατήγγελλεν videntur.

Ad vitam *Eumenis* (et ad *comparationem Sertorii et Eumenis*) annotavi nihil. Legere accurate non potui: tantus est nominum in ea numerus et tanta rerum narratarum multitudo. Quid „medicus mentium” hac vita spectaverit difficile dictu: boni Chaeronenses, ut opinor, vix quidquam utilitatis ex ea percipere potuerunt. Lectu iucundior Nepotis, qui dicitur, vita, magnique momenti ad efficiendum quo tempore vixerit auctor videtur disputatio in c. VIII de ducibus, qui veteranis sunt obnoxii.

*Agasilas* c. VIII In altercatione Agasilai et Lysandri ego huius responsum

ἴσως ταῦτα σοὶ λέλεκται βέλτιον ἢ ἐμοὶ πέπρακται non intelligo. Ecquid λέλεκται et πέπρακται locum inter se mutare debent? „Tu recte egisti, ego factum tuum non recte verbis descripsi”. Sic enim cum rege suo expostulaverat Ly-

sander: ἤδεις ἄρα σαφῶς φίλους ἐλαττοῦν. Cui ille: ἤδειν τοὺς ἐμοῦ μεῖζον δύνασθαι βουλομένους.

C. IX In narratione de Agesilao equitatum sibi callido consilio parante Benselerus delenda censet, quae prorsus absurda sunt οἱ δὲ μὴ βουλόμενοι ἱππεύειν τοὺς βουλομένους ἱππεύειν. Sed rectius Sintenisius totum istud ἐμισθοῦντο γὰρ . . . βουλομένους ἱππεύειν. Ego vero simul et ea quae praecedunt πολλοὶ . . . ὀπλιτῶν abiicio, ut brevis haec restet narratio: ἱππικὸν συνῆγε τοῖς εὐπόροις προειπὼν, εἰ μὴ βούλονται στρατεύεσθαι, παρασχεῖν ἕκαστον ἵππον ἀνθ' ἑαυτοῦ καὶ ἄνδρα· καὶ γὰρ τὸν Ἀγαμέμνονα ποιῆσαι καλῶς ὅτι θήλειαν ἵππον ἀγαθὴν λαβὼν κακὸν ἄνδρα καὶ πλούσιον ἀπήλλαξε τῆς στρατείας.

In qua omnia bene procedunt ita ut et, id quod gravissimum, ratio constet accusativi cum infinitivo καὶ γὰρ . . . ποιῆσαι καλῶς. Et quae omittuntur non solum plane sunt supervacua, sed cum nihil legentis relinquant acumini, omnem pessumdant loci venustatem.

C. X Tithraustes, Tissaphernis successor, volebat Agesilaum διαλυσάμενον ἀποπλεῖν οἴκαδε καὶ χρήματα διδοὺς αὐτῷ προσέπεμψε.

Quis unquam mortalium sic est locutus: „pecuniam dans ad eum misit” vel „pecuniam dedit et ad eum misit”? Legendum arbitror προέπεμπε i. e. „prosequi eum paratus erat”.

C. XVI Notetur rarus praepositionis usus in his:

καὶ τοῦτο ἴσως ἐπ' Ἀγησιλάῳ θασμαστὸν οὐκ ἦν.

ib. Mira est verbositas in istis:

πεντακοσίοις ἱππεῦσιν ἐμβαλεῖν κελεύσας σὺν αὐτῷ

et suspectus dativus cum verbo κελεύειν iunctus. Suspicio Plutarchum scripsisse

πεντακοσίοις ἱππεῦσιν ἐμβαλὼν,

et cum semel ἐμβαλὼν casu aliquo in ἐμβαλεῖν esset corruptum, tria verba loci sarcienti causa adiecta esse.

C. XXIII Commemorata pacis Antalcidae turpitudine sic pergit:

ὅθεν ἤκιστα συνέβη τῇ, κακοδοξίας ταύτης Ἀγησιλάῳ μετασχεῖν.

Istud ὅθεν quid nunc sibi velit neque perspicio neque perspexit interpretes Didotianus, qui sic vertit: „verum eius rei infamia nihil plane ad Agesilaum pertinuit”. Hoc vero prorsus me latet quomodo haec cohaereant cum praecedentibus. Nam sequentibus etiam redarguuntur. Plutarchus, nisi me fallunt omnia, scripsit ὅθεν οὐχ ἤκιστα κτέ. Sic enim disputat: „pace Antalcidea Spartani Persarum regi tradiderunt Graecos, qui Asiam incolunt, pro quibus Agesilaus pugnaverat; ita factum est ut in Agesilaum, quamvis insons esset, pars redundaret infamiae (erat enim totius rei *causa innocens*, ut nos loquimur); nam Antalcidas, adversarius eius, ideo pacem suadebat quia bello Agesilai gloria augebatur, qui et dicto suo quamvis lepidο οὐ μὴδίξειν τοὺς Λακεδαιμονίους ἀλλὰ λικωνίζειν τοὺς Μήδους conscientiae auxerit suspicionem; et pace illa semel facta strenue usus est Agesilaus ad Thebanos coercendos. Haud mirum igitur quod postea pacis Antalcideae tantum non auctor est habitus.

C. XXIV ἡμέρα γὰρ αὐτὸν ἐν τῷ Θριασίῳ πεδίῳ κατέλαβε [καὶ κατελάμψε]ν.

Deleantur inclusa.

C. XXV Sphodriae, capitali accusati crimine, filium amat Archidamus Agesilai filius

καὶ τότε συνηγωνία μὲν, ὡς εἰκὸς ἦν, κινδυνεύοντι αὐτῷ περὶ τοῦ πατρός.

Non solum hiatus hic tollendus sed immani vitio liberanda sententia atque adeo tota narratio. Nihili enim est κινδυνεύειν περὶ τοῦ πατρός. Utrumque fiet, si legemus κινδυνεύοντος αὐτῷ τοῦ πατρός. Et causa corruptelae in promptu est.

C. XXXIX In Agesilai ad regem Aegyptium verbis

ἡμῖν οἱ πολέμιοι τὴν ἀσφάλειαν αὐτοῖ [διὰ τῶν χειρῶν] παρεσκευάκασι τοσαύτην ὀρυξάμενοι τάψρον deleantur quae inclusimus.

Pompeius c. II Omnino Pompei vultus habitusque hic satis obscure describuntur, sed omnium obscurissimum istud ἦν δέ τις καὶ ἀναστολὴ τῆς κόμης ἀτρέμα κτέ.

C. X Reprehenditur Pompei crudelitas quod Carbonem non statim postquam eum captivum fecit iure belli occiderit, sed prius de homine amplissimo habuerit iudicium deinde eum ad mortem duci iusserit. Adduntur haec:

ἀπαχθέντα μέντοι Φασὶν αὐτὸν, ὡς εἶδεν ἑλκόμενον ἤδη τὸ ξίφος, δεῖσθαι τόπον αὐτῷ καὶ χρόνον βραχὺν, ὡς ὑπὸ κοιλίας ἐνοχλουμένῳ παρασχεῖν.

Haec quid sibi hic velint non perspicio, nam statim inde ad alium transitur hominem quo iusto severius usus esse Pompeius dicitur. Aut ergo post verba citata exciderunt quaedam quae eodem spectarent, aut totum hoc de Carbone moras quaerente, tamquam infaceti scioli additamentum, e textu removendum est.

C. XI Militibus Pompei in Africa rem gerentibus opinio nascitur in illa regione multis locis thesauros humi defossos esse  
ἐν ταῖς ποτε τύχαις τῶν Καρχηδονίων ἀποτεθειμένων.

Immo τότε. Respicitur enim urbis obsidio.

C. XIV διὸ καὶ Σκηπίων ὁ πρῶτος ἀπὸ μειζόνων καὶ κρείττωνων ἀγώνων [ἐν Ἰβηρίᾳ Καρχηδονίων κρατήσας] οὐκ ἤτησε θρίαμβον.

Facessat hinc inutile et importunum emblemata!

C. XXI ἀπῆγεν εἰς Ἰταλίαν τὸν στρατὸν ἀκμάζοντι τῷ δουλικῷ πολέμῳ κατὰ τύχην φερόμενος.

Immo vero συμφερόμενος. *Eodem tempore* redibat Pompeius et flagrabat bellum servorum.

ib. Admodum gavisum ait Pompeium oblatam sibi facultatem populo reddendi tribunatus, rei quam maxime popularis

ὡς οὐκ ἂν εὐρόντα χάριν ἄλλην ἢ τὴν εὐνοίαν ἀμείψεται τῶν πολιτῶν, εἰ ταύτην ἕτερος προέλαβεν.

Melius haec in ceteram narrationem quadrarent si pro ἀμείψεται legeretur verbum quod *obtinendi* vim haberet.

C. XXIII Sine comitatu haud facile conspiciabatur incedens Pompeius

ἀλλ' ἡδιστος ὁμοῦ πολλοῖς καὶ ἀθρόοις ἐφαίνετο.



Istud ἥδιτος ἐφαίμετο — aut sensu cassa haec sunt — dictum est pro ἥδιτον αὐτῷ ἦν φαίνεσθαι. Mira sane vocabulorum structura, videtur tamen Plutarchi esse.

C. XXV Lex Gabinia Pompeium reddebat

κύριον — πλήθους καὶ καταλόγου στρατιᾶς καὶ πληρωμάτων ἐρετικῶν.

De voce πλήθους dubito.

C. XXXI ταύτης μὲν ἦν καὶ γενεᾶς καὶ αἵματος ἡ Στρατονίκη.

Restitue hexametrum

ταύτης μὲν γενεῆς τε καὶ αἵματος ἦν Στρατονίκη  
habebis ioci genus quod Plutarcho est in deliciis.

C. XLV ὧν (sc. τῶν εἰς τοὺς στρατιώτας δεδομένων) ὁ τοῦλάχιστον αἵρων κατὰ λόγον δραχμὰς εἴληφε χιλίας πεντακοσίας.

Quorsum istud κατὰ λόγον additum?

C. XLVIII αὐτοῦ δέ τις κοπρίων κόφινον ἐκ κεφαλῆς τοῦ Βύβλου κατεσκεύασεν.

Exime istud ἐκ κεφαλῆς quod plane est otiosum et nimis pronomen divellit a suo nomine proprio.

C. XLIX καὶ προαγαγὼν τὸν ἀδελφὸν αὐτοῦ (sc. Ciceronis) δεόμενον σὺν χειρὶ πολλῇ κτέ.

Vocabulum δεόμενον sanum non credo esse, neque eo *supplicem* posse significari, quae est interpretis Didotiani opinio.

C. LI Luccae inter Pompeium Crassumque et Caesarem convenit

μετιέναι μὲν ὑπατείας ἐκείνους.

Quasi vero de *consulatibus* sermo esse possit cum duo homines honorem petunt quem eodem anno sint gesturi! Lege ὑπατεῖαν.

C. LIII ἐπὶ τούτοις δὲ θαυμαστωθεὶς καὶ ἀγαπηθεὶς κτέ.

Nulla causa est cur hic monstrum vocabuli θαυμαστωθεὶς sano et quotidiano θαυμασθεὶς praeferatur.

C. LVIII Quae hic de Curione sententias per discessionem rogante narrantur confusa arbitror. Revera Curio primum rogavit quis neque Caesarem neque Pompeium cum imperio vellet esse ... in hanc sententiam ierunt fere omnes. Deinde quis Caesarem solum dimittere exercitum, Pompeium cum exercitu esse ... in hanc sententiam non plus 22 ierunt, ceteri *Κουρίωνι προσέθεντο* i. e. in eam sententiam ierunt quam Curio speraverat. Cf. Caes. c. 30.

ib. *Μάρκελλος δὲ ἀναστὰς οὐκ ἔφη λόγων ἀκροάσεσθαι καθήμενος, ἀλλ' ὁρῶν ὑπὲρ τῶν Ἀλπεων ἤδη δέκα τάγματα βαδίζειν καὶ αὐτὸς ἐκπέμψειν τὸν ἀντιταξόμενον αὐτοῖς ὑπὲρ τῆς πατρίδος.*

Immo *ἐκπέμψων*. „Non ultra” ait „hic *desidere* volo sed et ipse me *in viam dabo* (vel *do*) ut mittam e. q. s.” Quid requireretur se intelligere demonstravit interpretes Didotianus sic vertens: „sed ... ipse quoque ibo ut emittam”. Verbum *ὁρῶν* non infinitivum sed participium hic flagitaret.

C. LXX „Quid bellum *inter se* gerunt Romani?” sic aliquem Pharsalicae pugnae aequalem disputantem inducit Plutarchus. „Nonne optimam partem orbis terrarum sibi iam subiecerunt? Quodsi illa non contenti bellum etiam sitiunt, Parthos vel Germanos armis suis petant”. Tum eundem haec addentem facit:

*πολὺ δὲ καὶ Σκυθία λειπόμενον ἔργον καὶ Ἰνδοί, καὶ πρόφασις οὐκ ἄδοξος ἐπὶ ταῦτα τῆς πλεονεξίας ἡμερῶσαι τὰ βαρβαρικά.*

Si absit *ἐπὶ ταῦτα* intelligam haec et genetivi *πλεονεξίας* constet ratio. Verum unde intulit pedem?

C. LXXVI Cum de fuga ad Parthos sermonem iniecisset Pompeius, insanum esse Theophanes Mytilenaeus clamavit Caesari primas partes concedere nolle

*Ἀρσάκην δὲ ποιῆσθαι κύριον ἑαυτοῦ τὸν μὴδὲ Κράσσου δυνηθέντα ζῶντος.*

Excidit hic *ἀπέχεσθαι* aliusve infinitivus in eandem sententiam.

*Comparatio Agesilai et Pompeii* c. IV Etiamsi verum fuit quod narrant Scipionem Pompeii socerum interversa pecunia quam ex Asia deportaverat ei persuasisse nullam in arca esse pecuniam ideoque proelium maturandum

παθεῖν οὐκ ᾤφειλεν ὁ στρατηγὸς οὐδὲ ῥαδίως οὕτω παραλογισθεῖς ἀποκινδυνεύσαι περὶ τῶν μεγίστων.

Quam vim hic verbum παθεῖν habeat nescio. Requiritur fere graviter animo ob eam rem commoveri, ita ut sedato animo deliberare quid sit agendum nequeas. An forte περιπαθεῖν legendum, vocabulum Plutarcho dilectissimum? Hoc opinor.

*Alexander* c. I Pictores imaginum suarum similitudines sumunt ἀπὸ τοῦ προσώπου καὶ τῶν περὶ τὴν ὄψιν εἰδῶν.

Ultimum vocabulum ut sanum sit metuo.

C. VII De Aristotele agens opponit hic inter se disciplinas leviores et eas

ἃς οἱ ἄνδρες ἰδίως ἀκροαματικὰς καὶ ἐποπτικὰς προσαγορεύοντες οὐκ ἐξέφερον εἰς πολλούς.

Requiritur, ut opinor, vocabulum, quo Aristotelis significentur provectiores discipuli.

C. XIX Philippus medicus, in suspicionem veneficii adductus, Alexandrum epoto iam medicamento, iubet

εὐθυμεῖν καὶ προσέχειν αὐτῷ.

Immo αὐτῷ: bono esse animo debet Alexander, si vult convalescere: de sua ergo cogitare debet salute, non de criminibus quibus petatur medicus.

C. XXVI Phari formam magnae urbi aptissimam sic describit:

ταινία γάρ ἐστιν ἰσθμῷ πλάτος ἔχοντι σύμμετρον ἐπιεικῶς διεργουσα λίμνην τε πολλὴν καὶ θάλασσαν ἐν λιμένι μεγάλῃ τελευτῶσαν.

Urbem ibi condendam polenta in solo nigro ita Alexandri delineabant comites:

κυκλωτέρῃ κόλπον ἦγον, οὗ τὴν ἐντὸς περιφέρειαν εὐθεῖαι βάσεις ὥσπερ ἀπὸ κρασπέδων εἰς σχῆμα χλαμύδος ὑπελάμβανον ἐξ ἴσου συναγουσαι τὸ μέγεθος.

Ecquis ista intelligit? Mihi merae caligines videntur.

C. XXVIII Narratio de Alexandro modo per iocum modo serio se Iovis filium dicente sic abrumpitur:

ὁ γοῦν Ἀλέξανδρος καὶ ἀπὸ τῶν εἰρημένων δηλὸς ἐστιν αὐτὸς οὐδὲν πεπονθὼς οὐδὲ τετυφωμένος.

*Abrumpitur* aiebam: ergo δ' οὖν legendum, non γοῦν.

C. XXX Darius, cognito uxorem suam ab Alexandro summo cum honore summaque cum pietate compositam, gravius aliquid et turpius morte suspicatur. Verba eius et alia et haec sunt, quibus ea suspicio nititur:

τί γὰρ εὐπρεπὲς ἀνδρὶ νέῳ πρὸς ἐχθροῦ γυναῖκα καὶ μέχρι τιμῆς τοσαύτης συμβέλλαιον;

Iure nonnulli codices καὶ omittunt, sed partem tantummodo veri servant illi: etiam εὐπρεπὲς abesse debet. Sensus enim hic est: „quae ratio intercedit inter iuvenem et hostis uxorem eiusmodi ut etiam ploret illam?”

C. XXXII Paulo ante magnum cum Dario proelium gravi oppressum somno narrant Alexandrum, e quo cum tandem expectatus esset, rogasse eum Parmenionem qui posset dormire tanto instante discrimine;

τὸν γοῦν Ἀλέξανδρον εἰπεῖν διαμειδιάσαντα· τί γάρ; οὐκ ἦδη σοι νενικηκέναι δοκοῦμεν;

Quasi vero ullius rei hic *ratio* reddatur, vel afferatur *argumentum*! Quantocius οὖν reponere.

C. XXXV Narrationem de Stephano puero parum intelligo. An censendus eam satis illustrasse interpres Didotianus, qui ministrum Alexandri haec dicentem facit:

„Visne, rex, medicamenti istius (de naphtha igitur) periculum in Stephano hoc faciamus? Si enim hunc quoque tangat, neque *corpore eius* restinguatur, vehementissimam omnino vim eius esse fatebor”?

Ipsius enim interpretis istud *corpore eius* est. Hoccine ergo narratiunculae argumentum ut scurra hoc dicat: „tam turpis aspectu ille est ut non solum amoris sed quamvis flammam statim restinguat”? Non obloquor. Sic enim puer ille a Plutarcho descriptus fuit: παιδαρίου παριστώτος εὐτελοῦς σφύδρα καὶ γελοίου τὴν ὄψιν.

C. XXXVI Vestes purpureas, quibus potitus sit Susis Alexander, ideo pristinum nitorem servasse aiunt quia in iis tingendis mel et oleum fuerint adhibita

καὶ γὰρ τούτων τὸν ἴσον χρόνον ἐχόντων τὴν λαμπρότητα καθάραν καὶ στίλβουσιν ὁρᾶσθαι.

Non, opinor, mel et oleum hic inter se comparantur sed de utroque praedicatur idem. Quid autem praedicatur? Quid unice in hunc locum convenit? Nempe eorum nitorem *diutissime* perstare. Lege ergo πλείστον vel μέγιστον vel eiusmodi aliquid pro ἴσον.

C. XXXVII Agitur de Lycii cuiusdam filio, qui aliquamdiu Alexandri exercitui viam monstravit

ὃν Φασιν, ἔτι παιδὸς ὄντος Ἀλεξάνδρου, τὴν Πυθίαν προειπεῖν, ὡς λύκος ἔσται καθηγεμὼν Ἀλεξάνδρῳ τῆς ἐπὶ Πέρσας πορείας.

Ain vero? Pythia *puerum vaticinata est!* Quis unquam sic est locutus? Et ut iam concedamus hic factum esse quod fieri non potuit, quam absurde nunc puero illi annectitur coniunctio ὡς. Qui sanae menti consultum volunt ὅ pro ὃν rescribant: „quod et puero etiamtum Alexandro Pythia est vaticinata, Lycum ei in bello Persico ducem fore”.

C. XXXVIII Quondam cum amicis Alexandro Susis epulas celebrante in quibus Thaidi morem gerens Darii regiam incendere coepit, milites Macedonici laeti et ipsi accurrebant

ἤλπιζον γὰρ ὅτι τοῖς οἴκοι προσέχοντός ἐστι τὸν νοῦν καὶ μὴ μέλλοντος ἐν βαρβάροις οἰκεῖν τὸ πιμπρᾶναι τὰ βατίλεια καὶ διαφθεῖρειν.

Aut, quod parum verisimile, ἤλπιζον hic absolute positum est („spei pleni erant”), aut post γὰρ excidit aliquid in hanc sententiam: „se mox domum reversuros”.

C. L Portentum quoddam, quod Clito evenerat, tamquam dirissimum vatibus interpretantibus statim pro eo sacra expiatoria peragi iussit:

καὶ γὰρ αὐτὸς ἡμέρᾳ τρίτῃ κατὰ τοὺς ὕπνους εἶδεν ὄψιν ἄτοπον.

Quemadmodum apparet e sequenti δόξαι γάρ, hoc vatibus narrat Alexander. Lege ergo ἰδεῖν pro εἶδεν.

C. LII Post Cliti caedem fractum deiectumque sic erigit Anaxarchus philosophus: en iacet rex ille et hominum veretur leges opinionisque

οἷς αὐτὸν προσήκει νόμον εἶναι καὶ ὄρον τῶν δικαίων, ἐπείπερ ἄρχειν καὶ κρατεῖν νενίκηκεν, ἀλλὰ μὴ δουλεῦειν ὑπὸ κενῆς δόξης κεκρατημένον.

Tam insolite et mire dictum hoc ut in νενίκηκεν aliud quid latere suspicer.

C. LVII προβάτου δὲ τεκόντος ἄρνη περὶ τῇ κεφαλῇ σχῆμα καὶ χρώμα τιάρης ἔχοντα καὶ διδύμους ἐκατέρωθεν αὐτοῦ κτέ.

„Ego haec non intelligo” Sinenisius annotat. Vellem semper tam candidus fuisset.

C. LX Scriptores rerum uno ore affirmant

τὸν Πῶρον ὑπεραίροντα τεσσάρων πηχῶν σπιθαμῇ τὸ μῆκος ἰπτότου μηδὲν ἀποδεῖν πρὸς τὸν ἐλέφαντα συμμετρίᾳ διὰ τὸ μέγεθος καὶ τὸν ὄγκον τοῦ σώματος.

Haecine intellexit Sinenisius, vel interpres Didotianus, qui haec dat: „Porum cubitorum quatuor et palmi longitudine fuisse, equitemque corporis magnitudine elephanto respondisse”? Video quid velit: „cum equo veheretur Porus, elephanto non minor erat”. Sed sic ἱππότην scribendum erat, lenis sane coniectura ... qua nihil proficimus: mox enim legimus non equo sed elephanto vehi solitum Porum.

C. LXXVII δυσζήλως δ' ἔχουσα (Rhoxane) πρὸς τὴν Στάτειραν ἐξηπάτησεν αὐτὴν ἐπιστολῇ τινι τεπλασμένη παραγενέσθαι.

Rectene ἐξηπάτησεν pro ἔπεισεν dictum?

Caesar c. III Dicitur Caesar sine controversia secundas tulisse eloquentiae

τὸ δὲ πρωτεῖον ὅπως τῇ δυνάμει καὶ τοῖς ὅπλοις πρῶτος εἷη μᾶλλον ἀσχοληθεὶς ἄλλοις ἀφεῖναι, πρὸς ὅπερ ἡ φύσις ὑφηγείτο τῆς ἐν τῷ λέγειν δεινότητος ὑπὸ στρατειῶν καὶ πολιτείας, ἣ κατεκτήσατο τὴν ἡγεμονίαν, οὐκ ἐξικόμενος.

Hic a Bryanno recepi ἄλλοις pro ἄλλ' sed id post, non ante, ἀσχοληθεὶς posui. Restat totius loci ingratisissima verbositas. Bis idem dicitur, primum breviter eleganterque (τὸ δὲ πρωτεῖον ... ἀφεῖναι), deinde magno verborum ambitu (πρὸς ὅπερ ... ἐξικόμενος). Praeterea ἡ πολιτεία minime obstat quominus aliquis

oratoriae arti det operam. In iis quae statim sequuntur (αὐτὸς δ' οὖν ὕστερον ἐν τῇ πρὸς Κικέρωνα περὶ Κάτωνος ἀντιγραφῇ κτέ. l. γοῦν quoniam *argumentum* affertur) ipse Caesar inducitur tantummodo *militares labores* excusans. Sat causarum, opinor, cur ista πρὸς ὅπερ . . . ἐξικόμενος sciolo reddamus.

C. IV Qui potest Antonius in Graecia, dum causam dicit apud *proconsulem*, tribunorum invocare auxilium?

ib. πολλὰ μὲν [ἐπὶ τῷ λόγῳ] περὶ τὰς συνηγορίας αὐτοῦ χάρις ἐξέλαμπε.

Deleantur inclusa.

C. V Populus Caesarem in deliciis habere coepit

ὥς ἡμερον ἄνδρα καὶ περίμεστον ἡθους.

Ultima vocabula quo sensu dicta sit non video.

C. IX De Bonae Deae sacris et alia et haec narrantur :

ὅταν οὖν ὁ τῆς ἑορτῆς καθήκῃ χρόνος, ὑπατεύοντος ἢ στρατηγοῦντος ἀνδρὸς, αὐτὸς μὲν ἐξίσταται καὶ πᾶν τὸ ἄρρεν.

Deesse hic aliquid censeo quo significetur consulis vel praetoris *domi* ea sacra fieri.

C. XI Notissima Caesaris ad amicos in Hispania verba sic referuntur :

οὐ δοκεῖ ὑμῖν ἄξιον εἶναι λύπης, εἰ τηλικούτος μὲν ὢν Ἀλέξανδρος ἤδη τοσούτων ἐβασίλευεν, ἐμοὶ δὲ οὐδὲν λαμπρὸν οὐπω πέπρακται;

Non est Graecum istud; lege οὐδὲν λαμπρὸν πω.

C. XIV ἐπὶ τοὺς ἐνίστασθαι μετὰ ξιφῶν ἀπειλοῦντας.

Immo vero ἐνστήσεσθαι.

C. XV Priorum ducum alium alia re superabat Caesar

τὸν δὲ πλῆθει καὶ βίᾳ πολεμίων οὗς ἐνίκησε, τὸν δὲ ἀτοπίαις καὶ ἀπιστίαις ἡθῶν ᾧ καθωμίλησε.

Rarior hic est verbi καθωμιλεῖν usus. Ne quis tamen dubitet

quin recte Wytttenbachius restituerit, conferat Cleom. c. XVII ubi inter se opponuntur *καθομιλῆσαι* et *βιάσασθαι* sicut hic *καθομιλῆται* et *νικῆσαι*. Est ergo *καθομιλεῖν*: homines (saevos trucesque) verbis et convictu sibi placidos reddere.

C. XVII Cum quondam Caesar in pauperis tugurium venisset vix uni homini recipiendo idoneum, „honorifica optimis, necessaria infirmissimis sunt concedenda” ait et

“Οππιον ἐκέλευσεν ἀναπαύσασθαι.

Hoc tum demum utcunque ferri posset si deinde legeremus per illam noctem Caesarem ambulavisse, sed sequitur:

αὐτὸς δὲ μετὰ τῶν ἄλλων ὑπὸ τῷ προστεγίῳ τῆς θύρας ἐκάθευδε ut satis absurde inter se opponantur *ἀναπαύεσθαι* et *καθεύδειν*. Rectissime vero omnia habebunt si restituerimus *ἐνδον* quod inter *ἐκέλευσεν* et *ἀναπαύσασθαι* excidit.

C. XVIII Post multos magnosque labores Helvetios vicit Caesar *καλῶ* δὲ τῷ τῆς νίκης ἔργῳ κρεῖττον ἐπέθηκε τέλος τὸ συνοικίσαι τοὺς διαφυγόντας ἐκ τῆς μάχης.

Istud τέλος ego addidi et sic dilectum Plutarcho restitui flosculum. Cf. XXXIX *ἔργῳ μεγάλῳ τέλος οὐκ ἐπέθηκε*.

C. XX Defecerunt Belgae impetumque fecerunt in Gallos Romanorum socios. Caesar vero

τοὺς μὲν ἄθρουστά τοις καὶ πλείστους αἰσχυρῶς ἀγωνισαμένους τρεψάμενος διέφθειρεν.

Adiectivum notatum non intelligo; fac esse superlativum a positivo *ἄθροος*, nihil in sequentibus legitur quod recte ei opponatur.

C. XXIX Tamquam si minime Caesarem metueret Pompeius non parabat exercitus

λίγοις δὲ καὶ γνώμαις κατεπολιτεύετο τῷ δοκεῖν Καίσαρα καταψηφιζόμενος ὧν ἐκεῖνος οὐδὲν ἐφρόντιζεν.

Haec sic a Plutarcho scribi non potuerunt. Quid sit *κατεπολιτεύεσθαι* τινα neque obscurum est et saepe docet ipse Plutarchus; est enim non armis sed artificiiis „politicis” superare adversarium, velut Meneclides ille *Ἐπαμεινώνδαν κατεπολιτεύσατο*



πολὺν χρόνον (Pelop. XXV). Pompeius vero Caesarem non κατεπολιτεύσατο verum κατεπολιτεύετο, superare eum conabatur et *vidi* videbatur. Hanc irriti conatus falsaeque spei notionem utcumque significavit simulque ut potuit verbi καταπολιτεύεσθαι vim illustravit sciolus in margine annotans τῷ δοκεῖν καταψηφίζόμενος.

C. XXXVIII Transponenda inter se esse vocabula ἐν τῷ στόματι et καὶ κινδυνεύσας demonstravi Mnem. 1904 p. 260.

C. XL Caesar Pompeium apud Dyrrachium obsidens quia neque pecunia abundabat neque frumento

χρόνου βραχέος ἰδὸκει περὶ αὐτῷ καταλυθήσεσθαι.

Aut participium aliquod, velut διελθόντος post βραχέος, aut, ante χρόνου, adverbium ἐντός excidit aut denique mirus hic est genitivi usus.

C. XLII Castris apud Pharsalum ab utroque positis

ὁ μὲν Πομπήϊος αὐθις εἰς τὸν ἀρχαῖον ἀνεκρούετο λογισμὸν τὴν γνώμην.

Novimus Herodoteum illud ὃ δαιμόνιοι μέχρι τέο πρύμναν ἀνακρούεσθε; Lepidissima ergo metaphora homo quid agat inscius, cum redit ad id quod reliquit, dicitur εἰς τὸν ἀρχαῖον ἀνακρούεσθαι λογισμὸν. Sed venustam locutionem corripit qui τὴν γνώμην addidit.

C. XLIV τῶν δὲ κεράτων τὸ μὲν εἶχεν Ἀντώνιος, αὐτὸς δὲ τὸ δεξιόν.

Ne putes ante εἶχεν excidisse ἀριστερόν, confer quod mox sequitur: τὸ μὲν αὐτὸς εἶχε τῶν κεράτων, τὸ δ' εὐώνυμον Δομίτιος. Consulto Plutarchus solitam variavit locutionem.

ib. Expectare hostes quam impetum in eos facere maluit Pompeius, nescius quam habeat vim incursio statim ab initio facta

ὥς ἔν τε ταῖς πληγαῖς βίαν προστίθῃσι καὶ συνεκκαίει τὸν θυμὸν ἐκ πάντων ἀναρριπίζόμενον.

Corruptum istud ἐκ πάντων ut suo ἐπιόντων sanaverit Emporius metuo. Quaerendum aliquid quod ταῖς πληγαῖς opponatur.

C. XLVIII Victoriae hunc esse iucundissimum fructum Caesar scripsit

τὸ σῶζειν τινὰς αἰ τῶν πεπολεμηκότων πολιτῶν αὐτῷ.

Et propter sententiam et propter constantem usum αἰεί ponendum est inter τῶν et πεπολεμηκότων.

C. XLIX Vix nando Alexandrinos effugit Caesar

ὅτε καὶ λέγεται βιβλίδια κρατῶν πολλὰ μὴ προέσθαι βαλλόμενος καὶ βαπτιζόμενος, ἀλλ' ἀνέχων ὑπὲρ τῆς θαλάσσης [τὰ βιβλίδια] τῷ ἑτέρῳ χειρὶ νήχεσθαι.

Importunius emblemata vidi numquam.

C. L Vocabula Latina *veni vidi vici*, cum similiter desinant οὐκ ἀπίθανον τὴν βραχυλογίαν ἔχουσιν

Plutarchus ait, sed quid sibi velit non video. An οὐκ ἀπ. fere est „haud ingratum”?

C. LII Ut vitaret oraculum de Scipionibus semper in Africa victoriam reportaturis, e suis copiis Scipionem quemdam, hominem nullius pretii, elegit qui semper in prima pugnaret acie ἀναγκαζόμενος πολλάκις ἐξάπτεσθαι τῶν πολεμίων καὶ φιλομαχεῖν.

Aliud quid requiritur, nam φιλομαχεῖν nemo cogitur. Et dum scribo, quid legendum sit video: Φυγομαχεῖν non solito quidem sensu (Φεύγειν τὴν μάχην) sed huic cognatissimo accipiendum (Φεύγοντα μάχεσθαι Parthorum instar). Eiusmodi praedantium proelia egregie decebat dux qualis ille Scipio erat.

C. LX Senatū concionesque vitans Caesar morbum suum excusabat

οὐ γὰρ ἐθέλειν τὴν αἴσθησιν ἀτρεμεῖν τῶν οὕτως ἐχόντων ὅταν ἰστάμενοι διαλέγωνται πρὸς ὄχλον κτ.

Haud dubie corruptum est αἴσθησιν. Requiritur aliqua pars corporis, quae et, quod mox legitur, σείεσθαι possit.

C. LXII τοῦτον (Brutum) ἐξ ἑαυτοῦ μὲν ὁρμήσαι πρὸς κατάλυσιν τῆς μοναρχίας ἤμβλυνον αἱ παρὰ Καίσαρος τιμαὶ καὶ χάριτες.

Immo ὁρμήσαντα.

*Phocion* c. II πόλις ἐν τύχαις ἀβουλήτοις γενομένη ψοφοδεὴς καὶ τρυφερόν ἐστι δι' ἀσθένειαν ἀνέχεσθαι παρρησίας, ὅτε μάλιστα δεῖται, τῶν πραγμάτων ἀναφορὰν ἀμαρτήματος οὐκ ἔχόντων.

Pro τρυφερόν exspectes adiectivum quod ét cum infinitivo construi possit ét conveniat in rempublicam *adversis* laborantem rebus: τρυφᾶν enim eius est qui otio et prosperitate abundat. Ultima exquisitius sunt enuntiata ita ut non statim a quovis intelligantur. Certe non intellexit interpretes Didotianus, cuius haec sunt: „quod *relaxationem* eorum quae peccantur status rerum non admittit”. Quae sensu cassa sunt neque quidquam ad *loquendi libertatem* pertinent. Verus sensus est: „*cum* res nullam peccatorum admittunt *correctionem*” i. e. cum tam anceps est reipublicae conditio ut peccata iam corrigi nequeant sed unus error eam statim prorsus pessumdet. Tum enim opus est viro forti qui oratione cives a peccatis retinere audeat.

C. VIII Mirum videri poterat quod populus Atheniensis in rebus gravioribus adulatorum nullam habebat rationem sed

τὸν αὐστηρότατον καὶ Φρονιμώτατον ἐκάλει τῶν πολιτῶν καὶ μόνον ἢ μᾶλλον ταῖς βουλήσεσιν αὐτοῦ καὶ ὁρμαῖς ἀντιτασσόμενον.

Supple post μᾶλλον quod facile excidere potuit ἄλλων, ut habeas id quod interpretes Didotianus requiri sensit: „eum qui unus aut *omnium maxime* . . . obsisteret”.

C. IX In fabula, quam quondam populo narravit Phocion, vir ignavus, corvorum audito clamore, sic locutus est:

ὕμεῖς κεκράξεσθε μὲν μέγιστον ὡς δυνατόν, ἐμοῦ δ' οὐ γεύσεσθε.

Immo ὡς δυνατόν μέγιστον.

C. XII Phocion cum exercitu in Euboeam missus ibi occupavit τινὰ λόφον χαράδρᾳ βαθείᾳ τῶν περὶ τὰς Ταμύνας ἐπιπέδων ἀποκρυπτόμενον.

Requiritur participium significans collem illa convalle a campis esse separatum. Coniicio ἀποκλειόμενον.

C. XVII Phocionis haec sunt verba Demosthenem aliosque reprehendentis quod Alexandrum irritent dum in proxima sit vicinia:

ἡμεῖς οὐδὲ βουλομένοις ἀπολέσθαι τούτοις ἐπιτρέψομεν οἱ διὰ τοῦτο στρατηγεῖν ὑπομένοντες.

In διὰ τοῦτο quid lateat dubito, sed fortasse sufficit cum B legere διὰ τούτους. Nam *propter cives* eorumque salutem viri graves, qualis est Phocion, ingratum imperandi laborem in se recipiunt.

#### C. XXI Harpalus Phocioni

προσέπεμψε διδοὺς ἐπτακόσια τάλαντα καὶ τᾶλλα πάντα καὶ μετὰ πάντων ἑαυτὸν ἐπ' ἐκείνῳ μόνῳ παρακατατιθέμενος.

Duo hinc sunt eximenda vocabula parva: prius καὶ quod structuram sententiae dissolvit et ἐπὶ quod cum *committendi* verbo iungi non potest.

#### C. XXIII Narrant a Leosthene victis Boeotis et Lamiam compulso Antipatro

τὴν μὲν πόλιν ἐλπίδος μεγάλης γενομένην ἐορτάζειν εὐαγγέλια κτέ.

Nihili locutio est ἐλπίδος μεγάλης γενέσθαι. Ergo pro μεγάλης restitue μεστήν.

#### C. XXX Menyllo, praesidii Macedonici duce, dona offerente Phocioni, ille respondit

μήτ' ἐκείνον Ἀλεξάνδρου βελτίονα εἶναι μήτε κρείττονα τὴν αἰτίαν ἐφ' ἣ λήφεται νῦν ὁ τότε μὴ δεξάμενος.

Expunge articulum ὁ. Ipsa enim Phocionis verba huiuscemodi fuerunt: „cur ego qui tunc dona recusaverim nunc ea accipiam?”

#### C. XXXII Mira locutio

τὴν τοῦ βασιλέως ἐπιμέλειαν ἔχων ὕφ' ἑαυτῷ

quam habeat vim non assequor. De Polysperchonte haec dicuntur.

*Cato minor* c. I Cum ad discendi venisset aetatem, Cato tarde percipiebat, sed quae semel perceperat firmiter retinebat:

ὁ δὲ καὶ πέφυκεν ἄλλως, τοὺς μὲν εὐφυεῖς ἀναμνηστικούς μᾶλλον εἶναι, μνημονικούς δὲ τοὺς μετὰ πόνου καὶ πραγματείας παραδεχομένους.

Corruptum adiectivum ἀναμνηστικούς videtur; absurdum enim est vocabula qualia sunt ἀναμνηστικός et μνημονικός *inter se* *opponere*. Requiritur adiectivum quod *percipiendi celeritatem* significet.



## DE OVIDIO IN EXSILIUM PROFICISCENTE

TR. I, 10, 15—20.

De nave qua vectus est poeta haec narrat vs. 15:

Quae simul Aeoliae mare me deduxit *in Helles* ...

Propter ea quae paulo post leguntur Loersius annotat: „*illa mare in Helles* ita capienda sunt, ut Nasonem aut minus definite loqui putemus, cum prope tantum Hellespontum fuerit et dicere debuisset *ad*, aut Hellesponti fines eum citra ipsas maris angustias extendisse”. Si in hoc solo versu res verteretur, audaci quidem sed non plane absurda coniectura, *ad* pro *in* legentes, nodum solvere possemus. Sed vs. 16 legitur:

Et longum tenui limite fecit iter.

Ergo non *intravit* solum navis Hellespontum, sed *ab initio ad finem* eum est emensa. Hoc nisi e verbis *longum iter et tenui limite* pro certo efficere possumus, praestat posthac quaecunque Latine scripta sunt missa facere, ne mentis obtundamus aciem. *Pervenit* ergo navis e mari Aegaeo per Hellespontum *in Propontidem*. Quid tum?

Fleximus in laevum cursus, et ab Hectoris urbe

Venimus ad portus, Imbria terra, tuos.

Inde .....

Threïciam tetigit fessa carina Samon.

Eodem modo quo in vs. 15 Loersius hic Merula sudavit docuitque: „poetam *nondum* venisse in Hellespontum, sed adhuc fuisse in Aegaeo illi propinquo, quod ipse videtur Hellespontum nominare”.

Quomodo haec res se habeat ut navis quae, non e Propontide per Hellespontum in Aegaeum mare, sed ex Aegaeo mari per Hellespontum in Propontida venerit, ad Troiam subsistat atque inde in Imbrum et Samothracen traiciat ..... ipse poeta erit rogandus si quando ab inferis erit excitatus. Tum simul nos doceat censeo, si verum sit quod primis elegiae XI versibus narrat:

Littera quaecunque est toto tibi lecta libello

Est mihi sollicito tempore facta viae

qui tam multis ante Marconium saeculis et alia multa-cognoscere

potuerit quae eo tempore in urbe evenerint et nobilem illum et facundum causarum patronum, ad quem scripta est elegia IX, strenue tunc operam dedisse ut miser poeta in patriam revocaretur.

Cum itinere autem, de quo Ovidius narrat, multa communia habet descriptum ab Apollonio iter (I, 922—935), quod totum hic citabo, idque ita ut communia illa a ceteris distinguantur:

Κεῖθεν (sc. ab insula Lesbo) δ' εἰρεσίῃ μέλανος διὰ βένθεα  
[πόντου

ἰέμενοι, τῇ μὲν Θρηκῶν χθόνα, τῇ δὲ περαιῖν  
Ἰμβρον ἔχον καθύπερθε· νέεν γε μὲν ἡελίοιο

925 δυομένου, Χερώνησον ἐπὶ προὔχουσαν ἴκοντο.

ἔνθα σφι λαιψηρὸς ἄη νότος, ἰστία δ' οὐρῶν  
στησάμενοι, κούρης Ἀθαμαντίδος αἰπὰ ῥέεθρα  
εἰσέβαλλον· πέλαγος δὲ τὸ μὲν καθύπερθε λέλειπτο  
ἦρι, τὸ δ' ἐννύχιοι Ῥοιτειάδος ἐνδοθεν ἀκτῆς

930 μέτρεον, Ἰδαίην ἐπὶ δεξιᾷ γαῖαν ἔχοντες.

Δαρδανίην δὲ λιπόντες ἐπιπροσέβαλλον Ἀβύδῳ,  
Περκώτην δ' ἐπὶ τῇ, καὶ Ἀβαρνίδος ἡμαθόεσσαν  
ἡϊόνα, ζαθέην τε παρήμειβον Πιτύειαν.

καὶ δὴ τῇ γ' ἐπὶ νυκτὶ, διάνδιχα νηὸς ἰούσης,

935 δίνῃ πορφύροντα διήνυσαν Ἑλλήσποντον.

Quid quod eadem in his inesse videtur confusio. Sed *videtur* tantummodo, nam, nisi omnia me fallunt, verbis πέλαγος . . . . γαῖαν ἔχοντες (928—930) non *continuetur* narratio sed quae breviter dicta iam sunt accuratius ibi explicantur ut appareat quomodo Lesbo Imbrum venerint. Ordine ergo Apollonius haec enumerat: Lesbum, Troiam, Imbrum, adventum ad Hellespontum, iter per Hellespontum. Sed cum quaedam ex his explicandi causa alieno loco inserta essent, facile qui Apollonium legebat in errorem poterat induci.

J. J. HARTMAN.

PIAE MEMORIAE  
ISAACI MARINI IOSUAE VALETON

QUI

EXEUNTE MENSE MARTIO

ANNI HUIUSCE SAECULI

UNDECIMI

AETATIS ANNO SEXAGESIMO SECUNDO

OBIIT.

---

Denuo luget Mnemosyne nostra!

Vixdum enim proximus huiusce bibliothecae fasciculus in lucem prodiit, cum ad nos nuntius perferebatur de obitu socii nostri

ISAACI MARINI IOSUAE VALETONIS

viri praestantissimi, cuius grato animo pioque colimus colemusque memoriam.

Quamdiu enim vixit, praeclarum omnibus, quibus nostrae artes cordi sunt, exemplum dedit virtutum quae verum bonumque efficiunt philologum.

Erat in eo haud vulgare ingenii acumen, doctrina magna solidaque, laboris appetens magis quam fugiens industria: quo quodque argumentum obscurius esset impeditiusque, eo maiore ardore se totum ei dedere videbatur.



Quarum virtutum documento sunt et doctae illae accurataeque disputationes, quas huic Bibliothecae, cui per quinque lustra praefuit, inserendas curavit, paucas quidem sed quas maximi semper fecerunt idonei de rebus, in quibus totus ille erat, iudices.

Et omnino cordi ei erat Mnemosyne nostra, quae quod etiam Historiae Antiquae et Antiquitatibus, quae dicuntur, strenue consuluit, Valetoni praesertim acceptum est referendum.

Qualisque ante XXV annos Valetio fuit talem se praestitit extremo vitae tempore, cum morbo exhaustus debilisque tamen nihil remittebat in variis gravibusque officiis, quae integris susceperat viribus.

In ipso cecidit proelio strenuus miles, morienti dextra decus legionis suae vindicans.

Ave pia anima!

N.

v. L.

H.

# AD SCRIPTORES HISTORIAE AUGUSTAE.

SCRIPSIT

P. H. DAMSTÉ.

(Continuantur e pag. 194).

---

Scriptores Historiae Augustae iterum  
recensuit H. Peter. Volumen alterum.  
Lipsiae MDCCCLXXXIII.

TREB. POLLIONIS VALERIANI DUO 1. 5 *de longioribus exemplis et fortasse interioribus nihil dico.*

Pro *interioribus*, quae codicum mss. omnium lectio est, Peterus Obrechtium secutus *inferioribus* recensuit spreta Eyssenhardtii coniectura *integrioribus*, cum olim vulgo *ignotioribus* ederetur.

Emenda *incertioribus*.

2. 1 *at captum Valerianum principem [principum] non satis gratulor, magis gratuler, si redderetur.*

Expungatur vocabulum, quod uncis inclusi, utpote e ditto-graphia antecedentis ortum.

TREB. POLLIONIS GALLIENI 5. 3 *auditum praeterea tonitruum terra mugiente, non Iove tonante, quo motu ipsae multae fabricae devoratae sunt cum habitatoribus, multi terrore emortui.*

Legendum est *quo motu ipso*.

5. 6 *Saevente fortuna, cum hinc terrae motus inde hiatus soli ex diversis partibus pestilentia orbem Romanam vastaret, e. q. s.*

Pro *ex* corrige *et*.

6.8 *Ac ne quid mali deesset Gallieni temporibus, Byzantium civitas, clara navalibus [bellis], claustrum Ponticum, per eiusdem Gallieni milites ita omnis vastata est, ut prorsus nemo superesset.*

Vocabulum a me inclusum aliquem addidisse suspicor cui voc. *navalia* notio non satis liqueret.

8.1 *iam primum inter togatos patres et equestrem ordinem albato milite et omni populo praeunte, servis etiam prope omnium et mulieribus cum cereis facibus et lampadis praecedentibus Capitolium petit.*

Restituendum est *servis etiam propinquorum omnium*; cf. Treb. Poll. Claudius 2.6: *amavit propinquos.*

9.5 *quidam scurrae miscuerunt se Persis, diligentissime scrutantes omnia atque unius cuiusque vultum mira inhiatione mirantes.*

Immo potius *mira inhiatione rimantes.*

11.5 *Areopagitarum praeterea cupiebat ingeri numero contempta prope re publica.*

Si quid mutandum est, potius scribendum videtur *contempta propria re publica* quam Scaligero duce post *prope* inserendum *Romana.*

17.2 *nec defuit Annius Cornicula, qui eum quasi constantem principem falso sua voce laudaret. [peior tamen ille qui credidit.]*

E codicum mss. scriptura *falsu* lectio genuina *falsa* sua voce reponenda est. Ultima verba in marginem reicienda sunt, unde iniuria in textum irrepserunt.

17.3 *saepe ad tibicinem processit, ad organum se recepit, cum processui et recessui cani iuberet.*

Emenda *processui aut recessui.*

20.3 *nam cum cingula sua plerique militantium, qui ad convivium venerant, ponerent hora convivii, Salonius puer sive Gallienus his auratos costilatosque balteos rapuisse perhibetur, et, cum esset difficile in aula Palatina requirere quod perisset, ac tacitis vultibus viri detrimenta pertulissent, postea rogati ad convivium cincti adcubuerunt.*

Legendum est *postea rogati ad convivium cuncti cincti ad-cubuerunt*, cuius lectionis codex Palatinus servare videtur vestigium, quippe qui pro *cincti* a prima manu *cuncti* exhibeat.

21.2 *quamvis aliqui non parum in se virtutis habuisse videantur, multum etiam rei publicae profuisse.*

Voc. *aliqui* ante *multum repetitum* fuisse ibique rescribendum puto.

TREB. POLLIONIS TRIGINTA TYRANNI 3.9 *virum quem ego prae ceteris stupeo, et qui locum principis mereatur iure.*

Conicio *qui locum principis mereatur inire.*

6.3 *qui et ipse . . . . composita factione Agrippinae percussus Victorino filio Caesare a matre Vitruvia sive Victoria, quae mater castrorum dicta est, appellato.*

Corrige *Agrippinae est percussus.*

7.1 *De hoc nihil amplius in litteras est relatam, quam quod nepos Victoriae Victorini filius fuit et a patre vel ab avia sub eadem hora, qua Victorinus interemptus, Caesar est nuncupatus ac statim a militibus ira occisus.*

Locus e Victorini vita supra allatus (6.3) emendandum esse demonstrat *a matre vel ab avia*; ceterum sequentia sic constituenda videntur: *qua Victorinus interemptus est, Caesar nuncupatus.*

7.2 *Extant denique sepulchra circa Agrippinam, brevi marmore impressa [humilia], in quibus titulus est inscriptus:*

Vocabulum, quod uncinis inclusi, verborum antecedentium glossam duco.

8.2 *de hoc quid amplius requiratur ignoro nisi quod eum insigniorem brevissimum fecit imperium.*

Ratio postulat *referatur.*

8.3 *Et vita quidem strenuus ac militaribus usque ad imperium gradibus evectus, quem e. q. s.*

Legendum est *Fuit vita quidem strenuus*. Pro *vita*, quod in Peteri editione est, apud Iordanum et Eyssenhardtium recensitum est: *vir*; utra sit lectio tradita e neutra editione patet. Haec sane commendatur 10.8: *Fuit*, quod negari non potest, *vir* in militari re semper probatus.

8.10 *ars mihi obiciatur ferraria, dum me et exteræ gentes ferrum tractasse suis cladibus recognoscant. in Italia . . . denique, ut omnis Alamannia e. q. s.*

Post verba *in Italia* lacunam esse Richterius Petero persuasit; antea coniecturis locum restituere conati sunt, Casaubonus *efficiam* — Baehrens *ut Italia denique* proponentes, Eyssenhardtius verba *in Italia* delevit. At de loco suo detrusa sunt, qui est in versu superiore, nam ita legendum esse Marii sententia plane comprobatur: *ars mihi obiciatur ferraria in Italia, dum me et exteræ gentes ferrum tractasse suis cladibus recognoscant, denique e. q. s.*

9.1 *neque in quoquam melius consultum rei publicæ a militibus videbatur, [quam] quod instantibus Sarmatis creatus est imperator, qui fessis rebus mederi sua virtute potuisset.*

Voc. *quam*, a me inclusum, a nescio quo additum esse suspicor, qui id post comparativum *melius* male abesse crederet.

10.1 *Fati publici fuit, ut Gallieni tempore quicumque potuit, ad imperium prosiliret. Regilianus denique in Illyrico ducatum gerens imperator est factus auctoribus [imperii] Moesis.*

Inspidum emblemata uncinis significavi.

10.12 *Arcus Sarmaticos et duo saga ad me velim mittas, sed fibulatoria, cum ipse misi de nostris.*

Verba *ipse misi* corrupta esse credo, veram autem lectionem esse *cum epistulis de nostris*; cf. § 10 in eadem hac Claudii epistula: felicem Gallienum, etiamsi ei vera nemo nec de bonis nec de malis nuntiat.

10.15 *mirabile autem hoc fuit in Valeriano principe, quod omnes, quoscumque duces fecit, postea militum testimonio ad im-*

*perium pervenerunt, ut appareat senem imperatorem in diligendis rei p. ducibus talem fuisse, qualem Romana felicitas, si continuari fataliter potuisset, [sub bono principe] requirebat.*

Verba, quae uncinis saepsi, expungenda esse ipse verborum tenor facile docet. Nimirum ascripta sunt ad verba praecedentia *Romana felicitas, si continuari fataliter potuisset* illustranda.

11. 2 *et cum Macrinus cum filio suo Macriano contra Gallienum veniret cum plurimis, exercitus eius cepit, aliquos corruptos fidei suae addixit.*

Legendum existimo *veniret, plurimos exercitus eius cepit, aliquos* cet. inducto *cum*, quod e versu superiore male hic repetitum originem corruptelae fuisse suspicor. Plurimos autem exercitus illos triginta milium militum fuisse e c. 12. 14 et c. 13. 3 apparet.

11. 3 *cumque Gallienus expugnare virum fortem frustra temptasset, pacem cum eo contra Posthumum pugnaturus fecit.*

Verbum *fecit*, quod in codicibus mss. non legitur, vulgo addi solet ad sententiam explendam. Nescio tamen an melius suppleatur *pacem cum eo* <con*tr*axit> contra Posthumum pugnaturus.

12. 1 *quaerentibus etiam militibus principem unum in locum concesserunt quaerentes, quid faciendum esset.*

Post principem excidisse videtur: *bonum*; cf. § 4 infra: et ego, quod negare non possum, bonum principem quaero.

13. 3 *hic enim vehemens cum prudentissimo patre, cuius merito imperare coeperat, a Domitiano victus triginta dixi superius milibus militum spoliatus est.*

Pro *vehemens* corrige *veniens*, cl. c. 11. 2: et cum Macrinus cum filio suo Macriano contra Gallienum veniret, c. 12. 12: factus est igitur cum Macriano et Quieto duobus filiis .... imperator ac statim contra Gallienum venire coepit. Ceterum sollemnis scriptori formula <ut> dixi superius reddatur, quoniam voc. *ut* post *triginta* a librario omissum est.

18. 10 *ex quadam provincia unam tantum speciem praebere iussit, quod ea redundaret, atque ab ea milites submoveri.*

Pro quod scribendum est: *quoad*. Post ab ea sententia mihi quidem flagitare videtur: *postea*; sin altera lectio ex quaque provincia vera est, olim scriptum fuisse atque ab ea milites subinde submoveri potius crediderim.

21.6 *sed statua eius videtur, quadrigae autem, quae decretae fuerant, quasi transferendae ad alium positae sunt nec adhuc redditae. nam in his locis fuerunt* e. q. s.

Locum corruptum alii aliter restituere conati sunt. Ego temptavi: *quasi transferendae ad alium posi<tum as porta>tae nec adhuc redditae*.

22.3 *cum quadam die cuiusdam servus curatoris, qui Alexandriam tunc regebat, militari ob hoc caesus esset, quod crepidas suas meliores esse quam militis diceret, collecta multitudo ad domum Aemiliani ducis venit* e. q. s.

Non video, quomodo dictum servi, crepidas suas meliores esse quam militis, quemquam offendere potuerit; quis non laudaret potius tale animi contenti documentum? At verba eius contumeliosa fient, si vocabulo *militari* transposito eum loquentem feceris, *crepidas suas meliores esse militari quam militis*. Quodsi iustus verborum ordo sic restitutus erit, dubito an etiam lectio tradita *militare* servanda sit, pro qua editores olim *militarie* scribere solebant, hodie fere cum Salmasio *militari* ponunt.

22.7 *Alexander denique vel Alexandrinus . . . virtutum merito vocatus est. et cum contra Indos pararet expeditionem, misso Theodoto duce Gallieno iubente dedit poenas, cet.*

Quandoquidem supra non nisi bona ac secunda Aemiliani memorata sunt, vitium in codicibus nostris frequentissimum latere atque corrigendum *sed cum contra Indos* satis perspicuum est.

24.3 *versus denique illius fertur, quem statim ad Aurelium scripserat: 'Eripe me his, invicte, malis'.*

Pro *statim* Peterus scripsit: *furtim*, sed veram lectionem esse puto: *saltem* cl. Treb. Poll. Gallieni 21.2: neque enim digni sunt eorum plerique, ut volumen talium hominum *saltem* no-

minibus occuparetur, Trig. Tyr. 31. 6: ita ut de familia tam sancta et tam nobili saltim pauca referantur, Claudius 13. 1: quoniam res bellicas diximus, de Claudii genere et familia saltim pauca dicenda sunt, Vopisci Aurelianus 24. 9: breviter saltem tanti viri facta in litteras mittam, ibid. 29. 1: de qua pauca saltem libet dicere.

26. 2 *quem cum alii archipiratum vocassent, ipse se imperatorem appellavit. monetam etiam cudi iussit. Palatium in arce Isauriae constituit.*

Post *iussit* ex haplographia excidisse credo *et*.

27. 1 *Zenobia . . . rem publicam optinuit, parvulos Romani imperatoris habitu praeferens [purpuratos] eosdemque adhibens contionibus. Verbum, quod uncinis inclusi, delendum est.*

30. 1 *eo usque perventum est, ut Gallieno nequissime agente optime etiam mulieres imperarent et quidem peregrina enim nomine Zenobia . . . imperavit.*

Ita codices mss. Gruterus post *imperarent* plene distinguens verba *et quidem* induxit, quem Iordanus et Eyssenhardtius sequuntur. Peterus quoque punctum posuit post *imperarent*, sed verba *et quidem* retinens pro *enim* scripsit *etiam*. Aut eequidem fallor aut locus hoc uno vitio laborat, quod *voc. optime* de loco suo detrusum est; legendum enim credo:

*ut Gallieno nequissime agente etiam mulieres imperarent et quidem optime. peregrina enim nomine Zenobia . . . imperavit.*

Cf. in hac vita § 5, 8, 10 et Claudius 1. 2: si quidem eo res processit, ut mulierum etiam vitas scribi Gallieni comparatio effecerit.

30. 12 *nam cum semel concubisset, [expectatis menstruis] continebat se, si praegnans esset, sin minus, iterum potestatem quarendis liberis dabat.*

Tollendum est additamentum insipidum.

31. 5 *quos ego in unum volumen idcirco contuli, ne de singulis, si singula quaeque narrarem, nascerentur indigna fastidia [et ea, quae ferre lector non posset].*



Verba, quae uncis saepsi, ab aliquo ad *indigna fastidia* illustranda in margine ascripta atque postea in textum recepta esse manifestum est.

33.2 *cum in agro suo degeret senex atque uno pede claudicans vulnere, quod bello Persico Valeriani temporibus acceperat, factus est <imperator et> scurrarum ioco Claudius appellatus est.*

Verba *imperator* et post Gruteri tempora addita esse videntur, sed lacunam temere ita expletam esse censeo atque locum sic melius restituere mihi videor: *acceperat, <imperator> factus et scurrarum ioco Claudius appellatus est.* Partes similes verborum *acceperat* et *imperator* fortasse causa est, propter quam hoc vocabulum omissum sit, quo facto scilicet *et in est* mutatum est.

TREB. POLLIONIS CLAUDIUS 5.2 *his accedit quod rogantem Aureolum et foedus petentem imperator gravis et serius non audivit.*

Ad verbum *rogantem* requiritur voc. *vitam*, quod excidisse credo; cf. 11.5, ubi de Claudio in epigrammate:

*vitam qui iure negavit*

*omnibus indignis et magis Aureolo.*

Etiam in Claudii responso: 'Haec a Gallieno petenda fuerant' numerus pluralis Aureolum plura petiisse comprobatur.

6.2 *denique Scytharum diversi populi . . . in Romanum solum in rep. venerunt atque illic pleraque vastarunt.*

Haec in libris mss. leguntur; postea nimirum emendatum est *in rem p.*, dein: *et rem p.*, denique Salmasio auctore verba ab editoribus deleta sunt praeter Peterum, qui ingeniose pro *in rep. venerunt* scripsit: *inruperunt*.

At tamen veram lectionem ita restitutam esse dubito; infra c. 7.3 de iisdem gentibus dicitur: 'trecenta viginti milia barbarorum in Romanum solum armati venerunt', unde mihi succurrit, litteras *in rep.* formam mutilam esse atque nostro quoque loco scriptum olim fuisse: *in Romanum solum armati venerunt atque illic pleraque vastarunt*.

8.4. Magna victoria de Gothis reportata Claudius ad Iunium Brocchum dedit epistulam, quae, si editoribus credendum est,

§ 4, 5, 6 continetur neque quicquam nisi proelium commissum commemorat. At, hercle, multo longiorem eam fuisse aio, nam minime dubium mihi quidem est quin sequentia quoque verba (c. 9 § 1—5: *Et utinam Gallienum . . . colonus e Gotho.*), quibus de Gallieno et de tyrannis ei aequalibus sive Treb. Pollio seu Claudius multos questus effundit, epistolae illi attribuenda sint. Quod si semel perspexeris, èt *nostra diligentia* (9.2) optime positum neque cum Madvigio in *vestra dil.* immutandum videbis èt ipsum Pollionem post epistolam descriptam verbis *nec ulla fuit regio* (9.5) suam rerum narrationem iuste persequi.

9.2 *si quidem nunc verba naufragii publici colligit nostra diligentia ad Romanae rei publicae.*

Ita libri mss., in quibus si cum Salmasio *ac Romanae rei p.* correxeris, cl. Vopisci Aurel. 9.3 e. a., unum vocabulum *verba* emendandum restabit. Quoniam e multis coniecturis a viris doctis propositis nulla hucusque editoribus satis placuit, meam iis addere libet; nempe persuasum habeo veram ac genuinam lectionem esse: *si quidem nunc membra naufragii publici* cet. Cf. Vopisci Carus l. 4: triginta etiam prope tyrannorum . . . caesa civilium membra sibimet vindicantium, Ovid. A. A. I. 412: vix tenuit lacerae naufraga membra ratis.

10.3 'Tu, qui nunc patrias gubernas oras  
et mundum regis, arbiter deorum,  
in . . . . . veteres tuis novellis;  
regnabunt etenim tui minores  
et reges facient suos minores'.

Lacunam, quae in hac sorte est, critici varie explere sunt conati; Peterus, Salmasio obsecutus, recensuit: *tu vinces* veteres tuis novellis. Propter litterarum sequentium similitudinem versum ita restituere malim:

*invertes* veteres tuis novellis.

12.1 *Fuerunt per ea tempora et apud Cretam Scythae et Cyprum vastare temptarunt, sed ubique morbo atque <fame> exercitu laborante superati sunt.*

Pro *ubique* corrige *ibi quoque*, cl. 11.3: nam cum se

Haemimontum multitudo barbararum gentium, quae superfuerant, contulisset, illic ita fame ac pestilentia laboravit, ut iam Claudius dedignaretur et vincere.

13.2 *Claudius Quintillus et Crispus fratres fuerunt.*

Emenda *Claudio*, nam frater imperatoris alibi nusquam duobus nominibus indicatur, sed semper et ubique uno nomine Quintillus fruitur, et cf. 13. 9: Ipsi Claudio liberi nulli fuerunt, Quintillus duos reliquit, Crispus, ut diximus, filiam.

VOPISCI AURELIANUS 1. 4 *cui cum ego respondissem neminem a me Latinorum, Graecorum aliquos lectitatos, dolorem gemitus sui vir sanctus per haec verba profundit.*

Pro *gemitus sui* Peterus scripsit: *ingemiscens*, alii alia protulerunt. Scriptum olim fuisse suspicor: *dolorem ingenii sui*.

4. 3 *habuisse quin etiam nonnihilum divinationis, adeo ut aliquando marito suo iurgans ingesserit, cum eius et stultitiam increparet et vilitatem: 'En imperatoris patrem'.* [ex quo constat illam mulierem scisse fatalia.]

Verba, quae inclusi, in marginem releganda sunt.

9. 4 *ille liberator Illyrici, ille Galliarum restitutor, ille dux magni totius exempli.*

Vocabulum *totius* multi emendare studuerunt, Peterus ipse *totus* scripsit, at in mentem mihi venit, fieri posse ut non corruptum, sed de loco suo deturbatum sit, qui locus forsitan fuerit ante *Illyrici*.

15. 1 *nam et actae sunt Crinito a Valeriano gratiae, et adoptio, ut solebat, impleta.*

Pro *Valeriano* sine dubio scriptum fuit: *Aureliano*.

17. 1 *extat epistula, quam ego, ut soleo, fidei causa, immo ut alios annalium scriptores fecisse video, inserendam putavi.*

Verba *fidei causa*, quae nunc post *soleo* leguntur, post *video* traicienda sunt, quippe quae ad verba *inserendam putavi* pertineant. Cf. 20. 4: Epistula Aureliani de libris Sibyllinis. nam ipsam quoque indidi ad fidem rerum.

18.3 *nam dum is a fronte non curat occurrere, subito erumpentibus, dumque illos a dorso persequi parat, omnia circa Mediolanum graviter evastata sunt.*

*Verbis subito erumpentibus locus suus reddatur, qui est ante omnia.*

19.3 *sero ad fatalia iussa respicimus more languentium, qui ad summos medicos nisi in summa desperatione non mittunt, proinde quasi peritioribus viris maior facienda sit cura, cum omnibus morbis occurri sit melius.*

*Sententiae ratio postulat ut emendetur: proinde quasi periculosissimis maior facienda sit cura, cum omnibus morbis occurri sit melius.*

24.3 *verum Apollonium Thyanaeum, celeberrimae famae auctoritatisque sapientem, [veterem philosophum,] amicum verum deorum, ipsum etiam pro numine frequentandum, e. q. s.*

*Verba, quae uncinis cinxi, a nescio quo ascripta et deinde in textum recepta sunt.*

24.5 *norat vultum philosophi venerabilis Aurelianus atque in multis eius imaginem viderat templis.*

*Pro atque restitue: ut qui.*

25.3 *cumque Aureliani equites fatigati iam paene discederent ac terga darent, subito vi numinis, quod postea est proditum, hortante quadam divina forma per pedites etiam equites restituti sunt.*

*Legendum videtur: subitanei numinis, cl. § 5: verum illic eam formam numinis repperit, quam in bello sibi faventem vidit.*

29 1. *meministis enim fuisse in templo Iovis optimi maximi [Capitolini] pallium breve purpureum lanestre.*

*Nomen a me inclusum expungatur. Cf. Vop. Probus 15.4: has Iovi optimo maximo ceterisque diis deabusque immortalibus vestris manibus consecrate, atque etiam 12.1.*

29.3 *nam postea diligentissime et Aurelianus et Probus et*

*proxime Diocletianus missis diligentissimis confectoribus requisiverunt tale genus purpuræ nec tamen invenire potuerunt. dicitur enim sandyx Indica talem purpuram facere, si curetur.*

Pro nam olim scriptum fuisse credo: *quam*, quod ad purpuram referretur in verbis antecedentibus: *Sume purpuram, qualis apud nos est*; cum vero *quam* in nam corruptum esset, a nescio quo inserta esse verba *tale genus purpuræ*, quæ locus ipse, quem obtinent, coarguit.

33.2 Zenobia . . . . *sperans se urbem Romanam cum eo visuram. quod illam non fefellit, nam cum eo urbem ingressa est victa et triumphata.*

Corrige sodes: *ingressa est <sed> victa et triumphata.*

34.3 *praeferebantur coronae omnium civitatum aureae titulis eminentibus proditæ.*

Immo potius *praeditæ.*

39.4 *amnestia etiam sub eo delictorum publicorum decreta est de exemplo Atheniensium [cuius rei etiam Tullius in Philippicis meminit]. fures provinciales [repetundarum] ac peculatus reos ultra militarem modum est persecutus, ut e. q. s.*

Quis inepta hæc additamenta Vopisco deberi credit?

43.3 *colligunt se quattuor vel quinque atque unum consilium ad decipiendum imperatorem capiunt.*

Pro unum quin adverbium *una* sit reponendum equidem vix dubito.

49.7 *calceos mullos et cereos et albos et hederacios viris omnibus tulit, mulieribus reliquit.*

Verbum *tulit* recte legi neque sollicitandum esse docent Vop. Probus 13. 8, Ael. Lampr. Commodus 10 in medio, Alex. Severus 5. 1, 15 i. f.

VOPISCI TACITUS 2.4 *coeptum est quaeri, equis fieri deberet ex omnibus princeps. tunc odio praesentium exercitus, qui creare imperatorem raptim solebat, ad senatum litteras misit, . . . . petens, ut ex ordine suo principem legerent.*

Aliquando conieci legendum esse: *ex omnibus <exercitibus>*, cl. 7.3: habetis principem, quem de sententia omnium exercituum senatus elegit; nunc vero post *ex omnibus* propter litterarum similitudinem excidisse credo: *ordinibus*, cf. Ael. Lampr. Heliogabalus 3 i. i.: excitatisque omnibus ordinibus.

6.3 *scit enim, qualem sibi principem semper optaverit nec potest aliud nobis exhibere quam ipse desideravit et voluit.*

Pro *aliud* rescribe: *aliud* et cf. Vop. Probus 12.1: qui nobis principem talem, qualem semper optabamus, dederunt, et Vop. Carinus 18.4: quales principes semper oravimus.

8.1 *habet in bibliotheca Ulpia in armario sexto librum elephantinum, in quo hoc senatus consultum perscriptum est, cui Tacitus ipse manu sua subscripsit.* [nam diu haec senatus consulta, quae ad principes pertinebant, in libris elephantinis scribebantur.]

Verba, quae uncinis inclusi, non a Vopisci manu profecta esse puto, qui haud ita multo post Taciti tempora vixit, sed ascripta ab homine posteriore:

11.8 *Legit sane senex minutulas litteras ad stuporem nec unquam noctem intermisit, qua non aliquid vel scriberet ille vel legeret praeter posterum kalendarum diem.*

Pro *ille* scriptum fuisse opinor: *ipse*.

16.4 *Et Floriani liberi et Taciti multi extiterunt* [quorum sunt posteri credo millesimum annum expectantes].

Putidum emblema, quod indicavi, non pridem expulsum esse miror.

16.6 *vir Aureliano, Traiano, Hadriano, Antoninis, Alexandro Claudioque praeferendus, nisi quia in illis varia, in hoc omnia praecipua iuncta fuere.*

Peterus *nisi* uncis inclusit, sed suspicio mihi non abest quin olim scriptum fuerit: *si quidem* in illis varia e. q. s.

VOPISCI PROBUS 1.5 *sed non patiar ego ille, a quo dudum solus Aurelianus est expetitus, cuius vitam quantum potui persecutus,*

*Tacito Florianoque iam scriptis non me ad Probi facta conscendere.*

Obiter monere volo, Eysenhardtium iniuria de suo *expeditum* scripsisse; nempe in capite primo Vitae Aureliani Vopiscus expetitus est sc. a Iunio Tiberiano multis verbis aliis et hisce (§ 8): tu velim Aurelianum ita ut est, quatenus potes, in literas mittas. Accedit quod, si Eysenhardtii lectio recepta erit, verbis quae proxime sequuntur obtrudetur tautologia frigidissima.

2. 6 *illud tantum contestatum volo me et rem scripsisse, quam si quis voluerit honestius eloquio celsiore demonstret et mihi quidem id animi fuit non Sallustios Livios Tacitos* e. q. s.

Verba ita ut sunt tradita exprimenda curavi. Post Casaubonum multi locum sanare conati sunt, sed omnes male ei consuluisse credo eo quod post *demonstret* plene distinguendum esse putarunt. Equidem mutatione exigua illata (*fuisse ut pro fuit*) sic locum constituo:

*illud tantum contestatum volo me et rem scripsisse, quam . . . demonstret, et mihi quidem id animi fuisse ut non Sallustios* e. q. s.

8. 3 *quin etiam cum de praedato, sive ex Alanis sive ex aliqua alia gente incertum est, repperitus esset equus non decorus neque ingens, qui* e. q. s.

Pro *repperitus* requiro sollemne in tali re verbum: *reportatus* atque ad ipsam narrationem Ed. Wolffium v. d. revoco, qui nuper (Woch. f. kl. Phil. 1911 n° 2) scripsit „Der Parforceritt eines Partherfürsten”.

8. 4 *deinde in urnam milites iussit <nomen suum> mittere.*

Ita Peterus lacunam explevit, alii uno vocabulo *nomen*. Equidem numerum pluralem malim, cl. § 7: ipsis etiam militibus, quorum nomina exierant, id volentibus.

10. 2 *non inepta neque inelegans fabula est scire, quem ad modum imperium Probus sumpserit:*

Conicio: *ciere*.

23. 5 *eant nunc, qui ad civilia bella milites parant, in ger-*

*manorum necem arment dexterarum fratrum, hortentur in patrum vulnera liberos et divinitatem Probo derogent.*

Emendandum est: *pascant vel quaerant.*

24. 1 *Posteri Probi vel odio vel invidiae timore Romanam refugerunt et in Italia circa Veronam ac Benacum et Larium atque in his regionibus larem locaverunt.*

Peterus scripsit: *Romanam rem fugerunt*, sed mihi quidem praestare videtur: *Romanam aream fugerunt.*

24. 2 *haruspices responderunt, huius familiae posteros tantae in senatu claritudinis fore, ut omnes summis honoribus fungerentur, sed adhuc neminem vidimus [posterius autem aeternitatem habere videntur, non modum].*

Expelle additamentum manifestum!

VOPISCI FIRMUS SATURNINUS, PROCULUS ET BONOSUS 1. 2 *quid Marius Maximus, homo omnium verbosissimus, qui et mythistoricis se voluminibus implicavit, num ad istam descriptionem curamque descendit?*

Emenda ad iustam descriptionem curamque.

6. 3 *cum et Livius et Sallustius taceant res leves de is, quorum vitam arripuerunt.*

Pro *vita*, quod in libris mss. legitur, Salmasio auctore editores *vitam* recensere solent, sed potius crediderim restituendum esse: *vitae*.

7. 4 *sunt enim Aegyptii, ut satis nosti, venti ventosi, furibundi, iactantes, iniuriosi atque adeo vani, e. q. s.*

Pro *venti*, quod Eyssenhardtus delet, vulgo *viri* legitur; malim: *mente*.

8. 2 *nemo illic archisynagogus Iudaeorum, nemo Samarites, nemo Christianorum presbyter non mathematicus, non haruspex, non aliptes.*

Codices mss., qui *aliptas* exhibent, verae lectionis servarunt vestigium, qua de causa reponas: *alipta est*.



10. 4 *nam et in Africa rhetori operam dederat, Romae frequenter pergulas magistrales. et ne longius progrediar, dicendum est e. q. s.*

Post *dederat* particula *et* excidit, perperam exarata est post *magistrales*.

12. 8 *Gloriatur, ut vides, rem ineptam et satis libidinosam atque inter fortes se haberi credit, si criminum densitate coalescat. Emenda concallescat; cf. Cic. ad Att. IV. 18. 2.*

VOPISCI CARUS 1. 2 *nam cum ducta per tempora variis vel erecta motibus vel adflecta, nunc tempestate aliqua nunc felicitate variata omnia prope passa esset, e. q. s.*

Pro *ducta* corrige *cuncta*.

*ibid. videbatur post diversitatem malorum iam secunda continuata felicitate mansura.*

Malim *diversitates*, cl. 2. 1: quas varietates sit passa Romana res p., 3. 6: amans varietatum semper et prope inimica fortuna iustitiae.

3. 1 *sed socialibus [adflecta] discordiis extenuato felicitatis sensu usque ad Augustum bellis civilibus adfecta consenuit.*

Verbum, quod uncinis inclusi, e versu inferiore hic quoque per errorem depictum est. Quod si quis in sacrarum membranarum verba iuratus tueri velit, legere possit *confecta consenuit*, cl. Numerianus 12. 1: 'quod illi aegritudinis genus vigilia utpote confecto familiarissimum fuit', sed vetat sana ratio, nam scriptor voluit: sed cum sensus felicitatis discordiis socialibus extenuatus esset, respublica, usque ad Augustum bellis civilibus adfecta, consenuit.

6. 2 *Felix autem esset nostra res p., si, qualis Carus est aut plerique vestrum, plures haberem in actibus conlocatos.*

Scriptum fuisse suspicor: *et plerique vestrum*.

8. 1 *Mesopotamiam Carus cepit et Ctesifontem usque pervenit occupatisque Persis domestica seditione [imperatoris] Persici nomen emeruit. Inclusi vocabulum haud dubie postea insertum.*

8.5 *coruscationum deinde ac tonitruum in modum fulgurum igniti sideris continuata vibratio omnibus nobis veritatis scientiam sustulit.*

Conicio *in modum figurarum igniti sideris.*

VOPISCI NUMERIANUS 11.2 *nam et cum Olympio Nemesiano contendit, qui ἀλιευτικὰ κυνηγετικὰ et ναυτικὰ scripsit inque omnibus coloniis illustratus emicuit.*

Pro voce *coloniis* alii alia proposuerunt; equidem restituendum puto: *inque omnibus collegiis.*

13.1 *Diocletianum . . . Augustum appellaverunt, domesticos tunc regentem, virum insignem, callidum, amantem rei p., amantem suorum et ad omnia, quae tempus quaesiverat, temperatum, e. q. s.*

Verbum *temperatum*, a multis varie temptatum, corruptum credo e *comparatum*.

13.2 *educto gladio Aprum praefectum praetori ostentans percussit, addens [verbis suis]: 'Hic est auctor necis Numeriani'.*

Verba, quae uncinis saepsi, aliquem addidisse puto ad denotandum Diocletianum hoc loco usum esse verbis suis, non alienis ut infra § 3: dixisse autem dicebat Diocletianum, cum Aprum percussisset: 'Gloriare, Aper, Aeneae magni dextra cadis!'

VOPISCI CARINUS 16.8 *fastidium subscribendi tantum habuit, ut inpurum quendam, cum quo semper meridie iocabatur, ad subscribendum poneret, quem obiurgabat plerumque, quod bene suam imitaretur manum.*

Loci acumen plane me fugere profiteor, nisi scriptum fuerit *quod non bene s. i. m.*

#### AD MINUCII FELICIS OCT. 22. 6.

Quid ipse Iuppiter vester? modo inerbis statuitur, modo barbatus locatur; et cum Hammon dicitur, habet cornua, et cum Capitolinus, tunc gerit fulmina, e. q. s.

Emenda: *trina* gerit fulmina.

Minucius *trini* pro *tres* usurpare solet, cf. 22. 5: Trivia trinis capitibus et multis manibus horrida; tela autem trisulca Iovis et alibi apud veteres frequentantur et Ovid. Am. II. 5. 52.

P. H. D.

## EMENDATUR HORATIUS CARM. II. 16. 4.

In Horatii odarum libro secundo carminis decimi sexti exordium vulgo ita legitur:

*Olum divos rogat in patenti  
prensus Aegaeο, simul atra nubes  
condidit lunam, neque certa fulgent  
sidera nautis.*

Satis mirum videtur, omnes quod sciam interpretes latuisse, traditam lectionem servari non posse, quippe cum epitheton *prensus* non habeat quo referatur neque nominis substantivi vice latine fungi possit. Nec tamen vox ipsa *prensus* vitio laborat; iusto enim iure Wickham adnotat: '*prensus*, κατὰ ληφθεις, apparently a technical word for „caught in a storm” as „deprensus”, Virg. G. 4. 421'. Ibi haec habemus: 'deprensis olim statio tutissima nautis'; verbum eodem sensu adhibitum occurrit apud Stat. Theb. I. 370: 'velut hiberno deprensus navita ponto'; deinde apud Lucret. VI. 429 et Catull. 25. 12.

Nemo autem ignorat, saepius nostrum in carminibus sapphico metro conscriptis subiectum cum emphasi quadam in strophae fine posuisse, velut I 2. 21—24; 10. 9—12; 12. 41—44; cett. Cumque multo plura huius rei exempla apud Venusinum suppeditent, equidem mihi persuasi, hoc quoque loco versum quartum ita restituendum esse:

*Olum divos rogat in patenti  
prensus Aegaeο, simul atra nubes  
condidit lunam neque certa fulgent  
sidera, nautas.*

Facillime hoc vitium nasci potuisse, cum praesertim in carm. I. 12. 27 sqq. legatur:

.... quorum (Tyndaridarum sc.) simul alba nautis  
stella refulsit,

res ipsa declarat neque quemquam, puto, latebit.

H. WAGENVOORT H. FIL.

ADNOTATIONES CRITICAE  
AD  
APPIANI HISTORIAM ROMANAM.

SCRIPSIT

S. A. NABER.



Appiani Alexandrini Romanarum Historiarum  
quae supersunt. Edidit Joh. Schweighäuser. Lips.  
1785.

Appiani Alexandrini Historia Romana ab Imm.  
Bekkero recognita. Lips. 1852.

Appiani Historia Romana. Edid. Ludov. Mendelsohn. Volumen prius. Lips. 1879.

Appiani Historia Romana. Edid. Paulus Viereck. Volumen alterum. Lips. 1905.

Appianus narraturus quae nationes imperio Romano pareant, ab occidentali parte incipit et postquam e longinquo Britanniam insulam verbo salutavit, fingit se intrare fretum Gaditanum et iam ordine enumerabit gentes quae occurrunt Africae littus legenti. Omnium primi sunt, p. 3. 8 <sup>1)</sup>, *Μαυρουσιῶν ὅσοι περὶ τὴν θάλασσαν*, quod ne tum quidem recte dictum foret, si Maurusii etiam Hispaniam tenuissent, sed tuto reponere poterimus: *παρὰ τὴν θάλασσαν*, quemadmodum legimus p. 11. 5: *Σαυνίταις οἱ παρὰ τὸν Ἰόνιον ᾤκηται* et p. 118. 24: *παρὰ τὸν Ἰόνιον οἰκῆσαι*. Itidem perperam editur p. 4. 19: *Θρηκῶν ὅσοι περὶ τὸν Εὐξείνιον*, sed recte p. 5. 10: *Κόλχοι παρὰ τὴν Εὐξείνιον θάλασσαν ᾤκημένοι*. Redit idem vitium p. 779. 1.

---

1) Ubique usus sum numeris Bekkerianis, quae simplicissima ratio est.

Pag. 5. 2: τούτων περί καὶ ἐφ' ἐκάστου δηλώσω τὰ κριβέστατα. Quod correxeram τὰ κριβέστερα, id brevi post cognovi itidem placuisse Mendelssohnio. Est Appiani textus paulo facilius ad emendandum, nam eadem locutiones apud eum saepe ad satietatem usque recurrunt: usurpat quidem superlativum ἀκριβέστατον, sed multo saepius comparativum praetulit. Veluti p. 662. 8: εἴρηται δ' ὁμῶς ἐς ἀκριβέστατον φίλον Καίσαρι, ita correxit Henr. Stephanus p. 800 Schw., sed in libris invenitur comparativus. Itaque recte fortasse p. 113. 20: ἀκριβέστατα μὲν ἐν τῇ Ἰβηρικῇ συγγρηφῇ δεδήλωται, sed ne nimis sibi arroget, postquam egit de finibus imperii p. 5. 18, non plus profiteri audet quam se ὡς ἐγγύτατα ἔλθειν τοῦ ἀκριβοῦς. Vide praeterea comparativum p. 696. 27: τῆς ὕβρεως γνωσθείσης ἀκριβέστερον et p. 657. 25: τὰ κριβέστερα περὶ τοῦ φόνου καὶ τοῦ δημοσίου πάθους. Quod legitur p. 726. 25: ἐπήλπιζε περιμεινάντας ἐς ἔω τὰ κριβέστατα μαθεῖν, recte, uti opinor, Herwerdenus correxit τὰ κριβέστερα, sed nunc contradicit Viereckius, qui vulgatarum lectionum paulo tenacior esse solet; equidem consimili loco p. 140. 10: παρ' αἰχμαλώτου τὰ κριβέστατα μαθών, itidem comparativum longe praeferam. Pariter p. 539. 17: φυλάττειν αὐτοὺς μέχρι τὰ κριβέστατα μάθωσι, eadem correctione utar. Etiam p. 227. 21: μεταδύσοντας αὐτῇ τὰ κριβέστατα, multum dubito itane recte scribatur.

Ridicule editur p. 10. 32 Appianum scripturum esse primo libro τὰ τῶν βασιλέων ἔργα ἅπαντα ἐφ' ἑαυτῶν, ὡς ἐγένετο. Corrige: ὅσ' ἐγένετο.

Pag. 14. 15: ἐδέοντό τε οἶκτον λαβεῖν τινὰ τοὺς Σαβίνους σφῶν τ' αὐτῶν καὶ κηδεσῶν καὶ ἐγγόνων καὶ θυγατέρων. Immo praestat: θυγατριδῶν.

Pag. 14. 19: συγγιγνώσκοντες ἤδη μὴ καθ' ὕβριν εἰργάσθαι ταῦτα Ῥωμαίους. Recte hoc quidem, et tamen praefero Ῥωμαίοις, ut εἰργάσθαι passivum verbum sit.

Pag. 16. 12. Leguntur apud Suidam Coriolani verba ad Volscos: ὅτι πατρίδα καὶ γένος ἀλλὰ ξάμενος ἦκοι, ubi necessarium est

futurum: ἀλλαξόμενος. Sed quod continuo sequitur: τὸ μὴ δὲν ἡγησάμενος ἢ τὰ τῶν Οὐολούσκων ἀντὶ τῆς πατρίδος αἰρήσεσθαι βουλευθεῖς, non ea est Appiani interpretatio, sed ipsius Suidae, qui participium βουλευθεῖς coniungere potuit cum futuro infinitivi, qui error non cadit in Appianum. Apparet praeterea dubitavisse lexicographum dicereturne πατρίδα ἀλλάττεσθαι de vetere patria quam quis deserit an de nova quam vult sibi adsciscere. Rem conficit p. 215. 4: τὰ ἐν Τύρῳ καταλιπόντες ἡλλάξασθε Λιβύην.

Pag. 22. 15: εἰ μὴ ὁμώσειεν ὅτι λύσει τῷ πατρὶ τὴν δίκην καὶ ὁ μὲν ὤμοσε καὶ διέλυσεν. Corrigam: διαλύσει. Cf. p. 25. 16, 30. 17, 82. 6, alibi.

Pag. 23. 31. Apud Furculas Caudinas Pontio filio pater suasit quod omnes norunt: ἴσθι νίκην τήνδε πρῶτην καὶ μεγίστην θησαυρίζειν τὴν εὐτυχίαν. Obscura verba sunt; lux fiet si scripseris: (μετὰ) νίκην τήνδε. Quid hic sit θησαυρίζειν Schweighauserus dicit p. 156.

Pag. 28. 21. Tarenti, nam haec quoque historiola notissima est, τὸ θέατρον ἐπαιζεν ὥς ἐπὶ γελοῖῳ. Hic quid requiratur, nimirum ἐπαιώνιζεν, duo loci ostendent: p. 725. 3: οἱ δ' ἀκούσαντες ἐπαιώνισαν τε καὶ ἡσπάζαντο ἀλλήλους ἐπὶ διπλλαγῇ, et p. 869. 9: ἐπαιώνιζον αὐτίκα ἅπαντες ὥς ἐπ' εἰρήνῃ.

Pag. 30. 4. Rheginus medicus Decium Campanum, qui oculis laborabat, χρίσας τοῖς κατακαίουσι καὶ δαπανῶσιν ἐκέλευσεν ἀνασχέσθαι τοῦ πόνου μέχρι αὐτὸς ἐπανέλθοι. Quae est ea orationis scabrities? Offensionem omnem vitabis scribendo ἰοῖς κατακαίουσι. Vide modo p. 395. 5: Μιθριδάτην θεράπευον Ἄγαροι, Σκυθικὸν ἔθνος, ἰοῖς ὄφρων ἐς τὰς θεραπειὰς χρώμενοι. Tam lene remedium in tam gravi morbo tamdiu latuisse! (ΤΟΙΣ — ΙΟΙΣ).

Pag. 30. 13. Audi quid deinde factum sit: Decius caecus φυλασσόμενος ἐπιμελῶς οἷα πηρὸς ἐκυτὸν διεχρήσατο. Quod vides, plane contrarium requiritur itaque Schweighauserus ἀμελῶς commendavit, Bekkerus autem (οὐ) φυλασσόμενος. Neutrum

mihi magno opere placet: incidi in ἀτμημελῶς. Appianus adiectivum ἀτμημέλητος habet p. 800. 14.

Pag. 39. 20: τοῦ δ' οἴνου καὶ τῶν ἄλλων ἄδην ἐνεπίμπλαντο οἱ Κελοί. Inseram: τῶν ἄλλων (ἀγαθῶν)· vide modo p. 49. 16: τὴν γῆν μεγάλων ἀγαθῶν γέμουσαν et p. 32. 14: κοινωνόν τῶν παρόντων ἀγαθῶν.

Pag. 20. 18: λιμὸς ὁμοῦ καὶ λοιμὸς ἐπέλαβε Ῥωμαίους. Hoc breve Appiani fragmentum servatum fuit in Anecdotis Bekkeri p. 146. 7, sed imprimis operae pretium est animadvertere quam saepe istiusmodi sermonis elegantiae apud Appianum recurrant. Veluti supra iam habuimus p. 9. 19: λιμοὶ τε καὶ λοιμοὶ συνεχεῖς καὶ σάσεις. Tum p. 109. 17: τεθριωμένοις δὲ τὰ σώματα ὑπὸ λιμοῦ καὶ λοιμοῦ. P. 384. 9: τὰ νεκρὰ σφῶν ἀγχοῦ ἄταφα ῥιπτούμενα λοιμὸν ἐπῆγεν ἐπὶ τῷ λιμῷ. P. 584. 17: ἐς λοιμὸν ἐκ λιμοῦ τοὺς πολεμίους περιφέρειν. Denique p. 764. 28: λιμὸν ὁμοῦ καὶ λοιμὸν ἐνοχλοῦντα τότε Αἰγύπτῳ. Imitatur Appianus Hesiodum et Herodotum VII. 171; cf. Cobet. *Mnem.* 1882 p. 216 et 237.

Pag. 45. 23: τοὺς Καρχηδονίους ἀσθενεῖς καὶ ταπεινοὺς ὄρωντες. Hic omissum sane est participium ὄντας, sed inserere noli et receptam lectionem sollicitare. Quod saepissime apparet, Appiano fere perinde est addatne participium nec ne. Invenio v. c. p. 103. 11: τὸν σῆτον ἔχειρεν ἔτι χλωρόν, p. 114. 29: λεγόμενος δὲ καὶ ὑπὸ τοῦ πατρὸς ἐπὶ βωμῶν ἔτι παῖς ὀρκωθῆναι, sed de eadem re, p. 53. 2: ἐλέγετο δὲ καὶ παῖς ὦν ἔτι ὑπὸ τοῦ πατρὸς ὀρκωθῆναι, et eiusmodi exempla conquirere facillimum est. Cf. Viereck. p. 491. 13.

Pag. 48. 32: οἵτινες δ' αὐτὴν οἰκῆσαι πρῶτοι νομίζονται. Aut plurimum fallor aut omnino legendum est οἰκίσαι. Itidem p. 49. 6: δοκοῦσι δέ μοι καὶ Φοίνικες οἰκῆσαι τίνα τῆς Ἰβηρίας, utere eadem correctione, uti et 251. 31: ἐπηράσαντο εἰ τις οἰκήσειεν αὐτὴν et p. 426. 2: Σκιπίωνα Σκορδίσκους ἐς τὸν Ἰστρον καὶ τὰς νήσους τοῦ ποταμοῦ μετοικῆσαι Φυγόντας. Illud verbum οἰκίζειν apud Appianum minime rarum est: vide

simplex verbum p. 111. 23: πόλιν δ' ᾠκουν μιγάδες Κελτιβήρων, οὓς Μάριος ᾠκίκει πρὸ πέντε ἐνιαυτῶν et p. 55. 12: τὴν πόλιν ᾠκίζειν αὐθις. Sunt composita verba ἐποικίσαι p. 83. 2, συνοικίσαι p. 252. 29 et 85. 7; item ἀνοικίσαι p. 75. 11: αὕτη τὰς βραχυτέρας πόλεις ἀνῶκιζεν ἐς αὐτήν et medium ἀνοικίσασθαι p. 208. 25: ἀνοικίσασθε ὅπῃ θέλετε τῆς ὑμετέρης, item p. 211. 18 et 239. 32. Perfectum ᾠκῆσθαι vel si mavis Ionice οἰκῆσθαι apud Herodotum haud infrequens est: dixi de hoc verbo *Mnem.* 1855 p. 4; hunc quoque usum Appianus imitatur p. 73. 30: Λούσωνες εἰ περὶ τὸν Ἰβηρα ᾠκῆνται et p. 426. 11: ὅσα ἄλλα ὅμορα τοῦτοις ᾠκῆται. quocirca p. 336. 2: Ἑλλήνων τοὺς ἐπὶ τοῦ Πόντου κατῶκισμένους, tuto licebit corrigere κατῶκημένους. Semel, si bene memini, in Appiani libris verbum πολίζειν invenitur, nempe p. 85. 11: ἐκέλευεν ἐν τῷ πεδίῳ περιμένειν μέχρι πολίσειεν αὐτοὺς ἐπελθόν, ubi omnino malim: αὐτὸς ἐπελθόν.

Quam fuerit Appianus geographiae imperitus, nusquam luculentius apparet quam p. 51. 25, ubi diserta verba sunt de Ibero flumine: ἐξίησιν ἐς τὸν βόρειον ὠκεανόν. Nempe confudit Iberum cum Tago, sicuti p. 55. 15 confundit Saguntum et Carthaginem Novam, qui non minus puerilis error est. Nihil fortasse mirum est tempore belli Punici secundi plebeculam Romanam tam turpiter locorum ignaram fuisse — quamquam quis facile crediderit talem inscitiam cecidisse in eos qui cum exercitu in Hispania fuissent? — sed tercentis annis post neminem certe decebat scribere historiam et negligere situm locorum, quae multi iamdudum cognoverant. Scribit Strabo III p. 166 Cas.: ὅσα βάρβαρα καὶ ἐκτετοπισμένα καὶ μικρόχωρα καὶ διεσπασμένα, τούτων ὑπομνήματα οὕτ' ἀσφαλῆ ἐσιν οὔτε πολλά. ὅσα δὲ δὴ πόρρω τῶν Ἑλλήνων, ἐπιτείνει τὴν ἄγνοϊαν. Deinde indignabundus addit quae itidem αὐτολεξεῖ describam: οἱ δὲ τῶν Ῥωμαίων συγγραφεῖς μιμοῦνται μὲν τοὺς Ἕλληνας, ἀλλ' οὐκ ἐπιπολύ· καὶ γὰρ ἃ λέγουσι, παρὰ τῶν Ἑλλήνων μεταγράφεουσιν. ἐξ ἑαυτῶν δ' οὐ πολὺ μὲν προσφέρονται τὸ φιλεῖδημον. ὥσθ' ὁπόταν ἑλλειψις γένηται παρ' ἐκείνων, οὐκ ἔστι πολὺ ἀναπληρούμενον ὑπὸ τῶν ἐτέρων. Appiani negligentiam si Strabo cognoscere potuisset, acriter, credo, exagitasset ineptias hominis Romani quidem, sed qui Graecorum studiis innutritus fuerat. Sed



nostra studia ita constant: haud raro turbidis fontibus contenti simus oportet. — Illud quoque, quod nunc annectam, ad rem aliquatenus pertinet: p. 81. 27 scriptor describit quid Luculli milites in obsidione Interctatae urbis perpessi sint: οἶνον γὰρ οὐκ ὄντος οὐδ' ἄλων οὐδ' ὄξους οὐδ' ἐλαίου, πυρούς καὶ κριθᾶς καὶ ἐλάφων κρέα πολλὰ καὶ λαγωῶν χωρὶς ἄλων ἐψόμενα σιτούμενοι κατερρήγνυντο τὰς γαστέρας καὶ πολλοὶ καὶ ἀπώλλυντο. Hic aliquantulum miror salis penuriam, nam Hispani utebantur et maritimo et fossicio: vide modo Strabonem III p. 143 Cas.: apud Turditanos, inquit, ἅλεις τε ὀρυκτοὶ εἰσι· καὶ ποταμῶν ἁλμυρῶν ρεύματα οὐκ ὀλίγα· οὐκ ὀλίγη δ' οὐδ' ἡ ἐκ τῶν ὕψων ταριχεῖα, οὐκ ἔνθεν μόνον, ἀλλὰ καὶ ἐκ τῆς ἄλλης τῆς ἐκτὸς σελῶν παραλίας, οὐ χεῖρον τῆς Ποντικῆς. Notabile autem fame laboravisse Romanum militem, quum carne abundaret: convenit p. 102. 1, ubi ex severa Scipionis disciplina militibus τὰ σιτία ὥριστο κρέα ζεσὰ καὶ ὀπτὰ εἶναι. Nec multo aliter, Tacit. Annal. XIV 24, in Armenia Corbulonis milites per inopiam et labores fatiscabant, carne pecudum propulsare famem adacti. Itidem Caes. Bell. Gall. VII 17: usque eo, ut complures dies milites frumento caruerint et pecore e longinquiore vicis adacto famem sustentarent.

Pag. 59. 29: ἡλίου δύναντος, collata p. 776. 20: δύνοντος τοῦ θεοῦ, tuto reponere licebit δύνοντος. Ceterum circa usum verbi δύνειν in nostro Appiani textu, quantum observavi, non erratur, nisi quod p. 625. 26 legitur: τὴν ἐσθῆτα ἀπεδύσατο et nimis ridicule dictum est p. 474. 4 = 550. 25 δούλων ἐσθῆτας ὑποδύντες, cf. Cobet. *Mnem.* 1882 p. 215. Compositum περιδύνειν ter invenitur: p. 753. 18, 864. 14 et 865. 6.

Verbum ἄλλεσθαι apud Appianum habet primum aoristum ἄλασθαι, sed sex aliis locis, haud satis scio an perperam, aoristus secundus est ἀλέσθαι, p. 61. 19, 144. 12, 286. 12, 648. 26, 828. 18 et 875. 15.

Recte Appianus distinguere solet inter adiectiva πάτριον, πατρῶν et πατρικόν, nec mendum subest nisi duobus locis, quorum alterum, pag. est 642. 30, Cobetus sanavit, *Mnem.* 1882 p. 219,

cum scriberet Iovem non *πάτριον*, sed *πατρῷον* esse dicendum. Alter legitur p. 61. 21: ἡ μὲν δὴ πόλις ἔθυσεν ἐπὶ τρεῖς ἡμέρας ὡς τῆς πατρῷας εὐπραξίας ἐκ πόνων πολλῶν αὐθις ἀνκυπτούσης. Sermo est de Carthagine Nova omnium expectatione celerius capta eaque certe fuit imperatori non *πατρῷα* sed *πατρία εὐπραξία*, cum pater et patruus in eadem provincia mortem obiissent. Sed praeterea *πατρικὸν φίλον* de more Appianus dicit p. 597. 1, rarius autem multo est, quod invenio p. 263. 1, *πατρικὸς ἐχθρός*.

Pag. 63. 31: ἀναζευξαι μὲν οὐκ εὐπρεπὲς ἡγεῖτο εἶναι Σκιπίων· hic noli delere proprium nomen tamquam plane inutiliter additum, sed cum Nipperdeio refinge ut fiat: Σκιπίωνι. Hoc modo apud Appianum dum sese efferunt, suum sibi proprium nomen libenter usurpant: ecce exempla: pag. 65. 2: ἐπικουρεῖτε κινδυνεύοντι ὑμῶν τῷ Σκιπίωνι, modo cum Stephano corrigas: *προκινδυνεύοντι*. Pag. 340. 10: αἰσιούμενος ἄρα ἔνθαπερ Ἀλέξανδρος ἀνεπαύσατο καὶ Μιθριδάτην σαθμεῦσαι. Pag. 410. 16: τοῦτο μὲν οὐκ ἔφη ποτὲ ὑποσῆσθαι Μιθριδάτης γε ὦν. Pag. 800. 11: Brutus Cassium ἐμακάριζεν ὁμοῦ φροντῖδων καὶ ἀνίας ἀπηλλαγμένον, αἱ Βροῦτον ἐς ποῖον ἄρα τέλος ὁδηγοῦσιν; Pag. 642. 4: ὑμετέραν καὶ οὐκ Ἀντωνίου τάδε Φωνὴν εἶναι τιθέμενος, ἀναγνώσκει. Pag. 684. 1: αὐτοὺς δ' εἶδέναι οὔτε ὦμόν οὔτε σμικρολόγον Ἀντώνιον. Pag. 318. 24: ὑπερόψει μὲν οὕτως Ἀντίοχον, ὑπερόψει δ' ἐπ' αὐτῷ καὶ Σέλευκον. Denique pag. 488. 10: σὺ τολμᾷς κτεῖναι Γάιον Μάριον. Sed sic solent omnes et omnes ita loqui occasione data solemus eodemque referendum illud: Οὐ φροντὶς Ἰπποκλείδῃ. Alibi proprium nomen interpolatum deprehendimus, veluti p. 602. 24: τοιοῦτοις ἄρα κατὰ [Μιθριδάτην] τὸν τοῦδε πατέρα πολεμῶν ἀνδράσι.

Pag. 64. 1: τὴν στρατιὰν ἐς ἐπήκοον ἐλάσας. Corrige cum Nipperdeio: *καλέσας*. Reiskius aliter nec melius apud Schweigh. p. 236.

Pag. 68. 20: ὥρκωσαν τοὺς ἀρίστους καὶ τὰ γύναια καὶ τοὺς παῖδας ἀνελεῖν καὶ τὸ πῦρ ἄψαι καὶ ἑαυτοὺς ἐπικατασφάξαι. Primum vide quod iam aliquoties observavimus, eadem ab Ap-

piano plus semel plane iisdem verbis enunciata fuisse, nam verba recurrunt pag. 776. 29: τὸ πῦρ ἄψαντες ἑαυτοὺς ἐπικατέσφαξαν. Praeterea notandum ἀνελεῖν esse infinitivum futuri temporis, quocirca reponendum est ἄψειν et ἐπικατασφάξειν. Iam multis saeculis ante Appianum futurum illud ἐλεῖν pro αἰρήσειν usu receptum fuit, veluti exempla satis crebra apud Polybium cum cura collegi *Mnem.* 1857 p. 343. Apud Appianum vide simplex ἐλεῖν p. 138. 25, ἀνελοῦμεν p. 192. 4, ἀνελοῦντα p. 390. 7, ἀνελοῦσιν p. 756. 3, alibi fortasse. Cobetus in *Mnem.* 1882 p. 222 attulit p. 745. 7: εἰ δὲ καὶ τὰ χρήματα προσαφέλοισθε, περισήσετε εἰς ἀπρέπειαν ἀναξίαν γένους et reposuit προσαφελεῖσθε. Idem ibidem p. 227 exscripsit p. 797. 22: ἐπισρέφων ἐς τὸ διατείχισμα τοῦ Κασσίου — ὡς ἐξελῶν αὐτὸ καὶ παροδεύσων ἐς τὸ τοῦ Κασσίου στρατόπεδον, rectissime mutato accentu cum Schweighausero emendavit ἐξελῶν. Duos praeterea locos enotavi nondum correctos, pag. 214. 32: ἐναγίζετε αὐτοῖς ἐπερχόμενοι καὶ τοῖς ἱεροῖς θύειν εἰ θέλετε ἐπίοντες, τὰ δὲ λοιπὰ καθέλωμεν, ubi praeterea vide quam nihil intersit inter ἐπερχόμενοι et ἐπίοντες. Alter locus legitur p. 259. 16: εἴ τις ἐξέλοι τοὺς Μακεδόνων βασιλέας, ἐπιδραμεῖται ῥαδίως. Sed iam nemo dubitabit quin corrigendum sit καθελοῦμεν et ἐξελεῖ.

Pag. 68. 29: τὰ παῖδια κατέσφαξαν καὶ τὸ πῦρ ἐγείραντες ἑαυτοὺς ἐπέριψαν. Aut fallor aut per errorem articulus irrepsit et praestat: κῆτα πῦρ ἐγείραντες. Addam p. 134. 18: πίσαν αὐτοῦ τοῖς μηχανήμασιν ἐπερίπτουν, οἱ δὲ καὶ ἐκδραμόντες ὑπέθηκαν, ubi supplendum (πῦρ) ὑπέθηκαν. Sed quod p. 253. 30 narratur fit praeter rei naturam: τοὺς δὲ ἐς τὴν γῆν μέχρι γαστρὸς κατάρυσσε, καὶ περιτοξεύων ἢ ἐσακοντίζων ἔτι ἐμπνέουσι πῦρ ὑπετίθει. Hic melius certe foret ἐπετίθει, sed fieri potest ut gratior corruptela lateat.

Pag. 75. 16: στρατεύεσθαι Ῥωμαίοις προσέτασεν. Lege: συστρατεύεσθαι, coll. p. 78. 4, 80. 16, 89. 1, aliis multis locis.

Pag. 78. 20: τὸν Μάρκελλον ἡξίου ἐς τὰς Γράγκχου συνθήκας

ἀναγαγεῖν. Malim: ἀναγράφειν. Cf. p. 260. 21: ἐς τοὺς Ῥωμαίων συμμάχους ἀνεγράφοντο, et ubi non.

Pag. 92. 25. Nisi quid me fugit, Ionica forma θεραπευτήρ quinque apud Appianum occurrit: similiter διαλλακτήρ bis, nam saepius invenitur communis omnium forma διαλλακτής.

Pag. 93. 31. Sunt formae minime Atticae διέπτησαν p. 781. 11 et p. 791. 3 πτάντες, quas non magis sollicitabo quam id quod legitur p. 223. 30: ὅπη τι ἀμελούμενοι ἴδοι, ἐφίπτατο ἐξ ἀφανοῦς ὥς τις αἰτός. Hinc itidem tuebor p. 779. 15: ἐπεφαίνετο ἄφνω καὶ ἀφιπτάμενος ἠνώχλει. Sed, fatebor enim, id quod invenio p. 93. 31: ὀξείως μεθιπταμένους δυσεργές ἡγούμενος καταλαβεῖν, libenter cum Henrico Stephano correxerim: μεθις αμέ- νους et eadem correctione utar p. 779. 10: περιθέοντός τε καὶ μεθιπταμένου.

Pag. 95. 18. In Numantiae descriptione inveniuntur verba: μία καθodos ἦν ἐς τὸ πεδῖον, ἣ τὰ φρων ἐπεπλήρωτο καὶ σηλῶν. Quid hoc rei est? Vetus Interpres appellavit: columnas transversas, sine sensu, cf. Schweig. p. 303. Supervenit Emperius qui τὰ φρων ὑψηλῶν restituere voluit, credo propter p. 120. 19, ubi τὰ φροι βαθύτατοι memorantur, sed coniectura nimis violenta est. Equidem incidi in: τὰ φρων ἐπεπλήρωτο καὶ πηλῶν. Vide vocabulum apud Polybium III 79. 9: τῶν δὲ ὑποζυγίων τὰ πλείστα πίπτοντα διὰ τοὺς πηλοὺς ἀπώλλυντο et brevi intervallo post: τὰς ὀπλὰς ἀπέβαλον διὰ τὴν συνέχειαν τῆς διὰ τῶν πηλῶν πορείας. Ipse vides quam facile σηλῶν et πηλῶν confundi possint, cum Π et ΣΤ millies permutantur. Sed etiamsi correctionem satis probabilem esse dixeris, nescio tamen quid faciam verbis quae post breve intervallum sequuntur p. 95. 30: μέχρι γὰρ σήλαις καὶ φάραξιν ὁ Πομπήιος, .... deinde sequitur in libris lacuna, quam supplere nequeo. Conferre poteris de situ Numantiae p. 95. 17, quae ποταμοῖς δύο καὶ φάραξιν ἀπόκρημος est. P. 104. 31 sermo est de vico, quem τέλμα πηλοῦ περιεῖχεν, ἐπὶ δὲ θάτερᾳ φάραξ ἦν. Vide quoque p. 147. 5: περὶ ἔλη καὶ τέλματα καὶ ποταμὸν οὐκ εὐπορον ἡλᾶτο. P. 456. 17: ἐξ ἐνεργῶν ἐς ἀργὸν ἢ λίμνας ἢ τέλματα. P. 579. 5: ἐς τέλμα κατενεχθείσας.

P. 730.24: ἔλη καὶ τέλματα. P. 885.6: αἱ δ' ἐς τέλματα ἐξ-  
ώκελλον ὑπὸ ῥύμης. Alii videant num ex his locis aliquid lucis  
queant extundere.

Pag. 97.24: οὐ γὰρ εἰδέναι συνθήκας ἐτέρας Ῥωμαίων ἀξίας.  
Verius et simplicius est εἶναι.

Pag. 98.18: ἄπυρον τὴν νύκτα διήγαγεν ὄλην Φεύγων ἐς  
χαράκωμα. Necessarium est Φυγών.

Pag. 99.7: τὴν βουλὴν ἔφασαν ἀπορεῖν εἰ ὁ Αἰμίλιος πό-  
λεμον ἕτερον ἀρεῖται. Correxeram ἀπερεῖν, sed cf. p. 123.25:  
ὑπεκρίνοντο ἀπορεῖν ὅτι χρήματα Ἀννίβας αἰτοίῃ λέγων νικᾶν et  
p. 272.2: ἀπορεῖν ἔφη τί ὁ Ἀντίοχος ἔλθοι ἐπὶ θάλασσαν, unde  
fortasse illic praestabit rescribere: ἀπορεῖν τί ὁ Αἰμ. πολεμεῖν  
ἕτερον αἶρεται. Utrum mavis?

Pag. 102.32: οἱ δ' ἄλλοι τὰ ἔργα διήρηντο καὶ τοῖς μὲν τα-  
Φρεῦειν ἐτέτακτο, τοῖς δὲ τειχίζειν, τοῖς δὲ σκηνοποιεῖν, χρόνου τε  
μῆκος ὥριζετο αὐτοῖς καὶ διεμετρεῖτο. Lagge: ὥριζο et διε-  
μεμέτρητο. Cf. p. 101.32: τὰ σιτία αὐτοῖς ὥριζο.

Pag. 103.6: τοῦ μὴ εὐκαταφρόνητον τοῖς πολεμίοις αὐτὸν γε-  
νεσθαι (τοῖς) καὶ τέως καταφρονοῦσιν. Ipse vides quid supplen-  
dum sit.

Pag. 108.13: τὰς χεῖρας αὐτῶν ἐκτεμῶν. Quod ipsa natura  
duce Cobetus docuit *Mnem.* 1882 p. 212, dicendum esse τὴν  
γλῶτταν ἐκτεμεῖν, sed τὴν χεῖρα, τὴν κεφαλὴν ἀποτεμεῖν, id  
scriptoris usu confirmatur itaque eo sensu recte ponitur ἀποτε-  
μεῖν p. 567.3, 669.25, 734.5, 736.4, 737.2, 742.17, 752.18  
et 787.13 et ἀποκόψαι p. 738.1. Errarunt eo loco quem supra  
indicavi, p. 364.23, 496.2 et 513.2; sunt igitur pauci loci  
qui repugnant, cum praesertim praepositiones ἀπὸ et ἐκ facillime  
confundi possint, quae nota res est. Semel observavi excidisse  
praepositionem, p. 765.15: ὁ μὲν Δολοβέλλας προὔτεινε τὴν  
κεφαλὴν τῷ σωματοφύλακι αὐτοῦ, καὶ τεμόντα προσέταξε φέρειν  
Κασσίω σῶσιν ἴδιον· ὁ δὲ τεμῶν ἐπικατέσφαξεν ἑαυτὸν.

Pag. 109. 6: τοὺς πρέσβεις ἀπέκτειναν ὡς κακῶν ἀγγέλους  
et p. 217. 13: τοὺς πρέσβεις κατέλευον ὡς κακῶν ἀγγέλους.  
Nonne utrobique praestat κακαγγέλους?

Pag. 109. 7: τὸ σφέτερον ἀσφαλές ἴσως διωκμένους παρὰ τῷ  
Σκιπίωνι. Prorsus languet illud ἴσως· praestare dixerim τέως,  
quemadmodum supra p. 109. 2: χαλεποὶ καὶ τέως ὄντες ὀργὴν  
ὑπ' ἐλευθερίας ἀκράτου.

Pag. 109. 23: πολλοὶ τῆς ἐλευθερίας ἔτι ἔχονται. Prorsus  
otiosa est particula ἔτι· quid igitur? num expungam? Non  
committam: latet verbum γλίσχονται, quod Appianus apud  
Herodotum invenerat VIII. 143.

Pag. 110. 8: οἱ λοιποὶ δ' ἐξήσαν εἰς τὸ δεδομένον χωρίον.  
At miseris Numantinis nihil prorsus relictum fuit: scribam:  
δεδειγμένον.

Pag. 116. 23 de Hannibale legimus quo artificio uti soleret:  
τὴν κόμην ἐνήλλασσε συνεχῶς ἐσκευασμέναις ἐπινοίαις.  
Prorsus absurda verba sunt, sed minime nos latet quid Appia-  
nus narrare voluerit. Omnibus nota res est ex Polybio III 78.  
Hannibal ut sibi caveret a Gallorum perfidia κατεσκευάσατο  
περιθετὰς τρίχας, ἀρμοζούσας ταῖς κατὰ τὰς ὁλοσχερεῖς διαφορὰς  
τῶν ἡλικιῶν ἐπιπρεπείαις, καὶ ταύταις ἐχρῆτο συνεχῶς μετατιθέ-  
μενος. Hinc Livius XXII. 1: mutando nunc vestem, nunc te-  
gumenta capitis, errore etiam sese ab insidiis munierat. Quid  
latet? Est Godofredi Hermanni correctio ἐσκευασμένος (νέ-  
αις) ἐπινοίαις, nec dubitamus quin participium ἐσκευασμένος  
veram Appiani manum repraesentet. Simplex verbum σκευάζειν  
cum apud alios tum apud Appianum de omni ornatu rectissime  
ponitur, veluti p. 41. 5, 133. 25, 146. 14, 177. 24, 231. 30,  
750. 8, 753. 32, 754. 9, alibi. Pag. 157. 20: ἐσκευασμένους ὅπλοις  
τε καὶ ἵπποις ὃ τι δύναιντο καλλίστοις, rescribendum est κά-  
λισα, sicuti brevi post, vs. 26, bene scribitur. Sed citra con-  
troversiam corruptum est ἐσκευασμένος ἐπινοίαις vel, cum Her-  
manno, νέαις ἐπινοίαις. Alii sic dixerint, quod nunc non disputo,  
sed Appiani sermo simplex et incomtus est et illud ἐπινοίαις

planissime respuit. Hic commodè recordatus sum, quomodo Synesio subvenire voluerim *Mnem.* 1894 p. 123. Φαλάκρας est ἐγκώμιον p. 85 B: ἀλλ' οἱ μὲν ἐπὶ τῶν οἰκημάτων ἀντικρυς οὗτοι καὶ τοὶ νικᾶν νομίζουσιν, ὥς ταύτῃ μάλιστα τὸ θῆλυ τοῦ γένους ἐκμιμησόμενοι. Vetus interpres sine sensu: „Ac palam quidem ii qui in lupanari prostant: quamquam hi sese victores putant, quasi hoc maxime modo muliebre genus imitari possint.” Contuli Pollucem II 30: ἐκαλεῖτο δέ τι καὶ πηνήκη καὶ προκόμειν προσθετόν, οὐ γυναιξὶ μόνον ἀλλὰ καὶ ἀνδρῶν τοῖς ἐνδεῶς εἰς κόμης λόγον πρᾶττουσιν. Convenit Poll. X 170 et Photius in voce πηνήκη· περικεΦαλαία τριχωτὴ καὶ προσθετὴ κόμη· ἔνθεν καὶ πηνηκίζειν τὸ ἀπατᾶν· τῆς δὲ περιθετῆς κόμης τὸ μὲν ἔντριχον, τὸ δὲ προκόμιον, τὸ δὲ πηνήκην ἐκάλουν. Itaque πηνίκην, nam haec verior forma est, etiam Synesio reddere volui scribendo: καὶ πηνίκην νομίζουσιν, sicuti idem ille alibi dixit αὐλητρίδας ἐνόμιζε, ne quis de usu verbi νομίζειν dubitet. Nec dissimiliter Hannibal τὴν κόμην ἐνήλλασσε συνεχῶς ἐσκευασμένος πηνίκαις. Idem nomen etiam alibi apud Appianum periiit: p. 747. 30, quo tempore proscriptiones flagrabant per urbem: ἕτεροι δὲ ἐτέρως φυγόντες ἢ κρυπτόμενοι, μέχρι τῶν σπονδῶν, οἱ μὲν ἐν χωρίοις ἢ τάφοις, οἱ δ' ἐν αὐτῷ τῷ ᾄσει, σὺν ἐπινοίαις οἰκτραῖς διεγέγοντο. Video quidem reponendum esse adverbium οἰκτρῶς et sub ἐπινοίαις nunc quoque latere id quod est πηνίκαις, sed reliqua non praesto, nam praepositio σὺν male iungitur cum eo quod est πηνίκαις. Commendo: ἐν πηνίκαις.

Pag. 117. 10: οὐ φέροντες αὐτῶν οὔτε τὴν ὄψιν οὔτε τὴν ὁδὸν, sic recte, uti et p. 178. 45, non δσμὴν, nam fluxit Ionica forma ex Herodoti imitatione.

Pag. 117. 12: ὑπὸ τοῦ κρύους τετρυμένοι τε καὶ μαλακοὶ ὄντες. Praetulit Beckerus μαλακιδῶντες, sed contendere ausim veram lectionem esse μαλκιδόντες, etiamsi Mendelssohnus sibi persuadere non potuerit eam verbi formam ut reciperet. Locum adde copiis quas Cobetus percensuit *Mnem.* 1854 p. 306 et 1858 p. 425.

Pag. 119. 16: ἐξῆγεν εὐθὺς ἐπὶ τὴν μάχην αὐτοὺς ὄντας ὑπ' ἀγρυπνίας καὶ κόπου. Hic nescio quomodo Mendelssohnii αὐτοὺς ὄντας praetulit, quod Hercherus excogitavit. Melius sine dubio est quod Stephanus et Bekkerus commendarunt κεκμηκότας, cum praesertim scriptor, qui identidem easdem locutiones usurpare solet, dixerit p. 147. 7: κεκμηκότας ὑπ' ἀγρυπνίας καὶ κόπου et p. 177. 17: προσέβαλε κεκμηκόσιν ἐξ ὁδοῦ καὶ ἀγρυπνίας καὶ ἀνδρίας. Nec tamen prorsus abiiciam in quod incideram: ἀπαγορεύοντας.

Pag. 122. 9: οὐδ' ἤλπιζε φάβιον βιάσασθαι· iamdudum Musgravius emendavit βιάσεσθαι eamque lectionem Mendelssohnii recepit. Hinc confer p. 299. 25: βωμαίων οὐκ ἂν ἐλπισθέντων βιάσασθαι, Mendelssohnii coll. p. 226. 5 correxit ἐλπισάντων, sed praeterea scribe: βιάσεσθαι.

Pag. 129. 22: ὁ δὲ Φαυλότατος τε καὶ τῶν συμφορῶν αἴτιος. Lege: αἰτιώτατος.

Pag. 130. 23. Qui nostris temporibus de militia Romana scripserunt, recte contendunt in legione sagittarios vel funditores non fuisse idque haud raro veterum testimoniis confirmatur. Veluti ut unum locum afferam quem Marquardtio debeo, apud Livium XXII 37 scribit ad senatum Hiero Syracusanus, „milite atque equite scire nisi Romano Latinique nominis non uti populum Romanum; levium armorum auxilia etiam externa vidisse in castris Romanis; itaque misisse sagittariorum ac funditorum aptam manum adversus Baliares ac Mauros pugnacesque alias missili telo gentes”. Nec tamen minus in legione Romana interdum extra ordinem etiam levis armaturae milites memorantur. Loci non ita multi sunt quos Marquardtius indicavit itaque non supervacaneum arbitror addere p. 130. 23, ubi legimus post cladem Cannensem iussisse senatum ὅπλα τε καὶ τόξα τοὺς ἐν ἄξει πάντας ἐργάζεσθαι, quod armorum genus, uti opinor, volonibus potissimum destinatum erat. Pag. 294. 19, ubi describuntur copiae quae ad Magnesiam in acie stabant adversus Antiochum Regem, equitatui ἀναμείχαστο φίλοι τε καὶ τοξόται πολλοί. Sed luculentius est quod p. 354. 13 de Sylla legimus,



qui Athenas expugnaturus cohortes summisit, αἱ τοὺς ἐπὶ τῶν τειχῶν ἀκοντίζουσαι τε καὶ τοξεύουσαι θαμινὰ ἀνέκοπτον. Sed sicuti dixi, longe plura sunt apud Marquardtium.

Pag. 134. 24. Prorsus singulare est Tarenti fretum dictum fuisse ἰσθμὸν· sunt tamen perspicua verba: λιμένες δ' εἰσὶ τοῖς Ταραντίνοις πρὸς βορρᾶν ἄνεμον ἐκ πελάγους ἐσπλέοντι δι' ἰσθμοῦ, καὶ τὸν ἰσθμὸν ἀπέκλειον γεφύραις, quibus captis ab Romanis docuit Hannibal λεωφόρον ὁδὸν, ἣ διὰ μέσης τῆς πόλεως ἔφερεν ἀπὸ τῶν λιμένων ἐπὶ τὴν νότιον θάλασσαν, δρύξαντας, ἰσθμὸν ἕτερον ποιήσασθαι. Sed Palmerius et Schweighauserus hic haesitaverunt, haud satis scio an minus recte.

Pag. 135. 17: ὁ Φρουράρχος τὸ ἥμισυ τῆς Φρουρᾶς ἄγων ἐς Τάραντα ᾤχετο. Requiro: ᾤχητο. Pariter p. 149. 9 Δάσιος μὲν τὰ Λιβύων ἤρεϊτο, Mendelssohnus correxit ἤρητο.

Pag. 137. 24: προσβαλὼν δὲ τῷ περιτειχίσματι καὶ μηδὲν θυνηθεὶς μηδ' ἐπινοῶν ὅπως ἂν εἰς τὴν πόλιν ἐσπέμψειε. Omnino lege: ἐπινοεῖν. Si opus videbitur, poteris conferre p. 447. 24, 448. 24, 469. 30, 484. 31, 491. 9, 498. 26, alios fortasse locos. Sed recte p. 465. 2: ὑπονοοῦντες ἄλλους ἀμυνεῖσθαι, quocirca p. 504. 10: τὴν αἰτίαν οὐδεὶς ἐπενόει, longe praestare dixerim ὑπενόει. Discrimen incurrit in oculos.

Pag. 142. 4. Mortui κάονται et Hannibal Marcellum ἔκαυσε λαμπρῶς, p. 146. 1, sed capitalis poena dicitur κολάζειν et θανάτῳ κολάζειν, extrema autem crudelitas est ζῶντα κάειν. Ecce unum et alterum exemplum. Page 162. 8: τρεῖς τοὺς λαχόντας ἐκόλασε θανάτῳ, p. 133. 11: τὴν γυναῖκα καὶ τὰ τέκνα ζῶντας ἔκαυσε, p. 344. 16: τὸν κυβερνήτην ὕπερον ἐκόλασε, p. 170. 15 Syphacem ἡξίου κολάζειν ὅτι τοῖς φίλοις ἐπολέμησεν. Quocirca displicet eo loco quem supra indicavi p. 142. 4: ὁ Ἀννίβας τοὺς μὲν αἰτίους τῆς ἀποσάσεως ἔκαυσε, legere malim ἐκόλασε. Unus locus remanet, de quo subdubito, nempe p. 402. 22: τούτῳ μὲν ὁ Μιθριδάτης ἐρευνώμενος ἐκρήμνη (sed malim ἐκρίμνη scribere propter ea quae disputavi *Mnem.* 1881 p. 70) καὶ ὀφθαλμοὺς ἀνώρυττε καὶ ἔκαιεν.

Pag. 142. 11: ἐπεὶ δὲ ἡγεῖρετο τὰ Ῥωμαίων καὶ τὰ πολλὰ τῆς ἐσφωτερισμένης γῆς ἀνελάμβανον. Nauckius ἠϋξέτο coniecit ; praestare dixerim ἤρετο.

Pag. 145. 28: ὁ δὲ Μάρκελλος ὡς ἐπομένων αὐτῶν ἐμάχετο γενναίως. Verum est ἐφομένων.

Pag. 147. 32. Carthaginenses Hannibali auxilio miserunt centum onerarias naves, οὐδενὸς δ' ἐρετικοῦ παραπέμποντος αὐτὰς ἄνεμος ἐς Σαρδόνια κατήνευκεν. Sic recte, nisi fallor, et miror quod Bekkerus commendavit τριηρετικοῦ vel τριηρικοῦ, quod Mendelssohnio placuit. Legitur quidem τριηρετικά σκεύη p. 220. 19 et 8. 30 et Octavia, p. 883. 2, fratrem donavit δέκα Φασήλοις τριηρετικοῖς, ἐπιμίκτοις ἔκ τε Φορτίδων νεῶν καὶ μακρῶν, sed prorsus nihil suadet ut illud ἐρετικοῦ corruptum esse credamus. Ceterum Friedlanderus in docto volumine quo *die Sittengeschichte Roms* explicavit II<sup>2</sup> p. 27, scribit de veterum navium celeritate, sed, quod dolendum, nunc quidem Appiani immemor fuit. Veluti in remigatione laudatur celeritas p. 771. 4: εἰρεσία δ' ἐς ἔπειξιν χρώμενοι et p. 855. 19: μετ' ὀξείας εἰρεσίας et p. 886. 24 Sextus Pompeius διέπλευσεν εἰρεσία τρισὶν ἡμέραις πεντακοσίους ἐπὶ χιλίοις σαδίους, quam celeritatem remiges sane non potuerunt praestare, nisi alternaverint, qua de re quam maxima cura potui disserui *Mnem.* 1895 p. 255 sqq. Sed vento flante secundo rotundae naves sunt etiam celeriores. Disertum est quod legimus p. 579. 3: αἱ μὲν δὴ μεγάλοις αὐθις ἰσίοις ἐξ ἀέλπτου τὸ πνεῦμα ἐδέχοντο καὶ διέπλεον ἀδεῶς et p. 800. 30: αὐτοὺς αἱ ὀλκάδες ἰσὶφ μὲν αἱ πρῶται διέφυγον ὀλίγαι, αἱ λοιπαὶ δέ, χαλάσαντος ἄφνω τοῦ πνεύματος, ἐν γαλήνῃ σταθερᾷ κατὰ τὸ πέλαγος ἤλυντο ὑπὸ τοῦ θεῶν ἐκδιδόμεναι τοῖς πολεμίοις.

Pag. 151. 10: γυναικῶν ὕβρις καὶ παρθένων ἀπαγωγαί. Lege: ὕβρεις. Cognoscat mihi quis Appiani scribendi morem p. 497. 22: ἐξελάσεις ἐτέρων καὶ δημεύσεις περιουσίας καὶ ἀρχῆς ἀφαιρέσεις καὶ ἀναιροπαὶ τῶν ἐπὶ Σύλλα τεθέντων νόμων.

Pag. 152. 8: ὅσοι μετέθεντο πρὸς ἐκείνῳ. Plusquamperfectum requiritur et reponam: μετετέθειντο. Eadem correctione utar

p. 355. 18: ὅσοι ἄρτι πρὸς αὐτὸν ἀπ' Ἀρχελάου μετετίθεντο.  
Recte se habet imperfectum p. 154. 12.

Pag. 153. 13: τὴν πόλιν τὴν ἔξω τῇ Βύρτῃ περιέθηκαν  
Corrigam: προσέθηκαν. Vide locorum descriptionem p. 219. 28.

Pag. 155. 7: ὑποκρινάμενοι τιμᾶν δωρεαῖς πολλαῖς καὶ προ-  
πέμπειν ἐπὶ τριήρων ἐς Λακεδαίμονα. Malo: προπέμψειν.

Pag. 164. 12: τόλμῃ δὲ καὶ εὐτυχίᾳ προὔχομεν· immo:  
εὐψυχίᾳ, quemadmodum scriptor alibi dixit p. 241. 12: οὐδὲν  
ὑπολείποντες εὐψυχίας τε καὶ τόλμης, et nota est confusio lite-  
rarum T et Ψ. Itidem recte legitur p. 128. 24: πολλὰ μὲν σὺν  
εὐψυχίᾳ καὶ ἀπονοίᾳ λαμπρὰ ἔδρασαν. Sed alibi alteram vocem  
praefero: p. 138. 6: στρατηγοῦ δι' ἀρετὴν καὶ εὐτυχίαν ἀμάχου,  
quocum convenit p. 139. 9: τὴν τῆς πόλεως ἀρετὴν καὶ τύχην  
δείσας. Vide quoque p. 300. 3: ἐς δόξαν εὐτυχίας ἔφερον et  
p. 124. 29: γεγυμνασμένῳ πολέμοις καὶ εὐτυχίαις, ubi Schweig-  
hauserus supplēvit: ἐπαίρομένῳ.

Pag. 172. 9. Cobetus in *Mnem.* 1882 p. 221 agit de verbo  
τρύχειν et collegit omnia exempla quae in altero Appiani volu-  
mine observarat. Disputationem ita concludit: „In praesenti  
tempore τρύχειν dicere solet et ἐκτρύχειν et προεκτρύχειν, in fu-  
turo ἐκτρύσειν, in aoristo ἐκτῤῥσαι. Formae passivae praesens  
est τρύχομαι, perfectum τέτρυμαι, τετρυμένος, depravari solitum  
in formas τέτριμμένος, τετρυμμένος, τεθρυμμένος, τετρυχωμένος.”  
Collato priore volumine, quod Cobetus vix dignum habuisse  
videtur quod inspiceret, exempla accedunt:

ἐκτρύχειν p. 124. 15, 121. 15, 790. 15.

ἐξέτρυχε p. 765. 20.

τρυχομένους p. 448. 17,

τετῤῥσθαι p. 22. 30 et 44. 22.

ἐκτετῤῥσθαι p. 261. 28.

τετρυμένος p. 44. 4 et 274. 20.

Remanet corrigendum participium ἐκτετρυχωμένης p. 172. 9.  
Denique adiectivum ἄτρυτος est p. 341. 12 et 447. 7. Cf. prae-  
terea Ludov. Dindorfius in *Fleckeisenii Annalibus* XCIX (1869)  
p. 45 sq.

Pag. 173. 3. Cobetus l.l. p. 219 itidem disserit de compositis verbis ὑπερορᾶν et περιορᾶν, quorum illud significat *despicere, contemnere*, hoc *sinere, pati*. Locis quos affert addi possunt ὑπερορᾶν p. 548. 28 et 549. 7; περιορᾶν autem p. 501. 30. Itidem dignum notatu est deponens verbum περιορᾶσθαι p. 148. 8, 158. 5 et 232. 12 περιορωμένους τὸ μέλλον· conf. Photius in voce περιορᾶσθαι. Invenitur quoque ὑφορᾶσθαι, p. 173. 3 τὴν ταχυεργίαν ὑφορώμενος, ac praeterea p. 174. 24, 185. 6, 542. 5, 581. 14 et 624. 11.

P. 179. 14: Φουλούιος ὁ Ῥωμαίων στρατηγός. Suspiciatur Mendelssohnus insiticia esse vocabula: ὁ Ῥωμαίων στρατηγός. Facile concedimus verba plane abundare, sed ita solet dicere Appianus; cf. p. 144. 14 Φουλούιος ὁ Ῥωμαίων ὕπατος, p. 167. 1: Ἀσδρούβας δὲ στρατηγός ὁ Καρχηδονίαν, Ἀσδρούβας ὁ ἔριφος p. 184. 1 = 184. 7, quod cognomen iam habueramus p. 174. 2; p. 367. 23: εἰ πρὸς τὸν ἕτερον ὑμῶν στρατηγὸν διελύετο Φιμβρίαν. Uti vides, ingens est numerus locorum, qui mira ac parum **eleganti abundantia laborant**.

Pag. 195. 1: τὰ μὲν φρονήματα αὐτῶν καταβήσεται; mire dictum: malim: κατασβέσεται. Legitur σβέννυσθαι p. 591. 32, σβέσειν p. 585. 22 et 639. 1, σβέσαι p. 468. 22, 509. 24, 653. 31 et 667. 32, ἐσβέσθαι p. 227. 22, 296. 8 et 470. 13, denique ἐσβέσθη p. 585. 20.

Pag. 196. 6. Scribit Cobetus *Mnem.* 1882 p. 215: „Licebat Graeculis dicere ἐπικεῖσθαι (ἐπιτίθεσθαι) σέφανον, περικεφαλαίαν, πῖλον, τιάραν et quidquid *capili imponitur*, pro περιτίθεσθαι, περικεῖσθαι, ut in tali re veteres constanter dicebant, sed etiam longius a sanitate veterum aberrantes de quolibet cultu et vestitu ἐπικεῖσθαι coeperunt dicere.” Deinde rem comprobatur ali-quammultis Appiani locis allatis, quibus alii quam plurimi addi possunt. Verbi causa plerumque scriptor loquitur sicuti ex exemplis apparet quae Cobetus inter legendum omisit: p. 196. 6: σεφάνην χρυσὴν ἐπικείμενος, p. 196. 23: οἱ δ' ἀριεῖς καὶ τὰ ἀριεῖα ἐπικεῖνται, p. 326. 18: πῖλον ἐπικείμενος, p. 328. 10 διάδημα ἐπικείμενος, p. 523. 28: τὰ σφέτερα σημεῖα ἐπικείμενοι.

Alibi reedit scriptor ad veterum imitationem: p. 196. 9: πορφύρην ποδήρη περικείμενος, p. 314. 24: περιθέσθαι τῇ κεφαλῇ τὸ διάδημα, p. 387 ἐγχειρίδιον περικείμενος, p. 495. 27 utramque formam coniunxit: τὴν τῆς ἀρχῆς ἐσθῆτα ἐπικείμενος, ῥάβδων καὶ πελέκεων ὡς ὑπᾶτω περικειμένων, ac dixeris hic illic Appianum praetulisse dicere περικεῖσθαι, ne hiatus irreperet. Vitiose autem, nisi fallor, p. 414. 3: ὁ περὶ τῷ ξίφει φάρμακον αἰὲς περιέκειτο ἐκίρνη et malo scribere: παρὰ τῷ ξίφει et παρέκειτο. Ridicule ut nihil supra p. 329. 19: ἀσχήμονας ἐπέκειτο ὠτειλάς.

Pag. 198. 30 Κάτωνά φασιν γνώμην λέγειν Καρχηδόνα μὴ εἶναι, Scipionem Nasicam autem τάναντία ἀξιοῦν Καρχηδόνα εἶναι. Imo Cato auctor fuit Carthaginem μὴ εἶναι, quod si probaveris, sponte excident postrema verba Καρχηδόνα εἶναι. Vix opus est conferre p. 210. 31 et 215. 20.

Pag. 200. 11: Nomades sunt μακροβίων ὄντων μακροβιώτατοι. Imo scribendum πάντων.

Pag. 201. 32: τῶν ἀπονησκόντων οὐδεὶς οὐτ' ἐξεφέρετο οὐτ' ἐξεκαίετο ξύλων ἀπορία. Cadavera καίεται, non ἐκκαίεται itaque corrige: οὐτ' ἔτι ἐκαίετο.

Pag. 209. 19: οἰμωζόντων ὁμοῦ τὰ τε κοινὰ καὶ τὰ ἴδια, μέχρι καὶ Ῥωμαίους αὐτοῖς ἐπιδακρῦσαι. Quanto elegantius dictum erit: μέχρι καὶ Ῥωμαίους αὐτοὺς ἐπιδακρῦσαι. Ipsos Romanos afflictas Carthaginis misertum est.

Pag. 213. 27: δοκεῖ πόλις ἡ μὲν ἐν τῇ θαλάσῃ νηὺς τις εἶναι μᾶλλον ἢ γῆ. Imo: ἐπὶ τῇ θαλάσῃ. Ceterum egregie stulta est ea Romani consulis oratio.

Pag. 214, 3: ὅσχι μετὰ γειοὶ πόλεις ἀκινδύνως βιοῦσιν. Hoc verbum Appianus ex Ionia habet; pariter p. 327. 20 βιοῦν et p. 464. 8 βιοῦντας praesentis temporis sunt, sed p. 914. 3 βιοῦντα habet praeteriti temporis significationem. Legitur praeterea διεβίωσεν p. 471. 21 et 902. 25, uti et βιώτοντες p. 804. 7. Cf. Cobet. *Mnem.* 1853 p. 37.

Page. 194. 23: ἐπιτρεψάτωσαν. Noviciae imperativorum formae apud hunc scriptorem satis raro inveniuntur; praeterea enotavi p. 735. 32: εἰσελθέτωσαν et p. 850. 10 ἀφείσθωσαν. Sed ter legitur ἔζων p. 214. 30, 737. 16 et 829. 3, uti et ἀναφερόντων p. 729. 32.

P. 215. 27: τὸ δὲ πρόσταγμα τῆς βουλῆς δεῖ γενέσθαι καὶ αὐτίκα γενέσθαι. Placet: αὐτίκα τετελέσθαι. Contra p. 212. 29: προσέταξε γὰρ καὶ χρὴ γενέσθαι· οὐδ' ἀναθέσθαι δυνάμεθα τὰ ἤδη κεκελευσμένα γενέσθαι, alterum γενέσθαι libenter expunxerim.

Page 219. 21: οἱ μὲν ὕπατοι προσήεσαν ἄμφω τῇ πόλει. Sed consules, uti supra legimus, copias coniunxerant itaque nihil est cur addatur ambos accessisse ad urbem: corrigam ἄφνω, de quo adverbio Cobetus praecepit *Mnem.* 1882 p. 230. Brevi post διελόμενοι τὸ ἔργον ἤεσαν ἐπὶ τοῖς πολεμίοις, deinde p. 221. 23: πάλιν ἐπεχείρουν ἄμφω τῇ πόλει, ubi ἄμφω rectissime additum est. Hic locus revocat mihi in mentem quod olim adnotavi ad Acta Apostolorum XIX 16: sermo erat de Scevae filiis *septem*, qui Paulum imitati et usurpantes ipsum Iesu nomen, immundos spiritus exturbabant. Verum non contemnendas poenas illi aliquando dederunt, nam exacto spiritu ἐφαλόμενος ὁ ἄνθρωπος ἐπ' αὐτούς, ἐν ᾧ τὸ πνεῦμα τὸ πονηρὸν, κατακυριεύσας ἄμφοτέρων ἴσχυσε κατ' αὐτῶν. Itane ἄμφοτέρων cum septem essent? Sed corrigendum ἄφνω et vide vocabulum itidem usurpatum Act. Apost. XXVIII 6. Restat alius locus de quo subdubito quid sentiam. Legitur p. 886. 26: εἰς σκηπτὸς ἀφανῶς ἐμπίπτων καὶ εἰς ἀφανὲς ἀναχωρῶν, quod postquam risit Cobetus tamquam inepte dictum, ἄφνω reposuit, quod se ipsum facile tuebitur. Contuli autem p. 399. 26: διαλανθανόντων τε εὐμαρῶς καὶ ὑποχωρούντων ῥαδίως καὶ ἐμπιπτόντων αὐτῶν ἀφανῶς, nec ambigebam quin hic quoque ἄφνω audacter corrigerem. Verum inveni p. 407. 2: ἐπιόντες ἀφανῶς, p. 498. 5: φυλασσόμενοι ἀφανῶς, p. 537. 10: στρατὸν συνέλεγον ἀφανῶς et p. 542. 14: χεῖρα πολλὴν ἀφανῶς ἡτοιμάζετο.

Page. 221. 18: Censorinus consul ἐπὶ ὕλῃ ἐς μηχανὰς διέπλευσε διὰ τῆς λίμνης καὶ ἀπέβαλεν ὕλοτόμων ἐς πεντακκοσίους.

Iam Schweighauserus correxit quod etiam puer corrigere poterit: ἐπὶ ὕλην, sed praeterea mutato accentu scribendum est ὕλο-τομῶν, sicuti recte editur p. 378. 24: τὸν χειμῶνα ὅλον ὕλο-τομῶν ἐπήγνυτο ναῦς.

Pag. 222. 17: ἀνέμενον τοὺς ἐπερχομένους ἐσδραμεῖν. In forma participii apud Appianum nulla offensio, sed convenientius iudico σπερχομένους. Herodotus III 72: ἐπειδὴ ὥρα σπερχόμενον Δαρεῖον. Activum ἐπισπέρχειν apud Appianum frequens est.

Pag. 228. 5 legimus quid Carthaginienses obsidione pressi tentaverint: ὅτε γίγνοιτο πνεῦμα ἐς τοὺς Ῥωμαίους ἐπίφορον, σκάφας φρυγάνων καὶ συππίου εἴλκον ὑπὸ τοῖς τείχεσιν ... deinde post pauca: θεῖον αὐταῖς καὶ πίσσαν ἐπιχέοντες ἀνέτεινον τὰ ἱσία καὶ πλήσαντες ἀνέμου πῦρ ἐνέβαλλον ἐς τὰ σκάφη. Quam est ea mira constructio: πλήσαντες ἀνέμου! Incidi in: πρήσαντος ἀνέμου, indeque rectissime sequitur: τὰ δὲ τῷ τε ἀνέμῳ καὶ τῇ ῥοπῇ τοῦ πυρὸς ἐς τὰς Ῥωμαίων ναῦς ἐωθεῖτο, ubi mirum ni verum sit: τῇ ῥιπῇ τοῦ πυρός. Homer. Iliad. Φ 12: ὡς δ' ὄθ' ὑπὸ ῥιπῆς πυρὸς ἀκρίδες ἠερέθονται.

Pag. 228. 5: ὁ Μασσανάσσης ἀποψύχων ἐπέσκηψε τοῖς παισὶ πείθεσθαι τῷ Σκιπίωνι ὡς ἂν αὐτοῖς διαιρῇ τὰ ὄντα. Ita vulgo edebatur, donec Mendelssohnus ex Codice Vaticano genetivum assumsit τοῦ Σκιπίωνος. Nempe Appianus, quod saepissime facit, nunc quoque Herodotum imitatur, apud quem vide V 29: τοὺς ἄλλους Μιλησίους τούτων ἔταξαν πείθεσθαι et VI 12: μὴ πειθώμεθα αὐτοῦ..

Pag. 228. 15: Καρχηδόνι δ' αἴτιον τῆς ἀναστατώσεως γένεσθαι. Novicium vocabulum hic plurimum miror. Harpocr. v. ἀνεσκευάσαντο· τὸ λεγόμενον ἐν τῷ βίῳ ἀναστατωθῆναι.

Pag. 233. 7: οὐ γάρ τινα διάλυσιν προσεδόκων, ἅπισα πρότεροι κελύσαντες. Malim ἄσπειρα. Sic p. 53. 3 legitur ἄσπειρος ἐχθρός et πόλεμος ἄσπειρος p. 336. 16 et 378. 21.

Pag. 233. 27: ὁ Σκιπίων ἀγορανομίαν μετιὼν ἤρητο ὕπατος. Immo: ἡρεῖτο.

Pag. 235. 13: αἱ νῆες ῥοθίῳ φοβεῖρῳ καταπλέουσαι. Legam: σοβαρῳ, coll. p. 592. 28: σοβαρῳς ἀλλήλοις ἐπήεσαν et p. 241. 27: σοβαρῳς ἐπιτωθᾶσαντες ἀνέσρεφον.

Pag. 235. 30: ἐς ἀρπαγὰς ὑπὸ τοῦ Πίσωνος ἐπιτετραμμένους. Malim: ἐκτετραμμένους.

Pag. 252. 5: τὰ σκάφη τῶν Λιβύων τὰ σμικρὰ ταῖς Ῥωμαϊκαῖς ναυσὶ μεγάλαις οὔσαις ἐς τοὺς ταρσοὺς ὑποτρέχοντα. Mutuatus hoc est ab Thucydide VII 40: οἱ ἐν τοῖς λεπτοῖς πλοίοις περιπλέοντες καὶ ἐς τε τοὺς ταρσοὺς ὑποπίπτοντες τῶν πολεμίων νεῶν. Indidem Dio Cassius L. 32, ubi describit quomodo in pugna Actiaca Liburnis itum sit inter alta navium propugnacula. Cf. *Mnem.* 1895 p. 257.

Pag. 247. 16: ἐς πολλὰ σχήματα κακῶν διεσπῶντο ῥηγνύμενοι τε καὶ κατὰσσομενοι. Musgravius καταπατούμενοι coniecit vel κατακαιομένοι, Schweighauserus κατασπαρασσόμενοι, Nauckius καταρασσόμενοι, Mendelssohnus denique καταγνύμενοι. Equidem incidi in καθαιμασσόμενοι.

Pag. 248. 1: ἀμελεῖς τῶν δρωμένων ὑπὸ σπουδῆς. Conieci: τῶν δρωμένων, in quam coniecturam etiam Nauckium video incidisse. Crebro confunduntur verba δρᾶν et ὀρᾶν, quod allatis aliquammultis exemplis confirmare studui *Mnem.* 1873 p. 169.

Pag. 248. 22: εὐμαρῶς ἀεὶ ἐμάχοντο καίπερ ὄντες ὀλίγοι. Commendo ἀπεμάχοντο, coll. 362. 28; εἰ μὴδ' ἀπὸ χάρακος ἀπομαχοῦνται τοὺς ἐχθροὺς ὀλιγωτέρους ὄντας et p. 343. 19: ἀπὸ τῶν τειχῶν τὸν Μιθριδάτην ἀπεμάχοντο.

Pag. 256. 28: τὰς Ἀθήνας ἐπολιόρκει ὥς οὐδενὸς τῶνδε Ῥωμαίοις προσηκόντων. Schweighauserus commendavit οὐδὲν idque comprobo modo itidem corrigatur: προσῆκον.

Pag. 260. 16: πολλῆς δ' ἐπὶ τούτῳ βοῆς καὶ χαρᾶς γενομένης θόρυβος ἥδιτος ἦν. Scribit Mendelssohnus Nauckio illud ἥδιτος mire dictum videri. Traditam lectionem ut confirmes, adscribere



poteris p. 616.11: ἀνεβόησαν ἡδισον et Suidas v. ἰλαρός ex Appiano descripsit: σὺν βοῇ ἰλαρᾷ καὶ θορύβῳ χρησῶ παρέπεμψεν αὐτόν ipseque adeo Aristophanes noto loco: θόρυβον χρησὸν ληναίτην appellavit. Nec tamen minus mihi quoque illud ἡδισος suspectum est nec possum non coniecere θόρυβος πλεῖστος. Ipse vides quam nihil haec vocabula differant in unciali scriptura (ΠΑΕΙΣΤΟΣ et ΗΔΙΣΤΟΣ). Legitur in Epistula ad Hebraeos XI. 4: πίσει πλείονα θυσίαν Ἀβελ παρὰ Κάϊν προσήνεγκε τῷ θεῷ, Cobetus autem *Mnem.* 1860 p. 309 ipsis Theologis plaudentibus emendavit ἡδίονα.

Pag. 264.15: τὰς συνθήκας αὐτῷ συνενεώσαθε οὕτω διαβάλλοντος Εὐμένους. Etiam Mendelssohnus intellexit aoristum requiri διαβαλόντος, sicuti tacite Cobetus Appianum emendavit in praeclara dissertatione de bello quod Romani cum rege Perseo et Macedonibus gesserunt, *Mnem.* 1881 p. 406. Equidem, quod obiter dictum esto, dum mihi instaurabam τοῦ δαιμονίου ἀνδρὸς imaginem, nusquam eum ferventius admiratus sum quam cum res ita ferret ut redirem ad pagines illas quadraginta, in quibus conscribendis Cobetum indignatio fecit etiam facundum.

Pag. 265.13: σωφρόνως ἀντὶ μέθης καὶ τρυφῆς ἄρχει. Immo: ἀνευ μέθης. Cf. p. 262.23, ubi perfidus Eumenes Persei ἔγκλημα ἐποίει καὶ τὴν ἐπιμέλειαν καὶ τὸ νηφάλιον τῆς διαίτης.

Pag. 265.28: οὐ γὰρ ἄξιον, ὥς Εὐμένους, καὶ ὑμῶν ἄπτεσθαι φθόνον [ἢ φόβον]. Vides quid suadeam.

Pag. 267.11: ὁ πιθανώτατος ἐς εὐβουλίαν καὶ λογίσασθαι δεξιὸς καὶ εὐτολμότατος ἐς μάχας. In nitida compositione requiro: δεξιώτατος.

Pag. 268.2: Perseus Genthio οὐκέτι τὰ λοιπὰ τῶν χρημάτων ἐπεμπεν ὥς ἤδη καὶ δι' αὐτὸν Ῥωμαίοις πεπολεμωμένον. Requiro: δι' αὐτόν.

Pag. 268.6. Qui error fere communis omnium est qui, postquam Graecia defloruit, Graece scripserunt, etiam Appianus

confundere solet futura activa et media. Veluti λήσεσθαι usurpat p. 268. 6, 275. 24, 577. 16, 578. 2 et 722. 5; contra recte λήσειν est p. 576. 29 et 903. 23. Ἀρπάσεσθαι est p. 272. 21 et 539. 5; ἀρπάσειν autem p. 108. 11, 183. 4 et 864. 16. Invenio ἀπαντή-σειν p. 492. 3, ἐκπηδήσοντας p. 60. 11, χωρήσειν p. 59. 29, 225. 9 et 450. 18.

Pag. 268. 19: Γετῶν δὲ τὸν Ἰστρον περασάντων, ἐδόκει Κλοιλίῳ μὲν τῷ ἡγεμόνι δοθῆναι χιλίους χρυσοῦς σατῆρας. Ut constructio constet, necessarium duco ἔδει.

Pag. 269. 31: Φθονερὸς γὰρ ὁ δαίμων. Cobetus *Mnem.* 1882 p. 237 nec primus nec solus observavit sententiam Appianum ab Herodoto mutuatum esse. Lubet exscribere huius scriptoris prae- cipuos locos qui huc faciunt. Legimus I 32, Solonis ea vox est, ἐπίσταμένον με τὸ θεῖον πᾶν ἔδν Φθονερὸν τε καὶ ταρραχῶδες ἐπειρωτῆς ἀνθρωπείων πρηγμάτων πέρι. I 34: ἔλαβε ἐκ θεοῦ νέμεσις μεγάλη Κροῖσον. Verba sunt Amasis regis in epistula ad Polycratem III 40: ἐπίσταμαι τὸ θεῖον ὡς ἔστι Φθονερὸν. In longa oratione Artabani ad regem Persarum haec quoque inveniuntur: στρατὸς πολλὸς ὑπ' ὀλίγου διαφθείρεται κατὰ τοιόνδε, ἐπεὶ ὁ θεὸς Φθονήσας φόβον ἐμβάλλῃ ἢ βροντὴν, quibuscum convenit locus VII 46: ὁ δὲ θεὸς γλυκὺν γεύσας τὸν αἰῶνα Φθονερὸς ἐν αὐτῷ εὐρίσκεται ἰών. De hoc argumento est docta disputatio S. Hoek- strae, qui olim in nostra Universitate Amstelodamensi Theolo- giam docuit, in *Relationibus Academiae Scientiarum*. Ser. I tom. I p. 17: *De wangunst der goden op het geluk ook der Rechtvaar- digen, naar het Grieksche volksgeloof tot op het midden van de vijfde eeuw*. Primus est Herodotus qui eam impiam pietatem docuit et primus est Plato qui Phaedr. 247 A disertis verbis edixit: Φθόνος ἔξω θείου χοροῦ ἵσται, nemo autem Herodoti vestigia pressius est secutus quam Appianus. Ecce locos quos inter legendum collegi: pag. 24. 15: νέμεσιν τε θεοῦ φυλασσό- μενος καὶ Φθόνον ἀνθρώπων αἰδούμενος· quibuscum verbis plane convenit quod legitur p. 189. 19: καλὸν δ' ἐν εὐτυχίμασι νέμεσιν θεῶν φυλάσσεσθαι καὶ ἀνθρώπων Φθόνον. Item p. 191. 5: τὸ δαι- μόνιον ἀνώμαλον καὶ ἐπίΦθονόν ἐστιν et seq. pag. 192. 6: νέμεσιν τε θεῶν φυλασσόμενοι καὶ ψόγον ἀνθρώπων, ubi vide an non

praestet φθόνον. Sic certe post breve intervallum p. 193. 8: διὰ νέμεσιν θεῶν καὶ ἀνθρώπων φθόνον. Sequitur p. 269. 31: φθονερὸς γὰρ ὁ δαίμων. Pag. 496. 12: αἰδῶς θεῶν ἢ νέμεσις ἀνδρῶν ἢ φθόνου φόβος οὐδεὶς ἔτι τοῖς γιγνομένοις ἐπῆν. Pag. 577. 30: τῷ δαιμονίῳ χαλεπόμενος ὡς φθονερῷ. Denique p. 729. 7: εὖτε θεῶν νέμεσιν οὔτε φθόνον ἀνθρώπων ὑφορώμενοι. Admirabile quomodo perpetuo soleat Appianus ταῦτὰ περὶ τῶν αὐτῶν ὡσαύτως dicere.

P, 273. 2: τὸν σόλον κατεσκεύαζε πεπονημένον. Lege cum Mendelssohnio ἐπεσκεύαζε, sicuti recte editur p. 285. 15.

Pag. 288. 23: νομίσας καὶ τὴν γῆν προειληφθαι οὐχ ὑπὸ τῶν ἱωραμένων μόνων ἀλλ' ὡς νυκτί, (ὑπὸ) πολὺ πλειόνων. Vide quid correxerim.

Pag. 289. 24: ὥπλισε τοὺς ἰδίους χιλίους καὶ τοὺς ἑκατὸν ἱππέας. Paulo supra vs. 19 legitur: ἦκον δὲ καὶ παρὰ τῶν Ἀχαιῶν Εὐμένει σύμμαχοι χίλιοι πεζοὶ καὶ ἱππεῖς ἑκατόν. Hinc Nauckius supplevit χιλίους (πεζούς), nec per se spectatum illud ἰδίους additum improbaverim, vide modo p. 296. 32 et 343. 14. Mendelssohnus tamen χιλίους καὶ τοὺς ἑκατὸν ἱππέας expungere voluit; minime assentior. Contuli equidem *Mnem.* 1883 p. 260, ubi videbis in nota de Smindyride historia admodum ridiculo vitio apud Athenaeum p. 273 B et 541 C ἰδίους in χιλίους abiisse. Idem mendum nunc quoque obtinet et scribam: ὥπλισε τοὺς χιλίους (πεζούς) καὶ τοὺς ἑκατὸν ἱππέας. Nil mirum χιλίους et ἰδίους aliquando fuisse confusa.

Pag. 292. 8: ἡπείχθη ἐπανελθεῖν φθάσων τοὺς πολεμίους. Recurrit haec futuri forma p. 607. 29: φθάσουσι πόρρω γενέσθαι. Hoc verbum Appianus crebro usurpat, sed, nisi quaedam inter legendum me fugerunt, multo libentius cum infinitivo usurpat quam cum participio. Quinque excerpsi exempla, non plura: p. 383. 5: οὐ μὲν ἔφθασέ τις ἐσαλάμενος, p. 528. 19: τὰ τείχη δ' ἔφθασεν ὑποκαύσας, p. 579. 21: τὸν μὲν ἔφθασε κτείνας, p. 762. 26: φθάνει Δολοβέλλαν ἐμβαλόν, p. 860. 20: οὐκ ἂν φθάνοιμεν ὀλίγου δεῖν ἅπασι χαλεπαίνοντες. Infinitivi exempla collegi multo plura.

Pag. 292. 23. Sermo fit de filio P. Scipionis, quem ceperat Antiochus: ἡρῆκει γὰρ αὐτὸν ἐν τῇ Ἑλλάδι ὁ Ἀντίοχος, ἐς Δημητριάδα ἐκ Χαλκίδος διαπλέοντα [καὶ ἦν ὁ παῖς Σκιπίων ὁ Καρχηδόνα ὕστερον ἐλὼν τε καὶ κατασκάψας, καὶ δεύτερος ἐπὶ τῷδε τῷ Σκιπίωνι Ἀφρικανὸς ὀνομασθεὶς, Παύλου μὲν υἱὸς ὢν τοῦ Περσέα τὸν Μακεδόνα ἐλόντος, Σκιπίωνος δὲ τῷ γένει θυγατριδοῦς καὶ θέσει πατρὸς]. Stulta adnotatio haec est, quam Wyttenbachius si quid video recte e textu eiecit. Prorsus singularis est in Appiani libris interpolatio.

Pag. 301. 29: βραχέα ἄττα προσεπιλαμβάνουσαι. Musgravius correxit προσεπιβάλλουσαι· equidem malim: προσπεριλαμβάνουσαι.

Pag. 303. 28. Exposuit Africanus πολέμους ὅσους ἐπολέμησεν ὑπὲρ τῆς πατρίδος καὶ ἕκασον αὐτῶν ὡς ἐπολέμησεν. Non sequar Mendelssohnium, qui dubitanter coniecit ἐξεπρόνησεν, nam unice verum esse iudico: ἐπενόησεν, sicuti recte legitur p. 303. 20: οὐπω δ' ὅσα ἐπενόουν ἐργασασμένους ἐπὶ διαβολῇ μετεκάλουν.

Pag. 327. 3: προὔπεμπε τοὺς πρέσβεις ὡς μετὰ χιλίων ἐπόμενος. Lege: ἐψόμενος.

Pag. 332. 20: ὁμολογηκῶς χρήματα δώσειν καὶ ἔτι ὄφλων. Hic perperam Bekkerus et Mendelssohnus scripserunt ὀφείλων· est enim error scriptoris ipsius, cf. p. 465. 1, 699. 6, 871. 9, alibi. Vide quoque Cobetum *Mnem.* 1882 p. 215.

Pag. 333. 17: ἐπικουρεῖν ἡμῖν ἀδικουμένοις ἢ κωλύειν αὐτὸν ἀδικοῦντα. Lege: καὶ κωλύειν.

Pag. 334. 14: σωφρόνων δ' ἐς μὴ περιμένειν ὅτε πολεμεῖν ὑμῖν ὁμολογήσει. Malo: σωφρον, coll. 265. 29: τὸ δ' ἐναντίον ἐς σωφρον φεῖδεσθαι γειτόνων ἐπιμελῶν, ubi est var. lect. σωφρόνων.

Pag. 334. 31: παρακαλοῦμεν ἀμφοῖν ἐκζηναὶ τοῦ πόνου. Longe praeferam: πολέμου.

Pag. 339. 6: τοσόνδε πόλεμον ἄψαντες. Reiskius correxit ἀνάψαντες, Nauckius συνάψαντες. Equidem cogitaram de: ἄραντες, sed proprie dicitur πόλεμον αἰρεσθαι. Cf. ad p. 99. 7.

Pag. 340. 23. Graviter laborat quod de Oppio legimus quem Mithridates οὐδὲν διαθείς ἐπήγετο πανταχοῦ λελυμένον, ἐπιδεικνύμενος ἄρα Ῥωμαίων αἰχμαλώτων στρατηγόν. Agnosco triplicem corruptelam; primum non caret suspicione compositum ἐπήγετο, pro quo sane malim περιήγετο, sicuti ipse Appianus loquitur p. 415. 13: Λούκιον Κάσσιον καὶ Ὀππίον Κόιντον καὶ Μάνιον Ἀκύλιον αἰχμαλώτους ἔλων περιήγετο, μέχρι τὸν μὲν ἔκτεινεν, αἴτιον τοῦ πολέμου γενόμενον, τοὺς δ' ἀπέδωκε τῷ Σύλλᾳ. De usu verborum ἐπάγεσθαι et περιάγεσθαι dignus est qui conferatur Cobetus in *Variis Lectionibus* p. 260 et *Mnem.* 1858 p. 193. Quem Mithridates interfecit is M. Aquilius fuit, quod Appianus tradidit p. 340. 28: Μάνιον Ἀκύλιον, τὸν τῆςδε τῆς πρῆβείας καὶ τοῦδε τοῦ πολέμου μάλιστα αἴτιον, ἔλων δεδεμένον ἐπ' ὄνου περιήγετο, μέχρι ἐν Περγᾶμφ τοῦ σώματος αὐτοῦ κατεχώνευσεν χρυσίον, ubi iterum observa usum compositi περιάγεσθαι. Sed quid est quod legimus Mithridatem Oppium οὐδὲν διαθεῖναι? Possumus aliquem honorifice tractare et εὖ διατιθέναι: possumus etiam male mulcare et κακῶς διατιθέναι: estne aliquod medium inter utrumque, quod οὐδὲν διατιθέναι dicendum erit? Neque ego credo nec Schweighauserus p. 605 credidit, qui supplevit οὐδὲν (δεινὸν) διαθείς. Displicuit ea coniectura Mendelssohnio eamque „praeter rem” factam esse pronuntiavit, quod quid sit non habeo pro certo dicere; hoc certe miror quod Mithridates Oppium tam clementer tractaverit, cum tantam feritatem circa Aquilium exhibuerit. Quid igitur? Assumam Schweighauserianum δεινὸν sed simul expungam οὐδὲν, quod inde versosimiliter natum est. Verum, inquires, potuitne rex λελυμένον circumducere captivum, qui vim tormentorum pertulit? Aio, sed nunc confer mihi p. 878. 6: ἰθεῶτο ναῦς ἐμπεπρησμένης τε καὶ ἡμιφλέκτους ἔτι ἄλλας τε λελυμένας, quod Cobetus *Mnem.* 1882 p. 230 correxit ut fieret λελυμασμένας. Eadem medicina utere nostro quoque loco: Oppium Mithridates δεινὸν διαθείς περιήγετο πανταχοῦ λελυμασμένον. Vocabulum in hoc scriptore creberrimi usus est: veluti p. 437. 17: τοὺς ἀγροὺς ἐλυμαίνετο,

p. 417. 23: ὑπὸ τοῦ πολέμου λελυμασμένην, p. 887. 21: ἔφη λυμανεῖσθαι τινὰ, et sic alibi persaepe. Idem verbum cum dativo casu construitur, p. 527. 28: ἀγρίως καὶ βαρβαρικῶς ἐλυμαίνετο πολλοῖς, quem casum satis tuebuntur Herodoti loci I. 214: λυμαινομένη τῷ νεκρῷ, III 16 Πέρσαι ἐδόκεον Ἀμάσι λυμαίνεσθαι et IX 79 παραινέων νεκρῷ λυμαίνεσθαι. Cf. Schweigh. p. 728.

Pag. 342. 26: ᾧ καὶ μάλις αἰὶν δῆλον ἐγένετο τὴν Ἀσίαν οὐ φόβῳ Μιθριδάτου μάλλον ἢ μίσει Ῥωμαίων τοιάδε ἐς αὐτοὺς ἐργάσασθαι. Considera quid ubique terrarum secundum Appianum Romani egerint, in Hispania, in Africa, in Asia indeque efficias scriptorem tempora liberae reip. vehementer odisse.

Pag. 342. 30: Κῶν αὐτὸν ἄσμένως δεχομένων, notandum est unum Regium Codicem ἄσμένων habere. Itidem invenio p. 33. 10 ἄσμενος τῆς προφάσεως ἐπιβάς, quae verba recurrunt p. 687. 1; p. 458. 7: ἐδέχοντο ἄσμενοι; 479. 6: ἄσμενοι τῆς πολιτείας μετελάμβανον et 856. 21: ἄσμενος Μηνόδωρον ἐκπέμψας. Alibi fere adverbium invenitur: p. 340. 32: ἄσμένως αὐτὸν ἀπάντων δεχομένων, p. 293. 8: ἄσμένως ἂν λαβεῖν, p. 307, 21: δεξαμένων αὐτὸν ἄσμένως, p. 910. 13: ἐμισθοφόρου ἄσμένως τῷ Πομπηίῳ. Cf. Cobet. *Mnem.* 1882 p. 233. Similiter haesitamus inter σοβαρός et σοβαρῶς. Pag. 294. 3: ἐπέβαινε σοβαρῶς et p. 298. 22: ἐπανήει σοβαρὸς Ἀντίοχος ὡς ἐπὶ νίκῃ. Cf. supra ad p. 235. 13.

Pag. 343. 18: ἐς τὸν λιμένα κατέφυγον. Contextus suadet ut rescribatur κατέφευγον. Itidem corrige p. 364. 30, coll. p. 361. 24.

Pag. 345. 29: Ἀρχέλαος ἐπιπλεύσας καὶ σίτῳ καὶ σόλῳ πολλῷ. Immo lege: σὺν στρατῷ καὶ σόλῳ, coll. p. 346. 31.

Pag. 346. 14. Est operae pretium videre quam odiose persequatur Appianus philosophos, si qui forte aliquando rerum potiti sint. Nempe ὅσοι πρυγμάτων ἐλάβοντο, ἐδυνάσευσάν τε καὶ ἐτυράννησαν ὁμότερον τῶν ἰδιωτικῶν τυράννων. Dictum hoc fuit in Aristionem potissimum, philosophum Epicureum, qui aliquando Athenis principatum tenuit.

Pag. 347. 25: περιέμψαν Ἀρισίωνα πολιορκεῖν. Habet hoc Appianus quod haud satis scio an alii non habeant, ut omnibus fere verbis infinitivos addat. Ecce aliquot exempla de magno numero excerpta: p. 165. 9: φόβῳ μηδὲν ὡς ἐν νυκτὶ πανικόν οἱ γενέσθαι. p. 289. 25: ἔψησεν ἀτρεμεῖν. p. 371. 2: ἔπεμψεν ἐπιχειρεῖν τῷ Σύλλᾳ. p. 440. 8: διεσκέδασε τὸν στρατὸν Φεύγειν ἄλλους ἀλλαχοῦ. p. 472. 3: περιέπεμπον τὰ γιγνόμενα ἐξετάζειν. p. 477. 28: περιέπεμπεν ὀπίσω τοῦ Λαφρηνίου γενέσθαι. p. 488. 6: ἐσέπεμψαν ἀνελεῖν. p. 499. 18: περιέπεμπον χρήματα ἀθροίζειν. p. 511. 10: ἄγειν ἔπεμπε Δαμάσιππον. p. 512. 26: τὰς κεφαλὰς περινευκεῖν ἔπεμψεν. p. 673. 30: πολλοὺς περιέπεμπεν ἐξαγγέλλειν ἃ πάσχοι. p. 792. 28: τοῖς προπεμφθεῖσι τὸν ποταμὸν ἰδεῖν. p. 841. 14: ἐφύλασσαν αὐτοὺς μηδ' ἐκφυγεῖν. p. 866. 30: ὀλίγου βεύματος αὐτοὺς διείργοντος μὴ κεκραγότας ἀλλήλων ἀκοῦειν, et sic alibi haud raro.

Pag. 348. 10: λίθους καὶ ξύλα καὶ γῆν ἐς τὸ χῶμα μεταβάλλων. Lege: καταβάλλων.

Pag. 349. 11: ἀγχωμάλου δ' ἐς πολὺ τῆς μάχης οὕσης ἐνέκλινον ἐκότεροι παρὰ μέρος, πρῶτον μὲν οἱ βάρβαροι, μέχρι Ἀρχέλαος αὐτοὺς ἐπισχῶν ἐπανήγαγεν ἐς τὴν μάχην. Nempe Archelaus Φερεπονώτατος ἦν, sicuti legimus p. 352. 22 indeque rescribam αὐτός et utar eadem correctione paulo post p. 349. 18: Ἀρχέλαος δ' αὐτοὺς ἐπιστρέφων αὐθις καὶ τῷ ἀγῶνι διὰ τὴν προθυμίαν ἐς πολὺ παραμένων. Similia de eius militari virtute saepe legimus, qui verbi causa p. 362. 10, τῆς νίκης ἀρχομένης ἀναθορῶν αὐθις ἐπὶ τὸν ἵππον ἐπῆναι τὸν στρατὸν περιῶν καὶ ἐπέσπερχεν. Hinc p. 354. 20: καὶ περιθέων αὐτοὺς καὶ παρκαλῶν, etiam Nauckius rescribere voluit αὐτός, quemadmodum est p. 358. 12: αὐτὸς ἐνεπρῆσε τοῖς ἐνυαλλοῖς θεοῖς. Hinc etiam p. 362. 2: ἐς πολὺ μὲν αὐτοὺς παριππεύων παρεκάλει, vide an non αὐτός praestet. Sic p. 313. 11 Seleucus πόλεμον ἐπολέμησε Ἀντιγόνῳ περὶ Ἴψον τῆς Φρυγίας, αὐτῷ στρατηγοῦντι καὶ αὐτῷ μαχομένῳ, καίπερ ὑπὲρ δογδοήκοντα ἔτη γεγονότι.

Pag. 350. 13: Μουνάτιος Νεοπτόλεμον ἕτερον στρατηγὸν κατατρώσας ἔκτεινε μὲν ἐς χιλίους. Neoptolemus ille, quem

supra iam habueramus p. 337. 22 et 339. 15, Archelai frater erat, sed insititium iudico quod inutiliter additum est *ἕτερον στρατηγόν*. Praeterea corrigam: *καταφωράσας*.

Pag. 358. 25: *νομίσας δ' ἂν τινὰς αὐτῷ ἐπιθήσεσθαι*. Cum Nauckio omnino lege: *ἐπιθέσθαι*.

Pag. 361. 14: *ὑπὸ κλίνῃ τινὶ παρεσκεύασεν ἀκοῦσαι τοῦ Μυνίωνος*. Cur Mendelssohnus non ausus est recipere *τινὰ*, quod Bekkerus coniecerat?

Pag. 365. 27: *ἐπέσειλλεν Ἀρχελάῳ διαλύσεις ὡς δύναίτο εὐπρεπῶς ἐργάσασθαι*. Malo cum altero codicum genere *εὐπρεπεῖς*.

Pag. 366. 16: *ἐπὶ δὲ ἡμῖν καὶ φύσεως ἔχθραν μάλλον ἢ πολέμου χρεῖαν ἐπεδείξατο*. Necessarium est: *ἔτι δέ*.

Pag. 366. 22: *Φιλίαν πατρῶαν ἧς οὐ πρὶν ἐκκαίδεκα μυριάδας ὁμῶν ὑπ' ἐμοῦ συγκοπῆναι ἐμνημονεύετο*. Malo: *ἐμνημόνευε*.

Pag. 367. 3: *ἐὰν ἀποδῶ καὶ στρατηγούς ἡμῶν ἢ πρέσβεις ἢ αἰχμαλώτους ἢ αὐτομόλους ἢ ἀνδράποδα*. Quater repono *καί*.

Pag. 376. 30: *παιδίον τετραετὲς ἐγγυήσας τῷ Ἀριοβαρζάνῃ καὶ ἐπὶ τῇδε προφάσει λαβὼν ἔχειν Καππαδοκίας ὅσα τε εἶχε καὶ ἕτερα ἐπ' ἐκείνοις*. Suspiciatus est Mendelssohnus corruptum esse λαβὼν et dubitanter coniecit λαχὼν· mihi illud προφάσει displicet et melius intelligam: *πρόφασιν*.

Pag. 378. 4: *μεγαλοφρονητάμενος ὅτι τὸ κλέος αὐτοῦ καὶ εἰς τὸν Πόντον δίδικετο*. Cum Mendelssohno legam: *διῖκετο*. Utere autem eadem correctione p. 410. 15: *Πομπηίου δ' αὐτὸν ἐλθόντῃ δεῖσθαι τὸν Μιθριδάτην κελεύοντος, καθὰ καὶ Τιγράνης ἀφίκετο*, et scribe: *ἀφίκετο*. Item plane eadem est corruptela p. 510. 31: *ὡς δὲ ἀφίκοντο χωρὶς γε Νωρβανοῦ (μόνος γὰρ οὐκ ἀφίκετο)*.

Pag. 382. 11: *πύργος ἐξ οὗ γέφυρα ὑπὸ μηχανῆς ἐξήλλετο*.



Possit id mire dictum videri, sed vide continuo post vs. 20  
 ἡ γέφυρα ἐς τὸ τεῖχος ἐξήλατο ἄφνω.

Pag. 392.25: τοὺς μὲν ἱππέας ἐκ μετώπου προσέτασεν  
 ἐνοχλεῖν αὐτῷ. Legam: πρόετασεν.

Pag. 396.27: ὧν ἐξαγγελθέντων ὁ στρατὸς αὐτίκα διελύετο.  
 Immo verum est: διελέλυτο, sicuti Cobetus quoque *Mnem.*  
 1882 p. 214 correxit p. 540.18: ἡ Κατιλίνα ἐπανάστασις διε-  
 λέλυτο. Recte plusquamperfectum editur p. 570.19 et 613.11.

Pag. 409.30: Φρούριον ἦν τι Μιθριδάτῃ, ἐνθα λανθάνοντες ὑπό-  
 γαιοι θησαυροὶ πολλῶν σιδηροδέτων χαλκίων πολλὰ χρήματα  
 ἐκρυπτον. Duos locos contuli: p. 287.29: πυρφόρα ἀγγεῖα σιδηρᾶ  
 et, quod magis ad rem facit, p. 753.3: ἐν λάρνακι, ἃς (sed  
 lege: οἷας) ἀπὸ σιδήρου ἐς χρημάτων ἢ βιβλίων ἔχουσι φυλακὴν.  
 Audendum aliquid est et commendare ausim scripturam: πα-  
 λαίων σιδηροδέτων ἀγγείων. De huiusmodi capsis ferreis nihil  
 me alibi legere commemini, nec magis rem memoria dignam  
 habuerunt Gardthausenus vel Birtius.

Pag. 410.24 notabile est quod de Mithridate legimus νόσον  
 τινὰ ἐλκώδη τοῦ προσώπου νοσῶν ὑπὸ τριῶν εὐνούχων ἰθεραπεύετο  
 καὶ ἰωρᾶτο. Nihil mirum quod hic legimus de eunuchis: pes-  
 sime oderant milites eunuchos, qui Mithridatem senem in sua  
 potestate habebant; hoc est quod legimus p. 413.19 eos Phar-  
 nacem regem habere maluisse ἀντὶ γέροντος εὐνούχοις ἐκδεδομένου  
 dicunturque, p. 411.24, πρὸς εὐνούχους κρατοῦντας τοῦ Μιθριδά-  
 του πεπολεμῶσθαι. Verum quid est illud ἰωρᾶτο? nam quod  
 Schweighauserus μόνων inserere voluit, non est magnum et  
 Nauckius solito infeliciores fuit, cum reponere vellet ἐφρουρεῖτο.  
 Videor mihi reperisse quid hic lateat. Apud nos aegrotantes vel  
 alio quovis morbo corpore debilitato vehi solent plostello, quod  
 propellit famulus: percommodum hoc est quum certe in nostra  
 patria etiam in foris et conciliabulis viae stratae sint: olim  
 certe aliter, nam Appianus tanquam notabilem rem denotat  
 urbem Smyrnam fuisse λιθόστρωτον, p. 670.1. Itaque ne nimis  
 concuterentur vel etiam luto conspergerentur, malebant lectica

ferri. Id quomodo Latine et Graece dicitur? Sed est satis notum: appellant *gestari* et αἰωρεῖσθαι, indeque Appiano reddiderim αἰωρεῖτο· hoc enim malo quam ἡύρειτο, nam fere augmento temporali carent verba, quorum prima syllaba sola constat vocali vel diphthongo ante vocalem, sicuti αὐκίνηιν, οἰωνίζεσθαι, alia. Confirmabit quod dixi Dio Cassius LV 17: τοῖς δ' αἰωρήμασι καὶ τοῖς ἡπίοις Φαρμάκοις τὰ πλείω μαλθάσσοντες θεραπεύουσι. Vocabulum ab scriptore proprio sensu adhibetur p. 287. 29: πυρ-Φόρα ἀγγεῖα ἐξῆπτε κοντῶν μικρῶν, αἰωρεῖσθαι τὸ πῦρ εἰς τὸ πέλαγος, sed plerumque metaphorice dicitur: p. 450. 25 Gracchus τοῦ ἔργου τῇ ὠφελείᾳ αἰωρούμενος, p. 539. 29: τὸ πλῆθος αἰωρούμενον κατ' ἀγοράν, p. 595. 9: ἡύρει δὲ καὶ τῶν γεγονότων εὐπραξία, p. 695. 19: ἐς ἐλπίδας αἰωρούμενοι. Ceterum tres illi eunuchi dominum comitabantur, non ipsi suis humeris portabant lecticam, quod ne commodum quidem facere potuissent, sicuti ostendet p. 623. 24 de tribus famulis qui Caesaris cadaver domum portarunt, οἱ τὸ σῶμα ἐς τὸ Φορεῖον ἐνθήμενοι διεκόμισαν οἴκαδε ἀνωμάλως οἶα τρεῖς.

Pag. 411. 8: καὶ ἦν αὐτῶν Ἀρταφέρνης ἀμφὶ τεσσαράκοντα ἔτη μόνος, οἱ δὲ λοιποὶ παῖδες εὐμορφοί. Corrigam: γεγονώς, quemadmodum legitur p. 597. 13.

Pag. 419. 19 in triumpho praetervehabantur Μιθριδάτου καὶ ἡ πολιορκία καὶ ἡ νύξ ὅτε ἔφυγεν εἴκασο καὶ ἡ σιωπή. In bellico tumultu non locus fuit silentio et Reiskius acute emendavit Σινώπη. Mirandum est quod editores elegantem coniecturam recipere non ausi sunt, etiamsi legerint p. 195. 27: πύργοι παρζέρονται μιμήματα τῶν εἰλημμένων πόλεων.

Pag. 425. 7: δεδιότες ὑπὸ μνήμης τῶν προπεπολεμηκότων σφίσι Κελτῶν, μὴ καὶ οἷδε ἐς τὴν Ἰταλίαν ὑπὲρ Ἀλπεῖς ἐσβάλοιεν. Rescribam: τῶν πρότερον πεπολεμηκότων.

Pag. 428. 25: τῶν ὑπηκόων αὐτοῦ πρὸς τὸν Ἀνίκιον μετατιθεμένων. Lego μεταθεμένων, quemadmodum recte legitur p. 429. 15. Frequens confusio: p. 443. 14: Φιλονικότερον ἐς ἀλλήλας αἱ ἀρχαὶ διετίθεντο ἀπὸ τοῦδε, Mendelssohnus maluit διετέθειντο, sed Viereckius omnium minime ταχυπειθής.

Pag. 449. 3: διαπεπράσσεσθαι. Praeterea tria exempla animadverti futurorum exactorum pro simplicibus futuris: p. 562. 12 ἀπολελείψεσθαι, p. 690. 8 λελέξεται et p. 730. 6 ἐγγεγράφεται.

Pag. 459. 6: σαφῶς δεδωροδοκηότες ἀφείντο ὑπὸ τῶν δικασάντων. Immo: ὑπ' αὐτῶν δικασάντων, hoc est: a Senatoribus.

Pag. 464. 4. Scipio consul theatrum demolitus est quod L. Cassius struxerat, ὡς καὶ τόδε γάσεων ἄρξον ἐτέρων ἢ οὐ χρήσιμον ὄλως Ἑλληνικαῖς ἡδυπαθείαις Ῥωμαίους ἐθίζεσθαι. Dixeris citra controversiam verum esse: καὶ οὐ χρήσιμον (δν), sed iam supra, ad p. 45. 23, adnotavimus Appiano fere perinde esse addatne hoc participium nec ne, quamquam id nobis plane necessarium esse videatur. Duos locos praeterea adscribam: p. 491. 13: ἡ μὲν δὴ βουλὴ τὸν Κίνναν, ὡς ἐν κινδύνῳ τε τὴν πόλιν καταλιπόντα ὕπατον καὶ δούλοις ἐλευθερίαν κηρύξαντα, ἐψηφίσατο μήτε ὕπατον μήτε πολίτην ἔτι εἶναι. Sed multo facilius est corrigere καταλιπόντα (δντα) ὕπατον, quam non sollicitare id quod manuscripti libri exhibent. Pag. 496. 3: ἐκρεμάσθη (scil. ἡ κεφαλὴ) πρὸ τῶν ἐμβόλων ἐν ἀγορᾷ πρώτου τοῦδε ὑπάτου, in fine Mendelssohnii inserere voluit γενομένου, sed hic quoque Viereckius contradicit: equidem locorum multitudine obrutus anceps haereo quid statuendum censeam.

Pag. 468. 19: τοσάδε εἴργασο Ῥωμαίους, malim fere dativum Ῥωμαίοις, quem unus codex exhibet, ut εἴργασο passivum verbum fiat. Cf. supra ad p. 14. 19.

Pag. 475. 4: Παπίου δὲ πελάσαντος αὐτῷ σὺν καταφρονήσει. Malim fere: προσπελάσαντος, nam amat Appianus uti hoc composito, veluti p. 594. 15, 602. 17, 611. 26, 647. 11, 837. 12, alibi. Redit simplex verbum p. 505. 21.

Pag. 479. 24: τῶν λοιπῶν ἐς τὰ σφέτερα δι' ἀπόρου χώρας καὶ χειμῶνος ἐπιπόνου διατρεχόντων οἱ ἡμίσεις βαλανηφαγοῦντες διεφθάρησαν. Recte fortasse Madvigius supplevit: οἱ ἡμίσεις βαλανηφαγοῦντες (διστώθησαν, οἱ δ' ἡμίσεις) διεφθάρησαν, sed praeterea malim: δι' ἀσπόρου χώρας, quae lectio ab uno codice aliquid commendationis habet.

Pag. 501. 7: ἀπεκρίνατο αὐτὸς μὲν οὐποτε ἀνδράσι τοιάδε ἐργασασμένοις ἔσεσθαι φίλος. Lege: εἰργασμένοις. Vide modo p. 471. 23: τοσάδε εἰργασμένων ἀνδρῶν et p. 500. 1: αὐτίκα τιμωρὸς ἦξειν ἐπὶ τοὺς εἰργασμένους.

Pag. 502. 9: αὐτὸν δὲ Σύλλας ἔτι νεώτατον ὄντα ἤγεν ἐν τιμῇ. Hoc quidem nimium est: corrigam: ἔτι νέον αὐτὸν ὄντα, delete αὐτόν sententiae initio. Recte mox p. 502. 14: ἔτι ὄντι νέφ καὶ ἔτι ὄντι τῶν ἱππέων, scribas modo supervacaneis deletis: ἔτι νέφ καὶ ὄντι τῶν ἱππέων. Addo p. 536. 8: δὲ Καῖσαρ ἦν ἔτι νέος. Itidem recte p. 524. 15: Φαῦτος παῖς δὲ τοῦ Σύλλας νεώτατος ἦν ἔτι et comparativus p. 664. 13 et 673. 15.

Pag. 509. 10: μετὰ σκότους διεκρίθησαν. Traditur Musgravius σκότος scripsisse: simul, uti opinor, mutaverat praepositionem et commendaverat: κατὰ σκότος.

Pag. 514. 30: ἐγκλήματα ποικίλα στρατηγίας ἢ στρατείας ἢ ἐσφορᾶς χρημάτων ἢ ἄλλης ὑπηρεσίας ἢ βουλευσεως ὅλως κατὰ Σύλλα. Interpolatum esse contendo id quod est ἢ στρατείας: deinde quater pro ἢ rescripserim καί. Satis nota res est: particulae ὥς, ἢ et καί sine fine inter sese confunduntur: veluti p. 541. 28: Λεύκκλος δὲ πρὸ τοῦ Πομπηίου στρατεύσας ἐπὶ τὸν Μιθριδάτην ὥς ἀσθενέστατον αὐτὸν ἀπολιπὼν τῷ Πομπηίῳ, διεκώλυεν ἴδιον ἔργον ἀποφαίνων τὸ Μιθριδάτειον. Coniecit Mendelssohn καὶ ἀσθενέστατον, nec Viereckius debuerat contradicere.

Pag. 518. 20: τὴν δὲ τῶν δημάρχων ἀρχὴν ἴσα καὶ ἀνείλεν. Nondum, quantum mihi comparuit, hucusque viri docti satis attenderunt ad eam locutionem ἴσα καί, quae tantumdem valet quantum *tantum non*. Alios locos colligere facile est, veluti p. 469. 28: ἐγκλήματος ἴσα δὴ καὶ ἀγνοουμένου. Haud dissimiliter usurpatur ὁμαλῶς οἶα: sic p. 725. 6: κύνες ὠρύοντο ὁμαλῶς οἶα λύκοι: p. 809. 6: ἐπεμαντεύοντο δ' ὁμαλῶς ἐκότεροι πάντα τὰ Ῥωμαίων πράγματα κρινεῖν, p. 865. 28 Πομπήιον οἱ μὲν ἄλλοι πάντες ὁμαλῶς ἔπειθον ἐς τὴν εἰρήνην.

Pag. 519. 14. Q. Lucretium Ofellam ὑπατεύειν διὰ τὸ μέγεθος

τῶν εἰργασμένων κατὰ παλαιὸν ἔθος ἀξιούντα καὶ πολιτῶν δεόμενον Sylla in medio foro interfici iussit. Aliquanto convenientius erit δεομένων.

Pag. 521. 29, postquam imperium Sylla deposuit, μεिरάκιον οὐδενὸς αὐτὸ ἀπερύκοντος ἐθάρρησε καὶ λοιδορούμενον αὐτῷ μέχρη τῆς οἰκίας ἐλθεῖν. Mendelssohnus suasit ut sive καὶ deleteretur sive ἤλθεν scriberetur: utrumque inutiliter secundum Viereckium. Mihi quoque tradita scriptura displicet et commendabo: ὡς λοιδορούμενον.

Pag. 533. 16: ἔκτεινεν ὁ Κράστος ἐς ἑξακισχιλίου; ἄλλους; περὶ ἧω καὶ περὶ δέιλῃν τοσοῦδε ἐτέρους, τριῶν ἐκ τοῦ Ῥωμαίων στρατοῦ μόνων ἀποθανόντων καὶ ἑπτὰ τρωθέντων. Nisi sumamus gladiatores illos pecoris instar innocuos fuisse, difficile est fidem habere. Similiter tamen Appianus etiam alibi: p. 568. 7: μάχης δὲ καρτερεῖς γενομένης, Κουρίωνος μὲν εἰς ἀνὴρ ἔπεσεν, Οὐάρου δὲ ἑξακόσιοι καὶ κατετρώθησαν ἔτι πλείονες. Praeterea audi quomodo Fabius Maximus Aemilianus Gallorum copias profuderit, p. 36. 7: δώδεκα μυριάδας ἐν μιᾷ μάχῃ κατέκτανε, πεντεκαίδεκα μόνους ἀποβαλὼν. Non minus mirificum quod legimus p. 504. 30: θνήσκουσι Νωρβανοῦ μὲν ἑξακισχίλιοι, τῶνδ' ἀμφὶ τὸν Σύλλαν ἐβδόμηκοντα, τραυματίαι δ' ἐγένοντο πολλοί. Consideremus quoque p. 358. 5: Archelao ad Chaeroneam victo, ἐς Χαλκίδα συνελέγοντο οὐ πολὺ πλείους μυρίων ἐκ δώδεκα μυρίων γενόμενοι. Ῥωμαίων δ' ἔδοξαν μὲν ἀποθνεῖν πεντεκαίδεκα ἄνδρες, δύο δ' αὐτῶν ἐπανῆλθον. Nec discrepat Plutarchus in Vita Sullae c. 19: ὁ δὲ Σύλλας λέγει τέσσαρας; καὶ δέκα ἐπιζητῆσαι τῶν αὐτοῦ στρατιωτῶν, εἴτα καὶ τούτων δύο πρὸς τὴν ἐσπέραν παραγενέσθαι, quem locum examinavi *Mnem.* 1899 p. 290. Ante annos plusquam quinquaginta fuit vir doctus J. A. Wynne, qui commentationem edidit *de fide et auctoritate Appiani in Bellis Romanorum Civilibus*: hunc librum acri censura dilaceravit Hullemannus in *Mnem.* 1856 p. 154 et tum alia utilia attulit quae ad illud argumentum pertinent, tum suscepit probare Appianum ex Syllae commentariis haud parum profecisse. Difficile est negare quod in oculos incurrit et admirabilis est ea veterum circa caesorum

militum numerum incuria, cuius quaedam exempla excerpti l.l. in *Mnem.* 1899 p. 290. Potuissent tamen historiarum scriptores, si modo voluissent, certiora ac veriora tradere. Verbi causa post pugnam apud Leuctra statim Spartam perlata fuerunt nomina omnium eorum qui in acie occubuerant et postridie, locus est in Xen. Hell. VI 4. 16, ὧν μὲν ἐτέθνασαν οἱ προσήκοντες, λιπαροὺς καὶ Φαιδροὺς ἦν ὄρᾱν ἐν τῷ Φανερῷ ἀναστρεφόμενους· ὧν δὲ ζῶντες ἡγγελμένοι ἦσαν, ὀλίγους ἂν εἶδες, τούτους δὲ σκυθρωποὺς καὶ ταπεινοὺς περιόντας. Quod ad Romanos attinet, docet Appianus p. 683. 15: ἀνάγραφτός ἐστιν ἐν τοῖς Ῥωμαίων στρατοῖς αἰεὶ καθ' ἓνα ἄνδρα ὁ τρόπος. Itaque in castris Perusinis postquam L. Antonius se Octaviano tradidit, misit, p. 849. 1, τοὺς χιλιάρχους τὸ σύνθημα τῷ στρατῷ ληψομένους παρὰ τοῦ Καίσαρος. οἱ δὲ ἔφερον αὐτῷ τὸν ἀριθμὸν τοῦ στρατοῦ, καθὰ καὶ νῦν ἕως ἐς τὸν αἰτοῦντα τὸ σύνθημα χιλίαρχον ἐπιδιδόναι τῷ βασιλεῖ βιβλίον ἐφήμερον τοῦ ἀριθμοῦ τοῦ παρόντος. Itaque in Sylla deprehendimus ridiculam iactantiam; in aliis fortasse negligentia peperit pudendos errores, non monumentorum penuria. In ea re stoliditatis palmam omnibus praeripuit Flavius Iosephus, cuius aliquammultos locos indicavi *Mnem.* 1885 p. 267 sqq.

Pag. 548. 16: τὸ δεκάζειν ἢ δωροδοκεῖν ἀναισχύντως τότε μάλιστα ἐπλέονασεν. Corrigan: καὶ δωροδοκεῖν. Etenim iam mature factum, et fortasse iam apud Polybium, ut verbum δωροδοκεῖν, quod δῶρα δέχεσθαι significat et *corrupti*, videretur esse *corruptere* et δεκάζειν, unde provenit novicia passiva forma δωροδοκεῖσθαι. Cf. Cobetus *Mnem.* 1858 p. 14. Appianus sibi cavit ab eo errore: ecce exempla: p. 551. 22: δίκας προτιθεὶ τῶν τ' ἄλλων ἀδικημάτων καὶ μάλιστα δωροδοκίας καὶ δεκασμοῦ· p. 572. 25 Pompeii verba sunt: δεῦρο διεπλεύσαμεν, ἀμυνόμενοι τὸν ἐκ πολλοῦ μὲν ἐπιβουλεύοντα αὐτῇ, διὰ δὲ τοὺς δωροδοκοῦντας τὴν Ἰταλίαν ἄφνω καταλαβόντα. p. 334. 8 arguitur Mithridates δεκάσαι τῶν ὑμετέρων τινὰ στρατηγῶν· contra L. Scipio p. 426. 3 dicitur δωροδοκῆται τοῦ ἱεροῦ χρυσίου. p. 550. 14 Caelius Milonem εἶλκεν εἰς τὴν ἀγορὰν ἐπὶ τοὺς πρ' αὐτοῦ δεδωροδοκηκότας. Remanet p. 552. 12, ubi Gabinius, Milo et alii haud pauci condemnantur ἐπὶ δωροδοκίαις ἢ πλῆθους δεκασμῶ, ubi fortasse itidem praestat καὶ πλῆθους, sicuti illo loco, quem initio descripsimus.

Pag. 553. 15: ἔδεδόκει μὲν ὑπὸ τοῖς ἐχθροῖς ἰδιώτης γενέσθαι. Iam *Mnem.* p. 1876 p. 346 correxi: ἐπὶ τοῖς ἐχθροῖς· contra Viereckius obmovet p. 556. 5, cuius loci ratio diversa est. Conferri merentur p. 631. 11 et 729. 24. Itidem p. 460. 4, quod de Graccho legimus: πλῆθος ἐργολάβων ὑφ' αὐτῷ ποιούμενος, praestare dixerim ἐφ' αὐτῷ. Deinde p. 900. 16: πρόφασιν ἔχων ὅτι πρῶτος ἐπιβαίη τῆς νήσου καὶ πλείονας πόλεις ἐπαγάγοιτο, malim fere: ὑπαγάγοιτο. Miror quoque verbum ὑπακούειν, quod plerumque quidem recte cum dativo casu construitur, sed cum genetivo: p. 8. 15, 25. 28, 270. 23, 432. 25, 436. 32 et 514. 28.

Pag. 559. 4: τρισὶν ἡμέραις τριακοσίους ἐπὶ τρισχιλίοις σαρδίων δραμῶν. Hic primus Viereckius ex Vaticano codice rectissime recepit lectionem διαδραμῶν. Sic Appianus perpetuo: p. 258. 20: τὸν Ὀκεανὸν ἐς Βρεττανίαν διαπεπλευκότες. p. 558. 21: ἀπὸ Κελτῶν τὰ ὄρη διελθόν. p. 569. 7: ἐς τοὺς παρορμοῦντας διαπλεύσας. p. 578. 20: διαπλεύσαντος ἐς τὸ Βρεντέσιον. p. 596. 16: ἐς Μυτιλήνην διαπλεύσας, denique p. 623. 9: ἐς τὴν νῆσον διαδραμῶν.

Pag. 567. 20: ἐπιμαρτυρούντων ἀξίως σφῶν αὐτοκράτορας εἶναι. Iam Musgravius rescripsit: ἀξίους, Viereckius autem ubique mordicus tenax est vulgatae lectionis; nec ad rem pertinet locus quem laudat p. 540. 13; utilius adscripsisset verba quae illic in vicinia leguntur p. 540. 26: τῶν νῦν αὐτοκρατόρων τοὺς Φαινομένους ἀξίους.

P. 574. 31: τὸ δ' ὑμέτερον εὐπειθὲς εἰδὼς ὅμως ἀναμένω τὴν ἀπόκρισιν. L.: ἀναμενῶ.

Pag. 582. 9: ὑπισχνούμενοι διορθώσεσθαι τὸ ἀμάρτημα νίκη καλῇ. Nonne verius est καὶ νῆ?

Pag. 583. 2: λέγεται δ' ἐν τοῖς Γόμοις γενέσθαι παθήματα γενναῖα, καὶ νεκροὺς τῶν ἐπιφανῶν γερόντων ἐν ἰατρείᾳ φανῆναι, κυλίκων αὐτοῖς παρακειμένων ἀνθρώτοις, εἴκοσι μὲν ὥς ἐκ μέθης κατακεκλιμένους ἐπὶ τὸ ἔδαφος, ἓνα δὲ ἐπὶ θρόνου παρακαθεζόμενον οἷα ἰατρόν, ὃς τὸ φάρμακον αὐτοῖς ἄρα παρέσχεν. Ex Viereckii

adnotatione apparet fuisse qui hunc locum parum intelligerent ac proinde etiam illud ἀτρώτοις corruptum esse putarent. locus est militum ὑποβεβρεγμένων et facile ferimus si non salsius fuerint iocati. Conferamus ea quae paulo supra narrantur p. 582. 29 et nullo negotio eluere poterimus unicum vitium quod remanet: οἱ Γερμανοὶ γελοϊότατοι κατὰ τὴν μέθην ἦσαν· hinc sane non fuerunt ἐν τοῖς Γόμφοις temulentorum militum παθήματα γενναῖα, sed γελοῖα. Hoc quoque unus et alter mihi ignoravisse videtur veterem militem sic simpliciter γέροντα dici. Ecce pauca quaedam exempla ne quis amplius dubitet: p. 584. 5 Caesariani milites σπουδῇ δαιμονίῳ συνενεχθῆναι τοῖς πολεμίοις ὠρέγοντο καὶ ἡγοῦντο πολέμῳ μὲν εἶναι παρὰ πολὺ ἀμείνους νεοστρατεύτων ἔτι ὄντων δέκα ἑτασιν ἡσκημένοι, ἐς δὲ ταφρείας ἢ περιτειχίσεις ἢ σιτολογίας ἐπιπόνους ἀνθενέστεροι διὰ γῆρας. Pompeii verba sunt p. 588. 23: καταφρονεῖτε δέ, inquit, ὡς ἡσσημένων νενικηκότες καὶ γερόντων νέοι καὶ πολλὰ κεκμηκότων ἀκμῆτες ἄνδρες. Deinde, p. 590. 12, dimisit ut castra tutarentur δισχιλίους τοὺς πάνυ γέροντας. Denique p. 685. 18 veterani milites, γηρῶντες, ἰδόκουν νεοσυλλόγων ἀμείνους ἐς τὸ διπλάσιον εἶναι. Sed satis haec sunt.

Pag. 584. 13: οὔτε ναῦς ἐς φυγὴν ταχεῖαν ἔχοντας. Immo requiro: ταχεῖας.

Pag. 594. 23 Pompeius ἐκαθέζετο ἄναυδος οἷόν τι καὶ τὸν Τελαμῶνος Αἴαντά Φασιν ἐν Ἰλίῳ παθεῖν ἐν μέσοις πολεμίοις ὑπὸ θεοβλαβείας. Musgravius aliquando correxit, quod post eum multos alios coniecisse existimo ποιμνίοις, idque primo obtutu verissimum esse dixeris, cum Appianus memor fuerit eorum quae legisset in Sophoclis Aiace vs. 311: καὶ τὸν μὲν ἦσο πλείστον ἄφθογγος χρόνον. Nec tamen ea coniectura stare potest, scriptor enim indidem profecit unde etiam Plutarchus Pompei. 72: ἔμοιος παράφρονι καὶ παραπληγῇ τὴν διάνοιαν — μηδέν αὖ προσειπὼν ἀπήει βᾶδην εἰς τὸν χάρακκα, πάνυ τοῖς ἔπεισι πρέπων ἐκείνοις (Homer. Iliad. Δ 544):

Ζεὺς δὲ πατὴρ Αἴανθ' ὑψίζυγος ἐν φόβον ὤρσεν·  
 σῇ δὲ ταφῶν, ὅπιθεν δὲ σάκος βάλεν ἑπταβόειον.  
 τρέσσε δὲ παπτήνας ἐφ' ὀμίλου.



Ea conditione nati sumus, ut numquam ab errandi periculo satis tutus sis: hic certe διδασκαλικὸς τόπος est.

Pag. 600. 19: ὃ καὶ αὐτῷ δῆλόν ἐστι τὸν ἕτερον τῷ Κασσίῳ φόβον ὑπὸ τύχης ἐγγενέσθαι τὸν Καίσαρα ἐπαιρούσης. Improbatur Viereckius, quod Musgravius correxerat πρότερον: fortasse melius placere poterit ἄτοπον.

Pag. 601. 29: διέξεισι futurum est; ceterum Appianus fere ἐλεύσεσθαι usurpat, p. 62. 32, 166. 31, 189. 10, 214. 15 alibi. Est talium incuriosus: ἔρχεσθαι invenitur p. 104. 26, 124. 28; ἔρχοιτο p. 146. 6, 854. 23; ἐρχόμενος p. 77. 13, 150. 27, 530. 1, 904. 29 et alibi saepe.

Pag. 608. 25: οἷα θηρίον τό τε τραῦμα καὶ τὴν γαστέρα εὐρύων ὄνυξι καὶ δακτύλοις ἐρευνῶν καὶ τὰ σπλάγχνα διαρρίπτων. Corrigan κατὰ τὴν γαστέρα et libenter deleverim inutilia verba ἐρευνῶν καί, nam forte ἐρευνῶν scriptum pro εὐρύων alienum locum occupavit. Consimilis corruptela est p. 723. 7: ἐρευναί τε καὶ εὐρέσεις καὶ παθήματα πάμπαν ἐπαχθῇ, sed correctio incerta est, vide Viereckium. Illud quoque observandum: ἐρευνᾶσθαι, διερευνᾶσθαι, προερευνασθαι deponentia verba sunt minime raro apud Appianum obvia, sicuti p. 657. 32; 735. 17; 741. 30; 750. 12; 753. 17; 831. 28; 833. 15; 888. 32; legitur tamen διερευνᾶν p. 884. 30, et προερευνᾶν p. 888. 9.

Pag. 609. 19: χειμαζόμενος ἐν τῇ θαλάττῃ καὶ πολεμίαις ναυσὶν ἐντυχὼν ἐφέρετο γενναίως μέχρι καταλαμβανόμενος ἑαυτὸν διεχρήσατο. Malim: περιεφέρετο, coll. p. 611. 20: ἐκτρίβειν τῷ χρόνῳ τὸν Καίσαρα καὶ ἐς ἀπορίαν ὡς ἐν ἀλλοτρίᾳ γῇ περιφέρειν.

Pag. 616. 13: εἴτ' ἀπογνοῦς, εἴτε κάμων καὶ ἐκκλίνων ἤδη τήνδε τὴν πεῖραν ἢ διαβολήν. De Caesare sermo est, qui diadema ab Antonio oblatum recusaverat; reliqua aperta, sed quid est κάμων? nam sequitur brevi post: εἴτε νοσήματα τοῦ σώματος θεραπεύων, ἐπιληψίαν ἢ σπασμὸν αἰφνίδιον ἐμπίπτοντα αὐτῷ μάλιτα παρὰ τὰς ἀργίας. An forte probandum: καλύπτων? Sed nihil equidem definio.

Pag. 617. 4: εὖ γὰρ ἤδεσαν αὐτόν, μὴ καὶ τάδε τὰ ἔθνη προσλαβὼν ἀναμφιλόγως γένοιτο βασιλεύς. Hic haerent interpretes et vide apud Viereckium quid frustra moliti sint; incidi equidem in ἡδέσθησαν. Vide illud verbum αἰδεῖσθαι crebro usurpatum: p. 638. 30: ἡδεῖσθε ἂν ἴσως ἐπὶ τοιούτοις αἰτεῖν ἀριεῖα, p. 633. 9: τὴν δὲ πόλιν τοὺς ὑπολοίπους αἰδούμεθα βλάψαι, p. 696. 30: αἰδούμενοι τῶν ἐντολῶν τὸ ἀλλόκοτον, p. 828. 28: μετενόει καὶ ἡδεῖτο, alibi. Est praeterea locus ubi idem hoc verbum perperam legitur: p. 655. 24: αὐτὸς δὲ αἰδεῖσθαι Συρίας οὐκ ἀξιούμενος, Δολοβέλλας ὦν, πρὸ Κασσίου. Emendavit Musgravius: ἀδικεῖσθαι idque verum videtur.

Pag. 624. 18: ἐδεδοίκεσαν Ἀντώνιον ὑπατεύοντα μὴ ἀντὶ τῆς βουλῆς τῷ δῆμῳ μόνῳ χρώμενος ἐργάσαιτό τι δεινὸν αὐτοῦς. Multum praeferam: ἀνευ τῆς βουλῆς. Cf. supra ad p. 265. 13.

Pag. 628. 19: τῶν ἀσῶν ὁ καθαρῶτατος λεὼς ἀνεθάρρει. Lege: καθαρώτερος, sicuti recte p. 629. 30.

Pag. 630. 30: οὐδὲ βουλομένοις ἡμῖν ὑπακούσεται, καὶ δεῖξω μετ' ὀλίγον. Requiro: ὡς δεῖξω. Obmovet Viereckius p. 631. 8: τότε πρῶτον ὑμᾶς ἀξιῶ κρίναι, καὶ τὰ λοιπὰ ἐποίησα, sed Nauckius recte rescripsit: κἄτα τὰ λοιπά.

Pag. 637. 6: εἰκότως αὐτῷ δεδιδότι καὶ βέβαιον ἔχοντι τὴν τυραννίδα ἀμνησίαν αἰτοῦντι ἔδομεν. Infelicia admodum sunt conamina, quae Viereckius percenset: commendo equidem: δεινῷ ὄντι. Frustra provocabitur ad p. 647. 13.

Pag. 638. 15: καὶ γὰρ ὄντες ἐν ἀσφαλεῖ [τιμῇ] παρὰ Καίσαρι τὴν πατρίδα τῆς ἡμετέρας τιμῆς προετιμήσαμεν. Simili fortasse remedio sanandum erit quod legimus p. 676. 18, sed nihil praesto.

Pag. 641. 14: ὑπεσαλεύετο αὐθις ἐς ὀργὴν ὁ δῆμος, τυράννου μὲν κατηγορίας προπεπυσμένοι, διχθήκας δὲ Φιλοπόλιδος ἀνδρὸς ὀρῶντες. Hanc lectionem προπεπυσμένοι post Cobetum *Mnem.* 1882 p. 218 recepit Viereckius in textum; est autem optimi

libri pessima lectio *προπεπωμένοι*, quam Bekkerus refinxit ediditque quod nihilo melius: *προπεπομένοι*. Aliquid audendum ratus, quantumvis aversatus nimis violentas coniecturas, nunc tamen arbitror requiri quale fuerit: *ἀποδιοπομπούμενοι*. Nihil atinet conferre p. 708. 12 vel 763. 26.

Pag. 643. 13: τὸ λέχος ὡς ἐπὶ σκηνῆς περιέσῃ. Sermo est de nobili illa funebri oratione quam in Caesaris honorem Antonius habuit. Indicare voluit Appianus p. 643. 31 *tragoedias movisse* oratorem: hinc illa: ὁ δῆμος οἶα χορὸς αὐτῷ πενθιμώτατα συνωδύρετο. Neque igitur feram: *περιέσῃ*, sed proprium in ea re est magnificum verbum: *περιενόσει*. quis ignorat Platonis illud: *περινοσεῖ ὥσπερ ἥρωες*? Deinde pergit narrare Appianus: ἐπὶ τοῖς λόγοις ἔτεροι θρήνοι μετ' ᾧδῆς κατὰ πάτριον ἔθος ὑπὸ χορῶν ἐς αὐτὸν ἤδοντο, καὶ τὰ ἔργα αὐτῆς αὐτοῦ καὶ τὸ πάθος κατέλεγον, καὶ πού τῶν θρήνων αὐτὸς ὁ Καῖσαρ ἐδίδκει λέγειν ὅσους εὖ ποιήσσειε τῶν ἐχθρῶν ἐξ ὀνόματος, καὶ περὶ τῶν σφαγῶν αὐτῶν ἐπέλεγεν ὥσπερ ἐν θαύματι. ἐμὲ δὲ καὶ τοὺςδε περισῶσαι τοὺς κτενοῦντάς με. Nimirum undenam haec verba sint, omnes interpretes viderunt collato Suetonii testimonio Caes. 84: „inter ludos (funebres Caesaris) *cantata* sunt quaedam ad miserationem et invidiam caedis eius accommodata ex Pacuvii Armorum Iudicio: *men servasse ut essent qui me perderent.*” Quocirca possit quis legendum existimare ὥσπερ ἐν θεάματι pro θαύματι.

Pag. 653. 9: οὐ γὰρ τις αὐτοῖς ἐδίδκει Μάγνου γενέσθαι δημοκρατικώτερος, ὅθεν οὐδὲ (εἴς) περιποθητότερος ἦν. Vides quid inserendum credam.

Pag. 657. 2: τῶν δυνατώτατων τότε μάλις. Noli hoc tangere: sic enim scriptor amat dicere: p. 813. 16: μάλις πάντων ἀδοκητότατον, p. 560. 23: μάλις εὐτολμοτάτους, p. 35. 24: μάλις φοβερώτατον. p. 306. 4: μᾶλλον προθυμότερων, denique p. 879. 32: ἥσσαν ἀπορωτέρη.

Pag. 657. 31: τὸ μὴ τιμωρεῖν αὐτὸν Καῖσαρι αἰσχρὸν ἡγούμενος. Syntaxis postulat: αὐτός.

Pag. 658. 27: σ φ ᾱ ς ἔλεγον, εἴ τις ἡγοῖτο, ἀμυνεῖν. Corrige: σ φ εῖ ς, quod Appianus usurpavit p. 604. 7.

Pag. 661. 6. Ionicae formae verborum in α τ α ι et α τ ο apud Appianum minime rarae sunt, cf. Cobetus *Mnem.* 1882 p. 237. Haec sunt exempla quae inter legendum collegi: ἐφθάρato p. 661. 6, 780. 28, 885. 19, 901. 6, 15; ἀναμεμίχαται p. 177. 26, 294. 19, 590. 25; διετετάχατο p. 178. 14, 280. 29, 294. 28, 297. 1, 295. 7, 31, denique ἀγγιγέρατο p. 72. 18.

Pag. 661. 11: ἀλλ' ἔσων καὶ ταῦτα οἱ διεφθαρμένοι σε βιάσασθαι. Hucusque corruptus locus non nimis felici successu ab interpretibus fuit tractatus, quod vide apud Viereckium. Scribam equidem: ἀλλὰ λεγέσθων, de qua imperativi forma supra dixi ad pag. 194. 23. Λελέχθω usurpatur p. 768. 23.

Pag. 661. 32. Hic recte ἐπιψηφίζειν significat: *mittere in suffragium*, uti et p. 668. 2 et 678. 14. Alibi perperam p. 186. 30: ἡ σύγκλητος ἐπιψηφιεῖ ᾧ ἂν δοκιμάσῃ, p. 114. 18: ὁ δῆμος αὐτῷ τὴν στρατηγίαν ἐπεψήφισεν, p. 301. 15, 21, 557. 22, 651. 12: τῆς ἄρτι ἐπεψηφισμένης ἀμνησίας, alibi fortasse.

Pag. 663. 19: οὐ σοῦ χάριν ἀλλὰ τοῦ δήμου. Scribit Cobetus *Mnem.* 1882 p. 219: „Non est Graecum ἐμοῦ, σοῦ χάριν, sed ἐμὴν, σὴν χάριν, quod restituendum”, deinde ut etiam cognoscamus usum Appiani, laudat p. 714. 24. Viereckius tribus verbis edicit fuisse Cobetum *ignarum sermonis posteriorum*. Quid si quid ego inclementer dicere vellem in editorem qui plane absurdam lectionem recepit p. 671. 16!

Pag. 671. 16: εὐεργέτη ἀμύνειν ἀτιμουμένῳ πρὸς Ἀντωνίου. Itidem confer p. 698. 31: τοὺς αὐτῷ στρατευομένους ἀτιμοῦν. Hi loci facient ut merito dubites de medicina qua Cobetus *Mnem.* 1882 p. 218 Appiano subvenire voluit p. 631. 21.

Pag. 675. 24: ἡ βουλὴ σὺν ἐκείνοις ἦν, ἥ καὶ νῦν ἐστὶ φανερώτερον. Lege: φανερόν· statim sequitur γέρx, unde ortum vitium.

Pag. 686. 22. Ingens numerus locorum est, quibus particula ἄν omissa est, nec pro certo habeo dicere sitne hoc sermonis vitium ab librariis repetendum an ab ipso Appiano. Ecce pauca quaedam de multis exemplis: p. 686. 22: μέχρι καθέλωμεν· p. 691. 9: μέχρι προσγένηται· p. 35. 10: μέχρι βάλωσιν· p. 175. 27: μέχρι μάθωσιν. Ibidem post ἕως particula deest p. 25. 5: ἕως ἐπιψηφίσῃ· p. 23. 8: ἕως ἐξέλωσι· p. 42. 5 ἕως ἡμέρα γένηται. p. 117. 8: ἕως σημήνῃ. p. 139. 21: ἕως καταλαμβάνωσιν. Deinde p. 159. 19: ἕς καθέλωσιν. Etiam in sententia relativa p. 27. 22: οὔτε πατρίδας ἔχοντες ἕς ἃς διαφύγωσιν, quae verba recurrunt p. 40. 28. Conferri praeterea iubeo p. 637. 12: εἶμαι πολλάκις ἀποθανεῖν ἐλῆσθαι μᾶλλον ἢ δουλεύειν ἐκόντας· p. 603. 16: Σαλούσιον ὀλίγου διέφθειραν, εἰ μὴ διέφυγε, denique p. 686. 22, nam satietati lectorum occurrendum est, μέχρι καθέλωμεν ἡμεῖς Ἀντώνιον.

Pag. 689. 29: τὸν μόνον ἐμποδῶν γινόμενον (vel potius γενόμενον) ἢ πάντων χρὴ συνετώτερον ἢ Φιλίᾳ τᾶδε πράσσειν ἢ τῶν ἐνεσώτων ἀμαθίᾳ. Requiro: συνετώτατον. Mox recte: εἰ δόξομεν ἀσυνετώτεροι πάντες ἐνὸς εἶναι.

Pag. 697. 25: ἵνα καὶ ἡ βουλὴ καθαρεύσῃ ποτὲ τοῦ μύσου, ἐμπιμπλαμένη νῦν διὰ Κικέρωνα Δέκμῳ βοηθοῦντα. Dele interpolationem post id quod est μύσου.

Pag. 718. 10: ἐχώρει τῆς ἐπιούσης πρὸς τὸ ἄστυ. Immo legendum: εἰς τὸ ἄστυ.

Pag. 722. 3 memorabile est quod de D. Bruto legimus: ἡλλαξε δὲ τὴν ἐσθῆτα ἐς τὸ Κελτικόν, ἐξεπιστάμενος ἄρα καὶ τὴν Φωνήν, καὶ διεδίδρασκε σὺν ἐκείνοις οἷα τις Κελτός. Notabile hoc, nam perraro legimus Graecos vel Romanos, si interpretes exceperis, operam dedisse ut linguas cognoscerent eorum quibuscum consuescerent. Ecquem verbi causa praeter ipsum The mistoclem Persice novisse accepimus? Apud Caesarem B. Gall. I 47 mittitur ad Ariovistum C. Valerius Procellus propter fidem et propter Gallicae linguae scientiam, sed minus hoc mirum est, nam huius pater Gallus natione erat et primus civitate

donatus erat. Illud quoque animadversione dignum, quum T. Sempronius Gracchus anno urbis 575 in Hispania urbem Caravim obsidione eximere vellet, quod Appianus tradidit p. 74. 22: τῶν τις ἰλάρχων, Κομίνιος, ἐνθυμηθεὶς πρὸς ἑαυτὸν καὶ Γρακχῆ τὸ τόλμημα ἀνευγκῶν, ἐνεπορήσατο σάγον Ἰβηρικῶς, καὶ λαθὼν ἀνεμίχθη τοῖς χορτολογοῦσι τῶν πολεμίων, συνεστῆλθέν τε αὐτοῖς ὡς Ἰβηρ ἐς τὸ στρατόπεδον, καὶ ἐς τὴν Κάραουιν διαδραμὼν ἐμήνυσεν ὅτι Γράκχος ἐπίοι. Similiter quum aliquando Iunotus Napoleontis legatus post Turres Veteres in Lusitania obsidione premeretur iamque in eo esset ut Anglis se traderet, — quod uxor eius, ut eius mos est, facunde enarravit — Franco-Gallus quidam itaque de eo populo quem Hispani internecivo odio prosequabantur, quum linguam eius regionis eximie calleret, tandem cum summo vitae periculo usque ad Francica castra penetravit.

Pag. 725. 10: τῶν ξοάνων τὰ μὲν ἴδρου, τὰ δὲ καὶ αἶμα ἴδρου. Viereckius monet ne quis illud ineleganter iteratum ἴδρου sede sua exturbare velit, cum saepe soleat Appianus parvo intervallo idem vocabulum bis usurpare. Attamen quantum mihi existimare datur, prorsus diversi generis sunt loci quos excitavit. Non admodum temerarium erit rescribere: τὰ δὲ καὶ μεθιδρύετο. Conferatur Iulius Obsequens c. 125: Eo ipso die plerisque locis signa sponte conversa, et c. 130: In Mutinensi Victoriae Marianae signum meridiem spectans sua sponte conversum in septentrionem hora quarta. Cf. Dio Cassius XLVI. 33. 4.

Pag. 728. 32: οὐκ ἀσφαλὲς τοῖς ἐχθροῖς ὀπίσω καταλιπεῖν, ἐπιβησομένους ταῖς ἀπουσίαις ἡμῶν. Hoc quidem sine sensu: postulatur ταῖς περιουσίαις. Cobetus *Mnem.* 1882 p. 214: „Περιουσία miro usu apud Appianum saepe ponitur pro οὐσία”, deinde eam observationem exemplis confirmat.

Pag. 732. 9: τὴν δὲ καὶ αἱ σάτεις τῶν ἀρχόντων πρᾶπώλεσαν καὶ ἡ δόμοιο τοιάδ' ἐργάζεται. Aliquid excidit: supplendum τοιάδ' (ἕτερα) ἐργάζεται. Vides cur vocabulum exciderit. Cf. p. 733. 4.

Pag. 732. 17: ἡ διωθόμενοι τὸ κακὸν ἢ ὠνούμενοι. Dicitur hoc magis ἐξωνούμενοι.

Pag. 736. 18: ἡ κεφαλὴ δὲ τοῦ Κικέρωνος καὶ ἡ χεὶρ ἐν ἀγορᾷ τοῦ βήματος ἀπεκρέμαντο ἐπὶ πλεῖτον, ἔνθα πρότερον ὁ Κικέρων ἐδημηγόρει· καὶ πλείους ὀψόμενοι συνέθεον ἢ ἀκροώμενοι. Vertit interpres: „maiorque tunc ad spectandum quam prius ad audiendum concursus fuit”; sed ut ea sententia in Graecis verbis insit, Cobetus *Mnem.* 1882 p. 234 correxit: ἡ (τότε) ἀκροασόμενοι. Equidem correxeram: πλείους ὀψόμενοι συνέθεον ἢ καταρασόμενοι, quod nondum abiicio.

Pag. 738. 25 sermo fit de muliere, quae Σεπτιμίῳ μὲν ἐγγάμητο, ὑπὸ δὲ τινος Ἀντωνίῳ Φίλου διεφθείρετο. Nonne praestat διέφθαρτο?

Pag. 743. 14: Ἀτίριον δὲ κρυπτόμενον θεράπων ἐμήνυσέ τε καὶ ἐλεύθερος αὐτίκα γενόμενος ἀντωναίτο τοῖς παισὶν αὐτοῦ τὴν οὐσίαν. Rem si mihi bene repraesento, verius fuerit οἰκίαν.

Pag. 744. 15 crebrae erant bonorum confiscationes, sed οὐ πολλὸς ἦν ὁ τὰ χωρία ὠνούμενος, cum homines apud animum suum reputarent non satis tutum esse ὅλως χρυσίον ἢ ἀργύριον ἔχοντας ὀρᾶσθαι, οὐδὲ τὰς ἐπικτήσεις νῦν ἀκινδύνους, πολὺ δὲ μᾶλλον τὰ ὄντα ἐπικίνδυνα. Reliqua satis aperta; sed quid est illud τὰ ὄντα? Ipse contextus satis suadet ut corrigamus: τὰ νεώνητα.

Pag. 748. 17: οὐ γὰρ νῦν χρῆναι περισώζειν Λεύκιον. Immo verum est οὐ γὰρ οὕν.

Pag. 751. 28: Μάρκον δὲ οἱ θεράποντες σὺν εὐνοίᾳ καὶ τύχῃ διεφύλλαξαν. Melius intelligam: καὶ τιμῇ.

Pag. 756. 5 narrat Appianus quam fideli animo servi fuerint erga Virginium, quem triumviri proscripsissent; comitati sunt dominum usque ad littus, quo ventura erat uxor cum navi ut maritum exciperet unaque in Siciliam proficisceretur. Haec aliquamdiu in statione commorata est, βραδύνοντος δὲ τοῦ

Οὐεργλίνιου, νομίσασα αὐτὸν ἐς Πομπήιον προπεπλευκέναι ἀνήγετο, θεράποντα ὅμως ἐπὶ τῆς ἡόνος εξαγγέλλειν ὑπολιπούσα. Hic autem postquam dominus tandem pervenit quo convenerat, τὴν ναῦν ἐδείκνυσεν ὡς ὀρωμένην. Nunc nihil nostra interest narrare quomodo tandem generosa mulier miserum maritum in Sicilia exceperit; sed quid est illud ὡς ὀρωμένην? Mendelssohnus correxit ἔτι ὀρωμένην quod minime sufficit; equidem incidi in: τὴν ναῦν ἐδείκνυσεν ἐξωρμισμένην. Apud Appianum invenitur verbum ὀρμίζειν p. 778. 20, 875. 28 et 899. 6, ἐνὸρμισμα p. 794. 24, 29 et 884. 15, ἐφορμιούμενος p. 890. 29, denique p. 868. 14 περιορμίζειν, de quo composito vide quid Cobetus adnotaverit *Mnem.* 1882 p. 235.

Pag. 758. 12. Ciceronis filius ἐς Πομπήιον ἐλθὼν τιμῆς καὶ στρατηγίας ἡξιοῦτο. Rescribe: ἡξίωτο, sicuti proxime praecessit προαπέσταλτο.

Pag. 765. 13. Corruptis custodibus capit Cassius urbem Laodiceam, ὑπανοιχθεισῶν αὐτῷ πυλίδων κατὰ μέρη πολλῶν. Imo legendum πολλὰ, sicuti recte scribitur p. 842. 11. Vide quoque p. 772. 19.

Pag. 772. 8 notabile est quod de Cassio legimus eum ἐπιφέρεισθαι πύργους ἐπτυγμένους οἳ τότε ἀνίσαντο. Itidem p. 842. 3 memorantur πύργοι πτυκτοὶ σανίδας ἐς τὰ τέλχη μεθιέντες. Vide quoque p. 107. 27: κλίμακα φέρων πτυκτὴν. Tale quid alibi non memini me legere.

Pag. 773. 26: ψηφισαμένης αὐτῷ τῆς βουλῆς τοῖς χρήμασιν ἐς τὰ παρόντα χρῆσθαι. Mire dictum: exspecto potius: ἐς τὰ ἐπείγοντα.

Pag. 776. 2: ὡς διὰ κλιμάκων ἐπεχειροῦν, quem locum Viereckius hic laudat, *Mnem.* 1887 p. 281, is non Cobeti est, sed Polacii. Ceterum parum abest quin equidem malim: ἐπὶ ῥεῖδον.

Pag. 776. 17: δέισαντες ὑπὲρ αὐτῶν ὅσοι περὶ τὰς πύλας ἐνδοθέν τε καὶ ἔξωθεν αὐτὰς ἔκοπτον. Lege: ὑπὲρ τῶν.



Pag. 781. 3: Octavianus καλοῦντος αὐτὸν Ἀντωνίου κατὰ σπουδὴν διέπλει πρὸς αὐτὸν ἐς τὸ Βρεντέσιον, ἐν ἀρισερᾷ ἔχων Σικελίαν καὶ Πομπήιον καὶ Σικελίαν ὑπερθέμενος ἐν τῷ τότε. Uniuscuiusque est reponere ἐν ἀρισερᾷ ἔχων Ἰταλίαν et bene factum quod itidem p. 906. 3 Italiae et Siciliae nomina confusa fuerunt. — Hic autem locus facit ut recorder eorum quae habuimus p. 141. 22: ἐν δὲ Βρυττίοις οἱ μέρος εἰσὶ τῆς Ἰταλίας. Verum quidem est Bruttium olim solum fuisse dictam Italiam, cum postea demum nomen ad Alpes usque pertinuerit indeque viri docti coniecerunt, quorum conamina Mendelssohnus percensuit: τῆς (παλαιότητος) Ἰταλίας vel τῆς (πάλαι μόνης καλουμένης) Ἰταλίας vel οἱ (πέρας) εἰσὶ τῆς Ἰταλίας vel denique οἱ (τέλος) εἰσὶ τῆς Ἰταλίας, sed nihil necesse habuit Appianus nunc quidem lectoribus in memoriam prevocare quoddam vetustum nomen Italiae fuerit, cum praesertim supra notaverimus eum geographiae parum fuisse curiosum. Quid si olim scriptum fuit: οἱ μέρος εἰσὶ τῆς Ἰαπυγίας. Est sane verum Bruttium agrum ad Metapontum usque pertinere nec stricto sensu Iapygiae esse partem, sed potuit Appianus hoc neglexisse videri. Veluti p. 148. 18: Κράστος ἀντεσρατοπέδευσεν Ἀννίβη περὶ Ἰαπυγίαν, deinde brevi post, p. 149. 5: τοῦ δ' αὐτοῦ χρόνου Κωνσεντίαν, μεγάλην πόλιν Βρυττίων, καὶ ἄλλας ἐξ ἐπ' αὐτῇ περιέσπασεν ἀπ' Ἀννίβου Κράστος, nec tamen Consentia Iapygiae pars est, quod nomen est orientalis perinsulae, in quam Italia terminatur, non occidentalis. Sed minime intercedo quominus mea suspicio lectori nimis incerta esse videatur. Vide tamen similem Appiani errorem p. 472. 26.

Pag. 781. 10: πνεύματος δὲ πολλοῦ κατὰ θεὸν οἴκλου γενομένου. Schweighauserus correxerit οὐρίου· facilius fortasse poteris αἰσίου.

Pag. 786. 25: τί δὴ πλέον ἔργον ἔτι τῆς βουλῆς ἢ σύμβολον ἐπιζητεῖτε τοῦ κατὰ γνώμην αὐτῆς πάντα πεπραχθαι, πλὴν ἢ λόγῳ μόνον ὑμῖν ἔτι ὁμολογεῖσθαι; Praestat: ἐξομολογεῖσθαι.

Pag. 793. 32: τὸν ζυγὸν ἄξιαι. Editores rectius scripsissent mutato accentu ἄξαι.

Pag. 797. 19: σὺν ὁρμῇ [τε καὶ ὀργῇ] τὸν στρατὸν ἤγεν ἐπιστρέ-  
φω·ν ἐς τὸ διατείχισμα τοῦ Κασσίου. Libenter deleverim quae  
mihi dittographia esse videtur, coll. p. 792. 21: ἔπραττον αὐτὸ  
μεθ' ὁρμῆς καὶ προθυμίας, p. 798. 9: ὥς δ' ἀρξάμενος εἶχεν ὁρμῆς  
et p. 798. 22: τρεψάμενοι δὲ καὶ τοὺςδε ὁρμῇ βιαίῳ. Contra  
p. 857. 29: οὐ κατασχὼν τῆς ὁρμῆς ὁ Ἀντώνιος — μάλα θρασέως  
ἐπειχθεὶς ἐπέπεσε τοῖς χιλίοις, longe malim: τῆς ὀργῆς.

Pag. 802. 27: Μακεδονίαν ἐξαννάλασιν ἤδη καὶ ἐκ μόνης ἄρτι  
Θεσσαλίας ἔχουσιν, ἢ ἐς πόσον αὐτοῖς ἔτι ἀρκέσει; Corrigam:  
ἐξαρκέσει.

Pag. 803. 5: μὴ ἀδοξεῖτε εἰ προσπαίξονται ἡμῖν καὶ προκα-  
λοῦνται. Sic locum correxit Cobetus *Mnem.* 1882 p. 228,  
cum antea legeretur: μὴ ἀδοξῆτε εἰ προσπαίζονται. Est prae-  
terea notabilis Attica futuri forma προκαλοῦνται, quae nunc  
quidem verosimiliter servata fuit, cum librarii praesens tempus  
esse crederent. Ceterum Appiani textus habet fere formam  
καλέσειν: p. 40. 14, 329. 6, 667. 8 et 686. 27; τελέσειν p. 410. 13  
et 670. 26. Sed συντελοῦντας p. 460. 11 fortasse futurum est;  
μαχέσσεσθαι est p. 191. 27, sed μαχεῖσθαι p. 610. 28; est ἀπο-  
λέσειν p. 449. 32 et 627. 13, sed ἀπολούμενος p. 454. 3; denique  
p. 387. 19 est ἐξυβρίσειν et διερίσειν p. 902. 31, sed fieri potest  
ut inter legendum multa me fugerint, nam non unice ad eam  
rem animum attendebam.

Pag. 804. 17: εἰ ἐπειγόμεθα αὐτὰ λαβεῖν, ἐπειγόμεθα ἐπὶ  
τὴν μάχην. Nauckius commendavit εὐχόμεθα· mihi magis placet  
γλιχόμεθα. Cf. supra ad p. 109. 23.

Pag. 806. 8: ἐς χεῖρας ἵεναι ἀνδράσιν ἐπειγομένοις ὑπὸ  
λιμοῦ. Scripsissem equidem τειρομένοις.

Pag. 814. 15: ὄρνεα πολλὰ ὑπὲρ τὸ στρατόπεδον καθιέμενα  
κλαγγὴν οὐδεμίαν ἠφίει. Recenset Viereckius multa doctorum  
virorum tentamina ut absurdum illud οὐδεμίαν emendent; mihi  
placet δαιμονίαν et, quod praefiscine nunc dictum esto, suspi-  
cor eam lectionem magis esse placituram. Cf. p. 814. 29: δαι-  
μόνια δ' ἦν αὐτοῖς ἄρα καὶ τάδε.

Pag. 751. 3: Octavio  
 σπεινὸν διέπλει πρὸς αὐτὸν  
 Σικελίαν καὶ Πομπήϊαν.  
 Uniuscuiusque est repon-  
 factum quod itidem p. 751  
 fuerunt. — Hic autem  
 buimus p. 141. 22: ἐν δὲ  
 Verum quidem est Brutt-  
 cum postea demum nomi-  
 viri docti coniecerunt, q-  
 censuit: τῆς (καλλιστάτης  
 λουμένης) Ἰταλίας vel οἱ  
 οἱ (τέλος) εἰς τῆς Ἰταλίας  
 nunc quidem lectoribus i-  
 tustum nomen Italiae fuer-  
 eum geographiae parum fu-  
 fuit: οἱ μέρος εἰς τῆς Ἰτα-  
 agrum ad Metapontum us-  
 giae esse partem, sed po-  
 Veluti p. 148. 18: Κράσ-  
 πυγλιν, deinde brevi post  
 σεντίαν, μεγάλην πόλιν  
 σπασεν ἀπ' Ἀννίβου Κασ-  
 pars est, quod nomen  
 terminatur, non occide-  
 mea suspicio lectori  
 similem Appiani error.

Pag. 781. 10: πνε-  
 μένου. Schweighauser  
 αἰσίου.

Pag. 786. 25:  
 ἐπιζητεῖτε τοῦ κ  
 λόγῳ μόνον ὑμῶν

Pag. 793. :  
 mutato acce-

Page 100  
 Φωνή ἐκ τῆς ἀρχῆς  
 mihi dicendum =  
 μετ' ἐκείνου  
 et p. 100. 2  
 p. 509. 8  
 ἐκ τῆς ἀρχῆς

τοῖς φίλοις ἐστὶν εὐνοῦς μόνοις. Malim fere

πένθος ἦν ὀρωμένων ἀνὰ τὸ ρεῦμα καὶ περι-  
 στρατιωτῶν. Praestare dixerim: Φερομένων.

οὐδενὸς τῶν οἰκετῶν αὐτῷ θεραπευτήρων παρόν-  
 των, uti vertit Schweighauserus.

Page 101  
 Θεταλὸς ἦν  
 ἐξαιτίας

Side formam νήχεσθαι, ac praeterea p. 888. 26  
 ἐκνέοντας invenitur p. 885. 17 et 888. 27.

Page 102  
 ἀπὸ τῆς  
 cum κε  
 ἡμεῖς  
 ἡμεῖς  
 ἡμεῖς  
 ἡμεῖς  
 ἡμεῖς

χρημάτων ἐχρηξε καὶ ἠπόρει, Ῥωμαίων οὔτε  
 οὐδ' πόρους ἐώντων οὐς ἐπινοήσειεν. Mire dictum;  
 αἰνούντων.

κατὰ δαίμονα δ' ἀμφοτέρων προσιόντων τῷ  
 ἀμ' ἀμ' ἀμφοτέρων, sed Nauckius me prae-

Page 103  
 ἀπὸ τῆς  
 ἀπὸ τῆς  
 ἀπὸ τῆς  
 ἀπὸ τῆς  
 ἀπὸ τῆς  
 ἀπὸ τῆς

ἅμα ἡοῖ. In hac forma Appianus sibi non  
 p. 102. 21, 100. 6 et 509. 8: ἐξ ἡοῦς, p. 200. 28:  
 14. 2: ἡοῦς ἀρχομένης, sed πρὸ ἔω: p. 100. 1 et  
 p. 108. 15 et 119. 14, denique ἐς ἔω: p. 900. 6.

Page 104  
 ἀπὸ τῆς  
 ἀπὸ τῆς  
 ἀπὸ τῆς

17: ἀναχωρῶν ἤρει κατὰ δύο ἢ τρεῖς ναῦς τῶν  
 quasi Menodorus hoc saepius fecerit. Legendum:  
 ἢ τρεῖς ναῦς.

Page 105  
 ἀπὸ τῆς  
 ἀπὸ τῆς

103. 30: εὖρον αὐτὸν τό τε σῶμα καὶ τὴν ψυχὴν ἐσαλ-  
 quaesitum fuit quid sub illo participio lateret: Cobetus  
 1882 p. 231 commendavit: συνεσαλμένον, cui Her-  
 as adstipulatus est; secundum Viereckium inutilis con-  
 a est, cum vulgata lectio significet: torpentem; ita certe  
 dum vertisse. Mihi latere videtur ἐσφαλμένον.

Page 106  
 ἀπὸ τῆς  
 ἀπὸ τῆς

Mag. 896. 20: ὁ Πομπήιος ἡσθεὶς τῶν ξενῶν ἀΦηρημένος. καὶ  
 σιγῶν ἐκάλει μετὰ τοῦ στρατοῦ. Primum audiamus Cobetum

Pag. 819. 10 post pugnam apud Philippos Caesar et Antonius  
 ἔθυσάν τε λαμπρῶς καὶ τὸν στρατὸν ἐπήνουν. Nimis tenue hoc et  
 milites ut post aerumnas reficerentur, aliquid magis ad rem  
 flagitaturi erant: reponam: εὐώχου· deinde sequitur quod  
 exspectamus: καὶ ἐς τὴν δόσιν τῶν ἐπινικίων ὁ μὲν ἐς τὴν Ἰταλίαν  
 ἐχώρει, κτέ.

Pag. 823. 20. Antonius Aradios iussit sibi tradere supplicem,  
 quem εἶχον λέγοντα Πτολεμαῖον εἶναι Cleopatrae fratrem. Me-  
 lius erit, credo, εἶλον.

Pag. 830. 30: ἀντεδίδασκεν ὅτι αὐτῷ μὲν καὶ Ἀντωνίῳ πάντα  
 εἶναι φίλια καὶ κοινά. Vel puer corrigit: εἶη.

Pag. 834. 19: Μοῦρκος ἀφῖκτο αὐτῷ δύο ἄγων στρατοῦ τέλη —  
 καὶ τὸν ἄλλον στρατὸν ἐκ Κεφαλληνίας μετεπέμπετο. Immo  
 legendum: μετεπέμπετο.

Pag. 848. 14: ἐξ ἀρχῆς δέ με βλάψειν ἐλόμενος καὶ νῦν  
 ἔβλαψας. Malim fere: οἶόμενος et confer Viereckium.

Pag. 851. 1 L. Aemilius δικάζων ἐπὶ τῷ Φόνῳ Γαίου Καίσαρος  
 τὴν καταδικάζουσαν ἤνεγκε Φανερώς καὶ πάντας φέρειν ἐκέλευεν  
 ὡς ἐκλυομένους μύσος Mendelssohnii inserto articulo (τὸ)  
 μύσος, sed requiro praeterea futurum: ἐκλυσομένους.

Pag. 851. 4: Κέσιος δέ τις αὐτῶν ὑπομαργότερος ἐνέπρησε τὴν  
 οἰκίαν. Quod nemo admonitus dubitabit, Appianus hic ante ocu-  
 los habuit Herodoti locum III 29: ὁ Καμβύσης οἶα ἐὼν ὑπομαρ-  
 γότερος τοῦ Ἄπιοις παλεῖ τὸν μηρόν· praeterea Viereckius caven-  
 dum esse edixit ne quis corrigere velit: ἄσων ὑπομαργότερος,  
 quae sane inepta coniectura foret. Ab Herodoto mutuabor scrip-  
 turam: Κέσιος δέ τις οἶα ὢν ὑπομαργότερος Cf. etiam Cobetum  
*Mnem.* 1882 p. 237.

Pag. 853. 18: ἐξώτρυνε τοὺς κληρούχους ἐπὶ τὸν Ἀντώνιον ὡς  
 κατὰγοντα μετὰ τῶν γεωργῶν Πομπήιον. Scribe: κατὰξοντα.

Pag. 859. 17: τοῖς φίλοις ἐστὶν εὖνους μόνοις. Malim fere ἐμοῖς.

Pag. 865. 6: πένθος ἦν ὀρωμένων ἀνὰ τὸ ρέυμα καὶ περιδύοντων αὐτὰ τῶν στρατιωτῶν. Praestare dixerim: Φερομένων.

Pag. 877. 31: οὐδενὸς τῶν οἰκετῶν αὐτῷ θεραπευτῆρων παρόντων. Lege: οἰκείων, uti vertit Schweighauserus.

Pag. 879. 6. Vide formam νήχεσθαι, ac praeterea p. 888. 26 et 893. 16; sed ἐκένοντας invenitur p. 885. 17 et 888. 27.

Pag. 881. 6: χρημάτων ἔχρηζε καὶ ἠπόρει, Ῥωμαίων οὔτε ἐσφερόντων οὔτε τοὺς πόρους ἐώντων οὓς ἐπινοήσειεν. Mire dictum; convenientius erit: αἰνούντων.

Pag. 882. 13: κατὰ δαίμονα δ' ἄμφοτέρων προσιόντων τῷ ῥέμπτι. Correxeram ἄμ' ἄμφοτέρων, sed Nauckius me praevertit.

Pag. 884. 19: ἄμα ἡοῖ. In hac forma Appianus sibi non constat. Habet p. 102. 21, 100. 6 et 509. 8: ἐξ ἡοῦς, p. 200. 28: ἀπ' ἡοῦς, p. 874. 2: ἡοῦς ἀρχομένης, sed πρὸ ἔω: p. 100. 1 et 116. 32, ἄμ' ἔω: p. 108. 15 et 119. 14, denique ἐς ἔω: p. 900. 6.

Pag. 886. 27: ἀναχωρῶν ἤρει κατὰ δύο ἢ τρεῖς ναῦς τῶν φυλακίδων, quasi Menodorus hoc saepius fecerit. Legendum: ἡρήκει δὲ ἢ τρεῖς ναῦς.

Pag. 893. 30: εὖρον αὐτὸν τό τε σῶμα καὶ τὴν ψυχὴν ἐσφαλμένον. Quaesitum fuit quid sub illo participio lateret: Cobetus *Mnem.* 1882 p. 231 commendavit: συνεσφαλμένον, cui Herwerdenus adstipulatus est; secundum Viereckium inutilis conjectura est, cum vulgata lectio significet: *torpentem*; ita certe Candidum vertisse. Mihi latere videtur ἐσφαλμένον.

Pag. 896. 20: ὁ Πομπήιος ἡσθεῖς τῶν ξενῶν ἀφηρημένος. καὶ Τισιγνὸν ἐκάλει μετὰ τοῦ στρατοῦ. Primum audiamus Cobetum

*Mnem.* 1882 p. 231: „Absurdum est ἡσθεῖς, nam sententia flagitat *dolebat*. Itaque Musgravius ἡνιάθη reponebat. Sed requiritur imperfectum et legendum censeo ἤχθετο, quod pellucet ex Η\*ΘΕΤΟ. Scriba videre sibi visus est Η\*ΘΕΙC videre et ἡσθεῖς supplevit sententiae securus”. Supervenit Viereckius, qui commendavit δηχθεῖς. Neque hoc neque illud mihi admodum arridet. Contuli Herodoti III 41: ἐδίζητο ἐπ’ ᾧ ἂν μάλιστα τὴν ψυχὴν ἀσθηεῖν ἀπολομένῳ τῶν κειμηλίων. Sic ille ἀσθηθῆναι semel dixit pro ἀλγῆσαι, cf. *Mnem.* 1855 p. 2, eumque semel quantum novimus Appianus imitatus est scribendo: ἀσθηεῖς τῶν τενῶν ἀΦηρημένος. Est ea correctio ipsa quoque lenitate commendabilis.

Pag. 896. 32: τὴν Παλαισιηνῶν γῆν ἔκειρε. Itane serio, quum res traduntur in Sicilia gestae? Sed suspicio est Mulleri ad Ptolem. III 4. 2, quae omnes veritatis numeros habet: Καλακτίνων. Viereckius correctionis lenitatem non agnovisse videtur: etiam tirones norunt confundi solere K et ΙΣ.

# CIC. PRO ROSC. AM. § 136.

Cur a partibus Sullae steterit sic explicat orator:

„Quis enim erat qui non videret *humilitatem cum dignitate de amplitudine* contendere”.

Immo vero: *humilitatem cum amplitudine de dignitate*. Homines obscuri (humiles) cum nobilibus (amplitudine) contendebant de obtinendis honoribus.

Sic saepe magistratus vocabulo *dignitate* significantur. Dabo duo insignia exempla:

Verr. L. IV § 45 iniustus praetor sic alloquens provincialem fingitur: „non es tu qui habeas quae tam bene facta sunt, meae dignitatis ista sunt”.

p. Cluent. § 111 „ignobili loco natus ita vivit, ut nobilitatis dignitatem virtute tueri posse videatur”. *Nobilitatis dignitas* = honores quos nobiles tenere solent.

J. J. H.

# ANNOTATIONES CRITICAE AD PLUTARCHI OPERA.

SCRIPSIT

J. J. HARTMAN.

(Continuantur ex huiusce vol. pag. 222).



C. XXIV „Quondam” — notissima refertur narratiuncula ad Caesaris Serviliaeque amores pertinens — „in curiam allatam Caesari tabellam aiunt”

τοῦ δὲ Κάτωνος εἰς ὑποψίαν ἄγοντος τὸ πρᾶγμα καὶ διαβάλλοντος εἶναι τινὰς τοὺς κινουμένους καὶ κελεύοντος ἀναγιγνώσκειν τὰ γεγραμμένα κτῆ.

In εἶναι τινὰς τοὺς κινουμένους quid lateat nescio, sensu cassa esse video. Videtur hic lacuna utcunque expleta esse, certe in cod. C. verba κινουμένους καὶ omittuntur.

C. XXVIII Leni transpositione legendum esse ἡττώμενον καὶ πρὸς τὸ συμφέρον τρεπόμενον demonstravi Mnem. loco modo indicato (1905, 56).

C. XXIX Memmio Lucillum triumphī honore privare studentī restitit Cato

καὶ πολλὰς ὑπέμεινε διαβολὰς καὶ κατηγορίας. τέλος δὲ τῆς ἀρχῆς ἐκβαλλόμενος ὡς τυραννίδος τοσοῦτον ἐκράτησεν ὥστε τὸν Μέμμιον αὐτὸν ἀναγκάσαι τῶν δικῶν ἀποστῆναι καὶ φυγεῖν τὸν ἄγωνά.

Qui dici possit Cato τῆς ἀρχῆς ἐκβαλλόμενος ὡς τυραννίδος non video. Nescio quo casu nata ea vocabula suspicor ex iis quae



supra de Metello narrantur, qui urbem reliquerit *φεύγειν τὴν τυραννίδα βοῶν τὴν ἐκείνου.*

C. XXXIII Caesar expectabat Catonem, qui in vincula ducebatur, precibus usurum:

*ἐπεὶ δὲ ἐκεῖνος ἦν δῆλος οὐδὲ μελλήσων τι ποιεῖν κτέ.*

*Ante τι inseratur τοιοῦτον.*

ib. Caesariani Publium Clodium

*ἀπέδειξαν δήμαρχον ἐπὶ μισθῷ τῇ Κικέρωνος ἐξελάσει πάντα πρὸς χάριν ἐκείνοις πολιτευόμενον.*

Immo vero *πολιτευόμενον* et post *δήμαρχον* oratio incidenda ut haec evadat sententia: Clodius in omnibus rebus morem gerere Caesarianis paratus erat, dummodo hanc acciperet mercedem ut in exsilium pelleretur Cicero.

C. XXXVI In Ptolemaei bonis vendendis Cato

*οὐδὲ τοῖς ἔθεσι τῆς ἀγορᾶς ἐπίστευε.*

*Pro ἔθεσι requiritur vocabulum magistratus aliquos significans.*

C. XLVIII Ipse Pompeius, qui lege sua reorum laudationes sustulisset, Munatio Planco

*συγγραψας ἔπαινον ἐπὶ τῆς δίκης ἔδωκεν.*

Nihil est *ἔδωκεν*, neque ullo modo cohaeret cum narratione sequenti. Fac enim „tradidit” significare, quid ea res habet quod vetare vel prohibere possit Cato? Sed lege *ἀνεγίνωσκε*, omnia erunt quam planissima: laudationem illam, quam scriptam attulerat, Pompeius (aut sua voce aut per anagnostam) *recitare volebat*, at

*ἐπισχόμενος ὁ Κάτων τὰ ὅσα ταῖς χερσὶν (ἔτυχε γὰρ δικάζων) ἐκώλυεν ἀναγινώσκεσθαι τὴν μαρτυρίαν.*

C. XLIX In consulatus petitione repulsam tulit Cato

*μήτε αὐτὸς ἐντυχεῖν ὑπὲρ αὐτοῦ πιθανὸς ὦν ἀλλ' ἐν ἧθει τὸ τοῦ βίου μᾶλλον ἀξίωμα βουλόμενος φυλάσσειν ἢ προσλαβεῖν τὸ τῆς ἀρχῆς ποιούμενος τὰς δεξιώσεις*

neque amicis suis permittens blanditiis adversus plebem uti.

Admirationem movet adiectivum *πιθανός* cum infinitivo iunc-

tum. Sed hoc fortasse ferendum; at istud ἐν ᾗθι nunquam mihi probabitur. Requiritur adiectivum quod *purum, sincerum, integrum* significet.

C. LIII In Sicilia, quae sorte ei obtigerat, Cato invenit Asinium Pollionem cum exercitu ab adversariis eo missum:

Ἀσίνιον μὲν οὖν ἔφη δυνατὸς εἶναι Σικελίας ἐκβαλεῖν, ἄλλης δὲ μειζονος ἐπερχομένης δυνάμεως οὐ βούλεσθαι τὴν νῆσον ἐμπολεμῶν ἀπολέσθαι.

Tolle gravem soloecismum pro ἀπολέσθαι legens ἀπολέσαι. Praecedentis verbi βούλεσθαι terminatio librarium in errorem induxit. Frequentissimum hoc in textu Plutarchi vitium.

C. LXIV Insignis Catonis virtus his verbis significatur:

πάσαι δὲ ἄνθρωπος αὐτὸν ἐγνωκὼς ἀνελεῖν δεινοῦς πόνους ἐπόνει ὑπὲρ ἄλλων.

Istud ἄνθρωπος unde pedem intulerit non video, una litura delendum esse constat. Insigni hic exemplo Sintenisius demonstrat iis qui per fas et nefas traditas lectiones defendere velint quidquid dicant argumenti habere vim videri. Annotat enim „cf. ad Pomp. 61”. Quid enim ibi legitur?

ἦν δὲ καὶ παρ' αὐτὰ τὰ δεινὰ ζηλωτὸς ἀνὴρ τῆς πρὸς αὐτὸν εὐνοίας τῶν ἀνθρώπων.

Ergone quia, si *cum admiratione* aliquid de aliquo profertur, saepe ἀνὴρ (nam sic hic quoque legendum, non ἀνὴρ) ad sententiae subiectum clarius indicandum adhibetur (nullum autem orationis ornamentum illo frequentius, cf. notissimum ex Aristophane in Pluto exemplum vs. 339

τίνι τρόπῳ

Χρεμύλος πεπλούτηκ' ἐξαπίνης; οὐ πείθομαι.

καίτοι λόγος γ' ἦν νῆ τὸν Ἡρακλέα πολὺς

ἐν τοῖσι κουρείοισι τῶν καθημένων

ὥς ἐξαπίνης ἀνὴρ γεγένηται πλούσιος)

ideo omnibus locis ἄνθρωπος addere licet? Haec tamen hic Sintenisii videtur esse ratiocinatio.

C. LXVII λουτᾶμενος δὲ μετὰ πολλῶν ἐδείπνει [καθήμενος ὥσπερ εἴωθει μετὰ τὴν μάχην· οὐ γὰρ κατεκλίθη πλὴν καθεύδων] συνεδείπνουσι δὲ πάντες οἱ ἐταῖροι.

Deleantur inclusa. Ineptissime et ne satis accurate quidem sunt repetita e c. LVI:

ἰδεῖπναι δὲ καθήμενος ἀφ' ἧς ἡμέρας τὴν κατὰ Φάρσαλον ἤτταν ἔγνω· καὶ τοῦτο τῷ λοιπῷ προσέθηκε πένθει τὸ μὴ κατακλιθῆναι πλὴν καθεύδων.

Quae ibi suum sibi obtinent locum et accurate sunt enuntiata.

*Agis* I Ad gloriae cupidos conferri potest fabula de Ixione e nebula, quam Iunonem esse putabat, Centauros procreante:

καὶ γὰρ οὗτοι τῆς ἀρετῆς εἰδῶλῳ τινὶ τῇ δόξῃ συνόντες . . . νοθὰ καὶ μικτὰ πολλὰ πράττουσιν.

Aut inepte ipse Plutarchus imaginem a se inchoatam perturbat aut non πράττουσιν scripsit sed γεννώσιν vel tale aliquid.

C. II Concedendum est adolescentibus ut laudibus delectentur:

Φυόμεναι γὰρ ἐν τοῖς τηλικούτοις αἱ ἀρεταὶ καὶ βλαστάνουσαι τό τε κατορθούμενον, ὥς Φησι Θεόφραστος, ἐκβεβαιοῦνται τοῖς ἐπαίνοις καὶ τὸ λοιπὸν αὖξονται μετὰ Φρονήματος ἐπαίρομεναι.

Quem in sententia locum istud τὸ κατορθούμενον teneat non video. Plane omittit interpres Didotianus. Verisimile est aliquid a Plutarcho scriptum fuisse cui postea opponeretur καὶ τὸ λοιπὸν (quale est τό τε πρῶτον). Virtutes laudibus primum firman- tur, deinde etiam augentur.

ib. (s. f.) παραβάλωμεν δ' αὐτοῖς (Gracchis) Λακωνικὸν ζεύγος δημαγωγῶν.

Immo παραβαλοῦμεν. Non se ipse adhortatur scriptor, sed quid sit scripturus legentes facit certiores.

C. III Avaritia et luxu corrupta

τῶν πλείστων ἐξέπεσεν ἡ Σπάρτη καλῶν καὶ ταπεινὰ πράττουσα παρ' ἀξίαν διετέλει.

Respublica talibus indulgens vitiis iacet et despicitur (hoc enim est ταπεινὰ πράττειν), non hercle παρ' ἀξίαν sed κατ' ἀξίαν, quod fere significat sua culpa.

C. V Initium ea labes cepit a fine belli Peloponnesiaci; aliquamdiu tamen pristinus reipublicae status remanebat

τὸν οἶκον ὃν ὁ Λυκοῦργος ὥρισε Φυλαττόντων ἀριθμὸν ἐν ταῖς διαδοχαῖς καὶ πατὴρ παῖδι τὸν κλῆρον ἀπολείποντος.

Sic Sintenisius edidit; Muretus τῶν οἶκων ὧν. Neutrum vel intelligi potest. Unice verum est τῶν οἶκων ὃν: quamdiu familiae numerum a Lycurgo definitum servabant.

ib. Paucis exceptis totus populus egebat ideoque languebat  
τοὺς μὲν ἔξωθεν πολέμους ἀργῶς καὶ ἀπροθύμως ἀμυνόμενος κτέ.

Non *bella*, opinor, sed *hostes* propulsant cives. Lege ergo *πολεμίους*.

C. VI Lycurgi leges restituente Agide seniores, utpote corrupti, metu perculsi

καθήπτοντο τοῦ Ἀγίδος ὀδυρομένου τὰ παρόντα πράγματα καὶ τὸ παλαιὸν ἀξίωμα τῆς Σπάρτης ἐπιποθοῦντος.

Parum aptum hic ὀδύρεσθαι verbum. Non *lamentabatur* Agis (parum hoc virum fortem et ad agendum paratum decet), sed praesens rerum status *indignationem* ei movebat. Verbum a Plutarcho scriptum non praesto.

C. VII Cum avunculo suo Agesilao Agis matrem suam adiit ut ei consilia sua probaret:

ἐπεὶ δὲ ταῦτα μὲν ὁ Ἀγησίλαος ἐδίδασκεν ὡς καλῶς ἔξει καὶ πραχθήσεται συμφερόντως, αὐτὸς δὲ ὁ βασιλεὺς εἶδετο τῆς μητρὸς ἐπιδοῦναι πρὸς δόξαν αὐτῷ καὶ φιλοτιμίαν τὸν πλοῦτον κτέ.

Transpose: ὁ μὲν Ἀγησίλαος. Non enim adeo hiatus reformidasse Plutarchum credo ut mallet suas ipse perturbare sententias.

C. IX Ipse Agis totam rem familiarem in aerarium conferebat πολλὴν οὖσαν ἐν τοῖς γεωργουμένοις καὶ νεμομένοις κτέ.

Res ipsa clamat *ἐν τε* legendum esse.

C. XI Certo anni tempore Spartani, cum quoddam signum in coelo est observatum, regnum abrogant regibus

μέχρις ἂν ἐκ Δελφῶν ἢ Ὀλυμπίας χρησμὸς ἔλθῃ τοῖς ἡλώ-  
κῳσι τῶν βασιλέων βοηθῶν.

Mire verba notata displicent. Quasi vero magnus Spartaе fuerit regum numerus e quibus alii condemnentur, alii absolvantur. Utique τῶν βασιλέων delendum est.

C. XIII Persuadebat Agidi Agesilaus ut prius tabulas novas ferret

(ὥς) εὐκόλως ἂν αὐτῶν (de locupletibus agitur) καθ' ἡσυχίαν ἐνδεξομένων τὸν ἀνάδασμον.

Dele ἂν, sed et compositum ἐνδεξ. suspectum est. Denique videndum annon ante καθ' inserendum sit καί.

C. XV Non admodum perspicua est huius capitis narratio. Quid enim factum est postquam Aratus Aetolis permisit Megaram invadere? Ibine quieti substiterunt neque ultra Peloponnesiis exhibuerunt negotia? Hoc certum est sub finem capitis iniuria θαυμασθεὶς sollicitatum a Nabero. Rediit domum Agis laude ornatus propter modestiam exercitus quae c. XIII fuse est descripta.

C. XVI Agesilaus iste Agidis avunculus nihil non in suum convertens lucrum

τῶν βασιλέων τοῦ μὲν ὅλως καταφρονεῖν, τὸν δὲ Ἄγιν ἐβούλετο δοκεῖν διὰ τὴν συγγένειαν μᾶλλον ἢ διὰ τὴν βασιλείαν ἐν τινι τιμῇ τίθεσθαι.

Neque vocabulorum dispositio permittit ut infinitivum καταφρονεῖν cum δοκεῖν iungamus neque ipsa res quae traditur. Sic enim ea se habebat ut Agesilaus alterum regem plane et palam contemneret, adversus alterum speciem quandam servaret reverentiae, non quod rex ille esset sed quod sibi cognatus. Lege ergo κατεφρόνει.

ib. Agesilai avaritiam ultra non ferentes

ἀποκινδυνεύσαντες οἱ ἐχθροὶ καὶ συστάντες ἐκ Τεγέας ἀναφανδὸν τὸν Λεωνίδα ἐπὶ τὴν ἀρχὴν κατήγαγον.

Paulo obscurius vocibus οἱ ἐχθροὶ significantur Agesilai, Agidis, Cleombroti adversarii. Hi enim eiusdem erant factionis, licet ei avaritia sua Agesilaus magnopere noceret.

C. XVII Chilonis Leonidae filia

πρότερον μὲν ἀδικουμένη τῷ πατρὶ συνηδικεῖτο.

Minus aptum ultimum vocabulum. Significandum est filiam patris iniurias tamquam suas interpretatam esse ideoque a ma-

rito suo, illarum auctore, abiisse. Fortasse illud ἡδικοῖτο repetitum est e praecedenti ἀδικουμένῳ, et ἐλύπει vel eiusmodi aliquid expulit.

C. XVIII Dum Agis supplex sedebat in templo, simulati quidam amici eius insidias ei struebant

καὶ ποτε καὶ παραλαβόντες ἐπὶ λουτρὸν ἀπὸ τοῦ ἱεροῦ κατήγαγον κτέ.

Vix sanum istud παραλαβόντες. Requiritur fere ἐν μέσῳ λαβόντες.

C. XIX εἰώθει δὲ (Agis) καταβαίνειν ὅτε τύχοι πρὸς τὸ λουτρὸν. Mire, certe insolite, ὅτε τύχοι dictum pro ὅτε καιρὸς εἴη.

Tunc ergo perfidi isti homines subito eum arripiunt, quorum unus eum collo obtorto trahit

ἄλλων δ' ἐπωθούντων ὀπισθεν ἐκ παρασκευῆς, οὐδενὸς βοηθοῦντος, ἀλλ' ἐρημίας οὔσης κτέ.

Sic satis ridicule verba in editionibus distinguuntur, quasi vero, nisi istud ἐκ παρασκευῆς verbo ἐπωθεῖν esset additum, periculum esset ne putaremus illos homines miserum regem forte et nihil tale cogitantes propulisse. Transpone virgulam ut ante, non post, ἐκ παρασκευῆς legatur, habebimus narrationem plenam perfectamque: consulto illud tempus elegerant scelesti illi, cum solitudo esset in viis ita ut nemo regi opem ferret.

ib. τοὺς ὑπηρέτας ἐκέλευον (ephorī) ἄγειν (Agidem) εἰς τὴν καλουμένην Δεκάδα.

Miri nominis in codicibus aliae formae exstant hae: κεκάδα et δεκάδα. Dubium non est quin Καιάδαν sit legendum.

Cleomenes c. II Omnino tristissima et turpissima erat reipublicae Spartanæ condicio

ἀσκήσεως δὲ καὶ σωφροσύνης νέων καὶ καρτερίας καὶ ἰσότητος οὐδ' ἀσφαλὲς ἦν τούτων τῶν περὶ Ἁγιν ἀπολωλότων μνημονεύειν.

In integrum haec restituuntur deleto τούτων, pro quo in codicibus τούτῳ, τοῦτο, τούτῳ leguntur: exercitationis, continentiae, fortitudinis (et omnino masclarum virtutum) ne mentionem quidem facere tutum erat, postquam Agis (qui illis virtutibus

reducendis operam dederat) erat interfectus. Recte sententiam loci reddidit Didotianus sic vertens: „mentionem . . . . facere periculosum erat, Agide *quod conatus ea fuisset in urbem reducere* interfecto.” Vocabula notata, quae de suo addidit interpres, optime Plutarchi mentem illustrant. Ceterum vix opus est dicere verbis τῶν περὶ Ἄγιν ipsum Agidem significari.

ib. Tyrtaeus a Leonida dicebatur

ἀγαθὸς νέων ψυχὰς κακκάνην.

Alii codices alia, sed omnia leviter tantummodo inter se discrepantia. Unice verum est κακκάνην: narratur enim istud de Leonida ad illustrandum philosophi studium, qui Cleomenis adolescentis φιλοτιμίαν προεκκαῦσαι videtur.

C. III Deinde de rege iuvene haec narrantur:

ὁντος δ' αὐτῷ Φίλου Ξενάρους, ἐραστοῦ γεγονότος (τοῦτο δὲ ἐμπνεῖσθαι Λακεδαιμόνιοι κκλοῦσιν) ἀπεπειρᾶτο τούτου διαπυνθανόμενος τὸν Ἄγιν ὅποιος γένοιτο βασιλεύς.

Parenthesin non intelligo neque quidquam proficio Didotiana interpretatione: „Lacedaemonii ἐμπνεῖσθαι dicunt quasi *inspirari* Latine diceret.”

C. IV μέγας οὖν τῷ Φρονήματι γεγονῶς ὁ Κλεομένης ἐθρασύνετο πρὸς τοὺς πολίτας καὶ τῶν παλαιῶν τινος αὐτοὺς ἀνεμίμνησκε βασιλέων εἰπόντος, ὅτι μάτην Λακεδαιμόνιοι πυνθάνονται περὶ τῶν πολεμίων, οὐ πόσοι εἰσὶν, ἀλλὰ ποῦ εἰσιν.

Ergone simul civibus in memoriam revocat Cleomenes dictum illud nobile, et frustra illud fuisse ipsum vetustum regem illum declarantem facit? Non opinor, sed sic mihi Plutarchi manum restituere videor: οὐ μάτην εἰπόντος ὅτι κτέ.: „non temere illud in ore habere solebat, nam revera tales erant antiqui Spartani”. Tenebrarum et caliginis, qualis ipse fuit, amatorem facit Sintenisius Cleomenem, hoc oraculo traditam defendens lectionem: „nempe Agidis dictum festive rei praesenti accommodavit Cleomenes”.

C. V Collegam regni arcessere Agidis fratrem Archedemum statuit Cleomenes. Tum qui Agidem occiderant, metuentes ne ab ipsis poenas sumeret Archidemus

ἔδεξαντο μὲν αὐτὸν εἰς τὴν πόλιν παραγενόμενον κρύφα καὶ  
συγκατηγόν, εὐθὺς δ' ἀπέκτειναν.

Non placet ὕστερον πρότερον illud. Dixeris: „primum in urbem rediit Archidemus, deinde *in integrum restituere* eum volebant, certe velle se simulabant, scelesti illi”. At *clam quibus* in urbem rediit? Ut opinor iisdem qui Agidem occiderant et ipsum in exilium pulerant. Hinc ergo dici possunt eum *recepisse in urbem*? Omnino quae gesta sint et quo ordine me latet. Neque Plutarchi haec culpa, sed deliquit nescio quid librarius.

C. VI Hostes temere persequentes Lacedaemonios incidunt in  
χωρίον ἀμπέλων καὶ τάφρων καὶ τειχῶν μεστόν.

Delectat me campus ille *plenus murorum*. Didotianus exhibet „repletum ruderibus”. Sed hoc si voluisset Plutarchus, quidni *ἐρειπίων* scripsisset? Non voluit; sed hic quoque dedit vocabulum ad vineas earumque cultum pertinens. Quid illud fuerit non statuo.

C. IX Sententiam quam voluit Plutarchus sic restitues:

τὸ κακῶς παθεῖν ἤκιστα δεδίασιν οἱ μάλιστα φοβούμενοι τὸ κα-  
κῶς ἀκούσαι.

Prius κακῶς ego addidi.

C. X Sensim omnem potentiam in se transulerunt ephori,  
quae olim fuerat regis:

σημεῖον δὲ τούτου τὸ μέχρι νῦν μεταπεμπομένων τὸν βασιλέα  
τῶν ἐφόρων τὸ πρῶτον ἀντιλέγειν καὶ τὸ δεύτερον, τὸ δὲ τρίτον  
καλούντων ἀναστάντα βαδίζειν πρὸς αὐτούς.

Ultima misere languent, excidisse post ἀναστάντα suspicor  
σχολῇ. In eo enim insignis spectabatur Agesilai adversus ephoros  
modestia quod *contra vetustum illum morem* εἰ κληθεῖη θᾶπτον ἢ  
βάδην accurrere solebat (Ages. c. IV).

C. XII In castris Spartanorum non erant histriones et alii  
ex eo genere hominum

τὰ μὲν πολλὰ μελετώντων τῶν νέων καὶ τῶν πρεσβυτέρων δι-  
δασκόντων.

Unica *delectatio*, erat operam dare sententiolis brevibus et acutis.

Ne frustra quaeras *quam* ergo *seriam* rem discere soliti sint  
iuvenes et docere seniores, pro πολλὰ lege πολεμικά.



C. XIII Ne Plutarchus quidem suis caruit annotationibus quae a margine in textum irrepserunt. Ecce exemplum quo nullum disertius:

Ξένους ἐστιῶν ζωμὸν αὐτοῖς μέλανα καὶ μάζαν [ὥσπερ ἔθος ἦν ἐν τοῖς Φιδιτίοις] παρέθηκεν.

C. XVI Subitus morbus quo parum apto tempore domum redire cogebatur Cleomenes

διελυμῆνατο τὰ πράγματα τῆς Ἑλλάδος, ἀμωσγέπως ἐκ τῶν παρόντων ἀναλαβεῖν αὐτὴν ἔτι καὶ διαφυγεῖν τὴν Μακεδόνων ὕβριν καὶ πλεονεξίαν δυναμένην.

Fuit cum typothetae vitio haec sic edi putarem, sed video in Didotiana idem exstare. Et tamen quid certius quam δυναμένης esse legendum? Vides quam negligenter Plutarchus legi soleat.

ib. Laudat Cleomenem Plutarchus tamquam

τὴν πατριὸν πολιτείαν, ὥσπερ ἁρμονίαν ἐκλελυμένην, ἀνακρουόμενον αὖθις ἐπὶ τὸν σῶφρονα καὶ Δῶριον ἐκείνον τοῦ Λυκούργου νόμον.

Absurde his adiicitur magistelli annotatio καὶ βίον qua omnis metaphorae perit venustas.

ib. s. f. Quod communem Graeciae causam Aratus tradidit Antigono causa est cur Plutarchus deploret humanae naturae infirmitatem

εἰ μὴδὲ ἐν ἡθεσιν οὕτως ἀξιολόγοις καὶ διαφόροις πρὸς ἀρετὴν ἐκφέρειν δύναται τὸ καλὸν ἀνεμέσῃτον.

De verbo ἐκφέρειν subdubito; certe male mentem scriptoris reddidit interpres Didotianus sic vertens: „quando nec in nobilibus et insigniter ad virtutem aptis ingeniis bonum absque ullo naevo *existere* potest”. Nam, si sanum est ἐκφέρειν, vim habet ad finem usque perferendū.

C. XIX Quae hic leguntur: τῶν δὲ Κορινθίων ἀμιλλωμένων — διαφυγεῖν neque concinna sunt neque perspicua.

C. XXIII ταύτην διαρπάσαι διανοηθεὶς ὁ Κλεομένης.

Immo *ἀναρπάσαι*. Non agitur de regione diripienda sed de urbe subito impetu occupanda.

C. XXVI Vitato Antigoni exercitu subito ad Argos adest Cleomenes ibique fruges demetit, non cultris falcibusque sed gladiis ligneis

ὥς ἐπὶ παιδιᾷ χρωμένους ἐν τῷ πορεύεσθαι σὺν μηδενὶ πόνῳ πάντα συγκαταρρίψαι καὶ διαφθεῖραι τὸν καρπὸν.

Sicut nunc locus legitur istud *χρωμένους* quo veritas nescis. Sed lege ὥστε pro ὥς ἐπὶ, omnia erunt planissima.

ib. Merito homines Cleomenem admirabantur:

τὸ γὰρ ἐκ μιᾶς πόλεως ὁρμώμενον ὁμοῦ τῇ Μακεδόνων δυνάμει καὶ Πελοποννησίοις ἅπασι καὶ χορηγίᾳ βασιλικῇ πολεμεῖν καὶ μὴ μόνον ἄθικτον φυλάττοντα τὴν Λακωνικὴν, ἀλλὰ καὶ χώραν κακῶς ποιοῦντα τὴν ἐκείνων

profecto magni est ducis.

Quid sit Graece scribere nesciat qui istud a me notatum καὶ Plutarcho vindicet.

C. XXXII Mire adhibetur verbum *διοικεῖν* in his

αὐτὸν καὶ τοὺς φίλους εὐτελῶς καὶ σωφρόνως διοικῶν.

Sed facilius tamen hoc fertur quam quod legitur *Cic.* c. 45: *διοικεῖν τὸ μεράκιον* hoc sensu: „suo arbitrio regere adolescentulum”. Hunc equidem locum corruptum arbitror.

C. XXXIII Ptolemaeus moribus adeo depravatis erat ut

ὁπότε νήφοι μάλιστα καὶ σπουδαιότατος αὐτοῦ γένοιτο

Gallum ageret.

Dicitur hoc Graece *σπ. αὐτὸς αὐτοῦ*, quae structura si forte Plutarchi tempore in usu iam non erat, potuit eam a suo discere Herodoto.

ib. Qui Cleomenem videbant in Ptolemaei aula in ore habere solebant hoc dictum:

οὗτος [δ]λέων ἐν [τούτοις τοῖς] προβάτοις ἀναστρέφεται.

Deleantur inclusa, quae sensu cassa erant fiunt lepidissima.

C. XXXIV ναῦς μὲν οὖν αἰτῶν καὶ στρατείας ἀπεῖπε.

Sintenisiiis talia placeant; in Didotiana legitur, quod solum huc quadrat, *στρατιάν*.

*Tib. Gracchus* II C. Graccho severiores homines vitio dabant quod argenteam supellectilem emisset

τιμῆς εἰς ἐκάστην λίτραν δραχμῶν χιλίων καὶ διακοσίων πεντήκοντα.

Hoc est: tanto pretio ut singulae librae tot constarent drachmis. Conferatur Parisinorum iocus de columna Luxoria.

ib. C. Gracchus in dicendo asper et ad iram propensus erat

ὥστε καὶ παρὰ γνώμην ἐν τῷ λέγειν ἐκφερόμενον πολλάκις ὑπ' ὀργῆς τὴν τε φωνὴν ἀποξύνειν καὶ βλασφημεῖν καὶ συνταράττειν τὸν λόγον.

Aut βλασφημεῖν significat vocis aliquum lapsum vitiumve, aut aliud verbum, in quo illud inest, hic requiritur.

ib. Pone C. Gracchum stabat servus

ἔχων φωνασικὸν ὄργανον ᾧ τοὺς φθόγγους ἀναβιβάζουσι.

Excidit hic quod in Gracchi causa vel primarium erat καὶ καταβιβάζουσι. Rectius Didotianus solum „sonos depriment” exhibet.

C. VII τὸ δὲ πλεῖστον ἔοικεν ἐκ φιλοτιμίας καὶ τῶν ἐπαίρόντων τὸν Τιβέριον φίλων καὶ σοφιστῶν ἐκγενέσθαι τὰ τῆς διαφορᾶς (inter Scipionem Gracchumque).

Simplex verbum γενέσθαι hic legatur.

C. VIII Laelius

ἐπεκλήθη σοφὸς ἢ φρόνιμος· ἐκάτερον γὰρ ἐδόκει σημαίνειν ὁ σάπιενς.

Nondum, ut opinor, Plutarchi aetate iam mortua erat lingua latina. Lege ergo δοκεῖ pro ἐδόκει.

C. X Octavii pertinacia incensus Gracchus leniorem legem, quam prius tulerat

ἐπανείλετο, τὸν δὲ ἡδῶ τε τοῖς πολλοῖς καὶ σφοδρότερον ἐπὶ

τοὺς ἀδικοῦντας εἰσέφερεν ἤδη κελεύων ἐξίστασθαι τῆς χάρας ἣν ἐκέκτηντο παρὰ τοὺς προτέρους νόμους.

In his *ἐπανείλετο* est: „retinuit, non promulgavit, irritam fecit” (cf. C. Gracchus c. IV.) Cetera sensu carent nisi c. IX, ubi de priore lege haec leguntur:

οὗς γὰρ ἔδει δίκην τῆς ἀπειθείας δοῦναι καὶ μετὰ ζημίας ἦν παρὰ τοὺς νόμους ἐκαρποῦντο χώραν ἀφεῖναι, τούτους ἐκέλευσε τιμὴν προσλαμβάνοντας [ἐκβαίνειν ὧν ἀδίκως ἐκέκτηντο καὶ] παρὰ-δέχεσθαι τοὺς βοηθείας δεομένους τῶν πολιτῶν

verba inclusa, quae illic totam viciniam perturbant, delemus. Si perstant, nihil inter priorem et alteram Gracchi legem interest.

C. XII τῶν πλουσίων συνδραμόντων καὶ διασχόντων τὰς χεῖρας ὁ μὲν Ὀκτάβιος ἐσώθη μόλις ἐξαρπαγείς καὶ διαφυγὼν τὸν ὄχλον.

Frustra quaero quid sibi istud διασχόντων velit. Intelligerem si plebs dicta esset iunctis manibus inclusisse Octavium, eumque circulum nunc rumperent nobiles. Quod absurdum. Legendum censeo *διανασχόντων*: sublatis manibus, quae, ut opinor, gladios pugionesque tenebant, nobiles plebem reppulerunt.

C. XIV Titus Annius, Gracchi adversarius, erat

πρὸς τὰς ἐρωτήσεις καὶ τὰς ἀποκρίσεις ἄμαχος.

Aliquanto concinnius Plutarchus scripsit πρὸς τ' ἐρωτήσεις καὶ ἀποκρίσεις ἄμαχος. In fine capitis bis deleatur articulus in verbis καὶ τὸ λέγειν ἐτοιμότατον καὶ τὸ θαρρεῖν ἱταμώτατον.

C. XV Tribunatum Octavio ademptum ipsa quoque plebs aegre ferebat:

μέγα γάρ τι καὶ καλὸν ἰδόκει τὸ τῶν δημάρχων ἀξίωμα μέχρι τῆς ἡμέρας ἐκείνης διατετηρημένον ἀνηρῆσθαι καὶ καθυβρίσθαι.

Insanorum esse populus debet cui *eam ipsam ob causam* displiceat aliqua res quod sit *magna pulchraque*. Quantocius repone μέγα γάρ τι κακόν. Deinde videndum annon post ἀνηρῆσθαι ex-ciderit aliquid quod *integrum* significet.

C. XX Priores inter patricios plebemque lites mutua sunt compositae reverentia

δοκεῖ δὲ καὶ τότε μὴ χαλεπῶς ἂν ἐνδοῦναι πρηγορηθεῖς ὁ Τι-βέριος, ἔτι δὲ ῥῆον εἶχει δίχρα φόνου καὶ τραχύμασιν ἐπιούτι.

Rectissime *δοκεῖ* Reiskius scripsit pro absurdo *ἰδόμεναι*, suam enim ipse Plutarchus sententiam hic profert. Sed ne sic quidem mihi liquet oppositionis ratio: non uti caede et vi *idem est* atque oratione uti.

C. *Gracchus* c. I C. Gracchus adolescens quod quaestor in Sardiniam mitteretur magnopere gaudebat, ét alias ob causas ét quia neque capessere iam respublicam auderet neque plebi vocanti posset resistere. Et tamen fama fert

τοῦτον ἀκρατον γενέσθαι δημαγωγὸν καὶ πολὺ τοῦ Τιβερίου λαμπρότερον πρὸς τὴν ἀπὸ τῶν ὀχλῶν δόξαν. Οὐκ ἔχει δὲ οὕτω τὸ ἀληθές· ἀλλ' ἔοικεν ὑπ' ἀνάγκης τινὸς μᾶλλον οὗτος ἢ προαιρέσεως ἐμπεσεῖν εἰς τὴν πολιτείαν.

In his λαμπρότερον sanum esse non potest; requiritur adiectivum quod, cum verbis sequentibus iunctum, hominem *appetentem gratiae* significet. Deinde expellendum est οὗτος. Vide enim quam sit ingratum istud τοῦτον . . . οὗτος. Aut adscripsit sciolus ad docendum uter Gracchus significaretur, aut aliquo infortunio e praecedenti οὕτω natum est.

C. IV ἀπομνημονεύεται δὲ καὶ τοῦ Γαίου πολλὰ ῥητορικῶς καὶ ἀγοραίως ὑπὲρ αὐτῆς (sc. τῆς μητρὸς) εἰρημένα πρὸς τινὰ τῶν ἐχθρῶν.

Secundum adverbium recte habet, commemorantur enim mox dicta admodum scurrilia et acerba. Sed pro ῥητορικῶς aliud expectaveris.

C. VI Non solum legem Gracchi iudiciariam probavit populus ἀλλὰ καὶ κείνῳ τοὺς κρίνοντας ἐκ τῶν ἱππέων ἔδωκε καταλέξαι. Immo vero κρινούντας.

C. IX Iniquissime senatus quaecunque Gracchus ageret repudiabat, sed laudabat Livium cum leges ferret Gracchanis magis populares

καὶ κείνῳ μὲν . . . ἀπηχθάνοντο, Λίβιος δὲ . . . ἤρεσκεν αὐτοῖς.

Mire hic ἀπεχθάνεσθαι non odio esse sed odisse et irasci significat.

C. XVI Opimius consul non legatos ad senatum mittendos a Graccho eiusque sociis respondit

ἀλλὰ καταβάντας ὡς ὑπευθύνους πολίτας ἐπὶ κρίσιν καὶ παραδόντας αὐτοὺς οὕτως παραιτεῖσθαι τὴν ὀργήν.

Male in his πολίτας abundat.

*Comp. Ag. et Cleom. et Gracch. c. II* Tiberii Gracchi audacissimum facimus fuit

ἀνασῶσαι δημοσίους ἀγρούς.

Dici potest Gracchus populo suos sibi *recuperasse* agros, potest etiam agros e privatis publicos fecisse dici. Sed quod hic legitur sensu caret. Legendum videtur ἀναδάσασθαι, vocabulum Plutarcho dilectissimum; v. Agid. c. 12, Lyc. c. 8, Sol. c. 13, Arat. 38.

ib. Quem habuerint effectum Cleomenis res gestae sic declaratur:

ὀλίγου χρόνου τὴν Σπάρτην τῆς Πελοποννήσου κρατοῦσαν ἡ Ἑλλάς ἐπέϊδε.

Neque ὀλίγου χρόνου significare potest, quod praebet Didotianus interpres, „brevis temporis spatio exacto”, neque si posset verum illud esset. Nam numquam a Cleomene res eo est perducta. Sed *parum affuit* quin fieret illud, et hoc est quod vult Plutarchus. Lege ergo ὀλίγου abiecto χρόνου.

*Demosthenes c. I* Poetam qui docuit bonos viros tantummodo in nobilibus nasci urbibus sic refutat noster ut demonstret etiam obscurissima oppida tulisse non virtute sed, quod magis mirandum etiam, arte insignes viros. Et cur hoc magis sit mirandum sic exponit:

τὰς γὰρ ἄλλας τέχνας εἰκός ἐστιν  
quoniam in opere spectantur et gloriam quaerunt in parvis opidulis languescere.

τὴν δὲ ἀρετὴν  
quoniam sibi sufficit in quovis posse loco clarescere.

Vides (aut plane caecutis) hic *ορροῖ* inter se virtutem et artes, non artibus adnumerari virtutem. Dele ergo istud ἄλλας.

C. II Cum ego, qui nunquam Latine didicissem, venissem Romam, res mira mihi evenit

οὐ γὰρ οὕτως ἐκ τῶν ὀνομάτων τὰ πράγματα συνιέναι καὶ γνω-

ρίζειν συνέβαινεν ἡμῖν, ὥς ἐκ τῶν πραγμάτων ἀμωσγέπως εἶχομεν ἐμπειρίας ἐπακολουθεῖν διὰ ταῦτα καὶ τοῖς ὀνόμασι.

Verba saepe tentata ego sic refingenda censeo :

οὐ γὰρ . . . ἡμῖν, ὥς ἐκ τῆς τῶν πραγμάτων ἐμπειρίας εἶχομεν ἐπακολουθεῖν ἀμωσγέπως καὶ τοῖς ὀνόμασιν, delete διὰ ταῦτα, inserto τῆς, transposito ἀμωσγέπως. Qui res expertus novissem, poteram quodammodo etiam verba assequi. De ceteris huc pertinentibus vide Mnem. 1906 p. 307—316.

C. III „Inepti homines” ait Plutarchus „qui non verentur Demosthenis et Ciceronis inter se eloquentiam comparare in memoriam mihi revocant proverbium illud

Δελφῖνος ἐν χέρτῳ βίῃ, ἦν δὲ περιττὸς ἐν ἄπασιν Κεκίλιος ἀγνοήσας

Non, ut opinor, tam stultus Caecilius Calactinus visus est Plutarcho ut ignoraret in terra piscem nihil valere. Sed hoc nesciebat ineptum esse illum conatum. Hiatus ergo metu posito pro ἦν legamus δ.

ib. Δημοσθένης γὰρ καὶ Κικέρωνας τὸν αὐτὸν ἔοικε πλάττων ἀπ' ἀρχῆς ὁ δαίμων . . .

Si plane iidem ab origine illi viri fuerunt, quid attinebat (id quod statim postea de eodem dicitur daemone) *similia* multa *admiscere*, tam quae ad eorem indolem quam quae ad vitae casus pertinerent? Lege: ὁ αὐτὸς . . . δαίμων. Non unus daemon omnes creat homines sed alius alios. Demosthenes autem et Cicero ab eodem sunt creati, ideo tam multa habebant communia.

C. VI Λοχομέδοντα τὸν Ὀρχομένιον λέγουσι καχεξίαν τινὰ σπληνὸς ἀμυνόμενον δρόμοις μακροῖς χρῆσθαι.

Immo χρῆσθαι, quemadmodum in procedente eadem narratione ἐπιθίσθαι et γενέσθαι legitur.

ib. Quid illud sit quod Demosthenis oratio dicatur primo tempore visa esse

βεβασανίσθαι τοῖς ἐνθυμήμασι πικρῶς ἄγαν καὶ κτακόρως me latet. Didotianus: „contortis argumentis constare”, iusto audacius et parum accurate. Quis enim *contortum* orationem λόγον βεβασανισμένον appellet? Neque ἐνθύμημα idem est quod

*argumentum.* Ecquid βεβαρύνθαι? Molestus est et satietatem movet orator cuius oratio *gravibus sententiis* (sic satis accurate illud ἐνθυμήμασι vertamus) nimis est *onerata*.

C. IX Lamachum sophistam ita confutavit Demosthenes et ita permovit auditores

ὥστε δείσαντα τῷ θορύβῳ τὸν σοφιστὴν ὑπεκδῦναι τῆς πανηγύρεως.

Tolle immanem soloecismum τὸν θόρυβον legendo.

C. XIII Δημάδης ἀπολογούμενος διὰ τὴν ἐν τῇ πολιτείᾳ μεταβολὴν ἔλεγεν, αὐτῷ μὲν αὐτὸν τάναντία πολλάκις εἰρηκέναι, τῇ δὲ πόλει μηδέποτε.

Duo hinc sunt eximenda vocabula: αὐτόν, quia de se ipso loquitur Demades, et διὰ quia ἀπολογεῖσθαι διὰ τι nihili est.

C. XXII Viri est digni qui praesit reipublicae

τὰ οἰκεία πάθῃ καὶ πράγματα τοῖς δημοσίοις ἐπανερχόντα τηρεῖν τὸ ἀξίωμα.

Didotianus ἐπανερχεῖν vertit *postponere*. Quo iure nescio. Equidem ἐπαμπεύχοντα legendum arbitror: *occultantem et operientem*. Cf. non posse c. XXI f. ἐπαμπεχομένοις καὶ ἀποκρυπτομένοις διὰ φόβον ἃς ἔχουσι δόξας. Vir negotia publica curans revera *dignitatem* suam servat, si privatos casus publicis obtegit, ita ut illi non appareant.

Cicero c. XV τοῦτο (agitur de senatusconsulto „videant consules”) δ’ οὐ πολλάκις, ἀλλ’ ὅταν τι μέγα δέισῃ, ποιεῖν εἴωθεν ἢ ἐκκλησίᾳ.

Nimis languidum et vix rectum istud δέισῃ. Lege ὅταν μέγα τι δέος ᾖ: *cum magnum instat periculum*. Idem et Naberus vidit.

C. XVIII Catilinariorum consilia nullo negotio Cicero investigabat utpote

πολλοὺς μὲν ἔχων ἔξωθεν ἐπισκοποῦντας τὰ πραττόμενα καὶ συνεξιχνεύοντας αὐτῷ πολλοῖς δὲ τῶν μετέχειν δοκούντων τῆς συνωμοσίας διαλεγόμενος κρύφα καὶ πιστεύων.

Ultimam vocem sanam esse non credo; parum eam tutatur Schaeferi interpretamentum πιστοῖς χρώμενος. Neque eam vim verbum πιστεύειν habet unquam.



C. XXI Cum causa Catilinariorum in senatu ageretur, post Caesarem Cicero

ἀναστὰς ἐνεχείρησεν εἰς ἑκάτερον, τὰ μὲν τῇ προτέρῃ, τὰ δὲ τῇ γνώμῃ Καίσαρος συνειπών.

Frequentissimum apud Plutarchum — et ut opinor legitimum in scholis rhetorum — verbum, quod et hic restituatur, est ἐπιχειρεῖν, unde substantivum ἐπιχειρήμα, quod et alibi legitur et Ti. Gracchus c. XV: λόγον ἐν τῷ δήμῳ διεξῆλθεν, οὐ μικρὰ παραθέσθαι τῶν ἐπιχειρημάτων οὐκ ἄτοπον ἦν. In *ultramque partem disputare* est ἐπιχειρεῖν εἰς ἑκάτερον.

C. XXIV Pro τρυφὴν ἰδίαν legendum esse τροφὴν ἡδεῖαν demonstravi Mnem. 1905, 56. Si usquam, hic certe rem acu tetigi.

C. XXV De altero Crassi filio haec leguntur:

Ἄξιῳ τινὶ δοκῶν ὅμοιος εἶναι καὶ διὰ τοῦτο τῇ μητρὶ προστριβόμενος αἰσχρὰν [ἐπὶ τῷ Ἀξίῳ] διαβολήν.

Ut urbane loquatur Plutarchus et Ciceronis iocus, qui sequitur, suam sibi servet venustatem, utique delenda sunt inclusa.

C. XXVI Iocus quo adversus Sestium, cum iam in eo esset ut a iudicibus absolveretur, Cicero usus dicitur: „utere tempore, cras enim eris privatus”, admodum est obscurus. Quomodo enim sic perstringitur reus, qui toto suo iudicio fere solus verba fecit, patronis suis dicendi vix dedit facultatem?

C. XXX Iratus Ciceroni Caesar

κατεμαρτύρησεν ἐν τῷ δήμῳ μὴ δοκεῖν αὐτῷ καλῶς μηδὲ νομίμως ἄνδρας ἀκρίτους ἀνερῆσθαι [τοὺς περὶ Λέντλον καὶ Κέθηγον].

Delenda esse inclusa et res ipsa loquitur et docet vocabulum praecedens ἄνδρας. Sequitur

αὕτη γὰρ ἦν ἡ κατηγορία καὶ ἐπὶ τοῦθ' ὁ Κικέρων ἐκαλεῖτο.

Haec quo modo emendanda ut evadat sententia: „hoc crimine C. accusabatur”?

C. XXXII Philosophus, non orator dici voluit Cicero

Φιλοσοφίαν γὰρ ὡς ἔργον ἡρῆσθαι, ῥητορικὴ δ' ὄργάνῳ χρῆσθαι πολιτευόμενος ἐπὶ τὰς χρείας.

Ultima sic emendanda videntur ut haec oriatur sententia: „si quando, *necessitate coactus*, rempublicam capesseret”.

C. XXXVIII Reprehendebat Ciceronem Cato quod Pompeium esset secutus: se enim aliter agere non potuisse

ἐκεῖνον δὲ χρησιμώτερον (ἂν ins.) ὄντα τῇ πατρίδι καὶ τοῖς φίλοις εἰ μένων ἴσος ἐκεῖ πρὸς τὸ ἀποβαίνειν ἡρμόζετο  
stulte agere quod Caesari fieret inimicus.

Vereor ut simplex ἴσος significare possit *hominem neutris faventem partibus*, quapropter pro ἐκεῖ (quo facile hic caremus) legendum credo ἐκατέρω.

C. XXXIX Vehementer motum esse Caesarem, Cicerone orationem pro Ligario habente, narrant

τὸν γοῦν ἄνθρωπον ἀπέλυσε τῆς αἰτίας βεβιασμένος.

Hoc vult Plutarchum: „*sive vera sive falsa* ista omnia sunt quae traduntur, absolutum esse Ligarium constat”. Lege ergo δ’ οὖν pro γοῦν.

C. XLV Ciceronis in Antonium odium eum

προσεποίησε Καίσαρι νομίζοντι προσλαμβάνειν τῇ πολιτείᾳ τὴν ἐκείνου δύναμιν.

Post Καίσαρι excidit, quod facile fieri potuit, κέρδος. Suis artibus adiunxit Ciceronis eloquentiam, iure ratus hanc sibi magnopere profuturam.

Demetrius c. XI Enumeratis iam multis adulationibus, quibus adversus Antigonum Demetriumque usi sunt Athenienses, sic pergit:

τὸ δ’ ὑπερφύεστατον ἐνθύμημα τοῦ Στρατοκλέους, οὗτος γὰρ ἦν ὁ τῶν σοφῶν τούτων καὶ περιττῶν καινουργῶς ἀρεσκευμάτων, ἔγραψεν, ὅπως οἱ πεμπόμενοι κατὰ ψήφισμα δημοσίᾳ πρὸς Ἀντίγονον ἢ Δημήτριον ἀντὶ πρεσβευτῶν θεωροὶ λέγοντο.

Deleto demum ἔγραψεν ordine procedit sententia: „illud omnia superabat Stratoclis inventum ut e. q. s.”. Sed et κατὰ ψήφισμα δημοσίᾳ mihi iusto verbosius videtur. Deleverim κατὰ ψήφισμα.

C. XVIII Solus omnium illorum, qui Alexandrum magnum sunt subsecuti, regulorum Cassander

τῶν ἄλλων αὐτὸν βασιλέα καὶ γραφόντων καὶ καλούντων, αὐτὸς ὥσπερ πρότερον εἰώθει, τὰς ἐπιστολάς ἔγραφε.

Immo ἐπέγραφε.

C. XXX Demetrius spe, quam de Atheniensibus fovebat, delusus

τοῦ καθεστηκότος ἐξέστη δι' ὀργὴν αὐτοῦ.

Ultimum vocabulum una litura delendum videtur. „Iratum ob rem” Schaeferus annotat. Vides nihil esse quod non aliquod admittat interpretamentum.

C. XXXII Demetrius

Φίλαν τὴν γυναικα πρὸς Κάσανδρον ἐπεμψε τὸν ἀδελφὸν ἀπυσομένην τὰς Πλειστάρχου κατηγορίας.

Cassander frater est Plistarchi, non Demetrii; delendum ergo τὸν ἀδελφόν.

C. XXXVIII Narrant Erasistratum medicum, cum intellexisset amore in morbum incidisse Seleucum iuniorem

τὰ συμπάσχειν μάλιστα τῇ ψυχῇ τρεπομένη μέρη καὶ κινήματα τοῦ σώματος ἐπισκοπεῖν.

Utique καὶ κινήματα delendum: nam *partes* quidem corporis simul cum mente *afficiuntur*, non vero *motus*.

ib. Inter indicia amoris et ὀψεων ὑποδείξεις, numerantur, e quibus vocabulis nullum extundo sensum. Ecquid ὀψεως ὑπολείψεις? Certe Sappho, quae hic citatur, et ὀππάτεσσι δ' οὐδὲν ὄρημα dicit. Quam imitatus Catullus: „teguntur lumina nocte”.

C. XLI Reprehendit auctor Demetrium

διαδούμενον καυσίαις διμίτροις.

Opinor διμίτροις ut indicetur quomodo causiae illae fuerint textae; ex eodem genere est quod subiicitur: χρυσοπαρύφοις ἀλουργίσιιν.

C. XLIV Demetrii milites ad Pyrrhum deficiunt; cuius rei variae afferuntur causae, sed gravissima inest verbis

πάντως δὲ καὶ πρὸς ἕτερον καὶ πρὸς τοῦτον ἀπαλλαγῆναι τοῦ Δημητρίου ζητοῦντες.

Immo ἢ... ἢ. Deficere vel ad Pyrrhum volebant milites vel ad alium, dummodo deficerent a Demetrio.

Antonius c. II Potestne aliquis, ut hic Curio, ἀπαίδευτος περὶ τὰς ἡδονάς dici?

C. IV Inter ea quibus Antonius sibi militum conciliabat gratiam commemoratur etiam κῶθων ἐμφανής quod quid sit iuxta cum ignarissimis ignoro. Didotianus temere „compotatio aperta” praebet.

C. VI Nisi Iulius Caesar iam dudum civile bellum parasset, non propter tribunorum iniurias

οὕτως ἂν ἐπὶ καιροῦ

arma contra patriam sumpsisset. Didotianus „sic subito” praebet. Flagitat hoc sententia, sed ἐπὶ καιροῦ esse „subito” unde habet?

C. VII Antonius naves adducens Caesari, Dyrrhachii incluso, vento pellitur in saxa rupesque quibus cingitur sinus ille et certam exspectat perniciem.

ἄφνω δὲ τοῦ κόλπου πολὺν ἐκπνεύσαντος λίβρα καὶ τοῦ κλύδωνος ἀπὸ τῆς γῆς εἰς τὸ πέλαγος διαχρηομένου μεταβαλόμενος ἀπὸ τῆς γῆς καὶ πλέων σοβαρὸς κτέ.

Inepte illud ἀπὸ τῆς γῆς repetitur: cursum vertit A. et altum petit.

C. IX Antonii adversarii reprehendebant eius

μεθ' ἡμέραν μὲν ὕπνους καὶ περιπάτους ἀλύοντος καὶ κραιπαλῶντος.

Pro περιπάτους Naberus coniecit πότους ἐπὶ πότους, quod re-felli videtur sequente κραιπαλῶντος. Omnia in integrum restituuntur si ἢ legimus pro priore καί. Interdiu aut dormiebat Ant. aut, si per viam ambulabat, somno et crapula oppletus erat.

C. XI μετὰ δὲ ταῦτα προσελθὼν ἀναγορεύσαι τὸν Δολαβέλλαν

Caesar, concessit Antonio id fieri nolenti. Rectius προσελθὼν, quamquam hoc quoque vix cum infinitivo iungi potest.

C. XXVI Cleopatrae fastus luxusque et aliis describitur et hisce:

παῖδες δὲ τοῖς γραφικοῖς ἔρωςιν εἰκασμένοι παρ' ἑκάτερον ἐστῶ-  
τες ἐρρίπιζον.

Estne παρ' ἑκάτερον insolito prorsus modo positum pro ἐκατέ-  
ρωθεν an inde aliqua librarii culpa natum?

ib. Prae ceteris Antonius in splendida Cleopatrae nave lumina  
admirabatur et alias ob causas et quia erant

συντεταγμένα παισίων καὶ περιφερειῶν τρόπῳ.

Obscurissima haec, neque multum proficimus Corais coniectura  
περιφερῶν.

C. XXVII Volebat epularum elegantia et luxu certare cum  
Cleopatra Antonius

ἀμφοῖν δὲ λειπόμενος καὶ κρατούμενος ἐν αὐτοῖς ἐκείνοις  
de sua ipse iocabatur paupertate.

Immo ἐκείνης: cum in iis rebus illa esset inferior.

ib. Et sermo et venustas Cleopatrae

ἀνέφερε τι κέντρον.

„Aculeum relinquebant” Didotianus. Haud dubie hoc requi-  
ritur, sed latet in textu tradito.

ib. πολλῶν δὲ λέγεται (Cleopatra) καὶ ἄλλων (praeter populos  
supra enumeratos) ἐκμαθεῖν γλώσσας τῶν πρὸ αὐτῆς βασιλέων  
οὐδὲ τὴν Αἰγυπτίαν ἀνασχόμενων περιλαβεῖν διάλεκτον, ἐνίων  
δὲ καὶ τὸ μακεδονίζειν ἐκλιπόντων.

Quod Naberus coniecit αἰσχυνομένων non recte opponitur Cleo-  
patrae πολυγλωσσίῃ. Tradita lectio sincera videtur: priores reges  
Lagidae adeo erant superbi ut Aegyptiam linguam discere de-  
dignarentur, nonnulli etiam Macedonicam dialectum missam  
facerent et artificiosa quadam Atthide uterentur.

C. XXVIII In narratione de Antonii filio aurum argentumque  
largiente et alia leguntur et haec:

μετὰ μικρὸν ἀψάμενόν τινα τῶν παίδων ἐν ἀγγεῖφ τὰ ἐκπώματα  
προσφέρειν.

ἄψάμενον sanum esse non potest. Requiritur participium verbi quod *componere* significet.

C. XXIX Saepe Cleopatra ut Antonium imitaretur ancillae induebat vestem

καὶ γὰρ ἐκεῖνος οὕτως ἐπειρᾶτο σκευάζειν ἑαυτόν.

Absurdum est aliquem *conari* servilem vestem induere. Requiritur fere εἰώθει.

C. XLI Insolite dicitur:

παντάπασι τοὺς Πάρθους ἀπειγνώκτος Ἀντωνίου

hoc sensu: „cum iam de Parthis ne cogitaret quidem Antonius”.

ib. Galli equites in Antonii exercitu impetu in Parthos facto  
δισκοδῶσαν αὐτοὺς οὐκέτι τῆς ἡμέρας ἐκείνης ὑπόδειγμα γενο-  
μένους.

Pro absurdo ὑπόδειγμα Naberus coniecit ὑπὸ δέργμα, quod, ut opinor, recipiet nemo. Verum esse videtur ὑπὸ χεῖρα, sed praeterea pro γενομένους legendum est γιγνομένους.

C. LI In longa descriptione de Antonio Cleopatram expectante ἐπισκόπει, licet hiatum faciat, legendum pro ἐπισκοπεῖν, qui infinitivus nullo modo defendi potest. An credamus Plutarchum a Romanis usum infinitivi *historici* didicisse?

C. LIII Appropinquante Octavia Cleopatra omnibus modis se Antonii amore languescere simulabat:

πραγματευομένη δὲ πολλάκις ὀφθῆναι δακρύουσα ταχὺ τῶν δακρύων ἀφῆρει καὶ ἀπέκρυπτεν, ὥς δὲ βουλομένη λανθάνειν ἐκείνον.

Mire dictum τῶν δακρύων ἀφῆρει. Vitium latere videtur.

C. LVIII In bibliothecis Pergamenis

εἴκοσι μυριάδες βιβλίων ἀπλῶν ἦσαν.

Quae sunt βιβλία ἀπλᾶ? Ecquid volumina, non libri e pluribus constantes voluminibus?

ib. Et alia multa turpia Antonio vitio dabantur et

ἐν δὲ συνδείπνῳ πολλῶν παρόντων ἀναστάντα τρίβειν αὐτῆς τοὺς πόδας ἐκ τίνος ὀρισμοῦ καὶ συνθήκης γενομένης.

Ultimis verbis significatur Antonium olim confirmasse se id ausurum (συνθήκης) et ei rei hunc diem praestituisse (δρισμοῦ).

C. LXIII τοὺς ταρσοὺς τῶν νεῶν ἐγείρας καὶ πτερῶσας.

Ridicule hic locutionem poeticam τὰς ναῦς πτερῶσας eiusque interpretamentum τοὺς ταρσοὺς τῶν κωπῶν ἐγείρας inter se permixta suspicor.

ib. ad Octavianum transfugit Domitius, quamvis aegrotans. Qua re cognita Antonius statim ad eum omnia eius bona, amicos, ministros misit:

καὶ Δομίτιος μὲν, ὥσπερ ἐπὶ τῷ μὴ λαβεῖν τὴν ἀπιστίαν αὐτοῦ καὶ προδοσίαν μεταβαλλόμενος, εὐθὺς ἐτελεύτησε.

Haec quid significant non video. Interpres dum „quasi detectae eum perfidiae et proditionis *poeniteret*” praebet, idem fateri videtur.

C. LXXVII Moriens Antonius Cleopatram admonet

τὰ μὲν αὐτῆς, ἂν ἢ μὴ μετ' αἰσχύνῃς, σωτήρια τίθεςθαι . . . αὐτὸν δὲ μὴ θρηνεῖν.

Corrupta videntur verba notata. Requiritur fere ἐν ἀσφαλεῖ τίθεςθαι.

C. LXXXVI De Cleopatrae aspide illa legimus haec:

λέγεται δὲ τὴν ἀσπίδα κομισθῆναι σὺν τοῖς σύκοις ἐκείνοις καὶ τοῖς θρίοις ἄνωθεν ἐπικαλυφθεῖσαν, οὕτω γὰρ τὴν Κλεοπάτραν κελεῦσαι.

Ne Naberi quidem coniectura οὐ pro οὕτω scribentis omnia in integrum videntur restituta. Nam non possunt inter se conciliari quae mox legimus μὴδ' αὐτῆς ἐπισταμένης προσπεσεῖν τὸ θηρίον et τὸν βραχίονα παρασχεῖν τῷ δῆγματι γυμνώσασαν.

Dio c. III Duas uxores habebat Dionysius, alteram peregrinam alteram civem. Et cupiebant quidem Syracusani potius apud eum esse civem illam, at alteri

πρότερον ὑπῆρχε τεκούσῃ τὸν πρεσβεύοντα τῆς Διονυσίου γενεᾶς υἱὸν αὐτῇ βοηθεῖν πρὸς τὸ γένος

i. e. prior peperit, ergo hoc habebat quod Dionysii filius natu

maximus ei opem ferebat. Verba πρὸς τὸ γένος quid sibi velint satis est perspicuum; significatur iis hoc eam potuisse opponere ei rei, qua aemula pollebat, origini. Sed non sic Graece hoc dicitur. Est annotatio.

C. V Plato cum Dione primum disseruit de fortitudine, docuitque minime fortem esse tyrannum .

ἐκ δὲ τούτου τραπόμενος περὶ δικαιοσύνης ἐδίδασκεν ὡς μακάριος μὲν ὁ τῶν δικαίων, ἄθλιος δ' ὁ τῶν ἀδίκων βίος.

Simul verbose et imperfecte dictum hoc, sensu enim caret simplex illud τραπόμενος. Lege τρ. πρὸς δικαιοσύνην: ad iustitiam se convertit; transiit ad iustitiam.

C. VI Ad bellum cum Carthaginiensibus Dionysio Dio promittit

θρῆψειν αὐτὸς ἰδίοις τέλεσι καὶ παρέξειν εἰς τὸν πόλεμον αὐτῷ πεντήκοντα τριῆρεις πλεούσας.

Nihili est τριῆρεις πλεούσας. Lege τρ. εὖ πλ.

C. XIV Clamabant Dionis adversarii tyrannum philosophi artibus ad insaniam perductum omisso suo regio apparatu

ἐν Ἀκαδημίᾳ τὸ σιωπώμενον ἀγαθὸν ζητεῖν.

De isto σιωπώμενον dubito. Interpres *arcanum* praebebat. Nisi corrupta lectio, equidem hunc potius esse credam sensum: quietum, taciturnum et omni splendore regio carens.

C. XXXII Suspicionem in Dionem orta Syracusani novum quaerunt inveniuntque ducem Heraclidam; qui facillime ad se allexit

αὐτοὺς, οἳ τὸ σεμνὸν τοῦ Δίωτος . . . ἀνεστρέφοντο.

Sanumne istud αὐτοὺς, οἳ: „eos, qui”? Certe corruptum, sed ut opinor operarii errore ἀνεστρέφοντο. Lege ἀπεστρέφοντο, aversabantur, oderant.

C. XXXIII Quidquid faciebat Dio, calumniae ei erant metuendae; sive Dionysium per inducias dimittebat (ἀφιέναι κελεύει ὑπόσπονδον) in crimen incurrebat servati tyranni

εἴτε λυπεῖν μὴ βουλόμενος ἐπὶ τῆς πολιορκίας ἡσυχάζει διατηρεῖν ἰδὼκει τὸν πόλεμον.



Istud *λυπεῖν* quid sibi velit non perspicio; Didotianus „ne molestus esset populo”, contra sententiae structuram, nam nulum aliud obiectum suppleri hic potest nisi *Διονύσιον*. Requiro aliquid quod praecedenti *ἀφιέναι* *κελεύει* opponatur. Nonne ergo *λύειν* *μὴ βουλόμενος* est legendum?

C. XXXIV Sosis adversarius Dionis nudus et sanguine per caput effuso tamquam Dionis satellites fugiens procurrit et magnam populi in Dionem movet indignationem, qui rem faceret minime ferendam

*εἰ φόνους καὶ κινδύνοις τῶν πολιτῶν ἀφαιρεῖται τὴν παρρησίαν.*

Nullus hic Naberiano *κονδύλοις* locus; non vibices ille homo monstrat sed vulnera. Vix mortem *mortisque periculum* effugerat.

C. XXXVIII Novi duces creati clam Dione milites eius ad suas pertraxerunt partes

*ἐπαγγελλόμενοι καὶ τῆς πολιτείας ἰσομοίρην.*

Aut abundat *καί*, aut ante *ἐπαγγελλόμενοι* excidit aliquid, fortasse *μισθόν*.

C. XXXIX Supplex Dio manus tendebat ad cives monstrabatque arcem

*περίπλεων πολεμίων οὔσαν ὑπερφαινομένων τὰ τείχη καὶ τὰ γιγνόμενα καθορώντων.*

Graecumne istud? Praesidii nihil in varia lectione *φαινομένων*.

C. XLII Expulso reiectoque Dione Syracusani, cum urbs eorum a copiis regiis diriperetur, sentiebant quidem sed dicere non audebant

*εἰς ὃν μόνον ἦν καὶ λοιπὸν ἀπερῆσθαι τὴν ἐλπίδα.*

Expuncto *καί* egregia fiunt quae ante erant sensu cassa.

C. XLV Quanta maxima potest celeritate Dio civibus suis auxilio venit

*καὶ τοὺς μὲν ἐλαφροὺς εὐθὺς ἀφῆκεν ἐλθεῖν πρὸς τὴν ἀκρόπολιν . . . τοὺς δ' ὀπλίτας αὐτὸς συντάττει.*

Dubium non est quin recte cod. F. *ἐλθεῖν* omittat; recte tum duae res inter re opponuntur: levis armaturae milites statim

ad arcem dimisit, ad arcem se convertere iis permisit, hoplitas aliquamdiu secum retinuit.

C. XLVII Iam victori Dioni se dedunt priores adversarii precanturque clemens esse velit erga ipsos

οἱ περὶ οὐ πρότερον ἐστάσιασαν πρὸς αὐτὸν νῦν ἤκουσιν ἡττᾶσθαι τῆς ἀρετῆς ὁμολογοῦντες.

Non cohaerent haec; post ἤκουσιν excidit participium quod *ullro afferentes* significet.

C. L μηδενὸς δὲ τοῖς πολιορκουμένοις βοηθοῦντος, ἐπιλιπόντος δὲ αὐτοῦ, τῶν δὲ μισθοφόρων γιγνομένων πονηρῶν  
arcem Dionysii filius tradidit Dioni.

De πονηρῶν dubito; ieiunum et puerile videtur.

ib. Ad patrem abit tyranni filius cum suis omnibus; laetissimum hoc civibus spectaculum

οὐδενὸς δὲ τῶν ἐν Συρακούσαις ἀπολιπόντος ἐκείνην τὴν ὄψιν ἀλλὰ καὶ τοὺς μὴ παρόντας ἐπιβωμένων ὅτι τὴν ἡμέραν ταύτην . . . οὐκ ἐφορῶσιν.

De *mortuis* sermonem esse docet verbum ἐφορᾶν, rectius ergo foret τοὺς μηκέτ' ὄντας. Sed etiam de ἐπιβωμένων dubito; requiritur aliquid quod *commiserationem* significet.

C. LII Iusto severior Platoni videbatur Dio, sed morem magistro ille non gerebat, et quia natura, erat pertinacior

ἀντισπᾶν τε τοὺς Συρακοσίους ἄγαν ἀνειμένους καὶ διατεθυμμένους προθυμούμενος.

Non placet compositum istud.

C. LVII Paulo obscurior est narratio de caede Dionis et ideo suspecta quia duae deinceps sententiae eodem modo clauduntur: οὐδεὶς δ' ἐτόλμα τὰς θύρας ἀνοῖξαι et οὐκ ἐτόλμα βοηθεῖν.

*Brutus* c. VI Dicere solebat Brutus

ὥς οἱ μὲν ἀνείσθαι δυνάμενοι δοκοῦσιν αὐτῷ μὴ καλῶς τὴν ὥραν διατεθεῖσθαι.

Sensus horum me fugit, et quod interpretes dat: *male illos tempus suum collocasse* hinc quam alienissimum videtur.

C. XII Mire dictum:

πόρρωθεν αὐτοῖς τοιαύτην τινὰ κύκλῳ περιβαλόντος ἐν τῇ διαλέγεσθαι καὶ συμφιλοσοφεῖν πεῖρην

hoc sensu: „cum inter philosophicas disceptationes per ambages sententiam eorum Brutus exquisivisset de Caesare occidendo”.

ib. Ita consilium suum Brutus sociique celarunt

ὥστε μαντεῖαις καὶ φάσμασι καὶ ἱεροῖς ὑπὸ τῶν θεῶν προδεικνυμένην ἄπιστον γενέσθαι τὴν πράξιν.

Immo ἄπυστον: nemo quidquam de consilio Caesaris necandi cognovit, quamquam portenta deorum illud antea significarunt.

C. XVII Bruto inter percussores conspecto Caesar involvit caput, corpusque praebebat ictibus

οἱ δ' ἀφειδῶς ἀναπεπλεγμένοι πολλοῖς περὶ τὸ σῶμα χρώμενοι τοῖς ξίφεσιν ἀλλήλους ἐτίτρωσκον.

Non me hinc extrico et περὶ τὸ σῶμα, cum proxime praecedat παρέδωκε τὸ σῶμα, displicet.

C. XVIII Caesare occiso ad libertatem cives vocat Brutus

τὸ μὲν οὖν πρῶτον ἦσαν ἀλαλαγμοὶ καὶ διαδρομαὶ τῷ πάθει κατὰ τύχην ἐπιγιγνόμεναι πλείονα τὸν θόρυβον ἐποίησαν.

Ut e vocabulorum serie vix cohaerente venusta nascatur periodus, exime ἦσαν.

Sequitur:

ὥς δὲ οὔτε φόβος ἄλλος οὔτε ἀρπαγὴ τινος ἐγίγνωτο τῶν κειμένων

haud dubitantes in Capitolium conveniunt.

Ultima non intelligo, nulli enim praeter ipsum Caesarem iacent mortui. Didotianus haec habet: „neque direptio *vel minima*”. Videtur ergo τὰ κείμενα accipere *de rebus quae neglectae iacent*. Quod neque in verbis Graecis inest et sententiam praebet satis absurdam.

C. XXIII Proficiscente Bruto Porcia primum dolorem celavit.

Sed perturbavit eius animum tabula in qua Hector pictus erat cum uxore et filiolo:

ταῦτα θεωμένην τὴν Πορκίαν ἢ τοῦ πάθους εἰκὼν ἐξέτηξε· καὶ πολλάκις φοιτῶσα τῆς ἡμέρας ἐκλαiven.

*Ad tabulam* scilicet illam identidem cursitabat; sed hoc Graece erat enuntiandum. Lege προσφοιτῶσα.

C. XXIV Brutus lautior convivio homines quosdam excipiebat:

καὶ γὰρ ἦν ἡμέρα καθ' ἣν ἐγγόνει πρῶτον ὁ Βροῦτος.

Quis unquam illud „dies quo natus erat” enuntiavit addito „primum”?

C. XXV ἐκ τούτου πεντήκοντα μὲν αὐτῷ μυριάδας Ἀντίστιος ἀφ' ὧν ἤγε καὶ αὐτὸς εἰς Ἰταλίαν χρημάτων ἔδωκεν.

Vis vocabulorum καὶ αὐτὸς interpretem fugit, qui „ipse” dedit. Sed continuatur narratio praecedentis capitis de navigiis quibus Carysti Brutus obviam venit et quae μετὰ χρημάτων Romam iter habebant. Est ergo καὶ αὐτὸς et ipse i. e. item ut ille nauarchus de quo modo narratum est.

C. XXVII Traiecturo in Asiam Bruto nuntiatur interea Romae res esse conversas

ὁ γὰρ νέος Καῖσαρ ἠϋξήθη ὑπὸ τῆς βουλῆς ἐπ' Ἀντώνιον metuebaturque ne illo pulso rerum potiretur.

Legendum ergo ἠϋξητο.

C. XXXI Xanthii insania quadam abrepti suam ipsi urbem igni dederunt delendam

ᾧρθη δὲ τῆς πόλεως διαφθορείσης γυνὴ κρεμαμένη μὲν ἐξ ἀγρόνης, παιδίον δὲ νεκρὸν ἐξηρτημένη τοῦ τραχήλου, λαμπάδι δὲ κειομένη τὴν οἰκίαν ὑφάπτουσα.

Ea res Bruto flebilis visa est; mihi tam absurda videtur ut a Plutarcho sic narratam non possim credere.

C. XXXV Conquerenti Cassio quod nimis severus Brutus iudex sit de iniuriis a suis amicis commissis, hic respondet satius fuisse Caesaris amicorum iniurias perpeti quam suorum inultas sinere:

ἐκείνοις μὲν γὰρ ἀνανδρίας, ἀδικίας δὲ δόξα μετὰ κινδύνων ἡμῖν καὶ πόνων πρόσεστι.

Quod „deteriores” habent νῦν δὲ ἀδικίας rectum videtur, et pro ἐκείνοις (ἐκείνως X) legendum ἐκεῖ.

C. XXXVII Cum portentum a se visum Brutus narrasset Cassio, hic Epicureorum ratione usus: „talía” ait „ipsa mens de nihilo format”

κηρῷ μὲν γὰρ ἔοικεν ἡ τύπωσις, ψυχῇ δὲ ἀνθρώπου τὸ πλαττόμενον καὶ τὸ πλαττόν ἐχούσῃ τὸ αὐτὸ ῥᾶστα ποικίλλειν αὐτὴν καὶ σχηματίζειν δι' ἐαυτῆς ὑπάρχει.

Arena sine calce; et tamen id ipsum quod unice verum est dudum est coniectum, sed more suo id sprexit Sintenisius quoniam „optimus codex” aliud quid habeat. In X enim non ἔοικεν est sed ἔξωθεν, quo recepto tantummodo αὐτὴν in αὐτὴν est mutandum ut egregia haec evadat sententia: „cera extrinsecus imaginem accipit, sed in mente humana id quod format et quod formatur idem est; facillime ergo illa se in omnes potest convertere figuras”. In praecedentibus ὕγρον μὲν τι καὶ ἀπατηλὸν ἢ αἰσθησις, ἔτι δ' ὀξυτέρα ἢ διάνοια κινεῖν αὐτὸ καὶ μεταβάλλειν ἀπ' οὐδενὸς ὑπάρχοντος εἰς πᾶσαν ἰδέαν pro αὐτὸ e cod. C. αὐτὴν est reponendum.

Sequitur:

δηλοῦσι δὲ αἱ κατὰ τοὺς ὕπνου τροπαὶ τῶν οὐνείων ὅς τρέπεται τὸ Φανταστικὸν ἐξ ἀρχῆς βραχείας παντοδαπὰ καὶ πάθῃ καὶ εἰδῶλα γινόμενον.

Immo vero γεννῶν et delendum τῶν οὐνείων. Sic sententia eleganter decurrit et egregie illustratur illud quod supra legimus: „in mente humana quod format et quod formatur idem est”: τὸ Φανταστικὸν γεννᾷ τροπὰς et τροπὰς τρέπεται, simul parit et subit mutationes.

C. XL Quid sentiat de voluntaria morte a Cassio rogatus Brutus respondet: „si deus mihi non concesserit victoriam”

ἀπαλλάξομαι τὴν τύχην ἐπαινῶν· Μαρτίαις εἰδοῖς δοῦς τῇ πατρίδι τὸν ἑαυτοῦ βίον ἄλλον ἔζησα δι' ἐκείνην ἐλεύθερον καὶ ἔνδοξον.

Insere γὰρ post Μαρτίαις ut rationem reddat Brutus cur laudet fortunam.

C. XLI ἀπὸ τῶν ἐλῶν οἷς περιεστρατοπέδευον . . .

Hoc qui exercitus facere possit dicat qui haec sana putet. Mihi constat *παρεστατοπέδευον* esse legendum. Sequens *περικόπτοντες* causa fuit corruptelae.

ib. *μαχεῖσθαι* . . . *χρήσασθαι* — *ἐπιταράσσειν*.

Quis credat tria haec ab uno *προσδοκῶσα* pendere posse? Lege ergo *χρήσεσθαι* et *ἐπιταράξειν*.

C. XLIII De Cassio haec legimus:

οὔτε τὴν πρώτην ἐκδρομὴν τῶν περὶ Βροῦτον ἠδέως εἶδεν . . . οὐθ' ὅτι κρατοῦντες εὐθύς ὥρμησαν ἐφ' ἀρπαγὴν . . . ἤρεσκεν αὐτῷ.

Hic claudatur sententia et abiiciatur τὰ πραττόμενα.

C. XLV (Brutus) τῶν δὲ ἐλευθέρων τοὺς μὲν ἀπέλυε.

Quoniam his alii nulli opponuntur, vide annon τοὺς πλείστους ἀπέλυε sit legendum.

*Comparatio Dionis et Bruti* c. III περὶ δὲ Βρούτου τῶν ἐχθρῶν ἦν ἀκούειν

de nulla alia re quam de libertate reddenda civibus eum cogitasse. Lege καὶ τῶν ἐχθρῶν. Bruto etiam inimici honestum dederunt testimonium.

*Artaxerxes* c. V Spartani cuiusdam libertatem loquendi sic per tribunum refutavit Artaxerxes:

σοὶ μὲν ἔξεστιν εἰπεῖν ᾧ βασιλεῖ βούλει, ἐμοὶ δὲ καὶ λέγειν καὶ ποιεῖν.

Exstat et alia lectio: εἰπεῖν βασιλεῖ ᾧ βούλει. Si recte Sitenisius statuit βασιλεῖ esse interpretamentum sequentis ἐμοί, duo hic habemus, eaque admodum insignia, exempla annotationis, quae sedem in textu quaerit etiam. Vide de Embl. in Plut. p. 3 sq.

C. VI Quo tempore Statirae insidiari coeperit Parysatis, de ea re alia tradit Dinon, alia Ctesias, cui hoc argumento adstipulatur Plutarchus:

οὔτε ἀγνοεῖν τὸν χρόνον εἰκός ἐστι παρόντα ταῖς πράξεσιν, οὔτε ἐκὼν αἰτίαν εἶχεν ἐκ τοῦ χρόνου μεταστῆσαι τὸ ἔργον, ὥς ἐπράχθη

διηγούμενος, οἷα πάσχει πολλάκις ὁ λόγος αὐτοῦ πρὸς τὸ μυθῶδες καὶ δραματικὸν ἐκτρεπόμενος τῆς ἀληθείας.

Constructio admodum impedita, in qua istud οἷα πάσχει nil habet quo referatur. Omnia satis bene procedunt, si ὡς ἐπράχθη διηγούμενος eximitur.

C. VIII Cum praeclare pugnam apud Cynaxam narraverit Xenophon, insanum sit iterum narrare velle

πλὴν ὅτι τῶν ἀξίων λόγου παρῆλθεν εἰπεῖν ἐκεῖνον.

Nonne ἐκεῖνος legendum? Impersonale verbum παρίεναι suspectum est.

ib. Graeci milites in ea pugna non eum habebant locum quem oportebat, non Cyri culpa

ἀλλ' ἐκεῖ Κλέαρχον ἐκέλευε τάττεσθαι κατὰ μέσον· ὁ δ' αὐτῷ μέλειν εἰπὼν . . . τὸ πᾶν διέφθειρεν.

Lege ἐκεῖνος pro ἐκεῖ ut recte Cyrus et Clearchus inter se opponantur, et μελήσειν pro μέλειν ne pereat notum illud ἐμοὶ μελήσει.

C. XI Cauniorum qui prius Cyri milites amicos rati deinde se in hostes illatos sentiunt unus

ἐτόλμησεν ἀγνοῶν ἐξόπισθεν βαλεῖν τὸν Κύρον ἀκοντίῳ.

Sana haec esse non videntur. Fortasse delendum ἀγνοῶν ut aptissima haec nascatur sententia: ausus est tergum ferire; regis fratrem, si in se conversum habuisset, laedere ausus non esset (bene enim eum notum habebat). Aut οὐκ ἀγνοῶν legendum.

ib. Iocose dictum:

ὁ Κτησίου λόγος, ὃ καθάπερ ἀμβλεῖ ξιφιδίῳ μόλις ἀναιρῶν τὸν ἄνθρωπον ἀνῆρκεν.

Sed ἀναιρῶν . . . ἀνῆρκε sanum esse non potest. Ecquid ἀναιρῶν delendum?

C. XIV τὸν δ' ἄθλιον Κᾶρα κοινὸν τι πάθος ἐξ ἀβελτερίας κατέσχε.

Immo καινόν, nisi forte communis est sors stultorum ἐπὶ δέκῃ ἡμέρᾳ στρεβλοῦσθαι, τοὺς ὀφθαλμοὺς ἐξορύττεσθαι aliaque dirissima quae invenit Parysatis.

C. XVI σκαφὰς δύο πεποιημένας ἐφαρμόζειν ἀλλήλαις.

Sententia perspicua: „duas scaphas ita factas ut inter se quadrent”. Sed structura insolita, neque intelligimus quidni pro π. ἐφαρμόζειν Plutarchus ἐφαρμοζούσας scripserit.

C. XX Ad incitas ab Agesilao redactus Artaxerxes

ἔπεμψε Τιμοκράτην τὸν Ῥόδιον εἰς τὴν Ἑλλάδα χρυσίον πολὺ κομίζοντα, [διδόναι καὶ] διαφθεῖρειν τοὺς πλεῖστον ἐν ταῖς πόλεσι δυναμένους κελεύσας.

Dele puerile additamentum.

C. XXI De Antalcida eiusque pace haec legimus:

σπουδάσας βασιλεῖ διεπράξατο τὰς ἐν Ἀσίᾳ πόλεις Ἑλληνίδας ἀπάσας καὶ νήσους, ὅσαι προσκυροῦσιν Ἀσίᾳ, παρεῖναι Λακεδαιμονίους αὐτῷ κεκτῆσθαι φόρων ὑποτελεῖς.

Sententia mire contorta, unde fortasse eximendum istud κεκτῆσθαι, quod plane inutiliter eam onerat.

C. XXIII Rex Tissaphernem occidit

ταῖς διαβολαῖς αὐτοῦ τῆς Παρυσάτιδος συνεπιθεμένης.

Haec vix intelligo. Interpres: „Parysatide etiam calumnias adversus eum *augente*” parum accurate. Si sic ut traditum est Plutarchus scripsit, metaphora usus est, qua Tissaphernem *ag-grediuntur* ét calumniae aliorum ét Parysatis.

ib. Cognito filium suae ipsius filiae amore captum, Parysatis quo eum sibi devinceret, primum filiae illius laudabat formam moresque

τέλος γοῦν γῆμαι τὴν κόρην ἔπεισε καὶ γνησίαν ἀποδείξει γυναῖκα χαίρειν ἔασαντα δόξας Ἑλλήνων καὶ νόμους, Πέρσαις δὲ νόμον αὐτὸν ὑπὸ τοῦ θεοῦ καὶ δικαιοτὴν αἰσχυρῶν καὶ καλῶν ἀποδεδειγμένον.

Pro γοῦν, cui nullus hic locus, legatur δέ, et sequens δέ deleatur: *apud barbaros suprema lex est voluntas regis sive rex ipse.*

C. XXIV Cum in Cadusiorum sterilem terram expeditionem faceret, rex in summam incidit inopiam

οὐδὲν γὰρ ἐδώδιμον ἦν λαμβάνειν οὐδὲ ἔξωθεν ἐπεισάγεσθαι, τὰ



δὲ ὑποζύγια μόνον κατέκοπτον, ὥστε ὄνου κεφαλὴν μόλις δραχμῶν ἐξήκοντα ὄνιον εἶναι.

Istud μόνον quid sibi vult? An hoc „tantummodo mactabant, non ad onera subvehenda adhibebant” ita ut simul ratio reddatur cur extrinsecus nihil advectum fuerit et cur carnes asinorum tanti factae sint?

ib. In hac difficultate Tiribazus, vir astutus, regi opem tulit: ad alterum Cadusiorum regem profectus ipse est, ad alterum filium misit; utrique uterque persuasit alterum regem inducias cum Artaxerxe facere velle

τούτοις ἐπείσθησαν ἀμφοτέροι καὶ φθονεῖν ἀλλήλοις νομίζοντες alter cum Tiridate alter cum Tiridatis filio legatos ad Artaxerxem misit. Istud φθονεῖν ἀλλήλοις νομίζοντες possis utcumque sic vertere: „inter se invidere soliti” (nam quod Didotianus dat: „alter alterum sibi invidere pacificationem putantes” prorsus nihili est). Sed hoc quoque misere languet. Expectas consilium inter se *nocendi*, quod habebis si lenissima emendatione legeris φθάνειν ἀλλήλους ν.

C. XXVI ἐκ δὲ τούτου προσεῖχεν ἀρξάμενος αὐτῇ. En quo interdum et Plutarchum ducat hiatus vitandi studium!

C. XXIX Admonente et adhortante Tiribazo Darius patri struit insidias,

καὶ πολλῶν ἤδη συνισταμένων εὐνοῦχος ἐδήλωσε τῷ βασιλεῖ τὴν ἐπιβουλὴν καὶ τὸν τρόπον εἰδὼς ἀκριβῶς.

Delendum καὶ videtur: insidias indicabat, bene gnarus quomodo eas ad finem perducere fuerit constitutum.

Aratus c. I „Mitto ad te, Polycrates, proavi tui Arati vitam, non quod te ignorare eius res gestas arbitrer sed ut filiis tuis domestica possis proponere quae imitentur exempla”

Φιλαύτου γὰρ ἀνδρὲς, οὐ Φιλοκάλου, πάντως ἀεὶ βέλτιστον ἡγεῖσθαι.

Sensu cassa ista et varia lectio πάντως ἀεὶ βελτίω αὐτὸν ἡγεῖσθαι desperantis videtur coniectura; illud enim non est viri qui se suaque amat, sed qui plane mente captus est. Quid sit legendum nescio.

C. III Plane caruisse eloquentia Aratum efficere noli

ἐκ τῶν ὑπομνημάτων ἃ παρέργως καὶ ὑπὸ χεῖρα διὰ τῶν ἐπιτυχόντων ὀνομάτων ἀμιλλησάμενος κατέλιπε.

Interpres ἀμιλλησάμενος vertit „festinanter”. Quin recte non dubitarem si *praesentis* esset temporis participium. Nunc ἐπέχω.

C. VI Bellicam exercitationem conditio temporis Arato prae-buit, instrumenta bellica ei componebat Euphranor

ἄνδρας δ' αὐτῷ τῶν μὲν ἐν Ἀργεὶ Φίλων ἕκαστος ἐξ ὀλίγων δέκα παρέσχευ

ipse e suis famulis triginta armabat.

Istud ἐξ ὀλίγων quid sit nescio. Scripsitne fortasse Plutarchus εἰ ὀλίγον, quod fere est „ut minimum”?

C. VIII Comprehensis tyranni satellitibus postridie mane populus concurrebat; plenum erat theatrum

ἔτι πρὸς τὴν ἄδηλον αἰωρουμένων Φήμην καὶ σαφές οὐδὲν εἰδόντων ὑπὲρ τῶν πραττομένων.

Istud ὑπὲρ inseruit sciolus qui, ne inter se dependerent genitivi, totam structuram corrupit.

C. X Aratus amicitias inimicitiasque ad publicum commodum dirigebat; ita non tam firmus erat amicus quam inimicus lenis

ὑπὸ τῆς πολιτείας ἐπ' ἀμφότερα τῷ κειρῷ μεταβαλλόμενος, ὁμονοίας ἐθνῶν καὶ κοινωνίας πόλεων καὶ συνεδρίου καὶ θεάτρου μίαν φωνὴν ἀφιέντος.

Isti genitivi ὁμονοίας et κοινωνίας unde pendent? Omnino totus hic locus tam male cohaeret ut nullum aptum praebeat sensum. Sed lenissima coniectura disertus fit venustusque; etenim pro ἐθνῶν (cui vocabulo nullus est locus) legendum ἐρῶν et πόλεως pro πόλεων: „concordiam amabat et concordiae prospiciebat non solum totius urbis sed etiam cuiusvis in urbe conventus ubi omnes eodem utebantur sermone”. Verum me vidisse apparet ex iis quibus continuatur enumeratio virtutum: ὥς οὐδενὸς ἄλλου τῶν καλῶν ἐραστής.

C. XVI ὁ μὲν γὰρ Ἰσθμὸς ἐμφράττων τὰς θαλάσσας εἰς ταὐτὸ συνάγει τῷ τόπῳ καὶ συνάπτει τὴν ἡπειρον ἡμῶν.

Istud τῷ τόπῳ melius abesset.

C. XVIII Corinthi quatuor fratrum unus Diocles inter tyranni custodes militabat; tres aurum in arce sunt furati, quorum unus Sicyone mensario cuidam narravit se, ad fratrem euntem, vidisse moenium partem quandam admodum humilem. Hic mensarius

εἶτα, ὦ βέλτιστε, διὰ μικρὸν οὕτω χρυσίον ἀνασπᾶτε τὰς βασιλικὰς πράξεις

cum possitis intra horae spatium divites fieri?

In πράξεις quid lateat non video; verbum ἀνασπᾶν demonstrat de cistis effringendis sermonem esse. Vidit hoc is cui lectionem φράξεις debemus, sed huius coniectura non utendum censeo.

Tum ille

τότε μὲν ὡμολόγησεν ἀποπειρᾶσθαι τοῦ Διοκλέους.

Immo ἀποπειράσεσθαι: „fratris tentabo animum” ait.

C. XXI Ipsiusne Plutarchi est ista explicatio cur qui clam escendere aliquo velint calceamenta sua exuant? Mihi eo indigna videtur. Est enim huiuscemodi:

οὕτε γὰρ ψόφον ποιοῦσι πολὺν οὐτ' ὀλισθήματα λαμβάνουσιν οἱ γυμνοῖς τοῖς ποσὶν ἀντιλαμβάνόμενοι τῶν κλιμάκων.

ib. Urbe ab Arati socii occupata et alia fiebant tumultum significantia et

Φῶτα πολλὰ τὰ μὲν κάτῳθεν ἤδη τὰ δὲ ἄνωθεν ἀπὸ τῆς ἄκρας περιέλαμπε.

Cur istud ἤδη (an hiatus vitandi causa?) in alienam sedem est traiectum? Debebat enim post πολλά poni.

C. XXII Primum Aratus luctabatur per salebras tenebrasque εἶτα θαυμάσιον οἶον ἢ σελήνη λέγεται διαστέλλουσα τὰ νέφη καὶ ὑπολαβοῦσα τῆς ὁδοῦ τὸ χαλεπώτατον σαφηνίζειν.

Sensu cassum istud; unice vera videtur lectio x ὑπολάμπουσα.

ib. Parti sociorum Arati qui iam vicerant nuntiatur

συμπεπλῆσθαι τοῖς πολεμίοις τὸν Ἄρατον ἀμυνομένοις εὐρώστως καὶ μέγαν ἀγῶνα περὶ αὐτὸ τὸ τεῖχος εἶναι καὶ τάχους δεῖν τῆς βοηθείας.

Immo τὴν βοηθείαν. Non opem solum ferre debent, sed et res ipsa festinationem requirit.

C. XXIII Victor Aratus sed nimio fractus labore, dum ei in theatro plaudebat populus,

μεταλαβὼν εἰς τὴν δεξιὰν τὸ δόρυ καὶ τὸ γόνυ καὶ τὸ σῶμα  
τῇ ῥοπῇ μικρὸν ἐγκλίνας καὶ ἀπερειαμένοσ εἰστήκει πολὺν χρόνον.

Isto τῇ ῥοπῇ quid faciam nescio.

ib. Idem Theophrastum, unum e ducibus regiis

ἀνείλεν οὐ βουλόμενον ἀπαλλάττεσθαι.

Immo vero διαλλάττεσθαι. Opponitur enim Archelao quem ἀΦῆκεν ὑποχείριον γεγόμενον i. e. quia in deditionem venerat.

C. XXIV Urbe sua liberata praeclare nunc hic nunc illic rem gessit Aratus

οὕτω δ' ἴσχυσεν ἐν τοῖς Ἀχαιοῖς ὥστε, εἰ μὴ κατ' ἐνιαυτὸν  
ἐξῆν, παρ' ἐνιαυτὸν αἰρεῖσθαι στρατηγὸν αὐτόν.

Lege ἐπεί.

C. XXIX Narratio de Aristippo tyranno ab Arato circum-  
vento, nisi omnia me fallunt, tota perturbatur isto εἰς Κόρινθον,  
quod ante ἤδη σκοταῖος ἐκ Κεγχρεῶν ὑποστρέψας legitur.

Paulo post in narratione de scurrilibus iocis quibus in aula tyrannorum Aratus petebatur, Naberī coniectura παρείχετο pro παρίετο hoc mali habet quod abesse αὐτὸς non potest: „ipse ansam dedit”, neque nunc unde genitivi κολακεύοντων all. pen-  
deant apparet.

C. XXX Lydiades Megalopolitanus tyrannidis cupidus factus erat  
λόγους ψευδεῖς καὶ κενούς λεγομένους περὶ τυραννίδος, ὡς μα-  
καρίου καὶ θαυμαστοῦ πράγματος, εἰς μέγα Φρόνημα παραδεξάμενος.

Sanane haec? Ergo hac utitur metaphora Plutarchus ut iu-  
venis ferociam (mentem gloriae appetentem) vas esse dicat in  
quod illae sententiae ingerantur.

C. XXXIII Non a se sed ab Ergino Piraeum occupatum  
contendebat Aratus, rem parum credibilem

τὸν γὰρ Ἐργῖνον, ἄνθρωπον ἰδιώτην καὶ Σύρον, ἀπ' οὐδενὸς  
ἦν εἰκότος ἐπὶ νοῦν βαλέσθαι τὴν τοιαύτην πρᾶξιν.

Mira locutio pro οὐδαμῶς εἰκὸς ἦν.

C. XXXV Aristomachus Argivus iam in eo est ut suadente Arato tyrannidem omittat. Sed

ὁ Λυδιαῶδες ἔτι στρατηγῶν καὶ φιλοτιμούμενος ἴδιον αὐτοῦ πολίτευμα τοῦτο πρὸς τοὺς Ἀχαιοὺς γενέσθαι, τοῦ μὲν Ἀράτου κατηγορεῖ πρὸς Ἀριστόμαχον κτέ.

Quid nunc πρὸς τοὺς Ἀχαιοὺς significet dixerit nemo, sed statim post φιλοτιμούμενος pone, egregiam hanc nancisceris sententiam: ea re gloriari apud Achaeos, in foederis Achaici conditionibus, cupiebat.

C. XXXVIII Magna Achaeis nascebantur pericula

οὐκέθ' ὥς πρότερον ἀτρέμα καὶ σκέδην τοῦ Κλεομένους ἐπιβαίνοντος οὐδ' ἐμπλεκομένου ταῖς πολιτικαῖς ἀρχαῖς.

Istud ἐμπ. τ. π. α. quid sit prorsus me latet

C. XLIII Antigonus Aratum

ἐνδοτέρῳ τῆς χρείας προσηγάγετο.

Hoc quid sit nescio; requiritur: „interioribus consiliis adhibuit.”

C. XLV In longa rerum enumeratione, quas Arato Achaei vitio dabant, ut structurae constet ratio ante ἡτιῶντο inserendum est καί.

ib. Quod Achaei Mantineenses durius tractaverunt vindictae studio potest excusari. Nam licet crudele sit sic cognato uti populo

ἀλλ' ἐν ἀνάγκαις γλυκὺ γίνεται καὶ οὐ σκληρὸν κατὰ Σιμωνίδην ὥσπερ ἀλοῦντι τῷ θυμῷ καὶ φλεγμαίνοντι θεραπείαν καὶ ἀναπλήρωσιν προσφερόντων.

Ut bene structa evadat sententia, lege προσφέρειν.

C. LIII Obscurissimum est istud oraculum Sicyoniis datum de Arati honoribus et sepulchro.

C. LIV Venena magica Aratum iuniorē

παρέτρεψεν εἰς δεινὰς καὶ ἀλλοκότους ἐπιφοράς.

Quo sensu dictum ultimum vocabulum?

Quae ad *Galbae* et *Othonis* vitas annotavi vide in meis *Analectis Taciteis* p. 292—302. Pauca quaedam hic addantur:

*Galba* c. II ὅσα τοῖς Καيسάρων ἔργοις καὶ πάθεσι συμπέπτωκε  
Mire dictum hoc, quocunque modo dativos illos accipis.

C. V. Quae sunt illae κατὰ μέρος ἐλευθερώσεις quas ἀποδώσειν τοῖς δεομένοις *Galba* promisit?

C. IX Quo sensu et quo consilio verba δημολογῶν γε Νυμφιδίας εἶναι sunt adiecta?

DE OVIDIO IN EXILIUM PROFICISCENTE.

Pont. II, 3, 83 sq. sic poeta Maximum amicum alloquitur:

Ultima me tecum vidit maestisque cadentes

Excepit lacrimas *Aethalis Ilva* genis.

Quicunque Kornii inspexerit apparatus criticum, illud *Aethalis Ilva* Rutgersii non solum ingeniosam coniecturam sed certissimam esse emendationem videbit. Codices enim, qui aliquam habent auctoritatem, *Aethali silva* et *Ithali silva* praebent, ita ut satis appareat ceterorum lectionem *Italica ora* esse interpolationem temerariam. Ergo in exilium proficiscens poeta cum illo amico fuit in insula *Ilva* ibique ei vale dixit. Quid obsecro Corinthum petenti ut inde Tomos vela daret cum *Ilva* insula? Non, ut opinor, ei licuit ultro citroque vagari, cui certus esset praestitutus abundi dies:

Tr. I, 3, 5 sq.

Iam prope lux aderat qua me discedere Caesar

Finibus extremae iusserat *Ausoniae*

idque primo mane (vs. 72 *Lucifer ortus erat*). An forte animi causa cum illo amico *Ilvam* excucurrerat, ibique de sua damnatione certior factus non rediit domum sed statim eo quo iubebatur se contulit? Dixeris hoc propter versus qui statim eos a quibus feci initium excipiunt (Pont. II, 3, 85):

cum tibi quaerenti, num verus nuntius esset,

attulerat culpae quem mala fama meae,

inter confessum dubie dubieque negantem

haerebam.

Sed quomodo hoc cum Tr. I, 3 concilies, quae elegia tota est de damnato ex ipsis aedibus suis in exilium proficiscente?

J. J. H.

# HOMERICA.

SCRIPSIT

J. VAN LEEUWEN J. F.

(*Continuantur e pag. 50*).



## XXXVIII.

LOCORUM HOMERICORUM QUI IMMERITO  
VITUPERATI SUNT DEFENSIO.

Of all poetry, and especially of all epic poetry, the author's name is Legion. Legion supplies the materials, the final poet fuses all into a new form. In Homer the form has reached perfection.

ANDREW LANG *The World of Homer* 254.

Dum paro commentarium exegeticum in Iliadem et Odysseam, qui iam absolutus fere est et tum cum bibliopolae rationes tulerint proditurus, identidem incidi in carminum illorum locos quosdam, ab aliis philologis improbatos, qui aut omni labe carere mihi viderentur aut multo levioribus criminibus premi quam illi perhibuissent. Et quoniam eiusmodi criminibus solis iam fulcitur opinio eorum qui Iliadem vel Odysseam verum integrumque poema esse negantes ex variis carminibus carminumve laciniis utrumque epos consarcinatum esse perhibent, operae pretium videtur potiores certe e locis Homericis, qui ita sunt comparati, tractasse; quin optimo iure a me, qui doctrinam Wolfianam nuper verbis apertis abdicaverim, posci potest ut quid igitur sentiam de eiusmodi criminibus, quae plurimis at-

que acutissimis philologis magni momenti sunt visa, non minus aperte ostendam. In hac autem Bibliotheca aliquanto fusius de iis disserere licebit quam in angustiis commentarii exegetici; quem cum componebam, hanc legem mihi scripsi et fideliter servavi, ut ea sola commemorarem, quae vera et utilia mihi viderentur, reticerem quae falsa vel inutilia, — non disputaturus igitur contra eos interpretes sive antiquiores sive recentiores, a quibus discederem, sed eam solam singulorum locorum interpretationem, quam rectam ducerem, prolaturus, simul sic operam dans ut eas quas reicerem aliorum philologorum opiniones, si possem, refellerem. Non enim compendium aliquod, quo varias variorum sententias ad quaestionem quae dicitur Homericam pertinentes complecterer, compositurus eram, sed ipsa carmina HomERICA quam brevissime possem pro viribus illustraturus. Ingentis ambitus opus conscribere haud sane fuisset difficile, materies certe non deerat, qua obruitur fere quisquis aliquantisper his rebus operam dat; sed talia aversatur mea indoles, neque spes erat me aliis hac ratione satis utilem fore. Ea autem via, quam inii, fieri potuit sane — immo necessario fere debuit — ut praetermitterem hic illic quae legentibus plus potuissent prodesse quam quae ipse annotarem, — nam omnes saepe et in multis erramus, nostras ipsorum opiniones immerito alienis praeferentes eam ipsam ob causam quod sint nostrae, mentis nostrae proles, — sed tamen hac via et hac sola assequi posse mihi videbar id quod appetebam, ut commentarium succinctum eundemque satis bene cohaerentem offerrem iis qui mea utriusque carminis editione essent usuri.

Est autem mira doctrinae Wolfianae nostra aetate condicio. Nam ea, quae ipse olim Wolf opinioni suae subiecit fundamenta, ita iam computruerunt ut ne levissima quidem suspicio iis possit inniti, nedum ingens illa structura, quae vocatur quaestio HomERICA, iis sustineri etiam queat. Wolfius poetam, qui magni ambitus poema aevo HomERICO componere vellet, assimilabat viro qui in media terra navem praegrandem fabricaretur, nullo dein mari usurus in quod navigium suum deduceret ut ibi navigaret; pauperem enim illam Graeciam et in plurimas civitates discissam priscis cantoribus nullos praebuisse auditores, qui tantae molis carminibus, quantae sunt Ilias et Odyssea, inde ab



initio usque ad exitum aurem praeberent. At sub Schliemanni ligone e plurimorum saeculorum oblivio surrexit iam Mycene ἡ πολύχρυσος, surrexit regia Tirynthis; alii eius exemplo instigati in Cretae solo nudarunt rudera aedium ingentium atque splendorum, aevi Minqi quod iam vocatur testes locupletissimos, et priscum illud aevum quantum arte, quantum vario cultu valuerit, quam divites reges habuerit, quam potentes, undique nisi caecutientibus apparuit, — nec iam dubitare potest quisquam quin principes perantiqui, qui in illis aedibus regnarunt, et cantores suos habuerint, cenae regali ita ut in Odyssea Phemius et Demodocus et tertius ille cantor, qui Clytaemestrae a consiliis fuit, adhibitos ea condicione ut carminibus exhilararent convivas, τοῦτο γὰρ δαίτῳς ἀνάθημά ἐστι. In hesterni autem convivii fine qui carmen inciderat, quidni hodie pergeret, inde profectus ubi tunc substitisset? Sic ad finem carmen sive brevius sive longius deducere facile poterat, tot diebus usus quot requireret carminis ambitus et ipsius regis ceterorumque auditorum animus sibi concederet; quo autem meliores essent cantores, eo plures deinceps dies animus convivarum iis concessurus erat. Postquam vero priscorum illorum *ῥανάκτων* turres corruerunt, ubinam fuerunt auditoria, quae ad carmina praelonga componenda poetas pellicere possent? Ut in breviora conciderentur et plura e singulis fierent tunc ratio tulit potius quam ut varia in unum iungerentur vel etiam tenui arte conglutinarentur.

At tantae molis carmina sine arte scribendi fieri potuisse Wolfius negabat. Potuisse sic fieri maioris etiam ambitus carmina et alibi facta esse revera, mentem autem humanam — id quod ne ipse quidem Wolfius negabat — satis esse capacem ad multa milia versuum memoria complectenda, saepius est demonstratum, et fuit qui optimo iure perhiberet nihil quod nos, qui nunc vivimus, miremur habere hanc priscorum cantorum facultatem, nam nostra aetate quemlibet, qui modicae sit eruditionis, multo plura quam illos memoria servare et cum opus sit statim inde expromere posse, facilius autem esse quae argumento coniuncta et ipso metro vineta sint recordari, si praesertim inde a pueritia huic arti adsueveris, quam quae doctrina hodierna praebeat, ut scitu utilia, sic inter se non cohaerentia.

Mox autem apparuit hanc quidem quaestionem prorsus ad nihil rediisse, nam vetusti cantores si sola memoria carmina sua servare aut non possent aut nollent, nihil obstitisse quominus scripto ea mandarent, quoniam in Graecia ars scribendi, ut in diem melius perspicitur, saeculis aliquot — fortasse multis — ante poetarum illorum aetatem fuit cognita.

En corruerunt fundamenta, quibus confusus Wolfius negabat verum carmen esse posse Iliadem, verum carmen Odysseam, multorum poetarum priscorum opera iussu Pisistrati ab Atticis quibusdam poetis notae inferioris colligata carminum integrorum aliquam speciem ementiri post Bentleium et alios perhibens. Hoc autem ultimum ex veterum quibusdam notitiis neque admodum crebris aut antiquis — nam Ciceronem aetate nulla superat — neque admodum perspicuis efficere posse sibi videbatur. Sed *collegisse* Homeri opera Pisistratus fertur <sup>1)</sup>, non *finxisse* opera aliena inter se colligando; itaque sive multum sive aliquid sive prorsus nihil his notitiis tribuimus, ad id quod Wolfius perhibuit confirmandum nulla inde duci possunt argumenta, sed id unum quod, etiam si nemo olim perhibuisset, cuilibet tamen veri simile videri deberet, fortasse inde efficitur: tunc cum Athenis ad celebrandos ludos Panathenaicos certamina rhapsodorum sunt instituta vel restaurata, sive Solonis sive Pisistrati vel etiam Hipparchi praecipua hac in re fuit sollertia, operam esse datam ut carminum epicorum exemplar publicum constitueretur, cuius auctoritate in posterum caveretur ne cantores in vetustis illis carminibus recitandis audacius vel neglegentius versati adulterarent quae tradita acceperant et pro Homericis venditarent quae ipsi excogitassent. Haec vero quaestio, sive e nubibus est suspensa sive proba aliqua traditione nititur, ad textus recensionem pertinet, non ad ipsorum carminum compositionem. Id quod grammatici Alexandrini fecerunt aevo Ptolemaeorum, quatuor saeculis ante facere conati sunt viri quibus Pisistratus, vel quisquis fuit, mandavit textus Homericus editionem in usum publicum, si quidem fide satis digna sunt quae hac de re tradita acceperimus. Ad *textus Atheniensis*, unde recen-

---

1) „Homeri libros, confusos antea, sic disposuisse ut nunc habemus” (Cic. de Orat. III 34).

tioris aevi exemplaria fluxerunt aut omnia aut pleraque, non ad *ipsorum carminum* originem haec quaestio pertinet.

Haec, quae paucis verbis nunc indicasse satis ducimus, sunt enim certa, explorata, in vulgus nota, dum melius sensim homines perspiciunt, interim aedes, cui Wolfius fundamenta adeo debilia substruxerat, ab aliis altius altiusque est educta et plurimis ingenii atque eruditionis inventis ornata. Splendidum autem illud aedificium, quod pyramidi inversae fuit qui lepide assimilaret, ne labasceret omni vi et machinis obnitendum erat perpetuo; itaque si qua pars ruinam minabatur, cito advehebantur sudes quibus fulcirentur damnosa, et urgente interdum periculo quaelibet arripiebantur ligna quae ad manum essent, quin fuerunt qui studio et diligentia plus quam opibus ingenii valentes etiam putres ridicas et titiones ambustos afferrent ad opus commune sustentandum. Sed contra veritatem nihil valent hominum quamvis strenuorum audacium sagacium conamina: ut Mantineae moenia tum cum vi aquarum soluta est ima eorum pars, sic aedificium doctrinae Wolfianae novas identidem rimas ducebat, et, quo altius evehebatur, eo magis infra fatiscebat; vi caeca divellebantur quae olim bene cohaeserant, modo haec, modo illa pars concidebat, et dum nova struuntur, id quod unum decorumque fuerat magis magisque eam speciem praebere coepit quam ipsa carmina Homerica praebere Wolfius perhibuerat: non iam domus erat, sed domuum plurimarum erant particulae in unius domus speciem fallacem utcunque coniunctae.

Nam cum *externa* eaque firmissima argumenta doctrinae suae substruxisse credebatur Wolfius, ab his profecti viri docti qui eum secuti sunt argumenta *interna* ex ipsis carminibus ducere coeperunt, sic secum reputantes: integrum carmen neque Iliadem neque Odysseam inde ab initio fuisse, itaque iis qui mentis acumine satis valerent spem esse naevos originem illorum operum testantes indagandi et particulas primitivas inter se discernendi, quae Musis haud faventibus olim coaluissent. Quae studia quantum profuerint ad priscorum poetarum dictionem et artem metricam adque ipsum aevum Homericum melius cognoscenda, dum singuli versus, singula singulorum versuum verba, singulae singulorum verborum formae severa trutina pensitantur, neque

quicquam negligitur quod ad verum inveniendum utilitatis aliquid habere videatur, id nihil adtinet nunc dicere; hic quoque πόλεμος, εἰ μὴ πάντων, ἀλλὰ πολλῶν γοῦν ἀγαθῶν πατὴρ ἐγένετο, et postquam per integrum saeculum et quod excurrit quaestio HomERICA a plurimis philologis est versata, multo melius iam prisca illa carmina et ipsorum poetarum aevum nobis innotuerunt quam innotuerant patribus nostris ipsisve Graecis. Sed secundarium hoc fuit illorum studiorum emolumentum. Verum cum homines quaerunt mente sincera et spreto suo ipsorum commodo, fieri non potest quin et aliis et sibi ipsis prosint, etiamsi id quod quaerunt non inveniant: ad asinas inveniendas qui exierat iuvenis Hebraeus coronam regiam invenit. Id vero, ad quod indagandum studia illa HomERICA fuerant suscepta, non est inventum neque potuit inveniri, quoniam umbram vanam et fallacem persequabantur qui iis se dederant.

Quid enim? Postquam externa illa argumenta, quibus Wolfius fuerat confusus, ad nihil sunt redacta, quid restabat? Non iam poterant philologi iis innisi in carminibus epicis quaerere argumenta interna, quae externis illis superstruerentur. Ab ipsis iam carminibus proficiscendum erat: manibus tenebant duo carmina, quae quin vera essent carmina ut dubitarent, nihil eos movebat quod aliunde ductum esset, nihil urgebat, nisi forte ipsorum carminum ea esset condicio ut hominibus, qui sobrio iudicio uterentur, credibile videri non posset talia a vero aliquo poeta in unum opus olim fuisse coniuncta. At ipsi Graeci, inter quos nata sunt ea carmina, minime dubitarunt quin carmen sincerum esset Ilias, carmen sincerum Odyssea, aut quin pulcherrimum et illud esset et hoc, et post eos minime dubitarunt multa hominum genera. Ipse Wolfius vix unam alteramque commissuram hic illic detexisse sibi visus fuerat, nihil autem non bene continuatum, nihil praeposterum, nihil perturbatum in utrovis carmine inveniri profitebatur, Odysseae praesertim admirabilem compagem summis laudibus efferens et *nimis bene* potius quam *nimis male* aut illam aut Iliadem compositam esse perhibens, nimis videlicet decora esse illa carmina quam ut prisca credi possent. Alia iam rerum est facies: nostra aetate quaestio HomERICA eo rediit ut dicerent critici: mihi in utroque carmine quaedam tantopere displicent ut vero poetae ea imputare neque

possim neque velim. A regione rerum quae sciri et demonstrari ad regionem rerum quae sentiri tantum possint ea quaestio est translata: — periculosae profecto opus aleae! Nonne meminimus quid de Miltonis carmine epico Bentleius — Bentleius ille, inquam, quem omnes etiamnunc suspicimus, — demonstrare posse sibi visus sit olim? Et nihilo minus apertum critici recentioris de Scotico quodam carmine disputantis errorem nuper contulit Andreas Lang <sup>1)</sup>. Et quoniam quot homines, tot sunt sententiae, minime est mirandum in diversissima mox criticos discessisse et vix decimum vel vigesimum quemque e versibus epicis effugisse omnium criticorum severitatem. Eo autem audaciores esse solent homines, quo obtusior iis est sentiendi facultas, et quo longius distant a poesi et a carminum pangendorum facultate, eo maiore fiducia solent decernere quid deceat verum poetam, quid non.

Mihi quid acciderit dicam: felix quem faciunt aliena pericula cautum! Anni iam sunt plus quam triginta ex quo aetatem iuvenilem egressus Homero ita ut qui sui sunt iuris operam dare coepi. A *lingua* HomERICA proficiscebar. Hanc ita tractabam ut si unius aevi, unius hominis esset, et in his studiis si quid profeci quodve aliis quoque utile esse posset praestiti, in Enchiridio dictionis Epicae inveniri id potest. Mox textum Homericum edere visum est: hunc quoque ita tractavi ut si unius hominis, unius aetatis dictio, quatenus quidem fieri id posset, esset restituenda. At idem cum de carminum epicorum compositione et origine interrogabar vel me ipse interrogabam, ne dubitabam quidem quin quadamtenus certe sequendi essent acuti illi philologi, qui alius alio confidentior demonstratum ivissent non vera ea esse carmina sed strues fragmentorum epicorum rudi arte consarcinatorum, de optima ratione in partes primitivas ea solvendi dissentientes sola. Nempe his opinionibus non puer quidem — nam pater optimus, qui antiquitatis amore me imbuisset et linguas veteres me docuit, talia quam maxime aversabatur, — sed inde ab aetate iuvenili fueram innutritus. Bis edidi

---

1) „Auld Maitland”. Cf. A. Lang, *The World of Homer*, 293 sq.: „The critic was acute, ingenious, even brilliant, but he had scanty knowledge of the facts in the case”.

textum Iliadis et Odysseae: etiam commentario exegetico aliquando ea carmina illustrare in votis erat, sed absolvenda prius erat fabularum Aristophanearum, quam interim susceperam, editio et in alia officia identidem avocabar; quod autem praesertim me retinebat, ad Homerum interpretandum nondum satis paratum me sentiebam. Tertium Homerus edendus erat, et nactus tandem eram quod diu desideraveram otium. Totus iam uni Homero incubui et virium periculum in eo interpretando facere mecum decrevi. Prius autem absolvi textus novam recognitionem, et notas exegeticas, quae hic illic inter criticas notas editionum priorum irrepserant, delevi cunctas. Dein commentarios scribere coepi et quaestiones nonnullas, de quibus quod operae pretium esset proferre posse me sperabam, separatim elaborare. Sic et in alia incidi et in id quod cuiusmodi aliis videatur nescio, meum animum aliquantisper veluti stupore quodam feriit, erat enim mihi novum et prorsus inexpectatum: res quae in Iliade narrantur non nono — ut credi solet — belli anno sed sub ipsum belli initium gestas esse ab Iliadis poeta sumi. Et novum hoc mihi erat et certum videbatur; sed quo ea observatio tenderet nondum intellegebam. Pergebam in commentariis componendis et quae in Iliade vel in Odyssea inter se non concinere minusve apte cohaerere viderentur sedulo enotabam, atque adeo appetebam talia. Sed multo frequentius incidebam in carminum illorum partes optime me iudice concinnatas et ipsa vi poetica impense placentes, dein mirabundus intellegebam alios philologos eos ipsos locos gravissimis criminibus petivisse iisque usos esse ad demonstrandum fieri non potuisse ut carmen tam male compositum ex unius poetae ingenio progigneretur.

Sic sensim et inscius eo sum deductus quo vocabat Veritas, donec mihi dixi: o bone, mitte aliquantisper varia illa, quibus tam diu stipatus et tantum non obrutus fuisti, aliorum philologorum quantumvis clarorum et sagacium commenta: unum Homerum consule et tecum reputa reverane male cohaerere quae tradita acceperis tibi videantur. Fac periculum an defendere possis quae culpantur, si praeconceptis opinionibus quibusbet abiectis pro unius poetae opere, quod esse fertur et a patribus est habita, habeas Iliadem, habeas Odysseam. Feci periculum:

didici minus credule fidem habere sententiis alienis de priscorum poetarum arte prolatis, et mox animum feriit verum. Sensi Wolfianum me revera numquam fuisse, ne tum quidem cum esse quam maxime mihi viderer, sed aliorum opiniones me protulisse cum meas ipsius proferre me putarem, in animi autem imo fundo semper vixisse persuasionem, quae aliquantisper quidem sopita fuisset, nunc vero totum animum impleret: carmina, vera carmina, carmina pulcherrima meaque laude maiora esse Iliadem et Odysseam; hanc ob causam me per sex septemve lustra libentissime iis corrigendis et interpretandis me dedisse. Et nunc demum quae de dictione poetarum epicorum olim protuleram operamque quam textui carminum recte constituendo impenderam fundamento certo et idoneo non carere laetus sentiebam. Absurda vero iam multa mihi videbantur quae de utriusque carminis origine et compositione olim credideram, fortasse perhibueram, nec pauca quae alii; et dum magis sensim confirmata est nova persuasio et artem illorum carminum melius perspicere coepi, magis in diem ea admirari didici et singulas eorum partes rectius interpretari.

Una haec via salutis. Non ex aliorum libris sed ex ipso Homero petenda est Homeri scientia, in uno Homero potest inveniri. Non ab Aristarcho vel Bentleio vel Wolfio aliove aliquo critico recentiore est ordiendum, sed ab ipso poeta. Haec autem non scribo ut persuadeam Wolfianis, — quo cognomine cum honoris tum brevitatis causa uti nunc liceat, — nam expertus scio ad persuadendum talia parum valere nisi apud eos quibus vel sic satis sit persuasum. Non multum sequentia prodesse poterunt iis qui pro certo atque explorato habeant opera musiva esse Iliadem et Odysseam, non vera carmina. His opto ut vitae ratio et ipsos aliquando eo ducat ut uni Homero in silvarum latebras aliumve angulum tranquillum secum ablato per multos menses deinceps toti dare se possint, eruditionis sive alienae sive suae ipsorum interim obliti: non dubito quin poeta mox et ipsos eo sit deducturus quo alios plurimos et me deduxit, frustra aliquantisper reluctatum. Minus fortasse magnifice quam antea dein sentient de sua ipsorum aliorumve philologorum doctrina et mentis acumine, sed multo magis proderunt iis prisca aevi opera immortalia. Et tunc si quis eorum inciderit in meos

qualescunque commentarios Homericos, ex his quoque utilitatis aliquid fortasse ducere poterit. Qui vero recens a schola Wolfianorum ad Iliadem vel ad Odysseam accedit, is quin usque quaque vitia, errores, ampullas oratorias quaeque praeterea artis ingenique defectum arguere solent, deprehendere sibi videatur fieri vix potest; talia enim inventurum se expectat et quaerit sciens vel etiam inscius. Huius autem commentationis aliquam partem si quis eorum legerit, mox subridens, sat scio, e manibus eam seponet. Nempe, ut cum Goethio loquamur:

Oblatum spernit qui nil desiderat ipse:

At sua cui sordent, huic nova grata manent <sup>1)</sup>.

Et ipse olim sprevi quae praebebant opera aliorum criticorum similia perhibentium: iam pudet referre; rectius vero postquam de priscis carminibus iudicare didici, magna cum voluptate magnoque cum emolumento legi quae proximo anno in eam quam et ipse protuli sententiam disputata sunt a viris philologis compluribus: Andrew Lang <sup>2)</sup>, J. W. Mackail <sup>3)</sup>, A. Shewan <sup>4)</sup>, C. Rothe <sup>5)</sup>, H. Draheim <sup>6)</sup>, D. Müllder <sup>7)</sup>, nec non quae et olim Lang, Rothe, alii ad Iliadem Odysseamque illustrando defendendas scripserunt.

Non facile videlicet eo quis pervenit ut sinat hac de re sibi persuaderi, sed stomachari potius et fere succensere incipit obloquentibus. Nam hi si verum obtineant, quam multa erunt dediscenda quae improbo labore prius didiceris? Quam multa, quae haud exigui pretii videbantur, reicienda et e mente pellenda erunt, ut fiat spatium quo nova haec — immo vetustissima quaeque ipsorum fuit Graecorum — opinio recipiatur! Sed operae est pretium: ditior mox, quam fuit, fiet qui pauperior sic factus esse sibi videbitur: scio expertus et testimonii, ut spero, est mihi dictio; ἄλλες πάντεςσιν Ὅμηρος. Habuerunt et aliae gentes plurimae cantores, qui strenua heroum facinora

1) Wer fertig ist, dem ist nichts recht zu machen:

Ein werdender wird immer dankbar sein.

2) The World of Homer, Septemb. 1910.

3) Lectures on Greek Poetry, 1910.

4) The Lay of Dolon, 1911.

5) Die Ilias als Dichtung, August. 1910.

6) Die Odyssee als Kunstwerk, 1910.

7) Die Ilias und ihre Quellen, Ostern 1910.



carmine celebrarent: una Graecia habuit magnum poetam, qui ex eiusmodi carminum per hominum ora volitantium materie componeret epos. Quod qui divellit, non pristinae poesi suum nitorem restituere conatur, sed ipsum carmen in carmine immortali necare.

Sed ad ipsas res veniamus.

Initio carminis, ubi poeta dicit se Achillis Iram carmine celebraturum, quae Achivis multa mala attulerit utque multorum heroum caesorum corpora canibus et vulturibus relinquerentur effecerit, fuere qui ultimum hoc mirarentur; ipsum enim bellum id tulisse ut interficerentur milites. Sed obscuri nihil manet quodve minus placeat, si ad *ψυχὰς ἡρώων* et ad *αὐτούς* supplemus *Achivorum* nomen e verbis proximis repetitum. Hoc enim voluit poeta, qui de solis *Achivis* iam loquitur, Troiani quot caesi quot a feris laniati fuerint non rogans nunc. Achilles nisi iratus a pugna abstinuisset, Troiani prima pugna victi fuissent et urbs *αὐτοβοεῖ* fortasse fuisset capta, Achivorum autem principes nonnisi pauci cecidissent neque ullus ex iis praeda animalium rapacium fuisset factus.

Spectat igitur poeta pugnas secundam et tertiam, cum Troiani victores campum obtinuerunt, multi autem Achivi iacuerunt *κυνῶν μέλπηθρα*.

Nam post primam Achivorum cum Troianis pugnam (Δ—H), quae anceps fere fuit, licet Achivi aliquanto superiores inde discesserint, induciae sunt initae, ut utrique exercitui fieret facultas suos sepeliendi. Sed in fugam effusam qui coniciuntur, qualis fuit Achivorum post pugnas secundam et tertiam, corpora suorum auferre nequeunt, quae ab hostibus non sepeliuntur, sed feris relinquuntur. Non insolitae tunc id fuit crudelitatis, sed belli usus id ferebat, et a prisci aevi moribus ne ea quidem saevities abhorrebat, qua corpus principis interemti — nam de solis principibus nunc, ut semper fere apud poetam, fit sermo — a victore *κεκρεουργημένον* canibus familiaribus proiciebatur *ὦμὰ δάσασθαι* <sup>1)</sup>. Sic Hector nudum corpus Patrocli *φερυσσάμενος κυσὶν ἔμελλε δώσειν* <sup>2)</sup> eiusque caput urbis propugnaculis infixurus

1) Cf. Ψ 21.

2) Cf. P 126 sq., 289—291.

erat <sup>1)</sup>, minime praeter saeculi sui morem saevus neque ira immodica flagrans; sic Philistaei olim corpus Sauli capite truncum suae urbis muro affixerunt <sup>2)</sup>. Patroclo quominus tristis haec post mortem fieret contumelia, qua animis aditus ad sedes inferorum praecludebatur <sup>3)</sup>, intercesserunt Ajax et Menelaus; sed multi alii ex Achivorum ducibus misere sic perierunt. De Pandaro vero vel Sarpedone aliisve ducibus Troianorum horumve sociorum vel de ipso Hectore quid sit factum, id nihil nunc ad rem.

Quod autem poeta in parenthesi addit: *Διὸς δ' ἐτελείετο βουλή*, id vertendum est: *sic Iovi fuit placitum*. Secundum Iovis videlicet voluntatem fieri quicquid fiat, nihil fieri nisi quod *Διὶ ὑπερμενείῳ φίλον* sit <sup>4)</sup>, poetae nostro fuit persuasum, licet in carmen suum receperit nonnulla e carminibus vetustioribus petita, quae Iovem a Iunone vel a Minerva superatum ostenderent. Idem autem Achillem fecit aliquando dicentem:

*ἀλλὰ ποθὶ Ζεὺς*

*ἦθελ' Ἀχαιοῖσιν θάνατον πολέεσσι γενέσθαι* <sup>5)</sup>.

Prisci vero interpretes Aristophanes et Aristarchus illud quod poeta mox expositurus est Iovis consilium, ad Achillem ulciscendum initum, intellegebant, non sine specie aliqua veri, non recte tamen; nam et simplicior est prior quam indicavimus ratio et propterea praesertim praeferenda quod auditores, qui nihil dum audivissent de Thetidis ad Iovem precibus, haec verba recte interpretari non potuissent, si poeta id voluisset quod putabant interpretes Alexandrini. Omnino autem hinc alienum est, quod fuere qui huc traherent, Iovis consilium ante bellum Thebanum initum, numerum mortalium ingentibus caedibus imminuendi, ne mole prolis nimis crebrae premeretur Terra. Quae fabella in Cypriis fuit commemorata <sup>6)</sup>, recentioris autem aetatis videtur fuisse quam fuit poetae Iliadis; sed etiamsi poetae nostro cognita fuerit, ab eo in carmine non est respecta.

1) Cf. Σ 176 sq.

2) Cf. Sam. I 31 § 9 sq.

3) Cf. Ψ 71—74.

4) Cf. B 116 al.

5) Cf. T 373 sq.

6) Cf. etiam Eur. Or. 1642 Hel. 38—40.

Quae de *Chrysaë filia* patri erepta, mox Apolline iubente ei reddita, habet Ilias, multis non satis concinne narrata videntur, sed interpolationis indicia praebere manifesta. Sunt tamen quam maxime simplicia et perspicua, neque difficile videtur indicare cur haec ipsa et cur sic narraverit poeta. Sunt autem haec:

cum Achivi in Troadem pervenissent et Thebe aliisque urbibus parum firmis expugnatis cum alias mulieres plurimas in praeda ingenti inde abduxissent captivas tum filiam Chrysaë, qui Apollinis erat sacerdos, mox pater Chryse, ubi habitabat, venit ad naves Achivorum.

*Sacerdotis Apollinis filiam* puellam de qua mox rixatum est cur dixit poeta?

Quia *Apollinis* Achivos telis suis petentis ira erat explicanda <sup>1)</sup>.

Cur autem non in ipsa Chryse urbe, ubi habitabat eius pater, captam?

Quia illic captari non potuit. Nam sacrosancti erant sacerdotes, et his horumve familiaribus non pepercisse impietatis fuisset, qualis minime cadebat in Achivos, Iovis aram nullam praetervectos quin in ea sacrificarent, ut ipse Agamemnon claris verbis professus est <sup>2)</sup>; Apollo autem, cui Calchas debebat scientiam suam, Achivis et antehac et nunc salutarem <sup>3)</sup>, quin simili honore ab iis fuerit habitus dubitari nequit, et Achivis amicum ipse huius dei sacerdos Chryses se praestitit optima quaevis ipsamque victoriam iis apprecando <sup>4)</sup>.

Si quis tamen dubitet, reputet secum quid *Ismari* postea fecerit *Ulixes*: urbem vastavit, ἀλόχους καὶ κτήματα πολλὰ inde rapuit, sed Apollinis sacerdoti Maroni huiusque uxori et liberis pepercit <sup>5)</sup>. Itaque si Chrysaë filia tum cum Achivi in Troadem venerunt degisset apud patrem in urbe Chryse, vel potius ἐν ἄλσει δένδρεόντι, huic urbi affini, ubi dei erat τέμενος βωμός τε θυήεις, omnino tuta ibi fuisset, etiamsi urbs ab Achivis capta esset. Non captam autem sumsit poeta, nam Chrysen ad deum suum dicentem fecit: „Chrysen tueris” <sup>6)</sup>.

1) Cf. quae hac de re disputavi Mnem. 1910 pag. 386 sq.

2) Cf. Θ 238—241.

3) Cf. A 70—72 et 385.

4) Cf. A 18 sq.

5) Cf. ι 40, 199—201.

6) Cf. vs. 37.

Cur vero *Thebae*, non Lyrnessi vel Pedasi alibive Chryseidem captam fuisse poeta finxerit, rogare inutile: talia rogari poetae nolunt. Erunt fortasse qui et poetam et audientes id scivisse censeant, in antiquiore enim aliquo carmine id fuisse narratum: mihi haec explicandi ratio, licet multis aliis locis Homericis eam valere probe sciam, veri nunc parum videtur similis. Nam totum hoc episodium a poeta ex feraci suo ingenio expromptum ipsamque Chryseidem ibi natam arbitror, et hanc ob causam eum ne proprium quidem nomen huic puellae dedisse, sed solo patris vel urbis natalis nomine eam designasse, quippe qui nulum eius nomen e poesi vetustiore accepisset traditum.

Venit pater ad castra Achivorum, impune enim illuc venire potuit, *ille solus* e cunctis patribus fratribus maritis orbatis; dei enim sui sceptro et infula protegebatur: ceteri aut interemti erant aut, si vita salva ex urbium suarum excidio effugerant, opibus spoliati non habebant quae afferrent *ἄποινα* ad captivas redimendas.

Supplex oravit sacerdos *πάντας Ἀχαιοὺς* <sup>1)</sup>, nam Agamemnoni filiam suam dono datam esse nesciebat. Sed frustra supplicavit, nam reddere puellam pulcherrimam Agamemnon noluit, ira efflagravit, et novimus cetera.

Reddita tamen tandem est puella Calchante iubente et Chrysen navi reducta. *Cur navi?* Erat tamen Troadis haec urbs, Tenedo fere opposita <sup>2)</sup>, et in ipsa Troade iam versabantur Achivi.

Nempe iter maritimum iuxta littus multo erat facilius et magis expeditum quam per terrae hostilis interiora; ad patrem adducta est puella ea via qua abducta. Nam Theben cum vastaturus erat Achilles, *classe* illuc est profectus <sup>3)</sup>, non dubium igitur quin eadem via redierit. Poetam nostrum *insulam* aliquam Chrysen in Lemni vicinia sitam cogitasse, ut postea Sophoclem <sup>4)</sup>, non est cur putemus.

At *iter* illud, quo Chryseis in urbem natalem est reducta,

1) Cf. vs. 17.

2) Cf. Strabo 604, qui ipse tamen in Adramyttii potius vicinia quaerebat Chrysen Homericam. — Homerus ab Achivorum castris tractu terrae vel maris haud magno disiunctam sibi finxit.

3) Cf. Ψ 829.

4) Cf. Lemniarum fr. 349 et Philoct. 270.

plurimis suspicionem movit. Cur praesertim? Quia Odysseae dictionem referunt multa quae illic leguntur! — Mirum crimen quodque facile possit dilui. Nam quae dictio huius loci cum Odyssea habet communia, cuiusmodi sunt? Sunt quae ad iter navale et duo versus <sup>1)</sup> qui ad sacrificium pertinent. Nullum autem praeter hoc unum iter navale habet Ilias, complura vero habet Odyssea: quid mirum nunc quoque, ut saepissime in dictione epica, easdem res eisdem verbis fuisse narratas, malum erectum vel demissum, navem appulsam, cetera quae sunt huiusmodi iisdem versibus versuumve particulis utrobique esse expressa. An remis pro velis in itinere uti milites oportuit, vel antennam cum velo sursum attrahere tum cum portum intraturis funes laxandi essent potius, ut quae de Ulixis hoc itinere poeta narravit hodie legentibus placere possent et sui iuris ipse poeta esse videretur? Et cum ad aram hostiae sunt adductae, dein mactatae, ossa femoralia in dei honorem combusta vinoque conspersa esse non licuit iisdem verbis referre quibus in Odyssea id est relatum? Odysseam imitatus esse is cui haec Iliadis particula debetur ideone a quoquam creditur? Quidni Iliadem poeta Odysseae? Quidni uterque poeta usus esse versibus quibusdam formularibus saepius antea in arte epica usurpatis?

## A 297—303.

ἄλλο δέ τοι φερέω, σὺ δ' ἐνὶ φρεσὶ βάλλεο σῆσι.  
 χερσὶ μὲν οὐ τοι ἐγὼ γε μαχέσσομαι εἵνεκα κούρης,  
 οὔτε σοὶ οὔτε τιν' ἄλλω, ἐπεὶ μ' ἀφέλεσθέ γε δόντες·  
 τῶν δ' ἄλλων ἃ μοί ἐστι θοῇ παρὰ νηὶ μελαίνῃ,  
 τῶν οὐ κεν τι φέροις ἀνελὼν ἀτέκοντος ἐμεῖο.  
 εἰ δ' ἄγε μὲν, πείρησαι, ἵνα γνῶωσι καὶ οἷδε·  
 αἰψά τοι αἶμα κελαινὸν ἐρώήσει περὶ δουρί.

Haud exiguum periculum est ne Achillis haec verba legentibus displiceant et non suo pretio aestimata ad herois imaginem deturpandam valere videantur potius quam ad talem qualem poeta eam mente vidit nobis ante oculos collocandam. Legentibus, inquam. Nam audientibus olim poeta voce, fortasse et vultu ipsoque gestu, clare indicavit quomodo essent accipienda,

1) Cf. A 462 sq. = γ 458 sq.

postea indicarunt cantores qui Iliadem recitabant, si quidem in arte sua aliquid valebant; neque quisquam ea aetate potuit dubitare qua mente ita loqueretur iuvenis iratus. Valet de his versibus id quod de Agamemnonis verbis in versu 117, qui versus Zenodoto legenti, non audienti, obelo dignus est visus:

βούλομ' ἐγὼ λαὸν σάον ἔμμεναι ἢ ἀπολέσθαι!

Hunc versum placida voce subiunge proximo, et videbitur ieiunus, inutilis, quam primum delendus. At cum risu amaro profer — et audies hominem iratum sic exclamantem: „o tu, omnium sacerdotum mihi molestissime semper, ergone pulcherrimam mihi que carissimam puellam illam, quae honoris causa mihi nuper ab exercitu e praeda communi dono est data, reddere me iubes? At fiet quod iussisti, quoniam fieri hoc ad pestilentiam sedandam necessarium esse tu perhibes. *Malo profecto — εἰ μὴ μαινομαι — salvos esse meos quam perire!*” Quid rex sine copiis!

Mentem loquentis ira exacerbata egregie pingit asyndeton. Olim, cum βούλεσθαι *malle*, non *velle* significare nondum satis esset perspectum <sup>1)</sup>, suspecti aliquid hunc versum habere potuisse intellegimus: hodie suspectus cuiquam videri nequit.

Idem autem, quod de hoc versu, valet de versibus supra excerptis. His mirum quoddam βάθος inesse videri potest legentibus vel sine vocis ulla varietate recitantibus. Siccine igitur animum demittit Achilles ille, qui modo ensen in Agamemnonem stringebat, et vanis minis animum furore aestuantem exonerans „id quod poscis” ait „tibi dabo, sed aliud quid si post, „hac a me poposceris, non concedam”, sine periculo sic fortis, quoniam non de rebus posthac concedendis rixatur, sed de una ea puella, quam Agamemnon ei erepturus est?

Iniquissime iudicet qui sic secum reputet, et totum contextum in infamiam aliquam immeritam facile sic adducat. Non enim concedentis et aliquantulum perterriti sunt verba Achilles, quae attulimus, sed magis etiam quam antea irati, licet dextram cohibeat, et insigni cum contemptu loquentis. Aspernatur iam Briseidem, licet carissima ei hactenus fuerit <sup>2)</sup> et nunc

1) De ipso hoc versu mira invenias apud interpretes antiquiores.

2) Cf. I 342 sq.

quoque sit, sed cordis voci aurem iam praeberere non vult: aspernatur puellam, utpote donum a rege invisio ceterisque Achivis cum illo facientibus sibi oblatum. Cunctis stomachatur <sup>1)</sup>, nam a cunctis derelictum se sensit cum pro salute communi verba faceret. Itaque *non depugnaturus tecum sum de puella*, ait, et vocem *puellam* proferens omnem suam iram in ea voce evomere videtur, *neque tecum neque cum alio quoquam: adimitis scilicet* — sic in cunctos confert culpam iniuriae, qua ab Agamemnone affici se siverint ceteri, — *quam dederatis! At propria quae mihi sunt, quae non debeo munificentiae vestrae, ea vi tuebor si quis auferre conetur!* — Sic Achilles etiam I 367 ea quae ἔλαχε sive sorte ducta e praeda accepit — aurum aes ferrum mulieres captivas — et γέρας illud, quod Agamemnon ei dono dederat, inter se opponit. Illa servabit et si opus sit defendet: eripere conetur modo qui velit! Hoc nihili facit, spernit, proicit, nam ἐχθρῶν ἄδωρα δῶρα κοῦκ ὀνήσιμα. Abit furore stimulatus et siccis mox oculis videbit praecones Briseidem e tabernaculo suo abducentes.

Eundem quem hoc loco contemptum vox κούρη habet in Achillis cum Agamemnone in gratiam redeuntis verbis:

ἢ ἄρ τι τόδ' ἀμφοτέροισιν ἄρειον  
ἔπλετο, σοὶ καὶ ἐμοί, ὅτε νωτ' περ ἀχνομένῳ κῆρ  
θυμοβόρῳ ἔριδι 'μενεήναμεν εἵνεκα κούρης <sup>2)</sup>.

*Hoc igitur satius nobis fuit, de puella rixari!* Nos scilicet, Achivorum tu potentissimus et ego, qui inter eos sum fortissimus, maluimus levem ob causam rixam inire cum maximo detrimento exercitus, quam alter alteri cedere.

A 397—400.

ἔφησθα κελαϊνεΦεῖ Κρονίωνι  
οἷη ἐν ἀθανάτοισιν ἀφεικέα λοίγδον ἀμῦναι,  
ὁππότε μιν ξυνῆσαι Ὀλύμπιοι ἤθελον ἄλλοι,  
Ἥρη τ' ἠδὲ Ποσειδάων καὶ Παλλὰς Ἀθήνη.

Haec Achillis ad matrem verba et sequentia non sane congruunt cum aliis poetae nostri notionibus, multum tamen abest ut inde

<sup>1)</sup> Patet igitur Zenodotum versum 299 misere corrupisse pro ἐπεὶ μ' ἀφέλεσθέ γε δόντες scribendo ἐπεὶ δ' ἐθέλεις ἀφέλεσθαι.

<sup>2)</sup> T 56 sqq.

sequatur manui alienae ea deberi. Verum est Iovi illi, quem poeta dicere soleat omnipotentem, ceteros caelites mente et viribus longe superantem, a Iunone Minerva Neptuno periculum esse nullum potuisse, et eum qui uno nisu ceteros deos deasque cunctos ad se trahere posset invitos, si luberet <sup>1)</sup>, a tribus eorum vinciri non potuisse, certe non potuisse vi aperta <sup>2)</sup>. Sed talia ut passim in carmen admitteret poetam movit atque adeo coegit infirmitas mentis humanae in rebus divinis sibi informandis nunquam satis sibi constantis, et carminum vetustiorum materie dum utitur, haud raro eo est adductus ut ea quoque reciperet quae ipsius de Olympiis opinionibus refragarentur. Manifesta autem hoc loco sunt vestigia fabulae nostro carmine antiquioris, Iunonem Neptunum Minervam etiam ante preces Thetidis, quas Iliadis poeta excogitavit, Iovi infensos exhibentis <sup>3)</sup>: Troiae hostes deo urbis tutelari sive numina Argiva numini Idaeo.

A 421 sqq. Thetidis ad Achillem haec sunt verba:

ἀλλὰ σὺ μὲν νῦν νηυσὶ παρήμενος ὠκυπόροισι  
μήνι' Ἀχαιοῖσιν, πολέμου δ' ἀποπαύεο πάμπαν.  
Ζεὺς γὰρ ἐς Ὀκεανὸν μετ' ἀμύμονας Αἰθιοπῆας  
χθιζὸς ἔβη κατὰ δαῖτα, θεοὶ δ' ἅμα πάντες ἔποντο.  
δωδεκάτῃ δέ τοι αὐτίς ἐλεύσεται Οὐλυμπόνδε κτέ.

Iovem tunc, cum Thetis filio suo promisit se patrem deorum supplicem adituram, in Olympo non adfuisse poeta finxit, ut dierum aliquot intervallum fieret, per quos Agamemnon propter iram Achillis in littore Troadis inutiliter cum copiis desiderare cogeretur, cum urbem, ad quam expugnandam adesset, vellet petere: sic enim et ipsum et ceteros duces somnio fallaci aures libentissime mox esse praebituros. Et in pectus Achillis pugnam et bellum desiderantis <sup>4)</sup> interim altius penetravit Agamemnonis odium, nihil nisi quod durum saevum implacabile esset ibi relinquens.

Quod autem Olympios *heri* ad Aethiopes abiisse Thetis ait, multi inde ab aevo interpretum Alexandrinorum sunt mirati,

1) Cf. Θ 18 sqq.

2) Somno sopitus (ut Ξ 352 sqq.) potuit sane.

3) Item A 520 sq.; cf. B 13—15 = 30 sqq. = 67 sqq.

4) Cf. A 492.



multi indignati, multi hic certe iuncturam fabularum inter se non congruentium manifestam deprehendi sunt opinati; nam Thetis si recte nunc dicat caelites heri Olympum reliquisse, non potuisse carminis initio Minervam inde descendere a Iunone missam <sup>1)</sup>, eodem enim die Thetidem cum filio collocutam. Nempe sic videtur lectoribus hodiernis. Itaque fuere qui poetae hanc negligentiam verbis elevare conarentur, — parum probabiliter, nam fieri vix potuit ut tam cito suorum ipsius verborum poeta oblivisceretur. Alii *deos* quidem in Aethiopiam abiisse sunt suspicati, *deas* vero interim nidum servasse; quae etiamsi non ridicula videatur quaestionis solutio, non tamen potest placere iis qui meminerint altero Iliadis loco, ubi caelitum apud Aethiopes epulantium fit mentio, *Iridem* certe deam cum ceteris illuc abiisse dici <sup>2)</sup>. Sed frustra operam dederunt interpretes ut solverent ἀπορίαν quae nulla esset. Alia videlicet atque nobis poetae est dies computandi ratio; qui tempus per νυχθήμερον dirimit, a solis occasu vel potius ab ortu noctis — nam ἐπέρχεται κνέφας <sup>3)</sup>, δρίνεται οὐρανόνθεν νύξ <sup>4)</sup>, — usque ad sequentis diei finem. Hinc explicatur frequens et constans iunctura verborum νύκτας τε καὶ ἡματα (vel ἡμαρ), quam versuum numeri minime commendabant aut poscebant; nam salvo metro etiam ἡματα καὶ νύκτας potuit dici et certas ob causas revera dictum est Ψ 186, ubi Venus Hectoris corpus tutata esse dicitur *non solum interdiu, sed etiam noctu*, cum oberrant ferae rapaces, et κ 142, ubi Ulixis socii δύο. ἡματα καὶ δύο νύκτας moesti et ieiuni in littore iacuisse dicuntur, per illum igitur diem quo advenerunt et per noctem quae insecuta est, nec non die proximo atque adeo per noctem alteram.

Certa et aperta haec tempus computandi ratio est Θ 541, ubi Hector postquam nocte ingruente <sup>5)</sup> copias suas excubias in campo aperto agere iussit, ut Achivos, quos hodie in castra compulerunt, primo mane denuo possint aggredi, sic perorat victoria hodierna elatus et veluti vaticinans: *cras periculum fa-*

1) Vs. 194, 222.

2) Cf. Ψ 205—207.

3) Cf. A 475 al. Θ 468 φ 232.

4) Cf. ι 69.

5) Cf. Θ 485 sq.

*cito Diomedes an vincere me possit etiam! At non poterit, opinor, sed cum nullis suorum caesus iacebit*

ἡελίοι' ἀνιόντος ἐς αὔριον. εἰ γὰρ ἐγὼν ὥς  
εἶην ἀθάνατος καὶ ἀγῆρχος ἤματα πάντα,  
τιοίμην δ' ὥς τίετ' Ἀθηναίη καὶ Ἀπόλλων,  
ὥς νῦν ἡμέρη ἦδε κακὸν φέρει Ἀργεῖοισι.

Hic praesens φέρειν de re futura usurpatum animi de eventu ne dubitantis quidem est indicium, ut in Achillis de sua sorte verbis: *mater ait me διχθυδίας κῆρας φερέμεν θανάτοιο τέλοσδε* <sup>1)</sup> sive *duo fata diversa me leto esse datura*, vel loco Aristophaneo ubi in vaticiniis esse dicitur ὥς ὁ Παφλαγὼν ἀπόλλυται i. e. ἀπολεῖται <sup>2)</sup>, et similia apud Homerum aliosque sunt multa. Dicitur igitur ἡμέρη ἦδε is dies cuius pars obscura iam adest, pars autem lucida sive αὔριον, per quam pugnatur, post temporis aliquid aderit.

Nihilo minus manifesta res est in libro T, ubi Agamemnon ad Achillem *ministri mei ait afferent tibi dona, quae meo nomine tibi* χθιζὸς ἐνὶ κλισίῃσιν ὑπέσχετο δῖος Ὀδυσσεύς <sup>3)</sup>, itemque mox ad Ulixem: *affer Achilli dona, quae ei* χθιζὸν ὑπέστημεν δώσειν <sup>4)</sup>.

Nam postquam Achivi praelio secundo profligati in castra confugerunt, sera vespera legati ad Achillem missi sunt Ulixes et Ajax et dona plurima nomine Agamemnonis ei promiserunt si iram mittere vellet <sup>5)</sup>, dein per totum diem sequentem aestuavit pugna tertia, in qua pugna cecidit Patroclus, tum nox altera intercessit <sup>6)</sup>, qua nocte Vulcanus nova arma Achilli cudit, iamque his quae modo excripsimus verbis utitur Agamemnon. *Nudius tertius* igitur, ut nos loquimur, legati illi ad Achillem exorandum sunt missi; sed Homero, cui nox est pars prior τοῦ νυχθημέρου, dies ille, quo Agamemnonem ea quae vidimus verba dixisse finxit, initium tum habuit cum Iuno pugna tertia finita solem πέμψεν ἐπ' Ὠκεανοῖο βράς ἀρέκοντα νέεσθαι <sup>7)</sup>, heri autem accidisse dicuntur quaecunque inde a solis occasu eo, qui pugnae secundae finem fecit, usque ad finem pugnae tertiae sunt gesta <sup>8)</sup>.

1) Cf. I 411.

3) Cf. T 141.

5) Cf. I init.

7) Cf. Σ 11.

2) Ar. Eq. 127.

4) Cf. T 195.

6) Cf. Σ 239 sq.

8) Cf. Θ 435—Σ 11.

Sunt sane interpretes bene multi, qui hoc quoque Iliadis loco rationem temporis misere turbatam esse censeant, aut poetam dormitasse perhibentes aut argumentum hinc sumentes quo demonstrent quam tenui arte quantaque socordia conglutinata sint fragmenta illa carminum vetustorum, quae Ilias iam nomine communi vocentur; sed nunc quoque, ut passim, prodest meminisse versiculi Popiani:

Non vates nutat, sed nos mala somnia vexant <sup>1)</sup>.

Iamque ad primi libri locum illum, unde digressi sumus, redeamus, ut ibi quoque optime omnia procedere demonstremus, nihil hic esse turbatum, nihil obscurum, nullum errorem, nullam negligentiam subesse. *Incunte die*, ut mos et ea aetate et postea ferebat <sup>2)</sup>, Achilles milites convocavit in concionem, quae sub meridiem est dimissa. Aduit tum *tempus cenae*, τοῦ δείπνου: cenarunt igitur Achivi, cenarunt di Olympii, hi autem non in Iovis aedibus illo die cenarunt, sed in Aethiopiam epulatum abierunt, ubi quin dicto citius et iusto diei tempore adfuerint, — nam tam accurate iam Musis invitis nec tamen ut spero iratis haec sunt exploranda, ut dilui possit crimen iniquum, — non est cur dubitemus, quoniam θεῶν αἰψὰ sunt κέλευθα. *Per reliquum diem* lustrati sunt Achivi, et Chryseis ab Ulixē ad patrem navi est reducta. *Sub noctem* Agamemnon Briseidem ad se adduci iussit, ut Chryseidis qui fuerat in eius toro locum obtineret; παρὰ νῆας Ἀχαιῶν sive per castra, inde a cornu quod Achilles cum Myrmidonibus suis obtinebat usque ad tabernaculum Agamemnonis, palam et omnibus militibus videntibus Achillis ancilla a praeconibus est deducta, et sic consummatum est dedecus quo Agamemnon eum affecit. *Dein* Achilles ira et dolore aestuans — nam ut iustam uxorem illam mulierem amabat — relictis castris consedit in littore deserto, et spectans per ingens aequor ponti, quod nox ingruens late tegebat umbris purpureis <sup>3)</sup>, matrem dilectam flebilibus verbis invocavit, — nunc enim plorare eum non vetabat honoris studium, — verus etiam puer; quae cum adfuit, *per silentium nocturnum* sive postridie eius diei

1) 't Is not Homer that nods, but we that dream.

2) Cf. B 48 sqq. β 6 γ 138 Aristoph. Ach. 20 Eccl. 741 al.

3) Vs. 349 sq.

quo cum Agamemnone est rixatus apud eam conquestus est sortem suam iniquam.

Nonne satius est sic hunc locum interpretari quam sumere — id quod in rerum natura quomodo esse potuit unquam? — poetam post versus ducentos <sup>1)</sup> sive intra horae partem dimidiam oblitum fuisse rei quam modo narrasset? Aut recentioris alicuius aevi hominem ignotum, diversa cum conglutinaaret, non animadvertisse *heri* accidisse iam dici quae *eo ipso die* brevi ante essent facta? Diversa autem? Aliudne igitur carmen olim rixam regum, aliud Achillem de ea cum matre collocutum habuisse, in animum sibi inducit quisquam? An imitatori eique admodum socordi, sua genuinis interserenti,tribuendum videtur herois iuvenis illud cum matre dea colloquium, quod etiamnunc legentium pectus penitus commovet et admiratione percellit? Nae in novas identidem salebras incidunt qui vitium hoc Iliadis loco cernere sibi videntur et causam eius vitii indicare conantur.

Unum addo. Poeta versibus 430—487, quibus narrat Ulixis Chrysen iter <sup>2)</sup>, non continuat ordinem chronologicum, sed redit ad illum temporis articulum unde versu 317 est profectus ut prius res Achillis enarraret. Nunc quomodo Chryseis interim patri suo reddita fuerit refert. Verba αὐτὰρ Ὀδυσσεὺς εἰς Χρύσην ἵκανε valent igitur: *interim Chrysen pervenerat Ulixes*. Nota haec et manifesta, et fortasse inutile fuit hic ea indicasse; sed cavendum videbatur ne hac quoque re aliquis posset abuti ad temporis rationes, quae sunt in primo libro, vituperandas. Similia et alibi possunt observari et in proxima vicinia; nam vs. 488 verba αὐτὰρ ὁ μῆνις significant: *interim* — illo die et sequentibus — *Achilles pergebat succensere*, in castris desidens, et in vs. 493 (ἀλλ' ὅτε δὴ ῥ' ἐκ τοῦτο δωδεκάτῃ γένητ' ἡώς) voce ἐκ τοῦτο reditur ad eum diem quo Achilles cum matre est collocutus. Eadem ratione Ω 31 voce ἐκ τοῦτο reditur ad narrationis partem priorem sive eum diem quo Hector est mortuus.

A 592. Rogarunt quidam — nam quid non rogarunt homines ex quo carmina epica non recitari sed lectitari et a magistris

1) Vs. 221—424.

2) De quo cf. pag. 345 sq.

sedulo discipulis explicari sunt coepta! — quomodo Vulcanus *per totum diem cecidisse* nunc posset dici, cum tamen ea esset deorum celeritas ut dicto citius eo quo tenderent pervenire solerent <sup>1)</sup>?

Satius fuerit talia non rogasse, neque hoc loco dum fruimur, ubi et quam celsa sit deorum regia et quam gravi casu Vulcanus terrae Lemniae impegerit, vivide significatur, aliorum locorum Homericorum, qui ab eo alieni sunt, meminisse. Si tamen cum illis eum componere lubet, nihil invenitur quod discrepet; dissimiles sunt, non incongrui. Nam sola *vi gravitatis* motus qui ex aedibus caelestibus in terram est delapsus, is sub solis demum occasum eo pervenit; qui vero *proprio motu* proruunt caelites, intra brevissimum temporis articulum adesse solent quo velint, quoniam omnia possunt di, spatii et temporis vinculis exempti et eminus quoque videntes audientes agentes quae velint.

B 29—33. Fallax species, quam ad Agamemnonem dormientem misit Iuppiter, huius dei verbis *in bellum arma tuos milites*, eum iubet,

νῦν γάρ κεν ἔλοις πόλιν εὐρυάγυιαν  
 Τρώων, οὐ γὰρ ἔτ' ἀμφὶς Ὀλύμπια δώματ' ἔχοντες  
 ἀθάνατοι φράζονται· ἐπέγναμψεν γὰρ ἅπαντας  
 Ἥρη λισσομένη, Τρώεσσι δὲ κῆδε' ἐφῆπται  
 ἐκ Διός.

Vocis νῦν quae sit vis facile sentimus. Per dies duodecim post rixam ducum nihil est actum <sup>2)</sup>, sed inertes desederunt milites in castris, ne armis quidem sumtis; nam Achilles Myrmidonumque auxilio destitutus Agamemnon ceterum exercitum post pestilentiam multo rariorem factum in hostes Troiam versus ducere non est ausus. Et capienda tamen est urbs! Iam igitur — species nocturna ait, quae Nestoris figuram sumsit, — opus aggrediendum est tandem! Sat morarum: etiam sine Achille Troia potest capi!

Sed verba sequentia aliquid interpretationis requirunt. Nam Somnii his verbis fallacibus auditis dixeris Agamemnonem hac-

1) Cf. Δ 75 sqq. E 770—772 N 20 Ω 78 sq. al.

2) Cf. A 423—427.

tenus ne dubitasse quidem quin Iuppiter urbi faveret, nunc vero ut alia omnia credat permovendum esse Somnii verbis. Nullaene igitur requirebantur preces Thetidis ad Iovem Troianis conciliandum?

Non haec fuit poetae mens, sed nunc quoque, ut passim <sup>1)</sup>, quae de deorum — Iovis (Idaei) praesertim et Apollinis (Pergameni) — studiis ferebant fabulae priscæ, a suis ipsius notioni-  
bus quam maxime discrepantia, cum his utcunque conciliat.

Id quod *factum esse* Agamemnoni dicere nunc iubetur species fallax, mox in ipsa Iliade fieri revera videbimus <sup>2)</sup>, et summam quandam theologiae Homericæ — quatenus quidem vatis ingenio versatili convenit theologiae vocabulum — habent Iovis ad Iunonem verba <sup>3)</sup>: *non coactus quidem — nam cogi nequeo — sed tamen invitus tibi cedo*,

σοὶ ἔδωκα τεκὼν ἀρέκοντί γε θυμῷ.

Id ipsum, quod in priscis fabulis enarrandis poetae nostro saepe molestum fuit, his verbis indicatur. Nam deus Troianus quin a dea Argiva cogi vel vinci aliquando potuisset, poetae antiquissimi ne dubitarunt quidem: Iuppiter vero Homericus ceteros caelites consilio robore auctoritate longe superat.

B 50 sqq. Experfectus Agamemnon haud ita magnifice sentit de spe vincendi, quam ostentavit ei species nocturna. Itaque urbem quidem hodie aggredi — ut iussus est — secum decernit, Somnii promissis stimulatus, prius tamen cum ceteris regibus ipsoque exercitu de ea re deliberare, ne culpa consilii male initi in ipsum solum recidere possit, si res male cesserit.

Hanc qui huius loci explicationem dedit Andreas Lang, vir *δημηκότατος* et in gentium multarum poesi epica habitans, suspicatus est post versum 41 unum duosve versus intercidisse, totum igitur locum sic fere olim fuisse recitatum:

35 ὥς ἄρα Φωνήσας ἀπεβήσето, τὸν δ' ἔλιπ' αὖθι  
τὰ Φρονέοντ' ἀνὰ θυμὸν ἃ ῥ' οὐ τελέεσθαι ἔμελλον.  
'Φῆ γὰρ ὁ γ' αἰρήσειν Πριάμου πόλιν ἡματι κείνῳ,

1) Cf. supra ad A 397—400.

2) Cf. Δ initio.

3) Cf. Δ 43.

- νήπιος, οὐδὲ τὰ 'ρεῖδε' ἄ' ῥα Ζεὺς 'μῆδετο τέργα. κτέ.  
 41 ἤγρετο δ' ἐξ ὕπνου, θείη δέ μιν ἀμφέχουτ' ὀμφή.  
 <'δρίξε δὲ τὸν κατὰ θυμόν, ἐπεὶ σάφα ρεῖδε' ὀνειρούς  
 οὐ πάντας πιστοὺς Φοιτᾶν διὰ νύκτα μέλαιναν.>  
 ἔξετο δ' ὀρθωθείς, μαλακὸν δ' ἐνέδυνε χιτῶνα, κτέ.  
 εἴλετο δὲ σκῆπτρον πατρώϊον, ἄφθιτον αἰεὶ·  
 σὺν τῷ ἔβη κατὰ νῆας Ἀχαιῶν χαλκοχιτώνων. κτέ.  
 50 αὐτὰρ ὁ κηρύκεσσι λιγυφθόγγοισ' ἐκέλευε  
 κηρύσσειν ἀγορήνδε κάρη κομάοντας Ἀχαιοὺς.  
 οἳ μὲν ἐκήρυσσον, τοὶ δ' ἠγείροντο μάλ' ὤκα.  
 βουλὴν δὲ πρῶτον μεγαθύμων ἶξε γερόντων κτέ.

Et probabiliter profecto Langius sic Agamemnonis ipsiusque poetæ mentem est interpretatus; vix tamen videtur necessarium sumere mutilatam esse hanc partem textus traditi.

B 73—75. Sequuntur versus qui et aliis criticis plurimis et mihi suspicionem moverunt diu: nunc quin et genuini sint et apti non dubito. Sunt Agamemnonis senatores dimissuri verba:

πρῶτα δ' ἐγὼ τέπεσιν πειρήσομαι, ἣ θέμις ἐστί,  
 καὶ Φεύγειν σὺν νηυσὶ πολυκλήϊσι κελεύσω·  
 ὕμεις δ' ἄλλοθεν ἄλλος ἐρητύειν τέπεεσσι.

His versibus poeta viam sibi paravit ad sequentia, quæ finxit ad exemplum priscae alicuius narrationis de Achivis et ipso eorum duce Agamemnone fugam meditantibus <sup>1)</sup>, sed interventu Minervæ prohibitis quominus re infecta domum reverterentur. Eam fabulam poeta noster huic Iliadis loco inseruit ita mutatam ut Agamemnonem callido artificio ea suadere faceret quæ, ab aliis ducibus doli consciis mox refutata, milites post pestilentiam et regum rixam animum despondentes in bellum alacriores denuo essent redditura.

Quod Agamemnonis sive ipsius poetæ consilium strenue nuper et feliciter defendit Didericus Mûlder, et simili dolo Ferdinandus Cortes dux Hispanus prospero eventu aliquando usus esse fertur. In ipsa autem Iliade eo dolo, quo nunc rex hominum, utitur rex deorum Δ 5 sqq., is quoque non ex animi sententiâ locutus, ut mox ab uxore et filia refutari et in contraria ab iis permo-

1) Ut I 17—28 (et vicin.) Δ 13 sq. E 74—81.

veri possit. Nam Achivorum cum Troianis foedus si permanebit et Helena reddetur, belli finis erit, dedecus igitur Achilli illatum Iuppiter ulcisci non poterit; quapropter coram Iunone et Minerva id suadet quod has aegre laturas optime novit, haud invitus — licet invitum se perhibeat — dein concessurus bellum redintegrari iubentibus. Itaque postquam Iuno verbis violentissimis Iovi est oblocuta, hic ei cessit, et Iunone iubente in deorum conventu decretum est fore ut bellum, quod nuper coortum esset, non foedere facto ante finiretur quam ad manus esset ventum, sed usque ad Troiae excidium continuaretur. Et sic Iuppiter id quod volebat est assecutus, fit enim id quod fieri iubere sine dedecore non poterat, ut Troiani caelitibus instigantibus violarent inducias sanctissimis iuramentis confirmatas.

Quod vero — ut ad librum B redeamus — milites, qui post longi desidii taedia alacerrimi in concionem confluxere vocati, multo etiam alacrius in naves properaturi erant ut primum dux exercitus eos reditum parare iuberet, et tam cito dilapsuri ut aurem nullus praeberet Nestori vel Diomedei surgenti ut prudenti oratione Agamemnoni ex composito obloqueretur et copias manere iuberet, id Agamemnon secum non reputaverat. Itaque turpiter concidit callidum quod ille putaverat consilium, et a suis derelictus coepit sentire quid esset sine Achille bellum gerere, melius mox sensurus; nam frustra illo die Ilium oppugnavit, et diebus sequentibus misere profligatae sunt eius copiae.

De navium ducum copiarum recensione fuse disputare non est in animo. Quam sive ipsi Iliadis poetae tribuimus, quae mea est opinio, — nam Bergkium ita sequor ut e carmine antiquiore, *classem in bellum profecturam* pingenti, eam a nostro poeta transsumtam arbitrer, inserta autem ab eo esse nonnulla quae Achivorum *aciem in Troiae planitie instructam* spectarent, — sive postmodo manu aliena additam esse arbitramur, nihil ea res refert de Iliadis compositione disputantium. *Poterat* hoc episodum salvo cetero carmine abesse, potest igitur salvo carmine ex eo eximi, et in exemplaribus sive antiquioribus sive recentioribus nonnullis revera est omissum. Quamquam nullum hinc duci potest argumentum ad indagandam Catalogi originem. Quem qui



omiserunt editores, non propterea omittebant quod *spurium* ducerent, sed quod lectoribus *parum gratum* esse scirent, libentius igitur emturis libri B exemplaria aliquanto minus ampla et minus pretiosa, quae ea parte carerent.

Quod autem modo perhibebam, poetam Iliadis ea, quae olim *de classe Troadem versus iter initura* dicta fuissent, transtulisse in sui carminis eum locum ubi *copiarum aciem instructam* verbis pinxit, id optime potest illustrari collata ea Iliadis parte ubi Troianorum et Achivorum de navibus pugnam narravit <sup>1)</sup>. Nam illam quoque carminis partem a poeta adumbratam esse ad vetustius aliquod carmen, fieri vix potest quin sentiat qui hoc agat <sup>2)</sup>. In prisco illo carmine narrata fuit Troianorum cum Achivis *ad oram Troianam primum appellentibus* pugna, in qua pugna interemtus est *Protesilaus νηὸς ἀποβήσκειν πρώτιστος Ἀχαιῶν* <sup>3)</sup>, cum omnium primus in littus hostile desiliret. Hanc ob causam navem Protesilai — ducis dudum mortui — a Troianis ante ceteras petitam et incensam dixit poeta Iliadis, hanc ob causam Aiacem ingentes per navium tabulata saltus ducentem et *ξύστει ναυμάχῳ* hostes repellentem pinxit. Aptissima haec fuerunt pugnae navali eiusmodi, qualis fuit cum Brasidas ad littus Pyli classem frustra adursit <sup>4)</sup>, vel cum Caesar ad oram Britanniae appellere est conatus <sup>5)</sup>. Nunc pugnae quae in littore circa naves subductas aestuavit ab Iliadis poeta adaptata sunt. Et feliciter sane sunt adaptata; nam naves Protesilai, qui primus cum suis littus obtinere olim est conatus, tum cum hostes repulsi in urbem confugissent primas subductas esse, altius igitur quam ceteras in littus fuiese protractas, — quoniam *πρόκρυσσαι* naves stabant <sup>6)</sup>, — iamque Hectori in castra ipsasque naves irruenti fuisse proximas <sup>7)</sup>, probabiliter poeta sumsit. Attamen sentimus in hac carminis parte, qua Hector adortus

1) Cf. praesertim O 676—686 et 704—728.

2) Cf. Mnemos. 1906 p. 305; nuper in eandem sententiam disputavit Didericus Müllder.

3) Cf. B 701 sq.

4) Thuc. IV 11.

5) Caes. Bell. Gall. IV 25.

6) Cf. ε 35.

7) Cf. N 681.

est navem *ποντοπόρον καλὴν ὠκύαλον*, — vana in sicco haec epitheta! — ἡ *Πρωτεσίλαον* *ἔνεικε εἰς Τροίην*, οὐδ' αὖτις *ἀπήγαγε πατρίδα γαῖαν*, quoniam *νηὸς ἀποθρώσκων* ille interemtus est, poetam usum esse argumento quod praeberet carmen alienum.

At audio increpantem me quempiam: „poetamne tu vocas eum qui compiler dicendus sit potius, et spurium istum catalogum defendere vis collata alia Iliadis parte, quae magis quam aliae multae manifesta habeat manus interpolantis indicia? Adeone igitur rudis es tu, qui de Iliadis compositione sententiam ferre sustines, ut nescias quid de heroum *bigis* Aristarchus docuerit <sup>1)</sup> nec iam ignoret quisquam, qui quidem philologi nomine dignus sit? Si vero nosti illa, nonne sentis ea doctrina damnari ipsum illum locum libri O, de quo nunc disputas, ibi enim et *quatuor* equos coniunctos commemorari et — quod non minus certum est aevi recentioris indicium — virum eorum *dorso* vectum? *Curru* vehuntur herq̄es, non equitant, et *binis*, non quaternis equis utuntur: apage igitur insiticia, tu autem desine tandem spuria spuriis tueri!”

Audio quae saepe audiui et indignor prisci carminis partem pulcherrimam ope syllogismi quatuor terminorum damnatam. Qui hic est syllogismus:

quae genuinae vel praeae sunt carminum epicorum partes, heroes *bigis* in bellum vectos ostendunt;

atqui in libro O quatuor equis coniunctis inequitat homo quidam, qui neque heros est, neque in bellum vehitur, neque curru utitur:

ergo inter Iliadis partes praeas et genuinas hic locus non est recensendus.

Hunc paralogismum qui excogitarunt eoque usi sunt ad Iliadem discerpendam, iis opto — nihil mali, bona enim fide errarunt, sed opto ut aliquando iis contingat comparisonem nihilo deteriore excogitare et versibus includere, quam est HomERICA illa AiACIS cum equisone per equorum dorsa salienti. Quam carminis vetusti partem donec arte sua aequaverit recentior aliquis criticus vel poeta, — sed poetae de prisci poetae opere minus severe iudicare solent! — satius erit non pro subditiis

1) Cf. e 185.

habuisse quae non nisi summi poetae ars potuerit in lucem proferre.

Et quidnam suspecti habeat locus de quo loquimur? Non dorso equorum insidebant heroes, sed bigis in pugnam vehabantur: res certa et in vulgus nota, neque latet rei causa; nam *exiguae staturae* erant equi quibus utebantur, parum similes robustis illis equis, qui medio aevo quod dici solet milites ferro vestitos in bellum tulerunt, et potius cum *Sigynnorum* equis pusillis comparandi, qui *σμικροὶ μὲν ἦσαν καὶ ἀδύνατοι ἄνδρας φέρειν, ζευγνύμενοι δὲ ὑπ' ἄρματα ὀξύτατοι* <sup>1)</sup>, vel cum *mannis Scotiis* et aliunde et e Gualteri Scoti fabula quadam romanensi cuiusvis notissimis. Exigui illi equi Homerici bellatoribus ferendis minus erant idonei <sup>2)</sup>; itaque tum cum res tulit ut Iliadis poeta heroes quosdam dorso equorum insidentes semel tamen ostenderet, — dicimus finem Doloneae, de qua Iliadis parte posthac fusius disputaturi sumus, — cavens ne auditores Diomedem ingentis staturae virum et Ulixem rapido cursu sic in Achivorum castra vectos mirari possent, prius narravit hos equos *staturae insolitae* fuisse, nam Dolonem dicere fecit:

„τοὺς δὲ καλλίστους ἵππους ἴδον ἥδὲ μεγίστους” <sup>3)</sup>.

Sed ad *bellum* et pugnas et gravis armaturae viros spectant haec omnia, ad duces militum ut robore sic et pondere corporis atque armorum vulgus hominum superantes. Modicae staturae viros nullisque armis onustos quin dorso ferre potuerint equi Homerici, non dubitabit qui sapiat; nam procul aberat aetas poetae a praehistorico illo aevo, quo per terram hominibus fortasse etiam carentem circumvagatum est *hipparion* illud exiguae molis animal, ex quo genus equinum saeculis volventibus est prognatum et tandem excrevit in ingentis staturae beluas illas, quibus currus doliis cerevisiae onusti iam solent protrahi.

Neque vero dubitare quin *equitandi* artem aequales poetae calluerint prudentis est hominis. Quam artem arte aurigandi vel antiquiorem fuisse clamat ratio. Nam feram laqueis et vi brachiorum domare, dein domitae dorso insilire, ut difficile et periculosum, sic aliquanto tamen facilius fuit quam currum struere,

1) Cf. Herodot. V 9.

2) Recte sic Ridgeway.

3) Cf. K 436.

dein animal ferociens levi impressu freni regere iugo ligatum.

Quid autem poeta eo de quo disputamus loco libri O? Aiakis illius, cuius *robur* et *fortitudinem* cum alibi tum in hac carminis parte celebravit, quanta et *agilitas* fuisset, quoniam verbis pingere non poterat, imagine usus est ad eam significandam. Pastor, divitis alicuius viri minister, equos quatuor semiferos, quippe qui in latae planitiei libertate adoleverint *μετὰ γήθεσι καὶ νομῶ ἵππων* <sup>1)</sup>, ex armento selectos vi et arte captavit lorisque inter se iunxit <sup>2)</sup>, mox in quadrigarum aliquo cursu usurpandos; nam in certaminibus equestribus, ubi nullum ab hostibus erat periculum, tota igitur ars aurigae equis regendis impendi et horum numerus augeri impune poterat, etiam quaterni equi curribus iungebantur <sup>3)</sup>. Iamque per viam, qua e pratis in urbem pervenitur, equos eos indomitos rapido cursu adigit in domini sui aedes, interim tempus terens per equorum dorsa saltando, equitandi incredibiliter peritum sic se ostendens viatoribus, qui anxii et admirantes secedunt. Equisones Hungaricos vel Mexicanos cogitemus oportet, si imaginem menti poetae obversatam et ipsi percipere velimus.

Sic igitur per navium tabulata tum cucurrit Ajax, saltu audaci intervalla navium identidem transmittens, ut illuc festinaret ubi maximum esset periculum:

ὥς ὅτ' ἀνὴρ ἵπποισι κελητίζειν εὖ φειδῶς,  
 ὅς τ' ἐπεὶ ἐκ πολέων πίσυρας συναίρεται ἵππους,  
 σείσας ἐκ πεδίοιο μέγα προτὶ γάστρῳ δίηται  
 λαοφόρον καθ' ὁδόν, πολέες δέ γε ῥηήσαντο  
 ἀνέρες ἢ δὲ γυναῖκες, — ὃ δ' ἔμπεδον ἀσφαλὲς αἰεὶ  
 θρόσκων ἄλλοτ' ἐπ' ἄλλον ἀμείβεται, οἱ δὲ πέτονται, —  
 ὥς Αἴας ἐπὶ πολλὰ θοάων ἵκρια νηῶν  
 ῥοῖται μακρὰ βιβάζε.

Inter *atticae interpolationis* exempla manifesta referri solent quae de Erechtheo in utroque carmine leguntur. Quo iure eo

1) Cf. Z 511. Ingentia armenta, quorum Δ 500 T 221 alibi fit mentio, nemo intra stabulorum aliquorum angustias coacta sibi finget.

2) *Currus* nullam hic fieri mentionem, id dici vix opus.

3) Item Λ 699; cf. etiam ν 81. Praeterea meminimus equorum *παρήρων*, quorum etiam in bello duobus locis Homericis fit mentio.

referantur videant alii <sup>1)</sup>, ego satis nunc habeo pro viribus illos locos illustrasse; nam a multis parum recte intellegi mihi videntur. Sunt hi (B 546—552 et η 80 sq.):

οἱ δ' ἄρ' Ἀθήνας εἶχον, ἐὺ κτίμενον πτολίεθρον,  
 δῆμον Ἐρεχθῆος μεγαλήτορος, ἔν ποτ' Ἀθήνη  
 ἔθρεψε Διὸς θυγάτηρ, — τέκε δὲ ζεῖδωρος ἄρουρα, —  
 καὶ δ' ἐν Ἀθήνῃσ' εἶσεν, ἐφ' ἐνὶ πτόνι νηῶ·  
 ἔνθα δὲ μιν ταύροισι καὶ ἀρνειοῖσ' ἰλάονται  
 κοῦροι Ἀθηναίων περιτελλομένων ἐνιαυτῶν·  
 τῶν αὖθ' ἡγεμόνευεν υἱὸς Πετεοῖο Μενεσθεύς.

et: *Minerva reliquit Scheriam,*

ἵκετο δ' εἰς Μαραθῶνα καὶ εὐρυάγυιαν Ἀθήνην,  
 δύνε δ' Ἐρεχθῆος πυκινὸν δόμον.

His locis si quis *aedem* vetustam, *Erechtheum* aliquod prae-historicum, ei quod postea fuit subsimile, mente sibi fingit, fallitur. Non est ea, ut antehac demonstratum ivi, vocis νηοῦ apud poetam nostrum potestas, neque nunc eiusmodi quicquam ille cogitavit. Erechtheus, Atheniensium τῶν αὐτοχθόνων genitor, ex Terrae Matris gremio feraci natus, a Minerva urbis dea educatus est, quemadmodum Phaëthon a Venere in suo delubro est collocatus <sup>2)</sup>. Eodem autem tendunt fabulae, apud Homerum non obviae, quae sunt de *Cecrope anguipede* et de *sacro serpente* arcis Atheniensium custode. Die festo Erechtheus ab Atheniensibus quotannis cultus fuisse nunc dicitur; nam ad *eum*, non ad *deam Minervam*, pronomen μιν referendum esse cum totus enuntiati decursus testatur tum genus masculinum hostiarum: *deabus* mactabantur vaccae et oves <sup>3)</sup>.

Cuiusmodi vero νηὸν Minervae cum Erechtheo communem poeta Iliadis dicat, docet verbum δύνειν Odysseae loco usurpatum. *Antrum Erechthei subterraneum*, quod fuit in Athenarum arce, sive *domum daemonis anguiformis* Minerva intrasse dicitur caelo lapsa, similis igitur stellae caducae, ut tum cum in mediam Troianorum aciem e caelo desiluit <sup>4)</sup>. Sic *Apollo* intravit olim *antrum Delphicum*:

1) B 553—555 postmodo additi esse et mihi videntur, sed de his versibus non iam loquimar.

2) Hes. Theog. 990 sq.

3) Cf. Γ 103 sq. al.

4) Cf. Δ 75—79.

ἀστέρι ρειδόμενος μέσῳ ἡματι· τοῦ δ' ἀπὸ πολλὰ  
 σπινθαρίδες ᾠπτάοντο, σέλας δ' εἰς οὐρανὸν ἴκε·  
 εἰς δ' ἄδυτον κατέδυε διὰ τριπόδων ἐριτίμων <sup>1)</sup>).

Itaque Minervae *πίονα νηὸν* intellegimus fuisse locum sacrum in arce Athenarum, antrum daemonis anguiformis includentem; quem *ολίνα*, arbore deae illi sacra, inumbratum fuisse satis certum videtur, nullum illo aevo habuisse *aedificium* ligneum vel lapideum, certissimum.

Γ 121. Versum initialem τῆς τειχοσκοπίας:

Ἴρις δ' αὖθ' Ἑλένη λευκωλένῳ ἄγγελος ἦλθε

fuere qui mirarentur, hoc enim uno loco Iridem nullo deo vel dea iubente nuntium sua sponte perferre; et sic infamiae aliquid facile cum huic versui tum ipsi Tichoscopiae adhaereat, quam pro carmine singulari multi habuerunt, nullo profecto, quod satis idoneum esset, argumento confisi ab Iliade alienum ducentes episodium cum venustissimum tum necessarium fere, certe utilissimum, quoniam poeta ipsam mulierem, quae belli ingentis causa fuit, oculis nostris admirantibus in eo exhibuit. Quod autem optimo sane iure est observatum, Helenae cum Priamo colloquium illud parum aptum fuisse nono belli anno, id ad nihil recidit postquam est perspectum ipsum belli exordium ab Iliadis poeta pingi. Et quod de Iride modo dicebamus, id hanc Iliadis partem cum vicinis artissime cohaerere testatur potius quam singulare hoc olim fuisse carmen. Nam quis Iridem misisset ideo nunc non dixit poeta quia pridem dixerat. Postquam deorum nuntia *Iovis iussu* adiit Priamum ut hostes appropinquare ei nuntiaret <sup>2)</sup>, mox τῆς αὐτῆς ὁδοῦ adiit Paridis aedes vicinas, ut Helenam in moenia evocaret. Temporis quidem aliquid intercessit inter utrumque nuntium, sed id nihil nunc refert et a poeta suo iure est neglectum; nam quid egisset Iris dum copiae ab Hectore in pugnam ex urbe sunt eductae, id nemo, opinor, ex poeta audire unquam cupivit.

E 127—132. Minerva Diomedem ad strenue pugnandum postquam hortata est, addit:

1) H. Ap. 441—443; cf. I 404 sq. vel h. Merc. 246—251.

2) Cf. B 786 sqq.

ἀχλὺν δ' αὖ τοι ἅπ' ὀφθαλμῶν ἔλον, ἣ πρὶν ἐπῆεν,  
 ὄφρ' εὖ γιγνώσκῃς ἡμὲν θεὸν ἠδὲ καὶ ἄνδρα.  
 τῷ νῦν, αἶ κε θεὸς πειρώμενος ἐνθάδ' ἵκηται,  
 μή τι σύ γ' ἀθανάτοισι θεοῖσ' ἀντικρὺ μάχεσθαι  
 τοῖς ἄλλοις· ἀτὰρ εἴ κε Διὸς θυγάτηρ Ἀφροδίτη  
 ἔλθῃσ' εἰς πόλεμον, τήν γ' οὐτάμεν' ὀξεί' χαλκῷ.

Itaque heros, cui caelites cernendi facultas sic aliquantisper est tributa, immortales una Venere excepta aggredi vetitus, hanc mox hasta ferit Aeneae opitulatam, dein Venere fugata iterum

Αἰεὶλα ἐπόρουσε,

γιγνώσκων ὅ τοι αὐτὸς ὑπείρεχε χεῖρας Ἀπόλλων<sup>1)</sup>:

pugnae ardore stimulante *Aeneam iterum est adortus, licet videret eum ab ipso Apolline* — urbis praeside — *protegi*, non spretis igitur verbis Minervae, nam hominem petivit, non deum, frustra tamen, nam rettudit ei clipeum Apollo et recedere iussit. Itaque heros

ἀνεχάζετο τυτθὸν ὀπίσσω,

μῆνιν ἀλευάμενος γεκατηβόλου Ἀπόλλωνος<sup>2)</sup>.

Denuo tum ad eum accedens Minerva Martem ferire iussit et in illum deum irruenti comitem se adiunxit atque opitulata est: Venerem imbellem deam heros solus vincere potuerat, sed ad Belli deum superandum parum valebat sine deae *λαοσσόου* auxilio.

Graviter vulneratus Mars in Olympum aufugit, et sic robur Trojanorum, qui illo deo duce superiores aliquantisper in praelio fuerant, egregie est debilitatum.

Iamque Venere et Marte e planitie Troiana abactis, Minerva abiit, et solis mortalibus res fuit permissa<sup>3)</sup>. Sed Diomedes id nesciens cum mox Glauco, heroi fortissimo, corporis specie et armis aureis conspicuo, occursavisset, an hic quoque esset deorum aliquis dubitans et memor verborum Minervae ab immortalibus abstinere iubentis „*si quis*” ait „*es e caelitis*”,

οὐ κεν ἐγὼ γε θεοῖσιν ἐπουρανίοισι μαχοίμην<sup>4)</sup>,

1) Cf. E 433.

2) Cf. E 443 sq.

3) Cf. Z 1. Rediit Minerva cum Paridem in pugnam reversum cum Hectore stragem Achivorum edere vidit (H 17—21); statim autem obviam ei tunc ivit Apollo.

4) Z 128 sq.

breviter sic locutus, nam magis sedata oratione in otio domestico utentis fuisset: „*si deus es, <non aggrediar te, nam> cum dis non sum pugnaturus*”.

Ultima haec Diomedis verba nisi ab iis, quibus libri E versus ei, quos supra excripsimus, sint cogniti, intellegi nequeunt, et ad ea illustranda prorsus sufficiunt quae olim annotavit Heyne: „Diomedis animo haec insidebant ex pugna cum Venere et Marte; aliis in mentem non venisset quaerere”, ἤματι hoc βραχὲ καὶ ξυστραμμένῳ refutans crimina et ante et post eum saepe prolata ab iis qui perhibuerunt haec verba in ore Diomedis, qui modo Venerem et Martem vulnerasset, ferri non posse.

Dea postquam abiit, rediit heros ad pristinam pietatem, quae a caelitibus abstinere iubebat, ut et ipsa Minerva ei mandaverat <sup>1)</sup>.

E 355. Locutio μάχης ἐν' ἀριστερά in Iliade hoc loco primum obvia quid poetae valeat accurate definire operae pretium videtur, quoniam pugnarum narrationem haec locutio interdum turbare creditur. Est tamen haudquaquam obscura, neque unquam neglegenter ea usus est poeta, sed ita semper ut luculenter appareat ei certam aliquam ante mentis oculos versatam esse imaginem loci ubi Achivos cum Troianis dimicantes verbis pinxit. De qua imagine conferantur velim quae anno proximo in hac bibliotheca scripsi <sup>2)</sup>. Singuli autem loci sunt considerandi, et ita quidem considerandi ut habeatur ratio personae loquentis. Dixerit quispiam minime opus esse rem tam simplicem et apertam disertis verbis hic enuntiari, sed expertus scio neglectam hanc observationem haud exiguum errorum causam extitisse. Videbimus autem μάχης ἀριστερά dici semper quae geruntur in ea campi parte quae Scamandro est vicina.

De rebus scenicis qui loquuntur, cum a parte dextra vel sinistra aliquid fieri vel cerni dicunt, *spectatorum*, non *actorum*, qui his obversi sunt, rationem habere solent. Iliadis vero poeta, in cuius mente vivunt et moventur quaecunque narrat, iis quos loquentes et agentes inducit ipse adstare sibi videtur et cum iis oculos in hostes convertere, actor idem et spectator. Itaque

1) Cf. et E 815—824.

2) Cf. Mnem. 1910 p. 366—368.



cum castra Achivorum petuntur, ipse, ut Troiani, castra ea habet ante oculos; a sinistra igitur ei est flumen, obversum autem ab ea parte est castrorum illud cornu, quod *dextrum* est dicendum si Achivorum habetur ratio, sive cornu illud quod obtinuit Ajax. Achilles autem et Myrmidones, qui in altero castrorum cornu naves et tabernacula habebant, longius quam ceteri a flumine fuere remoti; et quoniam praesertim prope flumen pugna aestuavit, facile sic intellegitur qui sit factum ut Achilles res quae fiebant eminus tantum animadverterit tum quoque cum in proxima castrorum vicinia est dimicatum.

Quae autem diximus, valere de iis quos exscripturi sumus locis, statim insipientibus apparebit, plura igitur de iis observari non est opus:

Λ 497 sq.:

οὐδέ πω Ἑκτωρ

᾿πεύθετ', ἐπεὶ βα μάχης ἐπ' ἀριστερὰ ᾿μάρνατο πάσης.

M 118: *Asius* hasta Idomenei confossus est,

᾿ρίσατο γὰρ νηῶν ἐπ' ἀριστερά.

N 674 sq.: *Hector* dum prope medias Achivorum naves pugnat, non animadvertit

ὅττι ῥά τοι νηῶν ἐπ' ἀριστερὰ ᾿δηϊόοντο

λαοὶ ὑπ' ᾿Αργείων

sive *laborare sinistrum sui exercitus cornu*, quod insectabantur Idomeneus aliique duces.

N 765: *Hector* in praelium et Achivorum vallum suos cogens Paridem

ἤϊρε μάχης ἐπ' ἀριστερὰ δακρυόεσσης.

His igitur locis similis est is unde profecti sumus; ibi enim Venus, quae stat a parte *Troianorum*, postquam a Diomede vulnerata, dein ab Iride e pugnae tumultu abducta est,

ἤϊρεν ἔπειτα μάχης ἐπ' ἀριστερὰ θοῦρον ᾿Αρηά

ἤμενον· ἥρι δ' ἔγχος ἐκέκλιτο καὶ ταχέ' ἴππῳ.

*Adiit Martem prope flumen Scamandrum sedentem* <sup>1)</sup>, qui hastam nubi acclinaverat, — *solidas* enim nubes sibi fingit poeta <sup>2)</sup>, — bigas ibi pasci interim sinens <sup>3)</sup>, ut mox Iuno <sup>4)</sup>.

1) Cf. vs. 36.

2) Cf. E 749—751 T 150, 446 al.

3) Per zeugmatis figuram verbum κλίνεσθαι etiam ad equos refertur.

4) Cf. vs. 774—777.

Alia, minime tamen contraria, est ratio versuum P 116 et 682, non enim de *Troianorum* ducibus ibi fit sermo, sed de *Menelao*. Hic autem illis locis *respicit* versus naves, a manu igitur sinistra habet flumen:

᾽στῇ δὲ μεταστρεφθεῖς, ἐπεὶ ἴκετο γέθνος ἑταίρων,  
παπταίνων Αἴαντα μέγαν, Τελαμώνιον υἱόν.  
τὸν δὲ μάλ' αἰψ' ἐνόησε μάχης ἐπ' ἀριστερὰ πάσης.

et: *ex acie abiit Menelaus, et aciem Achivorum dum oculis lustrat, Antilochum quem quaerit*

μάλ' αἰψ' ἐνόησε μάχης ἐπ' ἀριστερὰ πάσης.

Etiam alia ratio est versuum N 308 sq. et 326, ubi Meriones et Idomeneus *de exercitu hostili* sibi opposito loquuntur. Rogat Meriones, Idomenei comes:

Δευκαλίδη, πῇ τ' ἄρ' μέμονας καταδύμεν' ὄμιλον;  
ἢ ἐπὶ δεξιόφιν παντὸς στρατοῦ ἢ ἀνὰ μέσσοις,  
ἢ ἐπ' ἀριστερόφιν;

*mediūne hostium agmen invasurus es, an dextrum eorum cornu, an sinistrum (Scamandro vicinum)? Cui Idomeneus respondet: mediam castrorum partem alii tuebuntur,*

νῶϊν δ' ὧδ' ἐπ' ἀριστερ' ἔχε στρατοῦ,

*tu vero sinistrum hostium cornu pete.* De *dextro* hostium cornu tacet <sup>1)</sup>, quia ab ea parte minus erat periculi; ibi enim *Achilles* naves et tabernacula habebat; qui licet pugnae non iam esset particeps, sat cito tamen *Troianos* repulsurus erat si castrorum partem eam, quam ipse obtinebat, adorirentur <sup>2)</sup>, neque quisquam dubitabat quin posset repellere. Et *hanc* ipsam ob causam poeta identidem narravit a *Scamandri* potissimum parte pugnatum esse.

Denique versus quidam bis obvius hic commemorandus est, licet a quaestione in qua versamur sit alienus, ubi *Troianorum* exercitum aquila praetervolans ἐπ' ἀριστερὰ ἐτέργειν dicitur <sup>3)</sup>. Illic ἐτέργειν verbum eo sensu est adhibitum quo apud *Herodotum* *Xerxis* copiae, montem vel regionem aliquam dum praetervehuntur, ἐν ἀριστερῇ vel ἐν δεξιῇ ἀπέργειν dicuntur haud

1) Est ea pars exercitus Troiani quae πρὸς ἄλλος excubare dicitur K 428; ἰσχατὴν πολέμοιο idem locus audit T 328 sq.

2) Cf. I 650—655.

3) Cf. M 201 = 219.

uno loco <sup>1)</sup>. Aquila, quae *ab oriente* veniens, ut omina quaelibet <sup>2)</sup>, frontem aciei Troianorum *septentrionem* spectantium *sinistrorsum* praetervolat, milites habet a parte sinistra. Hoc igitur loco ἐπ' ἀριστερὰ aquilae ratione habita dicitur, non Troianorum.

E 576—579. Paucis verbis defungi licet de his versibus. Occiditur hoc loco Pylaemenes is, qui N 658 etiam inter vivos commemoratur. Hanc molestiam Zenodotus remove conatus est coniectura inepta, nam altero loco pro nomine Πυλαίμενεος sive eius qui *in porta hostes manet* = *urbem defendit* substituebat quod nihil est Κυλαίμενεος. Aristarchus *homonymos* viros duos ab Homero commemoratos esse sibi persuasit, et ut hanc rem, quae veri est dissimillima, credibilem certe redderet, cuncta nomina homonyma per totum Homerum sedulo enotabat. Nemo est hodie qui Aristarcho adstipuletur: discrepare alterum versum ab altero inter omnes constat; itaque aut versus N 658 sq. postmodo insertos esse — quod facile potuit fieri — sumendum est, aut ipsum poetam illic memoria esse lapsum, id quod minime inaudita fuit socordiae. „In *Esmond*, Thackeray makes similar errors” (A. Lang), et e Shakespearii Goethii Schilleri aliorum poetarum operibus nihilo leviores errores prolati sunt a Carolo Rothio, Othone Jaegero, aliis.

Nullum igitur, quod aliquam persuasionem habeat, hinc peti potest argumentum ab iis quibus Ilias e variorum carminum fragmentis consarcinata videtur. Neque plus valet Adrastus post mortem <sup>3)</sup> iterum a Diomede occisus <sup>4)</sup>, tertium a Patroclo <sup>5)</sup>. Nam hic revera utendum videtur ea quam modo commemoravimus doctrina Aristarchi: pro homonymis hos homines habuisse videtur poeta Iliadis.

(Continuabuntur).

1) Cf. Herodot. VII 43, 110, 112 VIII 35, nec non apud Homerum B 617, 845 Ω 544.

2) Nam sic interpretandi videntur M 238—240.

3) Cf. Z 63.

4) Cf. A 333.

5) Cf. Π 694.

## DE TIBULLO POETA.

SCRIPSIT

J. J. HARTMAN.



Qui nuper docta sane et copiosa disputatione demonstravit Tibullum iniuria semper visum esse amorum cantorem praestantissimum, F. Iacobyus professor Kieloniensis, is cum omnino fundamentis a se iactis — et sunt ea solidissima vastissimaque — satis confidere videatur, semel, nisi me legentem fefellit opinio, haud leviter dubitare incipit, ideoque rem, unde dubitatio illa nascitur, obiter tantummodo attingit et quam primum ad alia omnia transit. Sed tota illa disputatio qualis sit primum videntum. Legitur in Musei Rhenaui vol. 64 et 65, impletque paginas 86, et novimus paginas illas constipatis literis: si eas ad mensuram editionis alicuius pervulgatae referimus, dici potest vir clarissimus de singulis poetae versibus plus quaternarum paginarum conscripsisse commentarium. En eximiam doctrinam summaque dignam admiratione! Sed quis non sponte intelligit quantae molis fuerit de suo laudis fastigio poetam depellere quem tot saecula amassent maximique fecissent, et ad abiectissimam illam detrudere hominum nationem, qui de ea re quam neque norint neque senserint unquam e variis atque undique collectis laciniis canoras conflent nugas? Et quid de Tibullo nos iudicemus, si verum est quod docet Iacobyus eum modo Horatium, modo Propertium imitatum, carmen scribere coepisse de vitae rusticae felicitate, sed in medio labore illo subito intellexisse, cum ex distichis illud esset compositum, utique aliquid esse inserendum de amore, ut iusta nasceretur elegia,

qualem postularet librorum de arte poetica caput eo pertinens; cumque poetae Romani nullum aliud amorem notum haberent quam eum quem nova Graecorum comoedia in scenam introduxisset, ideo Tibullum laudibus illis vitae simplicis, qualis fuit hominum qui Saturno regnante vixerunt, addidisse versiculos quibus nobis ante oculos ponitur adolescentulus aliquis MenandreuS, quem mulierculae levissimae amor variis modis vexat et ad omne nocturnorum impellit genus proeliorum. Sed nolo cum docto illo Hercule inire certamen; sentio enim quam infirmus meus sit clipeus et quam brevis gladius. Tantummodo submissa voce plenusque timoris et dubitationis hanc pronuntio coniecturam: esse quasdam res quas satius sit omnino non tangere quam nimis solida ponderosaque obruere atque prosternere doctrina. Esto: Iacoby o iudice e prima Tibulli elegia luce clarius apparet quid esset canere amorem neque scivisse Tibullum neque curasse. Suum amorem, nam mirum aliquid et Tibullo evenit et severo qui eum condemnavit iudici . . . fecit enim (et quin fecerit neque ego dubito neque dubitat Iacobyus) Tibullus quinque elegiolas paulo plus centum continentes versus, sed in quibus omnia insunt quae in arte elegiaca splendent nitentque. Nihil unquam apud ullum cantatum est populum quod illis praestet: tam penitus sentit poeta ipsam rem de qua agitur, tantam in promptu habet lepidissimorum copiam ornamentorum quibus eam legentibus commendet. Heinius, ubi in editione sua ad eas pervenit, continere se non potest quin exclamet sermone illo elegantissimo, quo tunc viri docti apud Germanos uti et poterant et solebant:

„sequuntur carmina ad meum sensum mellitissima et venustissima ex tota antiquitate Romana” e. q. s.

neque minus est honorificum testimonium quod iis sermone suo patrio dat Baehrensius, qui inter eos, qui elegiacis Romanis operam dederunt, semper primum tenebit locum: quamvis enim multa protulerit quae nemini mortalium possint placere

*πολλοῖσιν ἱσθλοῖς τὸνδ' ἀπαθεῖται ψόγον.*

Haec enim eius sunt verba: „es muss ein Dichter ersten Ranges gewesen sein, der diese *anmuthigsten Perlen* römischer Poesie uns geliefert hat”.

Atque elegiolarum illarum, quae suos sibi habebunt admiratores, quamdiu in honore literarum erunt, elegiolarum in quibus haud facile

dicas arsne maior sit an veritas, *amorem* habent argumentum, non ipsius poetae, sed Sulpiciae cuiusdam et Cerinthi, Graeculi venusti; sed sive poeta Sulpiciam inducit loquentem sive ipse suis verbis amorem eius cantat, omnia semper vitae, semper ardoris plena sunt sinceri. Profecto difficile dictu est in natura rerum, earum praesertim quae ad mentem humanam pertinent quid possit oriri

quid nequeat, finita potestas denique cuique

quanam sit ratione atque alte terminus haerens

sed hoc equidem confidenter pronuntiaverim tale hominis monstrum exstare nunquam potuisse, qui quamdiu alienos cantet amores omnes omnium saeculorum poetas aut vincat aut certe aequiparet, sed simulatque proprios affectus ad elegias referre incipiat adolescentulus fiat ineptissimus, qui Orbilii sui locos teneat in promptuque habeat sed adeo omnis sit iudicii venustatisque expers ut ne illos quidem ipsos apte possit disponere. Non enim hoc aliquis hic possit uti perfugio ut alii alia aetati poetae adscribat carmina: iuvenem enim vix triginta annorum obiisse Tibullum e Marsi constat verbis <sup>1)</sup>:

Te quoque Virgilio comitem non aequa, Tibulle,

Mors iuvenem campos misit ad Elysios

et, nisi constaret, tamen hae elegiolae, quamvis sint perfecti et consummati poetae, tamen iuvenilem prae se ferunt ardorem, auctoremque produnt eius aetatis cuius fuit Tibullus cum librum, qui in editionibus primus est, ederet in lucem, secundum aut ederet aut componeret.

Non ergo sine causa Baehrensius de elegiolarum nostrarum poeta haec pronuntiat:

„Gruppe zweifelte nicht daran dass sie von Tibull's Meisterhand stammen. Allein die Darstellung ist zu ruhig, zu objectiv und streng an die Sache sich haltend als dass man dem stets subjectiven, stets abschweifenden und von einander wiederstrebenden Gefühlen hin und her geworfenen Tibull so etwas zutrauen könnte“.

In quo ingeniosissimi critici iudicio haud pauca insunt quae lubenter mea facio. Egregie hic veri Tibulli vera describitur

1) V. Cartaltium Introd. c. I.

indoles. Dicebam me impugnare nolle editam illam firmissimeque munitam stupendae doctrinae arcem quam Iacobyus exstruxit, neque contra eius copias undique ferratas misellam Tibulli elegiam primam defendere ausim. Neque enim quid sibi ea componenda poeta voluisset unquam bene intellexi, neque nunc intelligo. Sed iusto iniquius propter unam elegiam de toto poetae opere Iacobyum statuuisse mihi pro certo constat. Ego, si mihi demonstrandum est, quid inter Romanos intersit elegiacos, hisce uti soleo formulis: Ovidius per totam vitam lascivus fuit adolescentulus, qui „quae bene cederent nesciret relinquere” <sup>1)</sup>; et nimis bene ei cedebant omnia; ergo, ne tristissimas quidem res tractans serius esse potest sed ludibrio habet et semet ipsum et argumentum suum et vel maxime legentes. Propertius quod semel arripuit argumentum ei totum se dedit ardentissimoque id amplexatur amore; ut est fervido vehementique ingenio ita quaecunque ei in mentem veniunt imagines atque ornamenta poetica — et est eorum ingens numerus — profundit, non omnem quidem negligens ordinem sed ita tamen ut intelligere eum is tantummodo possit qui se in eius insinuaverit familiaritatem . . . ergoque eum habeat in deliciis. At Tibullus somniantis instar ab alia specie et cogitatione ad aliam delabitur, cognatam quidem priori sed tamen leviter ab ea discrepantem, donec tandem eo rem deduxerit ut non minus quam qui carmen eius legit unde illud fecerit initium oblitus esse videatur. Vides meum de Tibullo iudicium mire cum Baehrensiano illo concinere. Quod ne de nihilo fictum videatur *unam* eius hic percurram elegiam; qua si ut totam poetae indolem in clara ponam luce mihi contigerit, aequior mihi fuisse videbor iudex quam qui una elegia usus eum turpi condemnavit iudicio. Sumam libri primi tertiam, quae mihi semper visa est ceteris omnibus praestare.

Cohorti praetoriae adscriptum se et cum Messalla ad bellum profectum poeta, in insula Corecra, ubi in morbum sit implicatus, relictum conqueritur. De morbo illo lamentatur, qui quin sibi sit futurus funestus non dubitat; Isidem invocatur quam sua Delia semper tam pie coluerit; „at ego” ait „a patriis potius

---

1) Sen. Rh. IX, 5.

diis opem petam: o quam felices erant antiqui homines Saturno regnante; tum nulla navis mare sulcabat; at nunc mihi in remota insula est moriendum; — iam paratum poeta habet titulum suum sepulcralem —; una res me solatur quod mihi, fideli Amoris cultori, in campis Elysiis certum est paratum domicilium; est et scelerata quaedam sedes apud inferos: eo deveniunt quicunque Amorem laeserunt; ergo, Delia, etiam atque etiam te moneo casta maneat fidelisque”. Iuvat ultimos elegiae exscribere versus, ne referendum mihi eorum sit argumentum, quod nemo mortalium suis invertere possit verbis quin turpiter corrumpat:

At tu casta precor maneat, sanctique pudoris  
 Assideat custos sedula semper anus.  
 Haec tibi fabellas referat positaque lucerna  
 Deducat plena stamina longa colu,  
 At circa gravibus pensis affixa puella  
 Paulatim somno fessa remittat opus.  
*Tum veniam subito*, nec quisquam nuntiet ante,  
 Sed videar caelo missus adesse tibi:  
 Tunc mihi, qualis eris, longos turbata capillos,  
 Obvia nudato, Delia, curre pede.  
 Hoc precor, hunc illum nobis Aurora nitentem  
 Luciferum roseis candida portet equis.

Atque ex animi sententia tecum hoc, Albi, precamur, candidum pectus! Nam amamus te et ingenium tuum admiramur; verum, heus tu, morbus iste quorsum abiit, quorsum Phaeacum insula, quorsum tu ipse Messallae comes? In nubium, ut opinor, rempublicam avium cantu personantem amoenissimo.

Baehrensianae editionis exemplari, quo uti soleo, elegiarum Tibulli omnium praemisi brevem conspectum quem ad usum meum composui; quem cum conscripsissem totius rei hanc quodammodo summam feci:

Quae nova sint vere fers, Albi, pauca, sed illa  
 Lumine quam claro quam proprioque nitent!  
 Tam lepideque tuas calles adiungere gemmas  
 Antiquae gazae, fiat ut *omne* novum.

Non, hercle, ego negaverim saepe admodum esse difficile poetam nostrum per inflexas suas tortuosasque comitari semitas, ut



mirandum non sit identidem viros doctos ad omne transpositionum confugisse genus. Minus etiam negare ausim saepe nos ad desperationem adigi doctrina illa antiquaria qua legentes obruit poeta; istam vero Phoebi laudationem (II, 5) qui enucleaverit „virum putabo”, qui ullo modo laudare voluerit „hominem non putabo”. Sed multo lubentius declaro Tibullum legenti mihi verum poetam stare ante oculos, qui multis egregiisque virtutibus vitia compenset in carminum dispositione praesertim conspicua. *Gemmas* vero illas, quas dicebam, quo magis agnoscamus, unam etiam percurram elegiam, libri II sextam, quae illarum continet splendidissimam.

„Malbrouck s'en va-t-en guerre”. Immo vero: „castra Macer sequitur. Sed huc quoque eum Amor comitabitur; aut si militibus Amor parcit, ego quoque do nomen militiae. Nam et ego fortis sum, sed me clausae puellae fores frangunt debilitantque. O quam miser ego sum; mori vellem nisi Spes me sustentaret — sequitur illius deae praestantissima laudatio sex versus implens — illa mihi promittit Nemesim mihi lenem fore facilemque. Parce mihi, Nemesis, hoc te obsecro per dulcissimae sororculae memoriam . . .” Hic inseritur immortale illud episodium de puellula illa saeva morte rapta, quod totum exscribam ne quidquam praeclari artificii pereat:

Parce, per immatura tuae precor ossa sororis:

Sic bene sub tenera parva quiescat humo.

Illa mihi sancta est, illius dona sepulcro

Et madefacta meis sarta feram lacrimis;

Illius ad tumultum fugiam supplexque sedebo

Et mea cum muto fata querar cinere.

Non feret usque suum te propter flere clientem:

Illius ut verbis, sis mihi lenta veto,

Ne tibi neglecti mittant mala somnia Manes,

Maestaque sopitae stet soror ante torum,

Qualis ab excelsa praeceps delapsa fenestra

Venit ad infernos sanguinolenta lacus.

„Sed contineo me, ne tristis fiat mea Nemesis, et tristem eam esse nolo, non ita de me est merita; non enim ipsa me tam reddidit miserum, ipsa insons est; malorum omnium sola lena causa est; haec me oppugnat, haec efficit ut anxius identidem memetipsum rogem

Quisve meam teneat, quot teneatve modis.

Tunc tibi, lena, precor diras: satis anxia vives <sup>1)</sup>

Moverit e votis pars quotacunque deos."

Atque haec tam variis abundans ornamentis elegia non plus viginti septem implet disticha. Ecquid iure de gemmis dixi efficientibus ut totum quodammodo novum existeret carmen? Esto, habemus poetam duorum librorum, in quibus tam multa deprehendimus admiramurque praeclara ut si quid minus placet — dummodo ne nimis doctrinam nostram grammaticam amemus — nosmet ipsos quam poetam accusare malimus. Quid vero si eiusdem esse sumpserimus quinque elegiolas, a libris illis satis diversas, sed in suo genere tam praeclaras ut nulla eos digne sit laudatura aetas? Nonne revera *magnum* nacti erimus poetam, quem numquam nobis eripi simus passuri, etiamsi omnes nostri saeculi coniurent Cratetes Zenodotique eique admoveant rationes illas quas unice veras esse pronuntiaverint qui nunc regii sunt philologi? Et quidni sumamus? Tamquam Tibulli nobis sunt traditae — hoc, per se spectatum, leve est, nam Tibulli nomen prae se ferunt etiam ineptae illae *Lygdami* elegiae et puerilis iste *Panegyricus Messalae*, sed accedit aliquid quod codicibus egregium addat praesidium: de Sulpicia quadam agitur, muliere nobili, quae in tutela est Messalae, quo patrono utebatur Tibullus, et tantum non certum est illum Messalam fuisse Sulpiciae avunculum. Nonne obstinatae sit iniquitatis contendere etiam ut praeclaro hoc titulo Tibullum nostrum spoliemus? Nonne Baehrensium propter discrepantiam quae inter libros et elegiolas intersit illas librorum auctori abiudicans sibi arrogat quod non suae sit dicionis? Rideremus eum si contenderet non unius esse hominis bene Graece et bene Latine scribere; quanto maiore eum rideamus iure definientem quid poeta possit, quid non possit? Sed quid hic Baehrensium impugno? <sup>2)</sup> Nostrae

1) Sic legendum censeo, *vives*, non *vivas*; futurum requirit et syntaxis et sententia: non in votum sed in rei ex votis nasciturae demonstrationem exire hic locus debet; denique *satis* recte cum futuro, male cum coniunctivo iungitur. Quodsi quis dicat *vivas* hic esse ζῶης ἔν, is me adiuvet, non refellat. Cur enim poeta elegerit id quod ambiguum esset, reliquerit quod disertum?

2) Olim plerumque elegiolarum nostrarum Tibullo abiudicabantur, certe Tibulli eas esse negarunt Brouckhusius et Heinius. Praeclara, profecto, nomina, sed me Cartaltii rationes magis movent.

aetatis viri docti, quorum summa iam est auctoritas, Cartaltium dico Iacobyumque, quin elegiolae nostrae Tibulli sint non dubitant. Ad hos ergo provoco donec exstiterit qui ad Baehrensii redire malit rationes.

Profecto magnus poeta fuit Tibullus, sed nobis, sero natae posteritati, talem se in elegiis multo magis quam in libris exhibet. Has ergo paulo accuratius aspiciamus; sic fortasse in clariore etiam luce eius ponere virtutes poterimus, certe aptam ea res nobis praebebit facultatem de uno alteroque versu nostrae proferendae sententiae.

Prima ergo elegiola poeta Sulpiciae describit veneres, contemplari se eam fingens dum Kalendis Martiis rem facit divinam. Et primis quidem versibus Martem ipsum ad eam advocat, suntque illi versus mirae festivitatis, ibi *tenerorum* lusor amorum terribilem belli deum ludibrio habet:

Sulpicia est tibi culta tuis, Mars *magne*, Kalendis:

Spectatum e caelo, *si sapias*, ipse veni.

Hoc Venus ignoscet: at tu, violente, caveto

Ne tibi miranti turpiter arma cadant.

In quibus illud *si sapias* parum accurate Heinus sic explicat: „si iudicium et sensum elegantiae habes”. Nam inest quidem illud his verbis, sed potius subest; quod aperte poeta dicit hoc est: „nisi mavis tua culpa carere spectaculo quo nullum tibi unquam pulchrius est oblatum”. Sic proprius illud *si sapias* accedit ad usitatam hanc formulae significationem, ut quem sic alloqueris periculi alicuius vitandi admoneas; eleganter simul et accurate Wunderlichius ad Catulli versum 35, 7:

Quare, si sapiet, viam vorabit

annotat: „si rebus suis satis prospiciet”.

Ne quis autem versu 3, de prosodia nimis sollicitus, *sed* legat pro *at*, concessa licentia poetam usum moneo ut ingratum vitaret sonum *ignoscet sed*.

Tum (omitto distichon quod in hac causa minoris est momenti) sic puellae veneres poeta laudat:

Illam, quidquid agit, quoquo vestigia movit,

Componit furtim subsequiturque Decor.

Seu solvit crines, fuis decet esset capillis:

Seu compsit, comptis est veneranda comis.

Urit, seu Tyria voluit procedere palla;

Urit seu nivea candida veste venit.

Haud equidem mirer si quis, ne Tibullum elegiolarum nostrarum poetam faciat, Ovidio eas ascribat. De eo etiam Baehrensius cogitasse videtur cum haec scriberet:

„Im Kreise Messalla's verkehrten doch nicht bloß solche Dilettanten, wie wir sie in Lygdamus, dem Verfasser des Panegyricus, des Culex u. s. w. kennen! Zu demselben gehörten doch auch wahre Dichter wie Ovid und andere“.

Nam quod addit:

„Ja, wer will uns verbürgen, dass nicht Messalla selbst die Liebe seiner Nichte poetisch zu verklären unternahm?“  
ludere vir praestantissimus videtur.

Certe sex hi versiculi quodammodo colorem quandam habent Ovidianum; sed quam verecunde se intra iustos continet terminos noster. Ovidius vix viginti hic contentus fuisset versibus.

Est et alius poeta, cuius hic recordamur, Propertius. Cui enim non illa *seu* — *seu* in mentem vocant distichon notissimum:

Seu quidquid fecit, sive est quodcunque locuta,

Maxima de nihilo nascitur historia?

Sed nunc quoque uterque poeta est qualis esse solet: vehementior ardentiorque Propertius, lenior placidiorque Tibullus.

Talem ergo puellam dignam poeta clamat rebus quas orbis terrarum fert pretiosissimis. Has quoque sex enumerat versibus (15—20), tum quod quatuor versuum invocatione carmen inchoavit, quatuor versuum invocatione claudit (21—24). Nulla unquam elegia aptius elegantiusque fuit composita. Labet rem in tabula proponere:

Invocatio ad Martem	II disticha
transitorium distichon	I
Sulpiciae veneres describuntur	III distichis
vs. 13 sq. transitorium distichon	I
Dona Sulpiciae offerenda describuntur	III distichis
Clauditur carmen Musarum et Apollinis invocatione	II disticha implente.

De hac pauca etiam dicenda restant:

21 Hanc vos, Pierides, festis cantate Kalendis,  
Et testudinea Phoebe superbe lyra.

Hoc sollemne sacrum multos *haec sumet* in annos:

Dignior est vestro nulla puella choro.

vs. 23 *haec sumet* edidit Baehrensius, sed sensit utique coniunctivo opus esse, nam coniecit *haec visat*, quod nemo, ut opinor, probabit. Quanto rectius codicis Guelferbytani manus secunda *sumat* praebet! Sed ne hoc quidem Tibullus scribere potuit; non enim tolerandum videtur istud „*hoc sacrum haec sumat*”. Intellexit hoc, ut opinor, Scaliger qui *consummet* legi iubet. Sed huic verbo nullus hic locus est; requiritur verbum quod, ut ita dicam, nullum proprium habeat colorem, sed rem quam simplicissime significet. Praestantissima ergo est lectio quam „Itali” non excogitasse sed servasse videntur: *celebretur*. Vide quam egregie nunc egregiae elegiae decurrat clausula:

*Hanc* vos, Pierides, festis cantate Kalendis,

Et testudinea, Phoebe superbe, lyra.

*Hoc* sollemne sacrum multos *celebretur* in annos:

Dignior est *vestro* nulla puella choro.

Nonne suavissime, et ad sensum aptissime, pronomina variantur, interiecto verbo in passivo?

Et quale futurum totum hoc corpusculum eroticum promittit praefatio, quam iam percucurrimus, talem se praebet, uberius promissis etiam, statim quae prima sequitur elegiola: venustissima est facetissimaque. Hic autem non Sulpiciam poeta laudat sed ipsam loquentem inducit: anxia est sollicitaque, nam venatum profectus est Cerinthus. Iam primi quatuor versus rem nos docent quam mox in usum nostrum possimus convertere. Certe tam lepidi sunt ut me quin exscribam non possim continere:

Parce meo iuveni, seu quis bona pascua campi

Seu colis umbrosi devia montis aper,

Nec tibi sit duros acuisse in praelia dentes:

Incolumem custos hunc mihi servet Amor.

*Parce meo iuveni*: nonne et e tribus hisce vocabulis et e toto huius loci colore, qui materculam deceat dilecto timentem filiolo, *maturam* agnoscis virginem de adolescentulo, vixdum pueritiam egresso, sollicitam? Sequuntur haec:

5 Sed procul abducit venandi Delia cura:

O pereant silvae, deficientque canes!

Quis furor est, quae mens, densos indagine colles

Claudentem teneras laedere velle manus?

Hic ego versu 5 semper suspicor non *sed* legendum esse verum *nam*. Quod fortasse non necessarium, dummodo recordemur post enuntiatum *negativum* semper *sed* vernacule ita esse verendum tamquam si *nam* legeretur. Tamen ad meam me coniecturam statim reducit initium loci quem poeta subiicit:

*Sed* tamen, ut tecum liceat, Cerinthe, vagari,

Ipsa ego per montes retia torta feram,

Ipsa ego velocis quaeram vestigia cervi

Et demam celeri ferrea vincla cani.

Eadem enim particula tam brevi spatio repetita maculam quandam aspergit tantae venustati, levem quidem sed tamen maculam.

Additque haec quae quam maxime quam sibi tum sit grata futura venatio significant:

Tunc mihi, tunc placeant silvae, si lux mea, tecum

Arguar ante ipsas concubuisse plagas.

Totum hoc ἀπροσδόκητον, haud nego, Ovidiani aliquid habet. In mentem mihi certe hic noti illi versus veniunt, qui et ipsi rem modo commemoratam quodammodo in contrarium vertunt:

Quoque loco tecum fuerim quotiesque, Cupassi,

Narrabo dominae quotque quibusque locis.

Sed tamen in illo quoque adhibendo flosculo quanto verecundior Tibullus, quantoque sincerior! Et quam egregie Sulpicia hoc utitur artificio ut sui erga fidelem virginem officii admoneat puerum, iam levem fortasse:

Tunc veniat licet ad casses, illaesus abibit,

Ne Veneris cupidae gaudia turbet, aper.

Nunc sine me sit nulla Venus, sed lege Dianae,

Caste puer, casta retia tange manu;

Et quaecunque meo furtim subrepat amori,

Incidat in saevas diripienda feras.

Habent haec quoque colorem Ovidianum; sed Ovidius hic quantopere indulsisset ingenio suo (cogita modo de Cephalo et Procride in *Metamorphosesin*), quantoque ipsa brevitate disertior Tibullus!

Fere totam iam aureolam exscripsi elegiam. Duo tantum supersunt versiculi quibus egregie clauditur:

At tu venandi studium concede parenti

Et celer in nostros ipse recurre sinus.

Hic quoque agnoscimus adolescentulum qui nondum sui sit iuris, immo vero vix robustus satis ut identidem patrem venantem comitari ei liceat. Et, quod simul nos docet totam hanc narratiunculam de Sulpiciae Cerinthique amore non de nihilo fictam sed ex ipsa vita sumptam, videmus Graeculum illum obscuriore loco natum, qui patrem habeat venando quaerentem victum.

Longe aliud est tertiae elegiolae argumentum: aegrotat Sulpicia. Hoc ornamento nullus liber de amore carere potest, sed vide quanta in communi quoque illo atque adeo decantato loco sit praestantissimi poetae ars. Non amatorem inducit querentem de periculo ambobus imminente sed ipse pro iis medicae artis deum invocat. Iam quantum illud sit periculum apparet e repetitione quam primum exhibet distichon:

*Huc ades et tenerae morbos expelle puellae*

*Huc ades, intonsa Phoebe superbe coma.*

Et tamquam si nondum sufficiat illa, obtestandi adiicit formulam

*Crede mihi, propera*

i. e. noli putare me ante tempus metuere: festinatione opus est. Quoque magis deum permoveat, eum admonet honoris, quem nunc possit obtinere:

nec te iam, Phoebe, pigebit

Formosae medicas applicuisse manus.

Memor hic, si recte video, poeta est locorum apud alios poetas (non enim apud Lucilium solum illud olim lectum fuisse suspicor), ubi Apollo se *pulchrum* quidem dici sed neque diis neque hominibus venerabilem videri queritur. Plura sunt in hac elegia quae eodem tendere videntur, et fortasse ad hanc lucem mox locum quendam corruptum sanare poterimus.

Tum quid Apollini sit faciendum sic describitur:

5 Effice ne macies pallentes occupet artus

Neu notet informis pallida membra color.

Et quodcunque mali est et quidquid triste timemus,

In pelagus rapidis evehat amnis aquis.

Sancte, veni, tecumque feras, quicunque sapes

Quicunque et cantus corpora fessa levant.

vs. 5 sq. *pallentes* . . . . *pallida*. Tam ineptam repetitionem ab egregio profectam credamus poeta? Non credidit Baehrensius, neque credit Cartaltius, sed hic tamen accipere non audet quod offerunt *οι στυματῆαι*, quamquam unice verum illud est: *candida*. In praecedentibus egregie dicitur „effice ne macies pallentes occupet artus” i. e. effice ne tabescat pallescatque Sulpicia; sed in enuntiato „neu notet informis . . . . membra color” substantivum *membra* epitheton requirit quod *oppositum* sit illi quo substantivum *color* ornatur. Nullum autem aptius quam *candida* illud „Italorum”. *Candida membra* formosae sunt virginis integrisque florentis viribus corporis.

Versu 8 quantocius recipiatur Heinsii emendatio *devehat*. Non enim, ut opinor, *fluvii* est *evehere* sed *venti* quidquid leve est in montium tollentis cacumina.

Propter Cerinthus se haec precari sic poeta declarat:

Neu iuvenem torque, metuit qui fata puellae

Votaque pro domina vix numeranda facit.

Interdum vovet, interdum quod langueat illa

Dicit in aeternos aspera verba deos.

Sed subito ad ipsum conversus Cerinthus sic pergit:

15 Pone metum Cerinthe: deus non laedit amantes

Tu modo semper ama: salva puella tibi est.

21 Nil opus est fletu: lacrimis erit aptius uti

Si quando fuerit tristior illa tibi.

17 At nunc tota tua est, te solum candida secum

Cogitat, et frustra credula turba sedet.

Hanc versuum transpositionem, quam numeris additis significavi, nemo nostri temporis editorum tam tenax est traditi quin lubenter ab „Italis” recipiat. Tam multa tamque egregia illi nobis viri iam donaverunt ut satis mirari non possim cur hodierni philologi saepe etiam lenissimas eorum emendationes tam anxie vitent. Quod, quaeso, est istud periculum? An verum esse desiit quod innumeris excussis codicibus pronuntiavit Baehrensius (Tib. Praef. p. ix):

„sane haud raro *praeclara opera* corruptelas antiquas sustulerunt”?



Haud, ut opinor, magnum capiet respublica nostra detrimentum etiamsi iusto saepius erimus obsecuti talibus viris, quorum *praeclara* interdum enituit opera! Sed de ipsis versibus videamus. Haud dissimilis hic nobis Cerinthus depingitur Protesilai Ovidiani, de quo sua Laodamia haec exclamat:

Bella gerant alii, Protesilaus amat.

Hic, si fieri potest, festivior etiam Ovidius quam Tibullus. Certe admodum utilis hic locus est ad demonstrandum etiam in simillimis adhibendis ornamentis quantopere hi poetae inter se discrepent. Quod ideo toties moneo quia semper metuo ne quando Baehrensiana illa suspicio, de qua supra dixi, renascatur. Sed multo maius hoc videtur periculum ne aliquando aliquis nobis obtrudatur imitator Ovidii, qui hasce elegiolas confinxerit. Nobis iam constat harum poetam Ovidio parem et tamen ab eo admodum diversum fuisse. Sed nusquam clarius quam hic apparet quanto ille artificio sibi transitum ad nova argumenta parare soleat. Velut hic aptissime Cerinthis metu utitur ad Sulpiciae fidem confirmandam. Fidelem enim futuram certa spes est eam quae de se haec affirmari legat:

At nunc tota tua est, te solum candida secum

Cogitat et frustra credula turba sedet.

*Frustra credula turba sedet.* Nihil unquam legi festivius: adsidet Sulpiciae foribus amatorum turba, sed frustra credunt miseri unquam sibi apertum iri ianuam!

Iam exhaustit materiem suam praeclarus poeta, clauditque carmen nova Apollinis invocatione:

Phoebe, fave; laus magna tibi tribuetur in uno

*Corpore servato restituisse duos.*

Haec quoque Ovidianum habent colorem, sed subito novi aliquid noster adiecit quod peculiare toti praebeat carmini decus:

Iam celebrer, iam *laetus* eris, cum debita reddet

Certatim sanctis *laetus* uterque focus.

Tum te felicem dicet pia turba deorum,

Optabunt artes et sibi quisque tuas.

Sed hic ante omnia turpissima est delenda macula. Nam in servitutem addictus sit lectionibus traditis qui in tersissimo poeta istam ferat repetitionem *laetus . . . laetus*. Prudenter omnino et lepide annotat Cartaltius: „il semble qu'ici Tibulle ait eu une

raison pour insister sur le fait que le dénouement, joyeux pour les deux amants, le sera aussi pour le dieu sauveur", sed pauperculi poetae est tale requirere auxilium. Nihil enim tam inepte dictum est quin eiusmodi possit defendi explicationibus. Me si roges quid Tibullus scripserit, nihil mihi aptius proprio *laetus* (nam secundum illud unice verum est) reponi posse respondeam quam *magnus*. Nam ét hoc loco ét, quemadmodum modo dicebam, etiam in primis carminis versibus nobis ante oculos ponitur deus, quem sortis suae poeniteat, quem homines diligant amentque magis quam venerentur metuantque, cuiusque in Olympo ars lenis clemensque sordeat si comparetur cum Iovis, Martis aliorum telis armisque. „At si Sulpiciae salutem attuleris" poeta ait

Tunc te felicem dicet pia turba deorum

Optabunt artes et sibi quisque tuas.

Profecto praeclara haec praeclari carminis clausula!

Quarta elegiola denuo verba facit Sulpicia. Res enim adest quae sponte eam faciat disertam. Cerinthis alluxit natalis dies. En aptissimam optima quaeque precandi dilectissimo adolescentulo occasionem! Atque sic intimos suos expromere orditur sensus:

En qui te, Cerinthe, dies dedit, hic mihi sanctus

Atque inter festos semper habendus erit.

Istud *en qui* Baehrensi est, miro hic quoque indulgentis illi studio spernendi id quod simplex nimis videretur, quamvis esset traditum et omnes expleret numeros. In codicibus enim O legitur, quod sensu cassum, *et qui*, sed codex F *qui mihi* exhibet; rectissime: carere enim hic dativo nullo modo possumus; *hic dies te, Cerinthe, dedit* nihili est; *hic dies te mihi dedit* decet puellam totam amoris suo deditam. Sed non solum ideo *qui mihi te, Cerinthe, dies dedit* est legendum quia eiusmodi enuntiatum suum sibi requirit dativum, sed quia sic demum nascitur sententia quae ipsam rem clara perfundat luce. Amat virgo Romana Graeculum, vernulam, ut opinor, certe obscuriore loco natum et amat maturior iam puerulum. Num quidquam magis eam decet quam illius pueri diem natalem vocare diem quo ipsa eum nacta sit tamquam dulce aliquod munusculum suaeque vitae suavissimum oblectamentum?

Te nascente novum Parcae cecinere puellis  
 Servitium et dederunt regna superba tibi.

Adultam fere fuisse virginem suspicor Sulpiciam cum Cerinthus nasceretur, sed iam tum in fati erat ut post multos alios hic eam nova exureret flamma prae qua priores suos amores contemneret et nihili faceret. Hoc evenisse ipsa sic testatur:

Uror ego ante alios: iuvat hoc, Cerinthe, quod uror,  
 Si tibi de nobis mutuus ignis adest.

En unum distichon quod si Tibulli est (et quidni, obsecro, eius sit? Quis unquam talium versiculorum poeta sub alieno potuit latere nomine?) satis eum vindicat a Iacobyano crimine. Talemne poetam amori canendo non fuisse idoneum!

Fortunatam se tali amore Sulpicia praedicat

Mutuus adsit amor, per te dulcissima furta

Perque tuos oculos per geniumque rogo.

Leviusculum fortasse est quod moneo, sed nihil contemnendum quod a quavis macula huiuscemodi defendat versiculos; rectissime *per te* edidit Baehrensius, spreta varia lectione *te per*.

Iam ad ipsum genium conversa precatur:

Magne Geni, cape tura libens votisque faveto,

Si modo, cum de me cogitat, ille calet.

Denuo hic quod praestantissimum est „Italis” debemus, qui nobis illud *calet* vel servarunt vel revocarunt ab inferis; in codicibus O *valet* legitur, quod sensu cassum, in F *volet*, quod turpissimum abiectissimumque. Sed minus felices mihi fuisse videntur in coniiciendo *magne* legendum esse eo loco ubi in suis codicibus aut lacunam haberent aut, quod exhibent O, *mane*. Rem acu tetigit Puccius emendatione sua *alme*. Denique *tura* equidem non tangerem, si nulla re extrinsecus allata mihi moveretur dubitatio. Sed *οι στυγματιαι* *dona* praebent, iure ut opinor. Nam si *tura* scripsisset Tibullus, quis unquam in animum induceret ut pro eo *dona* poneret? Contra *dona* a poeta esse perfectum, cui supra scripta annotatio *tura* (*thura* dant codices) in textum aberraverit perquam est verisimile.

Sed dum precatur, metus Sulpiciae obiicitur: qui, quaeris. Fortasse inanis, minime tamen a re alienus:

Quodsi forte alios iam nunc suspirat amores,

Tunc precor infidos, sancte, relinque focos.

*Iam nunc*: agnoscisne adolescentulum vixdum amori maturum, quem se sibi soli servaturam sperat quidem Sulpicia, sed sollicita sperat timorisque plena?

Tantusque timor iste ut iam sui eam misereat; lacrimantis enim et singultientis sunt quae subiicit:

Nec tu sis iniusta Venus: vel serviat aequae

Vinctus uterque tibi, vel mea vincla leva.

Sed laeta timorem spes lenit atque adeo tollit:

Sed potius valida teneamur uterque catena,

Nulla queat posthac nos soluisse dies.

Hic quoque rem acu tetegisse videntur „Itali”, qui cum in exemplo suo post *posthac* lacunam haberent, illam voce *quam* explerunt. Minus fuerunt felices qui excogitaverunt *nos*, quod in G et in V a manu secunda legitur, quodque recepit Baehrensius; ingrata enim pronomini repetitio quae inest in *teneamur* .... *nos*, sententia vero relativa a *cetera* dependens lepidissime loci structuram variat. Cartaltius, credo ne quidquam miseris deberet Italii, a Rossbergio recepit *hanc*; mihi vehementer displicet ingratus sonus in *posthanc hanc*.

Nam haud de nihilo natam spem illam sibi persuasissimum habet amans puella:

Optat idem iuvenis quod nos, sed tectius optat

Nam pudet haec illum dicere verba palam.

Ipsa, quae diu iam in Amoris militaverit castris haud sine gloria, nova hac exultat superbitque victoria; puero rubor genas notat quamvis se victorem sentiat. Hic pudor ut tollatur opus est, iam in amplexus anxie expectantis advolabit virginis. Sed fortasse ne opus quidem est: si pudorem suum vincere non poterit puer, in tempore aderit Natalis ipse, quem ture et precibus sibi puella reddidit propitium. Hunc ergo denuo invocat:

At tu, Natalis, quoniam deus omnia sentis,

Annue: quid refert, clamne palamne roget?

Unquamne lepidius clausam vidisti lepidam elegiolam? Poterat sane hos versiculos et Ovidius facere (quis praeter eum et Tibullum potuerit non video), sed si fecisset, aliquamdiu etiam, ut opinor, in venustissimo esset immoratus invento ... et sic ultro id corrupisset. Praeclarus poeta noster in tempore se continet.

Atque quemadmodum in toto opusculo omnia quam maximo sunt disposita artificio, sic hoc carmen de Cerinthi die natali respondens sibi habet carmen de die natali Sulpiciae, illo dignissimum simulque aptissimum ad totum libellum claudendum. Quo magis dolendum est quod haud pauca illud commaculant vitia, quae quo modo sint sananda haud facile quisquam pro certo statuat. Totum percurramus, sic aptissime de singulis nostram proponemus sententiam simulque quam praeclarae hic quoque poetae splendeant virtutes indicabimus.

Non loquentem inducit puellam sed pro ea verba facit ipse poeta et a dea, cuius ille dies, optima quaeque precatur. Iam in primo disticho molestiae nihil est:

Natalis Iuno, sanctos cape turis acervos

Quos tibi dat tenera docta puella manu.

Omnia hic sunt verba praestantissimo electa artificio egregieque demonstrant de gravissima iam agi re, quae poetae quam maxime cordi sit. Accedit quod hic rem docemur quam scire nostri magnopere intersit: *docta puella* Sulpicia appellatur, id est carmina facit, nec solum carmina sed quae ipsi Tibullo minime inepta videantur, hoc est cur eius amores sua illustrare arte non dedignatus sit.

Sed sequentis distichi iam prima vox legentem retinet. Est autem illud huiusmodi:

Tota tibi est hodie, tibi se laetissima compsit

Staret ut ante tuos conspicienda focos.

*Tota* sanum esse non potest; primum verum non est Sulpiciam totam iam se tradidisse Iunoni Natali: maiorem, ut opinor, sui partem suo servat Cerintho. Neque si verum esset, id sic latine posset significari: *tota tibi est*. Hoc certe sensit Guietus, sed quod reposuit „*tota tua est*” risum movet: sumpsisse id videtur praestantissimus criticus e sui temporis epistolis, quarum illa iam tum fuerit legitima clausula. Aut si ex elegiola 3 (IV, 4) vs. 17 sumpsit, non reputavit peculiare et a nostri loci sententia plane diversum illius esse consilium. Postquam enim Cerinthum his versibus leviter admonuit periculi in quovis amore semper imminantis ne fidem puella rumpat:

Nil opus est fletu: lacrimis erit aptius uti

Si quando fuerit tristior illa tibi

statim addit poeta:

At nunc tota tua est

ubi illud *tota tua* suam sibi vim habet, qua nostro loco plane caret.

Canterus *lota* correxit, ad sensum recte estque lenis sane ea correctio, sed ipsum vocabulum parum decere videtur totius carminis venustatem. Ambabus arriperem manibus Baehrensii *culta*, si certo scirem recte *colendi* et *comendi* verba sic inter se opponi ut illud ad *vestitum*, hoc ad *capillorum ornatum* referatur. Credo tamen ita se rem habere.

Sequuntur duo disticha quae integerrima ad nos pervenerunt. Plena ergo adest et libera admirandi facultas:

Illam quidem ornandi causas tibi, diva, relegat:

Est tamen, occulte cui placuisse velit.

At tu, sancta, fave, neu quis divellat amantes,

Sed iuveni quaeso mutua vincla para.

Nemo hic, ut opinor, inconstantiae poetam accusabit, qui modo (in praecedenti carmine) Sulpiciam fecerit suum amorem quam apertissime profitentem sed nunc eam (isto *occulte velit*) inducat reticentem illum celantemque. Alia decent pro se loquentem ipsam Sulpiciam, alia poetam eius causam agentem apud summam dearum; hoc est eandem rem variare non „prodigialiter” sed venustissime: ne levissima quidem colorum discrimina praeclarum nostrum fugiunt artificem. Ad Cerinthum quod pertinet, quem hic *iuvenem* poeta vocat (quod moneo non, hercle, quod metuam, ne quis dubitare possit quin de Cerintho sermo sit, sed quia mox ea res observata nobis utilis esse poterit), quod in praecedenti elegia versu 17

optat idem iuvenis quod nos, sed tectius optat

utcumque dissimulavit Sulpicia, id hic poeta palam proloquitur: Cerintho, utpote puero, nihildum subolere de virginis maioris natu ardore.

Additque hanc rationem poeta:

Sic bene compones: *ullae* non ille puellae

Servire aut cuiquam dignior illa viro.

Sic plerumque nunc editur secundum „meliores” codices, spernitur quod *οι στριγματίας* praebent *ulli*. At ego hic quoque illis obtemperandum censeo, non propter ineptum quendam „purissimum” quem vocant, sed quia incredibile mihi videtur tralaticiam

formam *ulli* sprevisse Tibullum, scilicet ut nobis obtrudere posset ingratis sonans istud *ullae . . . puellae*.

Iam sibi fingit exauditas preces suas poeta, iam mutuo amoris ut faveant Superi exoptat:

Nec possit cupidos vigilans deprendere custos

Fallendique vias mille ministret Amor.

Sed hic, ne quid dissimulem, ex arte de poesi amatoria topica locum adhibuit parum hisce aptum amoribus. Etenim *custos* ille nos tantum non cogit de *nupta* cogitare, quam suspicax custodiat maritus. In matrem sollicitam vel gravem avunculum minus ille convenit. Cerinthi vero patrem hic nobis significari caro prospicientem filiolo minime crediderim. Sed in tanta aptissimorum ornamentorum copia facile unum hoc vitium legentem fallit.

Iam ad sacrificium, quod a Sulpicia paratur, deam poeta advocat:

15 Praecipit en natae mater studiosa quod optat

Illa aliud tacita . . . mente rogat.

*Praecipit en* Baehrensius edidit ex Heinsii coniectura. Sed si tanto obloqui fas est viro, hic eum a scopo aberrasse certa mihi stat sententia. Quid enim? In praecedenti disticho:

Annue purpureaque veni perlucida palla

Ter tibi fit libo, ter, dea casta, mero

sacrificium describitur. Num ergo in eo tam insignes sunt *matris* partes ut eam nobis interiectione *en* tamquam primum quoddam sacrificii ornamentum demonstrari consentaneum sit? Immo vero, commemorari illa potest sed leviter tantummodo atque in transitu, deinde quantocius hinc abire debet neque ulla vel nobis vel filiae exhibere negotia. Habebimus hoc si . . . sed primum videamus unde Heinsianum illud *en* natum sit. In codicibus est *praecipit et et praecipit at*, putavitque Heinsius suum *en* in illud *et* errore librarii abiisse. Sed hic, si quid video, summum criticum fefellit ratio: tam *et* quam *at* sunt emendandi conamina a librariis proposita qui in suo exemplari *praecipit* haberent intelligerentque unam desiderari syllabam ut iustus fieret hexameter. Quorum hic „ipsam rem putavit”: *praecipiat* enim legendum est, quemadmodum vidit Drenckhahnus; *opponuntur* inter se mater et filia sic: „*praecipiat* mater, i. e. „*quamvis* mater *praecipiat* . . . illa (filia) . . . rogat”. Iam habemus lineamenta, quomodo supplenda sit tabula sponte apparet; a codicibus recentissimis et interpolatis” suma-





cum rudi puella quae docenda etiam et manu ducenda sit; iam adulta est illa et in hoc certe negotio ipsa matre multo prudentior: matre opus non est, quamvis multa illa praecipiat, probe novit filia quibus nunc opus sit precibus. Etenim:

Uritur, ut celeres urunt altaria flammae,

Nec, liceat quamvis, sana fuisse velit.

Venustissime sic poeta variat quod modo (el. praec. vs. 5 sq.) ipsam Sulpiciam fecit confitentem:

Uror ego ante alias: *inuat* hoc, Cerinthe, *quod uror*.

Iam nihil his addi potest praeter aptam clausulam; aptior autem nulla cogitari potest quam qua poeta a dea petat ut se huic amori quam maxime praebeat propitiam. Et talem ab eo additam fuisse clausulam etiam nunc apparet: corrupta enim sunt vocabula sed vel sic perlucet sententia. Traditum est:

Si iuveni grata veniet cum proximus annus

Hic idem votis iam vetus esset amor

nisi quod priore versu codex F habet *sis iuveni* et cod. G a manu secunda *sit iuveni*. Pentameter tantum non sanus, certe facile persanandus lenissima Baehrensii medicina, ingeniose pro *esset* reponentis *exstet*. Idem *ratus* proposuit pro *vetus*, quod melius erat non tangere. De *novo* die natali cogitat poeta, nonne facetissime precatur ut dies ille *veterem* inveniat amorem? Vota efficient ut talis *exstet* ille, quod paulo melius quam deteriorum lectio *adsit* . . . . . Sed dum scribo haec, dubitare incipio. Certe *exstet* facile in *esset* potuit corrumpi, sed minusne verisimile illud *esset* ex *assit* (quemadmodum plerumque pro *adsit* scribitur) natum esse? Et nonne ipsum illud *adsit* tantum non flagitatur? Post annum denuo Iuno Natalis invocabitur, praebebit aurem praecibus, sed amor, quae nunc invocandi causa — *abest* autem quodammodo ille, quamdiu lentus Cerinthus — tunc *aderit* et *aderit vetus*, utpote qui per integrum annum ceperit incrementum.

Difficilius vero de hexametro quidquam pro certo statuere, certe de eius priore parte. Nam sive ante *veniet* cum Baehrensio inseruerimus *ut*, sive cum Gruppio *ac* vel *et*, inde a particula omnia bene decurrunt. Pro *si iuveni grata* alii alia coniecerunt. Lachmannus *μυστηριώδες* illud et vere Lachmannianum *si iuveni gratae*; Rigletus *si iuveni gratum*, quod aut sensu cassum aut certe languidissimum. Cartaltius vero e cod. F recepit *sis iuveni*

*grata*, tamquam si hoc nulli esset obnoxium dubitationi. Non reputavit praestantissimus criticus *iuvenem* esse Cerinthum. An putemus poetam, cum modo (praecl. el. 17) Sulpiciam dicentem fecerit

optat idem iuvenis quod nos, sed tectius optat subito nunc eodem vocabulo ipsam Sulpiciam significare? Multo ergo, quod ad sensum attinet, rectius reposuerunt

Baehrensius: Diva, veni *grata*,

Gruppius : Sis, Iuno, *grata*.

Sed utraque haec lectio duplici mihi laborare videtur vitio. Primum vix credo recte *gratam* dici deam quae *propitia* sit, deinde nimis subito hae preces adiiciuntur iis quae praecedunt: a vocabulo quale est *ergo* incipiendus erat hexameter. Ergone suspicemur non illius hexametri solum caput esse truncatum sed ante eum excidisse praeterea integrum distichon quo poeta a versibus

Uritur, ut celeres urunt altaria flammae,

Nec, liceat quamvis, sana fuisse velit

vehementem Sulpiciae amorem pingentibus ad preces, totum corpusculum claudentes, sibi pararit transitum? Hoc minime esse verisimile statim apparebit. Sed quocunque modo illud sit sanandum vitium, hoc vel sic pro certo statuere nobis licet venustiore excogitari nullam potuisse clausulam quam qua, hocce iam misso die natali, ad illum qui post annum sit oriturus alludatur. Profecto hoc nemo unquam in mentem sibi inducet ut putet post illud *iam vetus adsit amor* quidquam periisse.

Integrum (nam pauca illa quae indicavimus vitia poetae mentem nunquam obscurant) ad nos totum opusculum pervenit summamque in eo conficiendo limandoque a poeta adhibitam diligentiam statim nobis vel obiter illud aspicientibus apparet. Ne Archimedes quidem ipse accuratius potuisset describere. Medium locum omnium longissima tenet elegia: ipse ibi poeta loquitur; neque mirum eam ceteris paulo evasisse longiorem (26 versuum est), rem enim gravissimam tractat, morbum Sulpiciae. Et, quoniam in medio posita est, quodammodo iure suo supra ceteras eminent. Ab utraque parte elegiam habet qua Sulpicia ipsa verba facit, ambae 44 praebent versus; quae praecedit 24 est versuum exhibetque Sulpiciam conquerentem

de Cerintho venatum profecto, quae sequitur Sulpiciam 20 versibus nobis Cerinthi diem natalem celebrantem ponit ante oculos; denuo tres hae elegiae ab utraque parte elegiam habent in qua poeta loquitur, hae quoque 44 implent versus iterumque praecedens 24, sequens 20: illa poeta describit Sulpiciam qualem eam est contemplatus Kalendis Martiis, hac poeta eius diem natalem cantat. Non amo in disputationibus philologicis figuras illas numeris impletas: plerumque enim illae legentes perturbant magis quam edocent, aut rei demonstrandae inserviunt quam veram esse vix ipse earum auctor credere possit. Verum hancce mihi considera tabulam:

I Poeta de S. rem divinam faciente	24 versus	44	44
II Sulpicia de Cerintho venante	24 versus		
III Poeta de Sulpiciae morbo	26 versus		
IV Sulpicia de Ci die natali	20 versus		
V Poeta de Sae die natali	20 versus		

concedes, ut opinor, luce clarius apparere poetae iam ab initio certum stetisse consilium libelli componendi, qui in se teres esset atque rotundus, atque praeclare ei rem cessisse: nihil unquam vidimus limatius perfectiusque. Equidem cum Iacoby Cartaltioque Tibullum fuisse illum mihi habeo persuasissimum. Sed id dum mecum volvo, vix verba invenio quibus eum satis digne laudem. Ille poeta qui tamquam in somnio „sensim sine sensu” ab alia ad aliam aberrare soleat imaginem, donec tandem eo sit delapsus, quo neque ipse potuerit suspicari neque quisquam eorum quos secum per varia illa sed tamen inter se cognata et omnia amoenissima spectacula traxerit, subito fit artifex subtilissimus qui eximia diligentia lepidissimos suos disponat lapillos, et dum molesto hoc perfungitur labore tamen nullam amittit virtutum earum quae verum faciunt poetam; vivunt omnia spirantque et, quod maioris in hac re momenti etiam, multa ipsum illum nobis ante oculos Albium ponunt, quem iure tantopere amamus, quem ceteris omnibus poetis magis in deliciis habuisse videntur aequales. Profecto tantus artifex si nobis in aliqua elegia minus probatur, est cur nosmet ipsos potius quam illum dormire suspicemur!

*Nil admirari*; haec summa iam in philologica arte lex esse videtur. Ridetur fere qui otiose desidentes aliquo delectantur

poeta latino. Opus esse clamant viri docti ut accurata sedulaque inquisitione quo modo quodque natum sit carmen efficiamus, quid sibi eo pangendo proposuerit poeta in clara ponamus luce, denique ut unde singula ornamenta, etiam minutissima, collegerit ille investigemus. At ego ad bene intelligendum carmen aliquod utique necessarium esse eius originem in promptu habere vix crediderim, aut nullum unquam carmen exstitit existetve quod quisquam legentium intelligere possit. Illa enim nota esse potest soli poetae ipsi, ceteri omnes coniecturas de ea facere possunt, quae quamvis sint ingeniose excogitatae solidisque confirmatae argumentis, semper periculum erit ne inveniatur id quod nusquam terrarum fuerit unquam. Etenim prudens dictum illud quod cuivis in mentem venit, qui subtilem aliquam audit disputationem „ingeniosius quam verius” quid significet norunt qui sermonis latini paulo interiorem aliquam sibi pararunt notitiam. Atqui illud „ingeniosum quidem sed non verum” admonere nos potest ne nimium tribuamus doctrinae illi quae in poetis quoque tractandis admirari vetet, scire conari iubeat, tamquam si omnia possint ad geometriae exigui normas <sup>1)</sup>. In inquirendo vero loco unde vel minutissimum quodque sit prolatum ornamentum qui modum non tenet semper et ubique rem eo deducet ut nos doceat omnia quae Graeci Romanique scripserunt auctorem habere ... Cadmum illum qui primus e Phoenicia literas attulerit. Contra si quis aliquod carmen revera amat, in deliciis habet, admiratur, si quis poetae alicuius voce delenitur, si verba eius ita tenet memoria ut evelli non posse videantur, non est cur dubitet quin id quod voluerit poeta aliquatenus certe sit assecutus. In poetarum studio *amare est intelligere*.

Sed hic eo contenti esse non possumus. Elegiolae enim illae, quas iam perlegimus, quamvis nobis venustae, pulchrae, admirabiles videantur, tantum non cogimur praeterea de earum cogitare origine. Nam supersunt praeterea ipsius Sulpiciae versiculi, quorum Cerinthus est argumentum. Iam brevitati simulque perspicuitati consulentes his *epistolia* dabimus nomen, quod

1) Ludicrum dedi exemplum carminis illis ipsis magnopere probati qui non solum originem eius ignorarent sed, quod multo etiam iocosius, falsissimam sibi eius originem animo finxissent, in *Decennii mei poetici praefatione* p. vii sq. Secundum id quod supra dixi illud exemplum sumpsi e meis ipsius carminibus.

apte a suo Catullo sumpsit Baehrensium, ita enim scripti sunt; Tibulli de Sulpicia carmina *elegiolas* appellare pergemus. Elegiolas autem epistolia statim excipiunt, ergo qui illas perlegit, haec quoque est lecturus et fieri non potest quin quae inter illos intercedat ratio libellos rogare incipiat. Nam aliquam intercedere rationem certo est certius, neque unquam quisquam credidit vel crediturus est fortuito esse factum ut alter libellus tam multa cum altero habeat communia. Immo quod in epistoliis breviter simpliciterque dictum significatumque est id in elegioliis cum cura disponitur, amplificatur, exornatur, constat ergo harum poetam illis tamquam rudi materia esse usum in qua ingenium suum artemque excerceret. Quae res quam egregie ei cesserit iam vidimus. Sed non opus est ut diu in hac quaestione immoremur. Est enim hic mira quaedam et rara inter philologos concordia, eaque fuit iamdudum. Sulpiciam quandam fuisse quae revera adolescentuli obscuro loco nati, cui Cerinthus verum nomen erat, amore capta esset inter omnes constat. Atque Sulpiciam veros animi sensus chartae mandasse non ut in vulgus notescerent sed ut quae pectore clausa tenere iam non posset non solum γῆ τε κοῦρανῶ narraret sed etiam certis quibusdam hominibus, quibuscum vivere consuesset, quam apertissime exponeret consentiunt omnes. Neque ipsa Sulpicia quae fuerit iam dubitatur: quidni enim sit filia illius Sulpicii, quae Valeriam duxit uxorem Messalarum sororem? Ipsa enim Sulpicia se a Messalla custodiri haud tecte conqueritur: quis potius eo iure utatur quam avunculus puellae, cuius mater oommemoratur (non ab ipsa quidem sed a poeta qui eius epistolia exornavit), siletur pater? Sic simul intelligitur quo modo epistolia in corpus Tibullianum sint recepta: e domo enim Messallae, quo patrono usus est Tibullus, sunt profecta. Neque mirum ea sic in Tibulli pervenisse manus.

Hactenus ergo diu communis quidam fuit inter viros doctos consensus. Unum etiam deerat ut tota res sicut gesta est in clara poneretur luce, utque quomodo ex epistoliis natae essent elegiologiae iam plane constaret. Hoc autem lepidissime indagavit venustissimeque, ut solet, exposuit Cartaltius. Sulpicia versiculis aegram suam mentem quodammodo est solata; illos non ad amatum misit puerum, sed cum non posset non sentire eos, quamvis rudes essent parumque limati, tamen propter ipsum,

quem spirarent amorem, minime esse abiiciendos, Tibullo, poetae clarissimo suique avunculi clienti, eos tradidit tamquam materiam e qua iustum efficeret corpusculum poeticum. Labet ipsa ingeniosissimi viri exscribere verba; nullus enim in egregio libro locus est qui illi praestet <sup>1)</sup>).

„Ce sont des effusions, qu'elle a consignées pour elle-même, mais qu'elle n'a pas fait tenir à l'intéressé. Or elle les a rédigées en vers; ces vers sont précieux pour nous; ils nous révèlent l'âme fière d'une patricienne, qui se donne sans se dégrader à quelqu'un qu'elle juge digne d'elle malgré la différence des conditions, impérieuse, hautaine, tendre et délicate. En a-t-elle senti tout le mérite? L'amoureuse satisfaite a-t-elle eu quelque vanité d'auteur? Cela est possible puisqu'elle les a conservés. En tout cas il semble qu'elle ne les a pas considérés comme le témoignage suffisant d'un si beau roman; après y avoir mis une préface, elle les a transmis à un poète de profession, pour qu'il les transformât en élégies régulières, en une oeuvre d'art qui lui fit faire figure devant la postérité.”

Equidem lubenter haec mea facio. Multo enim mihi verisimilius videtur *rogatum* a Sulpicia Tibullum quae illa sic temere in chartam coniecisset ita expolivisse ut iustarum elegiarum iustum nasceretur corpus, quam, cum forte epistolia Sulpiciae ad Tibullum essent allata, nescio quo modo in mentem venisse praeclaro poetae posse hinc aliquid fieri quod idoneis de arte poetica iudiciis probaretur. Sed quocunque modo in animum induxerit Tibullus ut Sulpiciae Cerinthique amores suis illustraret versibus, egregie ei rem cessisse quis negaverit? Quaecunque ei suppeditavit Medea illa animo aegra amore saevo saucia, ea omnia venustissime in suum usum convertit, exornavit, supplevit, auxit, postremo struxit opusculum poeticum tam accurate compositum dispositumque ut in literis latinis nihil eo nomine par ei haberi possit. Et cum tanta cura ille libellus limaretur, nihil tamen peribat eorum quae et nobis epistolia legentibus placent et haud dubie Tibullo quoque placuerunt; nihil usquam putidi deprehendis, nihil quod magistellum sapiat; non inanes tibi umbrae proponuntur sed vivi Cerinthus Sulpi-

1) Tibulle et les auteurs du Corpus Tibullianum par A. Carthalt. Paris Colin 1909.

ciaque stant ante oculos. Sed quaecunque sunt libelli Tibulliani virtutes, et multae eae sunt eximiaeque, tamen est cur Sulpiciae epistolia pluris etiam faciam. Elegiolas illas nisi haberemus, deesse nobis aliquid vix sentiremus, sed integra staret et inconcussa literarum latinarum aeterna illa gloria, quam nihil delebit unquam obscurabitve. Sed quae chartae mandavit Sulpicia si periissent, amissemus aliquid quod semper et ubique fuit rarissimum, in literis vero Romanis propemodum exstat unicum. Saepe queruntur homines quod apud scriptores poetasque latinos omnia nimis sint artificiosa, quod semper et ubique illi eorum quae in schola didicissent in librisque suis legissent adeo fuerint memores ut saepe canerent scriberentque quae neque vidissent neque experti essent unquam. Et, dummodo in ea re modum ne excedant, iure queruntur. Omnino apud quemvis poetam latinum difficile dictu est quid verum atque ex ipsa vita sumptum sit, quid secundum topicae artis praecepta fictum atque exornatum. At in Sulpiciae epistoliis nihil est quod non ipsam vitam nullo fucata referat artificio, ipsumque illud quod in Tibulliano opusculo laudamus admiramurque maxime, id omne a Sulpicia sua habet: illa ei vivos illos spirantesque prae-buit homines, huic acceptum est referendum quod veros quoque quosdam Romanae mulieris amores nobis cognoscere licet. Accedit aliquid quod epistoliorum pretium mirum quantum augeat. *Mores* certi populi certaeque aetatis qui cognoscere cupit, is, si sapit, praecipue dabit operam ut quatenus *corrupti et depravati* tunc mores fuerint quam accuratissime definire possit. Nunc qui antiquos perambulat Pompeios, cum ad locum illum aediles metuentem pervenit, eius fores clausas videt et a duce suo audit neque pretio neque precibus ut aperiantur posse impetrari. Si hospes ille est vir qui antiquitati Romanae dat operam, vehementer dolet hac quoque in re obtemperatum pudicitiae illi Anglica, non, hercle, quod verbis obscenis turpibusque imaginibus tantopere delectetur sed quia suis oculis quomodo aetate imperatoria vixerint municipii modici incolae videre cupit. Hic ceterorum domicilia nihil eum quod sit magni pretii docent: frugi alicuius coci pistorisve vitam tunc eandem fere quam nunc fuisse vel sic lubenter credit; sed multum proficeret, si quodammodo lenones lupasque et qui inter eos vitam degere

sint soliti praesentes posset contemplari. Hoc est cur in praeclaro illo Museo Provinciali, quod Augustae Trevirorum est, inter tot res cognitu dignissimas, quas illud egregie dispositas visentibus exhibet, nihil philologum magis moveat quam quae eo sunt allata ex officina falsarii, qui venae deterioris nummos pro aureis vendendo rem fecerit: haec enim insigni eum docent exemplo mores Romanos cum omnibus suis vitiis etiam in extremos imperii penetrasse angulos. Epistolia autem nostra viva veritatis voce testantur aetate Augusti fieri potuisse ut femina Romana summo loco nata non solum Graeculum aliquem vernam deperiret sed etiam amorem suum palam proloqueretur, nec proloqueretur solum sed etiam gloriaretur illo, tantumque afuisse ut eam aversarentur qui eundem inter cives tenerent locum, ut qui apud illos in summo esset honore poeta dignissimam illam putaret materiem cui illustrandae caeleste suum ingenium adhiberet. Tum demum intelliget cui se labori adcinxerit Augustus cum moribus Romanis emendandis operam dare inciperet. Profecto non unam ob causam operae pretium videtur epistolia cum pulvisculo excutere. Quod hic eo lubentius faciam quia haud ita pauca mihi afferre posse videor ad versus quosdam emendandos rectiusve interpretandos. Qua in re si me non fefellerit spes, etiam elegiolis aliquid lucis attulisse videbor. Age iam percurramus omnia! Initium facimus ab eo quod in codicibus et editionibus secundum tenet locum; ab eo enim res ipsa initium cepit. Hoc primum fecit Sulpicia, ultimum vero id quod nunc primum ponitur. Id si primus mortalium vidit Cartaltius, non solum ingenium viri praestantissimi admiror, sed etiam, atque, si fieri potest magis, verecundiam, qui non disertis illud proloquatur verbis: iure invento suo gloriatus esset, tam lepidum illud est tantaeque in hisce disquisitionibus utilitatis.

Incipit ergo legentes facere certiores Sulpicia de periculo quodam sibi imminenti; hoc nisi in tempore arceatur, de se et amore suo actum esse conqueritur. Metus enim est ne a Cerintho suo delvelatur idque eo die quem laetissimum fore sibi promiserit. Primum enim distichon est huiuscemodi:

Invisus natalis adest, qui rure molesto

Et sine Cerintho tristis agendus erit.

Hic de utrius die natali sermo sit quaerimus etiam? Quis,



obsecro, haec legens: „odi natalem istum qui (mihi) agendus erit sine Cerintho” semet ipsum cogere poterit ut de *Cerinthi* cogitet die natali? Hoc posse videntur viri docti, quos novicius iste exagitat morbus, quam *ιταλοφοβίαν* appellare lubet: dummodo ne a miseris illis Italis quidquam accipiant, quidvis perpeti et quidvis credere sunt parati. Atqui versus cuiusdam, de quo paulo post erit agendus, lectio quaedam Italorum exstat quae si recipitur luce clarius apparet hic quoque de *Sulpiciae* agi die natali; ergo id ne fiat, hic res eo est detorquenda ut *Cerinthi* dies natalis significetur. Quasi vero quisquam si quem audit querentem: „mihi dies natalis erit peragendus sine uxore,” putare possit eum non de *suo* sed de uxoris loqui die natali! Mox rei quam hic defendo non minus certum indicabo argumentum.

Omnino tristis ea res puellae videtur; sic enim rogat:

Dulcius urbe quid est? an villa sit apta puellae

Atque Arretino frigidus amnis agro.

In pentametro equidem semper suspicor Sulpiciam scripsisse *Arretini* . . . *agri*. Quare enim hic ablativum posuerit a certo usu sine ullo versiculi sui emolumento, immo cum **gravissimo** damno, recedens?

Quis ille sit qui sibi illud paret periculum et quo id faciat consilio ipsa nos docet lepidissimo qui sequitur versiculo:

Iam, nimium Messala mei studiose, quiescas.

Quam vim illud *studiose* hic habeat egregie nos docet Tibulli distichon quod modo ita emendatum protulimus:

Praecipiat natae mater studiosa quid optet:

Illa aliud tacita, iam sua, mente rogat.

Quemadmodum illic mater, sic hic Messalla *inapte studiosus* inducitur, qui de muliere matura iam sit sollicitus eamque suo die natali rus abducere velit ne illum cum amatore suo laetius peragat quam gentium Sulpiciae Valeriaeque ferat gravitas.

Lepidissimum hunc hexametrum pentameter excipit, qui nunc misere corruptus circumfertur. Sed minime de eo desperandum videtur. „Optimi” enim codices haec habent:

Neu tempestivae saepe propinque viae.

Quae quoniam plane sunt sensu cassa videamus ecquid Itali nobis possint prodesse. Hi autem pro *neu* dant *non*, quod certe nos docet, si id docendi etiam sumus, praeclare Robertum Un-

gerum pro saepe reposuisse saeve. Restat *intempestivae viae* quod corruptum esse demonstrat genitivus ille a nullo substantivo verbove dependens. An putemus *quiescendi* verbum unquam cum genitivo fuisse constructum? Sed hic vix ulla emendatione opus est: *tempestivae* enim natum est e *tempestiva* ē, quod cum semel in unum vocabulum coaluisset, simul istud *viae* peperit. Ne quis autem miretur hic nullum adiectivo *tempestivus* addi dativum, hunc exscribo locum e Livio (V, 12): „orationem tempestivam de concordia ordinum.” Iam lepidissimum ab inferis rediit Sulpiciae distichon:

Iam nimium, Messala mei studiose, quiescas,

Non tempestiva est, saeve propinque, via.

Cur autem non tempestiva illa sit via ipsa docet haec addens:

Hic animum sensusque meos abducta relinquo

Arbitrio quamvis non sinis esse meo.

Hic equidem mordicus retineo codicum A et V lectionem *quamvis* pro qua cur Baehrensius e codice G receperit *quoniam* me fugit. Etiam minus intelligo cur idem *quom me* malit. Egregium enim illud *quamvis* toti disticho praebet sensum hunc: quamvis operam des ut mihi adimas libertatem, nunquam poteris prohibere quominus mente animoque illic sim ubi Cerinthum meum esse novi.

Sed sublatum esse illud periculum e primo iam sequentis poematii cognoscimus disticho. Gaudio enim exsultans amatorem suum ibi rogat Sulpicia:

Scis iter ex animo sublatum triste puellae?

Additque:

Natali Romae iam licet esse suo.

Laeti lubentesque illud *suo* ab Italis recipimus, ceteri dant *tuo*, unde nata absurda illa primi praecedentis epistolii distichi interpretatio, quam modo notavimus. Gaudiique sui iustam hanc profert causam amoris plena mulier:

Omnibus ille dies nobis genialis agetur,

Qui nec opinanti nunc tibi forte venit.

Iterum hic „praeclara” Italarum illa elucet „opera”. In „melioribus” codicibus horum versuum prior sic legitur:

Omnibus ille dies nobis natalis agatur

quod Cartaltio probari vix ipsi affirmanti crederem; suspicor imprudentem eum ita edidisse. Quis enim unquam tam ineptus fuit ut sic loqueretur: „natalis ille dies nobis natalis agatur”? Nam cum proxime praecedat vox *natali*, nil refert utrum *ille dies* an *ille dies natalis* legatur. Quae solet esse omnium in codicibus vitiorum causa ea hic quoque exstitit: *mens* librarii aberravit ita ut vocabulum, quod ei *sententia* loci subiiciebat, sponte e calamo exiret simulatque vocabulum illi aliquo modo simile scribendum esset. Quid Tibullus dedisset Itali viderunt: *genialis*, pro quo vix poterat quia ab oscitante librario *natalis* daretur. Aut natum est istud *natalis* ex *annotatione* vocabulis *ille dies* adscripta. Sed recepta Italiorum correctione unum etiam restat: ut pro *agatur* rescribamus *agetur*. Non enim festiva illa turba quam, ut olim Clodia, secum Sulpicia habet, quamque verbis *omnibus nobis* significat, *admonenda* est ut hilariter illum sumat diem, sponte id *faciet*, quod futurum lepide sic Sulpicia praedicit:

Omnibus ille dies nobis *genialis* agetur.

Baehrensius pro illo *genialis* legere maluit *tam laetus*, scilicet ut ultimo epistolii versu

Qui nec opinanti nunc tibi forte venit  
*qui in quam* mutare posset. Sed hic quod codices praebent nullo laborat vitio; illud autem eiusmodi est ut a Baehrensio, qui cum omnibus nostrae aetatis Italophobis ipsam rem de qua agitur prave accepit, intelligi non potuerit. Hic enim versus vel firmissimum praebet argumentum de *Sulpicae* hic *agi* die natali. Etenim si expectasset Cerinthus *suum* diem natalem absente Sulpicia tristem fore, non posset dici ei *venire* dies natalis remanente in urbe Sulpicia. Contra si verum est quod nobis Itali praebent — et quin verum sit dubitari qui potest? — idem illud egregie dicitur. Quid enim? Iam miser ille adolescentulus *magnae* tristitiae conceperat animo imaginem: se Sulpiciae die natali solum in urbe fore, illa rus abducta. At subito laetissimus ad eum perfertur nuntius remansuram Sulpiciam diemque illum sibi fore festivissimum. Nonne revera nunc *nec opinanti venit* dies ille?

Amantium irae amoris integratio, nullaue amatoria fabula omnibus est numeris absoluta nisi inter amantes existunt suspiciones iurgia rixae. Ergo et Sulpiciae obicitur metus ne sibi

paalex sit exorta, graviterque et acerbe de ea re cum Cerintho suo expostulat. Primum novi epistolii distichon sic est traditum:

Gratumst securus multum quod iam tibi de me

Permittis, subito ne male inepta cadam.

Sed dubitari nequit quin Heinsius pro *permittis* coniiciens *promittis* rem acu tetigerit. Nam *multum sibi de aliquo permittere* Belgicum quidem est („zich veel ten opzichte van iemand veroorloven”) et fortasse etiam Gallicum Germanicumve: Latinum non est. At *promittis* egregie huc quadrat: *multum sibi de aliquo promittere* est: optima quaeque de aliquo exspectare, illum, quidquid evenerit, sibi amicum mansurum fidelem sibi habere persuasum. Quid autem Sulpiciam nostram magis decet quam exclamatio illa: „gratumst quod tibi iam multum de me promittis”? Iram suam ironia obtegit admodum perlucida. Nam vera haec eius mens est: „perfide, itane de te merui? haecine meae in amore constantiae merces ut iam alio te conferas, cum tibi sit persuasum me ne sic quidem peccaturam rivaesve tibi praelaturam?”

Nunc omnia optime se habent:

Gratumst, securus multum quod iam tibi de me

Promittis subito ne male inepta cadam

dummodo recordemur quae hic loquatur. Artem enim Sulpiciae — si recte hic de *arte* loquimur — nemo unquam salsius rectiusque descripsit quam Gruppius, singulari acumine vir, qui nunc iusto magis contemnitur negligiturque: „*muliebrem sermonem* in versibus eius agnosci dixit („das weibliche Latin”). Nam sic res se habet: versus facere quid sit haud ignorat, sed non semper invenit id quod praesenti rei sit aptissimum; accedit quod tanto abripitur ardore ut sibimet imperitare nequeat: suis se verbis impedit, haeret interdum, titubat. Ex ipsis eius apparet verbis id quod modo dicebam, veram, quam in plerisque elegiis frustra quaerimus, in epistoliis illis spirare vitam. Velut hic sic sunt iungenda verba: *securus ne cadam*, ut *securus* sit accipendum tamquam si esset *non anxius*, *non metuens*, structura admodum contorta et insolita.

Iam quae sit illa Sulpiciae aemula, certe qualem sibi eam fingat Sulpicia quid quaerimus? Ipsa loquitur res: e faece mulierum esse debet. Quod sic Sappho nostra declarat:

Sit tibi cura togae potior pressumque quasillo  
Scortum quam Servi filia Sulpicia.

Hic equidem nullam video causam quidni *Sulpicii* legamus: probe ipsa intelligere potuit quanto illud esset aptius venustiusque. Sed multo gravius in hisce versiculis remanere debet vitium quod ego tollere nec possum nec volo: ipsa enim sic scripsit Sulpicia *pressum quasillo scortum*, quod admodum est ridiculum. Quasilli enim quae fuerit forma neque novi neque curo; scire satis est *lanae* continendae fuisse destinatum; *manu* ergo tenebatur, quemadmodum est in versu Propertii, ubi ex palmari Burmanni emendatione hoc de se narrat Hercules:

Et manibus duris apta quasilla tuli  
ut satis sit absurdum sibi fingere mulierem quasillum humeris  
vel capite portantem. Neque, ut opinor, sibi finxit Sulpicia, sed quemadmodum apud Ovidium legitur:

Cantantis pariter pariter data pensa trahentis

Fallitur ancillae decipiturque *labor*

ita illa hic de *pensa* cogitavit *gravi*, ut est apud eundem Propertium:

Et graviora rependit iniquis pensa quasillis

volebatque durum *gravemque* ancillae significare *laborem*, sed eum ita significavit ut legentibus non posset non movere risum.

Sed solatur se eo solatio quo uti solent mulieres de amatoribus perfidis poenam sumere cupientes. Ultimum enim distichon sic in „optimis” legitur codicibus:

Solliciti sunt pro nobis quibus illa dolori est

Ne credam ignoto maxima causa toro.

Hic importunum istud *credam* certa emendatione *cedam* sanavit Statius. Restat *dolori est* quod nullam admittit interpretationem. Sed recepta lenissima Rigleri coniectura *dolori* totum persanatur distichon. Hoc enim vult Sulpicia: „solliciti sunt pro nobis ne ignoto *cedam* toro ii quibus illa est maxima doloris causa” ut pronomine *illa* Cerinthis significetur perfidia. Hic quoque prae iracundia sibi ipsa imperare nescit Sulpicia; non loquitur sed balbutit. At quid sibi velit minime est obscurum; tritum istud et pervulgatum Cerinthis minatur

Mene ergo haud vis habere?

Benest: et sunt alii

quemadmodum me puero ancillae nostrae cantare solebant.

Ut iustum existat corpusculum de amore poeticum etiam aegrotare debent amantes aut certe eorum alteruter. Rem ipsam sibi a Sulpicia traditam servavit Tibullus, Sulpiciamque nobis exhibuit in morbum implicitam. Sed quod ille viginti sex versibus pulcherrimis exornavit id illa brevi epistolio declarat quod hic exscribam:

Estne tibi, Cerinthe, tuae pia cura puellae

Quod mea nunc vexat corpora fessa calor?

A! ego non aliter tristes evincere morbos

Optarim quam te si quoque velle putem.

At mihi quid prosit morbos evincere, quom tu

Nostra potes lento pectore ferre mala?

Vix quidquam in his mutandum fuit. Versu 5 rectissime *at* a codice F recepit Baehrensius; Cartaltii hic ego rationes non intelligo: dat enim *an*; sed quid istud *an quid* sibi vult? Eodem versu *quom* Baehrensii est; codices *quod* et *quid* habent; Scaliger *ubi* coniecit; equidem nescio an optimum sit *si* quod codicis V secunda manus exhibet. Cetera omnia sana sunt et perspicua, non tamen ab omni parte probanda. Versu 4 praestaret *si te quoque* quam *te si quoque*, sed ipsa hic vocabula perturbasse Sulpicia videtur. At hoc levius; multo gravius est vitium in verbis *morbos evincere*, quae tamen puellae nostrae admodum placuisse videntur, quae ea etiam repetierit. Sed non sunt huius loci. Quid sit *morbos evincere* docere nos potest poeta multo exercitatio Ovidius, qui in narratione de Argo haec habet:

ille tamen pugnat molles evincere somnos.

Recte ergo *morbum evincere* is dicitur qui animo firmo obstinatoque infirmum corpus suum perdurare cogit, non is qui dis bene iuvantibus sublevatur viresque suas recuperat. Sed amor non curat minima.

Amator exclusus vel ab amica relictus deceptusve suum sibi locum in elegiis habet amatoris et, si non adest, fingitur. Sulpicia vero nostra numquam quidquam fingit: usus ei suppetat locos quibus opus est. Ipsa amatorem suum reliquit idque eo tempore cum eum totum suis iam teneret vinculis obstrictum. Mox tamen stultitia sua atque adeo dementia intellecta tantum

non prosternit se ante pedes eius seque his excusat defenditque  
versibus quos pectore prompsit ab imo:

Ne tibi sim, mea lux, aequae iam fervida cura,

Ac videor paucos ante fuisse dies,

Si quicquam tota commisi stulta iuventa

Cuius me fatear poenituisse magis,

Hesternam quam te solum quod nocte reliqui,

Ardorem cupiens dissimulare meum.

Totum statim exscripsi epistolium, idque non unam ob causam. Primum versui tertio grammaticorum illud *σημείωσαι* appingo ne quem illud *tota iuventa* fugiat. Tota iuventa! agnoscisne mulierem iam paulo maturiorem? Quis enim de *tota* sua iuventa loquitur nisi sentit eam aut praeteriisse aut certe aliquot iam implevisse annos? Sed hoc fortasse etiam possit videri levius. Multo graviores nobis suppeditat rem totum poematum bene intellectum expensumque. Unquamne quidquam vidisti limatius tersiusque, unquamne quidquam quod sic esset omnibus absolutum numeris? Atque tale ut obtineremus *κρίμαλλον* nulla opus fuit emendatione, nulla viri docti coniectura. Omnia nobis ipsi praebent codices. Haec nobis res primum dat facultatem tota Sulpiciae ars qualis sit recte intelligendi. Satis est versata in literis, satis accurate poetas suos legit, satis magnam in promptu habet vocabulorum materiem ut cum res quam optime cedit, id est cum *αὐτὴ ἐκτυγῆς* est *δεινोटάτη*, versiculos struere possit in quibus nullus Aristarchus quidquam reprehendat quique rem ipsam totam exhauriant. Plerumque tamen omne committit errorum genus, qui excusari quidem possint sed et debeant. Sic versus facere solent qui ea re delectantur non *τέχνην ἔχουσι τὴν ποίησιν*. Et deinde nusquam melius quam hic videmus Sulpiciae epistolia ficti nihil habere sed omnia ipsam vitam verosque referre amores. Quid enim? Cum aegrotat, cum ne ab amatore suo abripiatur metuit, cum gaudio exsultat quod cum illo remanere sibi liceat, cum exortam sibi suspicatur paelicem, tum quid agat loquaturve nescit, tum se non continet sed quaecunque ei in mentem veniunt sic temere effundit, de vitiis corrigendis limandisque versibus ne cogitat quidem. At postquam impetum quendam animi sui secuta fecit aliquid quod postea poeniteat, simulatque suae sibi culpae fit conscia et quod deli-

quit reparare decernit, sponte ad se redit et mente sedata quid sit dicendum scribendumve considerare potest. Tum iam non balbutit titubatique sed sermone utitur puro, liquido, apte disposito.

Et impettravit veniam quam sic ex animi sententia petivit, veniaque illa secum adduxit id ipsum quod diu speraverat, modo anxia, sollicitaque, modo laetissima quaeque exspectans. Nunc eam exsultare gaudio quid miremur? Ipsa nobis quanto pere tota mente trepidet sermone suo fatetur, nam redeunt vitia sententiaeque perturbatae. „Tandem” exclamat

Tandem venit amor, qualem texisse pudori

Quam nudasse alicui sit mihi fama magis.

Bis illud „tandem” posui quo magis appareret quam recte Cartaltius hoc epistolum in Sulpiciae Cerinthique amoribus ultimum tenere locum, hoc post cetera omnia ab ea scriptum stauisset. Iterum ipsa praestantissimi viri exscribere verba lubet, et quia tam sunt egregia facundaque et quia insunt pauca quae moveant dubitationem.

„En tête de ces pièces elle en a mis une autre, qui leur est sûrement postérieure; car elle a le caractère d'une conclusion; c'est un chant de victoire; elle est arrivée à ses fins; elle est sûre que Cerinthus répond à sa passion; mais il ne semble pas que se soit uniquement pour se réjouir de son triomphe qu'elle l'ait composée. Cette fois elle s'adresse au public; elle prend une attitude, celle d'une grande dame qui, bravant l'opinion vulgaire, avoue sa faute et s'en fait gloire; elle lève le masque et veut aimer à visage découvert; elle convient qu'elle est une pécheresse, mais non une de ces pécheresses timides qui entretiennent avec leurs amants une correspondance mystérieuse; elle ne s'abaisse pas à ces manèges clandestins”.

Hic ego non video cur ab ipsa Sulpicia hoc epistolum ceteris praemissum sumamus. Quidni ipsa ultimum posuerit? An potuit hoc corpusculum, quod ab ea compositum lubenter Cartaltio concedo, aptius inchoari quam ab eo malo unde ipsa res cepit initium, diem illum natalem ruri peragendum dico, aptiusque claudi quam plenis hisce gaudii superbiaeque verbis: „cum digna fuisse ferar”?

Sed nolo ultra cum egregio critico de re levioris certare momenti. Quod autem idem sic pergit: „ceci prouve que les pièces



IV, 8—12, qu'on appelle les billets de Sulpicia, et dont trois, 9 <sup>1)</sup>, 10 <sup>2)</sup>, 11 <sup>3)</sup>, ont pourtant un caractère épistolaire, n'ont jamais été envoyés à Cerinthus; ce sont des effusions, qu'elle a consignées pour elle même, mais qu'elle n'a pas fait tenir à l'interessé" id ita verum esse concedo ut tamen credam saepius soli a sola omnia haec recitata epistolia.

Nunc paulo accuratius versus iam citatos examinemus. Si versu 1 recte codex V *pudore* dat (in aliis est *pudori*), haud dubium est quin versu secundo recipienda sit Italorum correctio *minor*. Tum omnia luce sunt clariora:

Tandem venit amor qualem texisse pudore

Quam nudasse alicui sit mihi fama minor

i. e. multo malo amorem meum proloqui quam celare pudore, nam gloriae mihi duco quod mutuus ille amor sit. Sed metus est ne ipsa Sulpicia non tam perspicue sit locuta. In codice enim Ambrosiano vs. 1 bis legitur et semel *pudore* habet, semel *pudori*. Verisimile ergo sic Sulpiciam scripsisse:

Tandem venit amor, qualem texisse pudori

Quam nudasse alicui sit mihi fama magis.

Atque sic edidit Cartaltius, ut hic lateat sensus: „magis me puderet amorem meum celare quam nunc glorior quod eum proloquar". Lateat, aio, nam exsultans gaudio se verbis suis impedit mulier et invita Cassandram imitatur.

Bonum factum quod tamen sequenti disticho aperte nos docet quid tandem factum sit:

Exorata meis illum Cytherea Camenis

Attulit in nostrum deposuitque sinum.

Minus certe sunt perspicua quae statim subiiciuntur:

Exsolvit promissa Venus: mea gaudia narret,

Dicetur si quis non habuisse sua.

Sed hic ipsa obscuritas nescio quam affert venustatem. Hoc enim ista „mea ... sua" sibi velle aliquo quidem labore sed fit perspicuum tamen: „nil famam curo rumoresque hominum; scio enim cum maxima de me indignatione fore sermones ... illarum

1) Scis iter ex animo sublatum triste puellae?

2) Gratumst, securus multum quod iam tibi de me | Promittis.

3) Estne tibi, Cerinthe, tuae pia cura puellae.

quae ipsae minus quam ego propitiam habuerunt Venerem", quod lepidissimum vitaeque plenum.

Tum iterum quam maxime in ore se hominum esse cupere sic declarat:

Non ego signatis quicquam mandare tabellis

Ne legat id nemo quam meus ante velim.

Hic pro *ne* Itali dant *ut*, et haud dubie iusto plures istae sunt negationes. Sed Sulpiciae ipsius illud videtur vitium, quod si sustulerimus remanebit etiam verborum *quam meus ante* confusio, quam ab ipsa profectam nemo unquam, ut opinor, negabit.

Neque vitii immune distichon quo et epistolium hoc et totum libellum suum clausit:

Sed peccasse iuvat, vultus componere famae

Taedet: cum digno digna fuisse ferar.

Post ea quae iam dixit Sulpicia pro isto *sed* aliquid requiritur quod multo sit nervosius. Suus hic locus est particulis *immo vero* sed tale aliquid quomodo in suo poneret pentametro non inveniebat parum exercitata poetria.

Denique haud abs re videtur omnia quae commisit Sulpicia sub unum dare conspectum vitia. Sunt ergo haec:

1 *securus ne cadam pro non veritus ne cadam*

2 *lanificam, quae nimio urgetur labore, appellat pressum quasillo scortum.*

3 *mire turbata sunt vocabula in hisce:*

*solliciti sunt pro nobis, quibus illa doloris*

*ne cedam ignoto maxima causa toro*

et quorsum *illa* pertineat haud parvus est labor quaerere.

4 *te si quoque pro si te quoque.*

5 *bis evincere morbos hoc sensu morbo levare.*

6 *texisse pudori quam nudasse mihi fama magis obscure dictum.*

7 *abundat negatio in ne ... nemo.*

8 *sed metri causa pro immo vero.*

Haud pauca ea esse vides in quadraginta versiculorum corpusculo. Simulque sunt eiusmodi ut ex illis quoque ipsius libelli agnoscas indolem: non in scholae umbra haec succrevit arbor, amoris eam ardor procreavit.

Sensim a suo sibi argumento delapsa est nostra disputatio,

sed non sine idonea causa factum illud est. Cum enim qualis quantusque poeta Tibullus esset illis praecipue elegiis demonstrare vellem, quibus Sulpiciae et Cerinthis amores celebrasset ille, non poteram de ipsius Sulpiciae tacere epistolis e quibus Tibulli natus esset libellus; quae cum haud ita paucis locis emendanda vel accuratius illustranda essent, paulo diutius in iis sum immeratus. Sed nunc tamen ad nostrum propositum et ad ipsum Tibullum redeo. Praeter elegiolas de Sulpiciae Cerinthique amoribus farrago <sup>1)</sup> illa, quae in codicibus maioribus Tibulli libris est adiecta, duas etiam continet elegias quas nunc vix quisquam est virorum doctorum quin Tibullo ascribat. Apud Baehrensium leguntur paginis 85 sq. et „epigrammata” appellantur, in aliis editionibus numeris IV, 13 et IV, 14 sunt ornata. Neque sine causa idonea Tibulli esse censentur: praeclari sunt poetae, vix quidquam invenias quod in toto genere amatorio iis praestet ... et priore earum ipse se poeta *Tibullum* appellat. Non, hercle, nostra aetate tam pertinaci obstinatoque animo Tibullum impugnant philologi ut eo quoque nitantur spoliare eum decore quod ipso nomine cuius sit declarat. Altera autem cum priore satis arte cohaeret, certe nulla causa est cur eam ab illa divellamus. Ab hac nunc fiat initium. Non plus quatuor habet versus: ipsa ergo brevitatem eam Baehrensiano illo nomine dignam facit, neque ab illo alienum est argumentum. Sunt enim quatuor illi versus huiusmodi:

Rumor ait crebro nostram peccare puellam.

Nunc ego me surdis auribus esse velim.

Crimina non haec sunt nostro sine facta dolore:

Quid miserum torques, rumor acerbe? tace.

Annotat Heynius: „miri leporis et urbanitatis epigramma. Placet amator qui, de puellae perfidia sollicitus, tantum hoc in votis habet, ut ipse surdus sit” et iure annotat, Quo magis mireris eum haec statim addere: „an Tibullum auctorem habeat, credere licet et non licet”. Aequiores certe nostra aetate in hac causa Tibullus nactus est iudices. Sed ipsum adspiciamus epigramma. Unquamne quidquam vidisti acutius salsiusque? Ne ipsa quidem

---

1) Iniuria illam in editionibus dividi in *duos* libros, cum olim uno fuerit comprehensa libro, Baehrensium demonstrat Tib. Bl. p. 48 sq.

Martialis epigrammata tantum habent leporem. Sed et Tibullum hic agnoscimus: in deliciis enim ei τὸ ἀπροσδόκητον fuisse cum e maioribus eius apparet elegiis, tum ex elegiolis de Sulpicia et Cerintho cognovimus. Tum — et hoc quoque proprium et peculiare Tibulli — veros sincerosque animi affectus subesse huic ioco sentimus. Revera sollicitum eum reddiderunt rumores illi quos tam belle repudiare et audire nolle se simulat. Revera metuere incipit ne rivalis aliquis puellam suam a se avertat aut iam averterit. Haec causa est cur haud iniuria fortasse Cartaltius suspicetur puellam, de qua hic sermo sit, esse Glyceram illam, cuius perfidia ne poetam ad „miserabiles decantandos elegos” adigat Horatius carmine suo I, 33 <sup>1)</sup> dat operam. Vide omnino suavissimam Cartaltii de his amoribus deque Horatii Tibullique amicitia disputationem in utilissimo eius venustissimoque libro p. 24—32.

Sed quamvis lepidum hoc sit „epigramma”, maiorem tamen iustioremq; movet admirationem quod praecedit. Cuius iam statim primi versus nos docent non cum levi quodam moxque interituro hic nobis rem esse animi impetu. Consummatus iam ille amor est et res ipsa ratum eum fecit:

Nulla tuum nobis subducat femina lectum

Hoc primum iuncta est foedere nostra Venus.

Sed, ne quid dissimulem, in isto *primum* haereo. Non enim, ut opinor, hoc, quod hic significatur, *initium* habere solet amor, sed sic demum omnibus suis impletur numeris. An „hoc *primum* foedere iuncta est” significat „tum *denique* verum amoris initum

---

1) Leviusculum videri possit quod de hoc Horatii carmine dicturus hic sum, sed fortasse ipsa levitas illud commendat. Vitium enim suavissimos illos occupat versus quod leni, immo vix ulla, correctione tolli possit, quo facto pristinus denique nitor carmini redditur. Semper prima eius strophæ sic editur:

Albi, ne doleas plus nimium memor

Inmitis Glyceræ neu miserabiles

Decantes elegos, cur tibi iunior

Laesa praeniteat fide.

Ut *ne doleas* sit *noli dolere* et sequentes strophæ prorsus ab hac divellantur. Sed pro colo pone semicolon, *ne doleas* fit ἵνα μὴ ἄχθῃ et totum carmen sic decurrit: „Albi, ne iusto magis propter Glyceræ doleas perfidiam (hoc tibi dico)” sequuntur exempla amantium, spretorum ab iis qui et ipsi spernuntur ab iis quos amant; et sic carmen clauditur: „sic ludere saeva Venus solet; ipse quoque illam eius sum expertus crudelitatem (et tamen non despondeo animum, ergo me respice et erige te).”

foedus est?" Satis ergo obscure poeta loquitur. Suspicio illud *primum* natum e compendio qm̄ (quoniam). Certe aptissimum foret

Hoc quoniam iuncta est foedere nostra Venus  
i. e. quandoquidem hoc foedere semel amor noster est consum-  
matus, nulla tibi unquam existet paelex cuius causa frangam  
illud. Etenim:

Tu mihi sola places, nec iam te praeter in urbe  
Formosa est oculis ulla puella meis.

Hic ἀπροσδοκῆτον illud suum lepidissimum profert poeta:

Atque utinam possis uni mihi bella videri

Displiceas aliis: sic ego tutus ero.

Nil opus invidia est, procul absit gloria vulgi:

Qui sapit in tacito gaudeat ille sinu.

Hic ego *possis a*, „deterioribus” sumpsi, „meliorum” *posses* quibus  
argumentis nunc docti defendant editores scire nolim. Heynius  
recte *possis* edidit.

Neque mirum hic prodire ruris et solitudinis amatorem illum  
verum sincerumque Tibullum quem novimus:

Sic ego secretis possum bene vivere silvis,

Qua nulla humano sit via trita pede.

Tu mihi curarum requies, tu nocte vel atra

Lumen et in solis tu mihi turba locis.

In quibus versibus vel unum illud *in solis tu mihi turba locis*  
summum prodit artificem.

Neque minus Tibullum nostrum agnoscimus in iis quae se-  
quuntur:

Nunc licet e caelo mittatur amica Tibullo,

Mittetur frustra deficietque Venus.

Fere eadem enim nos legere meminimus in maiorum elegiarum  
una. Quem locum velim norunt omnes, sed, vere dicam, huiusce  
verecundia magis mihi placet quam illius nimia audacia.

Additque, quod in tali argumento tritum satis et obsoletum,  
iusiurandum:

Haec tibi sancta tuae Iunonis numina iuro,

Quae sola ante alios est mihi magna deos

sed ipsum illud tritum et obsoletum ei subiicit unam ex illis,  
quas dixi, gemmis, quae si quid unquam in arte poetica ex-  
stitit *novi*, hic certe illud peperit:

Quid facio demens? eheu mea pignora cedo.

Iuravi stulte: proderat iste timor

i. e. antea, cum timere etiam poteras ne ego aliquando peccarem, ego quodammodo securus poteram esse, pignore enim te tenebam obstrictam, sed nunc illud tibi pignus tradidi meque solum adstrinxi vinculo:

Nunc tu fortis eris, nunc tu me audacius ures:

Hoc peperit misero garrula lingua malum.

Iam *facias* quodcunque voles, tuus usque manebo,

Nec fugiam notae servitium dominae.

Dubiumne, obsecro, esse potest quin iure Cartaltius egregiam Luciani Muelleri coniecturam *facias* pro *faciam* recepit in textum? Praeclara nunc demum omnia, sed praeclarius etiam ipsa carminis clausula:

Sed Veneris sanctae considam vinctus ad aras.

Haec notat iniustos supplicibusque favet.

Ecquid ante oculos nunc habes amatorem certum sincerumque, sed simul miserum et ad tristitiam popensum, cui iure suus metuat Horatius ne aliquando de se suaque, cui natus est, arte desperet?

Solvi nomen meum: poetam mihi dilectum ut potui defendi a nimis severo iudicio. Nunc unum hoc etiam addo et sic finem facio. Legat mihi aliquis deinceps duos illos locos quos e maioribus citavi elegiis (de suo repentino ad Deliam reditu I, 3, 83—94 et de sororcula Nemesis II, 6, 29—40), elegiolas de Sulpicia (quae Tibulli non esse non possunt), denique duo haecce „epigrammata” ... quamvis magni mecum Iacobyannam faciat doctrinam, tamen vix risum tenebit cum legerit illum poetam MALO AD ID DELAPSUM OMINE CARMINUM GENUS QUOD SUA IPSUM INDOLES ET NATURA VETARET TANGERE!

# HOMERICA.

SCRIPSIT

J. VAN LEEUWEN J. F.

(Continuantur e pag. 368).



E 715 sq. Iuno Minervam sic alloquitur:

ἢ ῥ' ἄλιον τὸν μῦθον ὑπέστημεν Μενελάῳ,  
Φίλιον ἐκπέρσαντ' ἔϋτειχέα ἀπονέεσθαι.

Nullam alibi apud Homerum huius promissi *Menelao* dati mentionem fieri fuere qui observarent; *Agamemnoni* id promissum fuisse. Quod si iustum est crimen, non grave est profecto, immo ne crimen quidem vocandum, quoniam poeta passim sumsit multa, quae non nisi verbo indicavit, audientibus cognita fuisse e carminibus antiquioribus, nec dubium quin suo iure sumserit. Sed observatio illa haudquaquam est vera, spectatur enim res saepius alibi in Iliade commemorata. Achivis in Troiam expeditionem suscepturis Iuppiter sive di victoriam promiserunt <sup>1)</sup>, — Achivis, praesertim igitur *Agamemnoni*, eorum duci. Itaque hic:

Ζεὺς πρὶν μοι ὑπέσχετο καὶ κατένευσε

Φίλιον ἐκπέρσαντ' ἔϋτειχέα ἀπονέεσθαι <sup>2)</sup>.

At nihilo minus, immo etiam magis, *Menelao*, nam huius causa expeditio illa est suscepta. Famam quaerebat alter Atrida, at alter uxorem et bona erepta.

Ceterum dubitari potest — sed ad hos versus sive laudandos sive vituperandos id non pertinet — verbi *ὑπέστημεν* subiectum utrum *nos caelites* (Iuppiter ceterique Olympii) cogitaverit poeta,

1) Cf. B 299 sqq. I 49.

2) B 112 sq.

an *tu et ego*, ut promissum illud ab iis potissimum deabus Melaelao datum esse dicatur quae prae ceteris numinibus ei faverent, ἀρηγόνες, ut ipse Iuppiter Homericus loquitur <sup>1)</sup>, αὐτῶ οὔσαι.

E 733—742. Minerva postquam pro palla induit tunicam, — nam una veste utebantur mulieres <sup>2)</sup>, — ne veste longiore impediretur, „Iovis arma” sumsit aegidem et galeam. Aegis illa Iovis αἰγιδόχοιο propria fuit, sed etiam Apollo atque Minerva saepius ea sunt usi. Fuit autem *vellus*, sed *vellus aureum* et a Vulcano fabricatum <sup>3)</sup>, is enim faber caelestis artem ex auro fila tenuissima ἤντ' ἀράχνια λεπτά <sup>4)</sup> ducendi callebat. Recordamur nunc *aureorum arietum* Phrixi et Atrei, nec non *aureae iubae* equorum divinatorum <sup>5)</sup> et *aureae cristae* qua Achillis galea ἡΦαιστό-τευκτος fuit ornata <sup>6)</sup>, itaque non miramur aegidem tam flexilem fuisse ut vivi Achillis vel mortui Hectoris humeris posset *circumvolvi* <sup>7)</sup>.

„At aegidem, quam nunc sumere dicitur Minerva, iam tenebat”, fuere qui obicerent; nam tum cum Agamemnonis praecones in aciem vocarunt milites, inter hos dea versata ardorem martium iis civit

αἰγιδ' ἔχουσ' ἐρίτιμον ἀγύραον ἀθανάτην τε <sup>8)</sup>.

Vana profecto obiectio! Non leve hoc est crimen, sed de nihilo confectum. Hic, si usquam, iuvat meminisse κατὰ τὸ σιωπώμενον apud Homerum plurima fieri et fieri debere, ne taedium intolerabile fiat audientibus vel legentibus, quoniam

*le secret d'ennuyer est celui de tout dire.*

Nam Minervam interim vidimus cum ceteris Olympiis in Iovis aedibus sedentem <sup>9)</sup>, dein caelo lapsam, ut sumta iuvenis Troiani specie Pandarum instigaret ad inducias sceleste violandas. An aegidem eam tum servasse credit quisquam? Credimusne poetam eiusmodi quid voluisse? Immo — si urgenda sunt talia! — Minerva postquam copias Achivorum incitavit ad pugnam strenue ineundam, in caelum reversa reposuit aegidem in Iovis

1) Cf. Δ 7.

3) Cf. O 308—310.

5) Cf. Θ 42 N 24.

7) Cf. Σ 203 sq. Ω 20 sq.

9) Cf. Δ initio.

2) Cf. ε 229 sq.

4) Cf. θ 280.

6) Cf. Σ 611 T 393.

8) Cf. B 447.



unde sumserat conclavi, dein intravit deorum cenaculum. Neque enim homines neque caelites armati epulabantur aut concionabantur. Nunc autem, cum Iunonem et Minervam in ipsum bellum se parantes poeta ostendit, alterius currum, alterius arma splendidis verbis pingit. Nunc demum ut pingeret res tulit.

E 875. Mars a Diomede Minerva adiuvante vulneratus sic apud Iovem patrem expostulat:

σοὶ πάντες μαχόμεσθα· σὺ γὰρ ἴτεες ἄφρονα κούρην,  
tibi stomachamur <sup>1)</sup> omnes, tu enim istius pater es.

„Omnes, — non tamen ei caelites qui cum Achivis faciebant Iovi hanc ob causam irasci potuerunt” fuit qui obiceret.

At eiusdem generis haec est obiectio ac si quis perhibeat non recte in nostratium sermone familiari eum qui defessus sit „tam lassum quam sit canis” dici, vel qui pluvia fuerit perfusus „tam humidum quam felem”, non enim omnes semper canes fatigari neque omnes feles madere. Nempe grammaticae qui loqui malint, potius fortasse dicant: „tam sum lassus quam est canis defessus et lingua exserta anhelans”, vel: „tu tam es uvidus quam est felis quae in aquam coniecta vix vita salva inde emerit, villos humore conglutinatos trahens”; sic autem qui loquatur, audientes taedio enecet. Et nostro loco si non Mars loqueretur, deus iuvenis dolore cruciatus et ira percitus, sed grammaticus aliquis caelestis, haec fere fortasse dixisset: „nos omnes qui Troianis favemus non Minervae soli et tibi qui eam genuisti succensemus, sed etiam Iunoni Neptuno ceteris caelitibus iis, quos ipsa Iuno tum cogitavit cum: οὐ τοι πάντες ἐπαινέμεν θεοὶ ἄλλοι! Iovem increpuit” <sup>2)</sup>).

At ne hoc quidem concedendum est hunc versum improbantibus. Nam Mars non ideo Iovi omnes caelites succensere ait quod *bellum* ciere Minervam siverit, sed quod *negotia* semper ea dea ipsis dis *facessat*, id quod nulli Olympiorum gratum esse potuit. „Semper et omnibus”, — nempe hodie Veneri et Marti. Sic loqui solent qui irati sunt.

Sed quid immoramur versui qui non nisi crimine inani fuit petitus!

1) Verbum *μάχεσθαι* ut A 8 I 32 al.

2) Cf. Δ 29.

· Z 86 sqq. De Hectore pugna aestuante in urbem reverso quae dicenda videbantur nuper dixi <sup>1)</sup>; nunc non est cur ea repetam vel retractem.

Z 326. δαϊμόνι, οὐ μὲν καλὰ χόλον τόνδ' ἔνθεο θυμῷ.

Hectoris haec verba quoniam ab aliis aliter explicari video et quid significarent plus semel olim ipse dubitavi, quomodo interpretanda nunc arbitrer exponendum videtur. Apparebit, ut spero, optime hunc locum cum vicinis cohaerere neque suspecti habere quicquam.

Paris igitur postquam a Menelao pugna singulari victus est cunctis Achivis et Troianis spectantibus, subito eorum oculis ereptus — nam Venus eum densa nube circumdedit et domum in ipsius cubiculum reduxit — nusquam comparuit. Mirari tum omnes, circumspicere, mox indignari, et si quis Menelao eum denuo sistere potuisset, fecisset; nam et Achivis et Troianis eorumque sociis Paris εἶπον ἀπήχθετο κηρὶ μελαίνῃ <sup>2)</sup>. Ipse Hector, qui verbis contemptus plenis eum ad pugnam singularem ineundam modo stimulaverat et tantum non coëgerat <sup>3)</sup>, egregie est indignatus, et quo magis mordacibus probris milites prosciderunt ducem meticulosum, qui ut vitam servaret, ex hostium conspectu mirifica et plane incredibili celeritate aufugisset, — sic enim putabant, — eo magis et Hector stomachatus est fratri ignavo, dum bellum furit quod ipsius culpa concitasset in tuto alicubi latitanti. Brevi post ipse Hector in urbem redux eum anquisivit, vel collo obtorto, si opus esset, in aciem eum retracturus. Adiit splendidae eius aedes in arce structas, ubi asservabat praedam illi, quem fugerat, Menelao olim ereptam. Invenit hominem apud uxorem in cubiculo sedentem. Putavit autem Paridem eam potissimum ob causam domi latitare quod puderet taederetque criminum quibus a civibus iam peteretur. Itaque sibi ceterisque Troianis succensere eum arbitratus *pro pudor!* increpuit: *tunc domi nunc desides tuis ipsius civibus infensus?* Criminibus probrosis sane modo te proscidimus, cum

1) Cf. Mnem. 1910 pag. 349.

2) Cf. Γ 454.

3) Cf. Γ 39 sqq.

Menelaum in te irruentem fugisti, proscidimus cum pugna singulari ab eo victus periculo te subduxisti. Libenter tunc ei tradidissemus te, si potuissemus: vera haec, sed quid mirum civium animos a te esse alienatos, utpote a belli nuper coorti auctore! Dum aberant Achivi, multi potuerunt credere nihil eiusmodi futurum; iam vero, cum instant hostes, metu omnes cives perculsi praedonem regium, qui Menelao imparem se praestitit, vultu et verbis lacesunt. Fer quam commeruisti contumeliam, et virum tandem aliquando non inter feminas tantum sed et inter viros te praesta hostes ab urbe tua repellendo.

Respondet Paris: *non irae sed dolori volebam indulgere cum victus in thalamo me abdidi*<sup>1)</sup>; *vel sponte autem in aciem eram reversurus.* Mox fratrem ad copias redeuntem strenuus et alacer comitatur.

Z 431—439. Maritum in praelium et hostes ruentem ut in urbe retineat Andromache, ultima ad eum haec dicit:

ἀλλ' ἄγε νῦν ἐλέαιρε καὶ αὐτόθι μίμν' ἐπὶ πύργῳ,  
μὴ παῖδ' ὀρφανικὸν θήης χήρην τε γυναιῖκα.  
λαὸν δὲ στήσον παρ' ἐρινεόν, ἔνθα μάλιστα  
ἀμβατός ἐστι πόλις καὶ ἐπιδρομον ἔπλετο τεῖχος.  
τρὶς γὰρ τῇ γ' ἐλθόντες ἐπειρήσανθ' οἱ ἄριστοι  
ἄμφ' Αἴαντε δῦω καὶ ἀγακλυτὸν Ἴδομενεῆα  
ἠδ' ἄμφ' Ἀτρεΐδας καὶ Τυδέος ἄλκιμον υἱόν.  
ἢ πῶς τίς σφιν ἐνίσκε θεοπροπίων εὖ φειδῶς,  
ἢ νῦ καὶ αὐτῶν θυμὸς ἐποτρύνει καὶ ἀνώγει.

Horum versuum septem postremos, ab Aristarcho et post eum ab aliis multis vituperatos, defendere conabor.

Andromache igitur postquam dixit: „noli denuo in hostes irruere”, ne vana et prorsus irrita locuta fuerit, nam ducis est hostes arcere, addit quod et marito minus periculosum esse putat et urbi aequae utile: „milites” — non aliquos, sed cunctum exercitum, — „colloca potius ante eam muri partem, quae facilius quam ceterae potest conscendi. Hic hostes opperire, ne ultro pete in planitie”.

Femineum sane consilium! Quod si improbatur a milite ali-

1) Vs. 335; ubi Τρώων χόλῳ significat *ira erga Troianos*.

quo belli perito, facile ei adstipulamur omnes, scimus enim non defendentium se sed hostes strenue aggredientium in bellis victoriam esse solere, et nullam unquam oppugnatam esse urbem quin citius tardiusve sit capta, nisi prius in campo aperto profligati essent qui eam obsiderent. Sed si quis ipsum poetam vituperat propterea quod ducis uxorem omnes ingenii vires intendentem ad causas interserendas, quibus maritum intra urbis moenia retineret, talia dicere fecerit, testatur se non agnoscere artem poetae, alia mulieri belli ignarae verba et consilia tribuentis, alia ipsis ducibus. Hector sciebat Achivos adoriendos et in ipsa planitie vincendos esse, si Troia esset mansura: Andromache nesciebat.

Illustratur autem noster locus fabula a Pindaro commemorata <sup>1)</sup>: Apollinem et Neptunum Aeaco adiutore esse usos cum Troiae moenia struerent, ab ea autem parte, quam Aeacus extruxisset, eius posteris fato concessum esse aditum. Sic igitur Homeri verba interpretemur: muros Troiae a Neptuno sive solo <sup>2)</sup> sive adiuvante Apolline <sup>3)</sup> extractos <sup>4)</sup> unum habuisse locum ubi quamcunque ob causam — nam et in hac carminis parte et alibi poeta hac de re tacuit, immerito sic Aristarcho suspicionem movens, — possent expugnari. Hoc arcanum ne a vate aliquo Achivis reclusum fuerit Andromachen vereri, in illum enim locum hostes plus semel modo fecisse impetum, cum Troiani absente duce <sup>5)</sup> et ipso deo qui eis praeerat vulnerato <sup>6)</sup> minus strenue pugnarent <sup>7)</sup>. Pluribus verbis id a poeta enarrari nihil opus fuit, quivis enim auditor sensit inferiores sic aliquantisper factos esse Troianos; nunc poeta breviter indicat quam prope tunc ad urbem Achivi accesserint. Fac autem mentitam nunc Andromachen: mendacium erit muliere de vita mariti sollicita non indignum. Sed haudquaquam mentitam arbitror, auditores autem optime scivisse quo tenderent verba poetae *θεοπρόπια* commemorantis.

Qui hos versus reicit, gemmam aspernatur.

1) Cf. Ol. VIII 40—58.

3) Cf. H 452.

5) Cf. Z 86 sqq.

7) Cf. H 4—7.

2) Cf. φ 446.

4) Cf. ε 519 φ 526.

6) Cf. E fin.

H 17—322. Venio nunc ad eam Iliadis partem, quam cum alia quadam parte in unum carmen satis apte potuisse coniungi plurimi critici negarunt, quibus et ego nimis diu sum adstipulatus. Dico Aiakis et Hectoris pugnam singularem, quae post Menelai cum Paride certamen ferri non posse multis videtur, ab aliis autem ita defenditur ut dura crimina praeferas. Iliadi postmodo insertam esse diu putavi: nunc nullus dubito quin et ipsi Iliadis poetae debeatur et laude sit dignissima.

Quod unum nunc concedendum est, id poetae Iliadis dedecus nullum affert: eum in hac carminis parte — ut alibi passim — usum esse materie aliunde desumta. At tam apte eam materiem suo carmini inseruit ut nihil sit hoc loco quod iure possit vituperari. Videamus singula.

Cum per magnam diei partem vario Marte pugnatum esset et superiores aliquantisper facti Achivi vel ad proximam urbis viciniam accessissent, dein Hector et Paris in aciem reversi eos reppulerunt magnamque eorum stragem dederunt. Tum e caelo rediit Minerva ut suis opitularetur, cui obviam statim ruit Apollo; dein his dis placuit pugnam sistere — ad occasum enim iam vergebat sol — et solos Hectorem Achivorumque aliquem ducem in certamen singulare committere.

Hoc igitur certamen post Menelai cum Paride illud alterum multi molestum esse censent; at utile potius dicendum est atque adeo necessarium. Quid enim? Hectore auctore <sup>1)</sup> initae sunt induciae et sollemni iureiurando confirmatae, ut Menelao fieret occasio cum Paride ex composito decertandi. At Paris cum eo certamine profligatus esset, a Venere ereptus est victori, et sic eventum res nullum habuit. Dum autem dubitatum est quid iam deberet fieri, scelere Pandari violatae sunt induciae itaque piaculo obstricti sunt Troiani. Cuius delicti dedecore ipse praesertim Hector exercitus Troiani dux pollutum se sensit, iamque iubente Troiae praeside Apolline secum decernit corrigere quae frater et socius Lycius peccarint, quatenus quidem possit. Suae ipsius saluti invigilavit Paris: honori consulit Hector!

Adiit igitur hostes et eos allocutus est. Dixit quispiam

1) Cf. r 86 sqq

praelium subito sic interrumpi non potuisse; at in ea praeliorum specie, quam poeta ostendere nobis solet, qua promachi per spatium inter utrumque exercitum patens alter in alterum incurrunt identidem et verbis prius quam hastis inter se petunt, ea res non est incredibilis. Hectoris autem, non Achivorum male tunc habitorum <sup>1)</sup>, fuit eiusmodi quid facere.

Quid autem dicit ad duces Achivorum, postquam pugnae intermissio est facta? „Inducias, quas inieramus, ad eventum perducere non sivit pater caelestis”: quod verum est, nam ipsi caelites Paridem morti instanti eripuerunt, dein ut foedere violato bellum cieretur effecerunt: „bellum igitur vitare non licuit: „doleo, sed mutare id nequeo. Quod vero possum, id iam praesto: „en ipse adsum qui pugnam singularem cum fortissimo quoque „vestrum ineam. Sic maculam fratris a Menelao victi et ipsius „Menelai ex insidiis sceleste vulnerati delere conabor; inferior „autem si ego quoque fiam, non ut ille aufugiam” <sup>2)</sup>.

*Honoris igitur causa, ἐξ ἔριδος sive περὶ ἔριδος* <sup>3)</sup>, Hector est dimicaturus. Nam haec est vocis *ἔριδος* vis; quam si quis *discordiam* dicat latine, procul discedat ab HomERICA vocis vi. Est *laudis amor* ille, quem Hesiodus noto loco <sup>4)</sup> celebravit, *studium generosum*, quod prohibet quominus metui indulgeant milites <sup>5)</sup>. Haec dea libri A initio Agamemnonem et ceteros Achivos incitat ad pugnam strenue ineundam, spretis consiliis quae sugerebat timor. Et praesto iam est auxilium Pelei verbis ab Heynio damnatis, cui olim et ego adstipulabar, filium in bellum abeuntem sic admonentis: „*animum generosum modeste compescere te oportet, fili,*

ληγόμεναι δ' ἔριδος κακομηχάνου, ὄφρα σε μᾶλλον  
τίωσ' Ἀργείων ἡμὲν νεοὶ ἡδὲ γέροντες” <sup>6)</sup>.

Hic *ἔριδα* verte *discordiam* vel *rixam* — et cum Heynio dices Achillem a patre non potuisse admoneri ut *finem faceret rixae* quam postea cum Agamemnone initurus esset; at Peleus filium

1) Cf. vs. 18.

2) Cf. vs. 69—91.

3) Cf. vs. 111, 303, al.

4) Op. 11—24.

5) Nostrum *aergeroel*; saepe etiam *aerzucht* vertendum. Quod cum *nimum* sit studium, tum demum vituperatione dignum fit; tum *θυμοβόρος* (T 58) fit ἔρις, quod <sup>no</sup> cum malo expertus est Achilles (cf. Σ 107).

6) Cf. I 257 sq.

abiturum ne *immodico laudis illi studio*, quo inde a primis pueritiae annis fuisset stimulatus, in posterum quoque indulgeret adhortatus est, sic enim et iunioribus et senioribus inter Argivos, quibuscum iam in bellum proficisceretur, magis gratum fore: eo plus honoris accepturum quo minus sibi posceret.

Sed ad Hectorem redeamus. Unam igitur laudem hic appetebat cum Achivorum principes in certamen singulare provocavit. Condiciones nullae sunt propositae, neque circumscriptum est spatium intra quod pugnandum esset <sup>1)</sup>. Quid enim? Fugere et sic victum se fateri alterutri licebat, si vellet. Nihil hac pugna, ut Menelai cum Paride pugna, decerni aut debebat aut poterat.

Adstabant utrinque copiae

ἄσπίσι καὶ κορύθεσσι καὶ ἔγχεσι πεφρικυῖαι <sup>2)</sup>,

i. e. *clipeis exutis innisi*, — nam *horrendi* verbum ultimo nomini soli convenit, — *galeati, hastis erectis*, non iam in hostem intentis, et solo *infixis*:

ἄσπίσι κεκλιμένοι, παρὰ δ' ἔγχεα μάκρ' ἐπεπήγει <sup>3)</sup>.

Provocanti autem Hectori cum nullus ex ceteris ducibus aurem praeberet, ipse Menelaus in medium processit et *κατεδύσετο τεύχεα καλὰ* <sup>4)</sup> sive *clipeo resumpto* — de lorica exuta denuoque induta non esse cogitandum dici vix est opus — *in pugnam se paravit*. Sed *ἀναΐξαντες* sive *proruentes* ceteri reges, quod *immotum standi* verbo ἵσθαι opponitur nunc participium <sup>5)</sup>, eum retinuerunt et clipeum ei ademerunt <sup>6)</sup>, dein sorte ducta Hectori adversarius designatus est Ajax Telamonius. Qui pugnam initurus „voce submissa pro mea salute preces facite”, ad sodales ait, „ne hostes incantamentis aliove artificio verba vestra irrita facere possint”. Dein vero se ipse reprehendens heros, ne timere videatur, „quamquam quid loquor”, addit: „palam modo precamini! per me licet: neminem nos Achivi metuimus”. Immerito critici cum prisci tum recentiores multi hos versus, in quibus ipsa vita veluti cernitur et auditur, vituperarunt.

1) Ut Γ 315.

2) Η 62.

3) Ut dicitur Γ 185.

4) Η 103. Item mox Ajax vs. 206 sq.; Cf. Δ 222 al.

5) Item Δ 114.

6) Cf. Η 122.

Conferenda est Helena verba cum egregio erga maritum contemptu retractans <sup>1)</sup>).

Mox armatus et Hectori oppositus Ajax superbe ridens *βλοσυροῖσι προσώπασσι*, quo clarius significet se eum minime timere,

*ἀλλ' ἄρχε μάχης ἡδὲ πολέμοιο*

ait <sup>2)</sup>): *incipi modo; telum tuum quomodo vitem scio. Ego vero si pugnandi initium fecero, tibi hastam torquendi occasio nulla erit.* Nam haec verborum contemptum ab ingentis molis bellatore prolatorum est vis, et commentarii instar sunt Neptuni cum Apolline pugnam singularem inituri verba <sup>3)</sup>):

*ἄρχε . . . οὐ γὰρ ἐμοὶ γε*

*καλόν, ἐπεὶ πρότερον ᾿γενόμην καὶ πλείονα τοῖδ'α.*

Sic superciliose — nam eiusmodi urbanitas contemptum et irri-  
sionem habet — dux ille gallicus „*tirez les premiers*” ad hostes  
dixit aut dixisse fertur. Itaque Hector iratus *ergone pueri vel mulierculae imbellis me instar habes?* exclamat.

Coepta est pugna, vulneratus est Hector, dein saxo ab Aiace percussus concidit, sed denuo exsiliens stricto gladio adversarium cominus aggressurus erat, nisi intercessissent praecones, noctem ingruere et honori satis iam datum esse prolocuti. Aurem iis prae-  
buit Hector et diremto sic certamine donum Aiaci dedit ensem suum, hic Hectori suum cingulum. Et sic huic episodio eum finem fecit poeta Iliadis quem unum facere ei poterat. Hectori mortem illaturus erat Achilles, Ajax post utriusque mortem ipse se leto daturus.

H 337—464. Sequuntur versus quibus Achivi auctore Nestore fossam et aggerem ante castra duxisse narrantur. Haec quoque carminis pars a multis est improbata, immerito profecto. Nam quid miri habuit Nestoris illud consilium, cum prima pugna male cessisset, — non enim capta est urbs, ut speraverat Agamemnon <sup>4)</sup>), — naves et tabernacula et praedam et praesertim

1) Cf. Γ 432—436.

2) Cf. Η 232.

3) Cf. Φ 439 sq.

4) Cf. νυν Β 12, 29, 66, 330.



ossa caesorum munimento protegi iubentis? Sed de hac re iam antehac disputavi <sup>1)</sup>.

Interim <sup>2)</sup> in Troiae arce deliberarunt primores Trojanorum, et fuerunt qui pacem ab Achivis peti iuberent. At Paris speravit et confidit Achivos, qui illo die urbem capere non potuissent neque admodum feliciter pugnassent, ne postea quidem victores evasuros, — expectans videlicet id quod optaret et praedam suam e manibus mittere recusans. Qui ceteris iunioribus ipsique Priamo patri nunc quoque — ut ante bellum initum — persuasit. Neque is erat Paris qui invitatus cogi posse videretur <sup>3)</sup>. Aliter sane sensit Diomedes in ducum Achivorum concilio sententiam dicens, iuvenis ferocissimus, strenuus semper et ad hostes petendos paratissimus: non devictos quidem esse Troianos, versus urbem tamen repulsos, et Hectorem, qui die exeunte pugna singulari cum Aiace congressus esset, inferiorem inde evasisse, quod autem gravissimum esset, Troianos foedere violato deorum iram sibi conciliasse; devotam iam esse illam gentem, Τρώεσσιν δαίθρου πείρατ' ἐφῆφθαι <sup>4)</sup>.

Optime haec omnia decurrunt et inter se cohaerent. Sed versus 443—464, qui salvo contextu possunt omitti, postmodo insertos esse probabilis videtur veterum criticorum opinio. Quos versus qui fecit <sup>5)</sup>, *murum lapideum*, non *aggerem*, Achivorum castris circumdatum finxisse sibi videtur. Quod ni fecisset, vix erat cur deos opus illud mortalium tantopere admiratos diceret. Nam aggere castra cingere cuiusvis exercitus est; intra unius diei spatium perfici id haud difficulter potuit, et postea nunquam non sic bellum gesserunt Romani. Neque opus illud magnopere miratus est Hector <sup>6)</sup>; quem nimis quidem contempnim, utpote hostem, de eo locutum esse facile intellegimus, sed ridiculus fuisset si tam proterve vilipendisset munimenta, quae ipsis caelitibus invidiam movissent. Et miraculi instar fuisset murus lapideus tam cito structus.

1) Cf. Mnemos. 1906 p. 199 et 261, 1, 1910 p. 380.

2) Cf. H 361—364.

3) Cf. H 393 Z 522.

4) Cf. H 401 sq.

5) Memor fortasse Neptuni in Odyssea de Phaeacum erga Ulixem benevolentia cum Iove expostulantibus v 127 sqq.

6) Cf. Θ 178.

Molestiam autem chronologicam habent versus 430—435: *Achivi, perinde atque Troiani, caesorum suorum corpora collecta et rogo imposita cremarunt;*

ἥμος δ' οὐκ ἄρα πω ἤως, ἔτι δ' ἀμφιλόκη νύξ,

τῆμος ἄρ' ἀμφὶ πυρὴν κριτὸς ἤγρετο <sup>1)</sup> λαὸς Ἀχαιῶν,

435 τύμβον δ' ἀμφ' αὐτὴν ἐν' ἐποίηον κτέ.

Nam fert ratio ut magnam diei partem Achivi et Troiani tristi negotio mortuos anquirendi colligendi cremandi insumserint, dein expectari necesse fuit dum ingentis rogi flammae conciderent. Hoc igitur dicitur versu 432:

ἐν δὲ πυρὶ πρήσαντες ἔβαν κοίλας ἐπὶ νῆας <sup>2)</sup>.

Dein nox intercessit, ut post *Patrocli* et post *Hectoris* corpus combustum <sup>3)</sup>, et proximi demum diei initio Achivi ossa mortuorum legerunt (vs. 433 sq.), dein vallum struxerunt. Sed fatendum est aut ipsum poetam in temporis decursu indicando non admodum diligentem nunc se praestitisse, aut in textu tradito desiderari quaedam, quibus rerum ordo et prioris diei finis accuratius olim fuerint indicati.

Si vero sumamus poetam de uno tantum die loqui vs. 381—465, cum in alias molestias incidamus, tum non habeamus quomodo cum versuum 372 et 381 voce ἠῶθεν aut cum versu 421: ἡέλιος ... νέον προσέβαλλεν ἀρούρας conciliemus versum 433: *nondum aurora sed diluculum erat;* nam prius est νύξ ἀμφιλόκη quam ἡέλιος προσβάλλει ἀρούρας, et ἡδός iamdudum facta est mentio. Sic igitur oporteat verbum ἤγρετο vertamus: *interim convenerat*, alios igitur caesorum corpora collegisse, alios interim rogi struxisse rati; atqui *convenerunt* poeta ait *circa bustum*, non: *ad rogi struendum convenerunt* (vel potius: *ligna congesserunt*).

Manet igitur quod diximus: ante unum diem quam mortuorum ossa sepulta sunt et fossa est facta, rogi esse erectum, et recte olim Heyne perhibuit: „inde a versu 432 alter dies succedere putandus est, quo vallum absolvitur”.

Denique pauca sunt dicenda de Nestoris ad Agamemnonem verbis 334 sq.: *cum alluxerit, mortuorum corpora in castra congeremus et cremabimus*

1) Sic Duentzer (a verbo ἀγείρειν) pro ἤγρετο.

2) Versus 431 sq. del. Leaf, quem sequi iam nolum.

3) Cf. Ψ 226—257 Ω 788.

τυτθὸν ἀπὸ πρὸ νεῶν, ὥς κ' ὅστέα παιοὶ τέκαστος  
 φοῖκαδ' ἄγῃ, ὅτε κ' αὐτε νεώμεθα πατρίδα γαῖαν.

Hic sequendus videtur Aristarchus, obelo hos versus confodiens, singularem enim *πυρὴν* vs. 336, adiectivum *ἄκριτον* vs. 337 et 436, verbum *ἐνήεον* vs. 431 docere de discernendis singulis corporibus poetam non cogitasse, neque in patriam ossa defunctorum reportare morem fuisse militibus, testibus vs. 86 al. <sup>1)</sup>; cum praesertim et Troiani cineres suorum reliquerint in loco ubi cremati erant <sup>2)</sup>. Neque apte dicta sunt: ὥς κ' ὅστέα παιοὶ τέκαστος ἄγῃ.

Quod Aeschylus hos versus cognitos habuisse videtur <sup>3)</sup>, id nihil nunc ad rem.

Θ 1 sqq. Venimus nunc ad eum Iliadis librum, cui priscum nomen *κόλος μάχη* sive *praelium multum* infamiam aliquam videtur allevisse; multi certe critici, in his sagacissimi, severe admodum de eo iudicarunt. Cur vero? Paucis complectemur quae in hac carminis parte narrantur.

Iuppiter promisso, quod Thetidi dedit, hodie stare secum decrevit: gravi clade Achivi a Troianis afficientur, dein precibus Achillem adibunt. Quod ut possit fieri, ceteros caelites hodie a pugna abstinere iubet, gravissimis minis additis; nam „*si quis*” ait „*conetur*”

ἢ Τρώεσσιν ἀργυρέμεν ἢ Δαναοῖσι <sup>4)</sup>,  
*male a me mulcabitur*”. Sic id quod potissimum curae est in posteriore enuntiati parte collocat, cuius maius est pondus.

Curru dein ipse Iuppiter in Idae cacumen vectus ex edito illo loco fulmen misit in copias Achivorum, Troianos initio diei denuo aggressorum. Circa meridiem terga dederunt Agamemnonis milites et fuga effusa repetiverunt castra. Ipse ille Diomedes, qui proximo die tanta facinora perpetraverat et urbi perniciem instare certissimum duxerat <sup>5)</sup>, in castra equos convertit, quamvis invitissimus. Sed hostes insequentes ab aggere certe rep-

1) Cf. Δ 174 Σ 332 γ 108 sqq.

2) Cf. vs. 429.

3) Cf. Agam. 436—445.

4) Cf. Θ 11.

5) Cf. Η 401 sq.

pulit, ceteris principibus adiuvantibus, donec finem pugnae fecit solis occasus.

De materie autem, qua in hac carminis parte effingenda poeta usus est, cum disputamus, iuvat observasse Iovem tum cum in *Olympo* sedeat Achivis favere, ut Iunonem vel Minervam, cum vero in *Ida*, Troianis, et vestigia aevi pristini, quo deus Idæus totus Troianorum, deus Olympius totus Achivorum fuit, clare agnoscimus <sup>1)</sup>. Sed nihil haec observatio ad Iliadis compositionem: neque laudem habet ullam neque crimen. Poeta noster, cui Iuppiter fuit pater deorum Olympius, ut incongrua ita ut posset concinnaret, Iovem tum, cum Troianis opem laturus esset, in Troadem aliquantisper *migrasse* finxit. Et splendidis profecto versibus pinxit deum illuc bigis vectum.

Haec igitur quae diximus habet liber Θ: haec minus apte composita esse minusve bene cum cetero carmine cohaerere perhibere potest quis, probare non potest. Et quod attinet ad veterum observationem, *mutilam* hanc pugnam propterea fuisse vocatam quod prior eius pars paucis tantum versibus <sup>2)</sup> fuerit indicata, posterioris narratio subito abrupta fuerit <sup>3)</sup>, haec si vera est nominis interpretatio — nam pugnam *sine deorum interventu gestam* olim sic significatam esse fortasse suspicetur quispiam — et nihil aliud si sibi vult nisi ipsam rem verbis exprimere, ut vera sic inutilis est; si vero criminis vel suspicionis aliquid habet, et poetam minus bene nunc rem suam egisse vel ipsius carminis hanc partem postmodo mutilatam fuisse sic indicatur, strenue et quam primum est reicienda.

Nam suo profecto iure et prudenti consilio poeta de pugnae *initio*, quod memoratu dignum nihil habuit, breviter id unum dixit, per priorem diei partem aequo Marte pugnatum fuisse; *posteriorem* vero pugnae partem, qua profligati sunt Achivi, varie et ornate pinxit: Iovis fulmine Achivos semel et iterum conturbatos, Diomedem invitum in fugam se vertentem, Teucrum ceterosque Achivorum principes ab ipsis castris Troianos vix arcentes, Iunonem furore trepidantem cum suis misere pereuntes

1) Cf. etiam A 80—84 et vicini.

2) Vs. 60—67.

3) Vs. 349.

vidit, et prius a Neptuno auxilium frustra petentem, dein ipsam cum Minerva ad opem Achivis ferendam e caelo ruentem, mox vero iteratis Iovis minis perterritam et in aedes Olympias redeuntem. Paucis autem verbis poeta res illo die gestas enarrandi sic finem fecit:

ἐν δ' ἔπεσ' Ὠκεανῷ λαμπρὸν Φάος ἠελίοιο,  
ἔλκον νύκτα μέλαιναν ἐπὶ ζείδωρον ἄρουραν.  
Τρωσὶν μὲν ῥ' ἀτέκουσιν ἔδν Φάος, αὐτὰρ Ἀχαιοὺς  
ἄσπασίη τρίλλιστος ἐπήλυθε νύξ ἐρεβεννή <sup>1)</sup>.

Haecine *muti*la dicenda est pugnae narratio? Ergone Iunonis ea trepidatio, qua ut vel Iovis iussis adversaretur huiusque minas aliquantisper neglegeret est permota, parum valet ad significandum periculum, in quo versati sunt Achivi? Et adiectiva illa *ἄσπασίη τρίλλιστος* nonne Achivos anxios, defessos, de ipsa salute paene desperantes, quales mox poeta exhibebit in libro I et in libri K initio, clarius nunc nobis ostendunt quam effici poterat versibus aliquot fuse et oratorie haec omnia enarrantibus?

Sed breviter interpretanda sunt quae huius libri initio Iuppiter Minervae apud se expostulanti respondet. Quae postquam ad patrem ceteros caelites a pugna hodie abstinere verbis minacissimis iubentem dixit: „obediendum est sane, tu enim es pater et rex; sed miseret Achivorum, qui si nostro auxilio destituantur, inferiores fient”, Iuppiter „bono animo esto”, ait, „non enim quod tibi male velim, neque quod exercitum gentis cui faves delere velim, ita sum locutus. Quod a bello abstinere vos iussi, id non est cur animo despondeas; non enim eum eventum habitura est Achivorum expeditio ut re infecta pereant. Manet quod decrevimus <sup>2)</sup>: Ilium expugnabitur.”

Haec est vis verborum:

θάρσσε, Τριτογένεια, Φίλον τέκος· οὐ νύ τι θυμῷ  
πρόφρονι μυθέομαι, ἐθέλω δέ τοι ἥπιος εἶναι <sup>3)</sup>.

Significat autem θυμῷ πρόφρονι in Iovis ore: *mente Achivis infestu et eorum perniciiei intenta, quemadmodum modo* <sup>4)</sup> πρόφρων

1) Vs. 485—488.

2) Cf. Δ init.

3) Cf. Θ 39 sq.

4) Cf. vs. 23.

*φέρυσσαι* dixit ita trahere ut qui serio agentes omnes vires intendunt. Gallicum pour tout de bon id quod vult pater deorum vel ipse poeta optime reddit. Eadem versuum quos excripimus vis est loco parallelo <sup>1)</sup>, ubi Iovi ambigenti an Hectorem Achilli persequenti eripiat Minerva sic obloquitur: „tunc igitur virum mortalem vis servare fato et caelitibus ceteris invitis?” Dein Iuppiter: „*bono animo esto*,” ait, „*filia carissima; non stat mihi consilium, libenter autem tibi obtempero*”. Et addit:

φέρξον ὅπῃ δὴ τοι νόος ἐπλετο, μηδὲ τ' ἐρώει.

Etiam de versibus qui sequuntur <sup>2)</sup> aliquid observasse fortasse utile fuerit:

ἥμος δ' ἥελιος μέσον οὐρανὸν ἀμφεβεβήκει,  
καὶ τότε δὴ χρύσεια πατὴρ ἐτίταινε τάλαντα,  
ἐν δ' ἐτίθει δύο κῆρε τανηλεγέος θανάτοιο,  
Τρώων θ' ἱπποδάμων καὶ Ἀχαιῶν χαλκοχιτώνων,  
εἶλκε δὲ μέσσα λαβῶν, ῥέπε δ' αἰσιμον ἥμαρ Ἀχαιῶν.

Huius librae quae Iovi *utilitas* nunc fuerit fortasse rogaverit quispiam: non rogabit qui sapiat. Deo, cui certum staret consilium, neque necessaria neque utilis aut nunc aut alio tempore esse potuit bilanx. Sed ipsi *poetae* fuit utilis ad vividam imaginem animis audientium obiciendam. Aliis imaginibus poeta idem tum significavit cum *duo vasa* in limine Iovis, bona et mala inde hominibus dispensantis, monstravit collocata <sup>3)</sup>, et tum cum *filium vitae* commemoravit <sup>4)</sup>.

Θ 325—329. Hector Teucrum arcum in se intendentem

παρ' ὤμων, ὅθι κληῖς ἀποτέργει  
αὐχένα τε στῆθός τε, μάλιστα δὲ καίριόν ἐστι,  
τῇ ῥ' ἐπὶ τοὶ μεμαῶτα βάλεν λίθῳ δκριόνετι,  
ῥῆξε δέ τοι νευρὴν· νάρκησε δὲ χεὶρ ἐπὶ καρπῷ.  
στῆ δὲ γυνὺς ἐριπών, τόξον δέ τοι ἔκπεσε χειρός.

Hic non *arcus nervus* voce *νευρῇ* videtur indicari, ut in versu proximo 324 et loco subsimili O 463—470, sed Heyne videtur

1) Cf. x 182 sqq.

2) Cf. Θ 68—72.

3) Cf. Ω 527—533.

4) Cf. τ 127 sq. al.

sequendus esse, qui *tendinem humeri* est interpretatus. Nam non *partem* solam *corporis*, quae ictu feritur (*παρ' ὤμων*), sed et ictus *effectum* indicare solet poeta, et melius inter se cohaerent versus 328 pars prior et posterior si sic reddimus: *saxo ei iugulum ferit, quo ictu divulsus est tendo, ita ut brachium torperet*. Fortasse autem *νεῦρον*, non *νευρήν* fuit olim, Π 316 certe *νεῦρα*, non *νευρά* dicuntur corporis humani tendines. Nostra tamen lingua eiusmodi discrimen non habet, neque linguae vicinae attt Latina <sup>1)</sup>.

Quodsi recte Heyne locum est interpretatus, optime congruunt Teucris verba postero die, cum Iuppiter ei arcum e manibus excussisset et huius nervum fregisset, sic querentis: „*pro numen malignum, quod mihi*

*νευρήν ἐξέρρηξε νεόστροφον, ἣν ἐνέδησα*

*πρώϊον, ὃφρ' ἀνέχοιτο θαμὰ θρώσκοντας διστοῦς*” <sup>2)</sup>.

Nam novum nervum ei quo pridie usus fuerat tum substituit. Si vero in secundo praelio ruptus ei est nervus arcus, sequentis diei initio novum nervum huic illigare debuit — non veritus ne nervus prior diutius iam usurpatus in pugna rumperetur, sed propterea quod nullum iam nervum arcus haberet.

At postero die sive in pugna tertia arcum tenere quomodo potuit, si eo die de quo nunc loquimur sive in pugna secunda ei divulsus est brachii tendo?

Respondemus rogando. Qui potuit *Aeneas*, cum fractum ei esset femur et divulsi essent tendines <sup>3)</sup>, post unius duarumve horarum spatium <sup>4)</sup> in praelium redire corpore sanato et viribus integris? Et Apollinis Latonae Dianae si miraculum hoc fuisse dicitur <sup>5)</sup>, filio Veneris egregie faventium, pergimus rogare quomodo *Sarpedon*, cum in primo praelio concidisset femore perfosso multoque sanguine amisso <sup>6)</sup>, post quatrimum plurima facinora fortissima edere et cum ipso Patroclo configere poterit? <sup>7)</sup> Nempe ipsius Iovis filius hic fuit ideoque naturae legi-

1) *Pees, Sehne, nervus*, al.

2) Cf. O 469 sq.

3) Cf. E 307.

4) Ibid. vs 541.

5) Sic et Mars a Paeone medico caelesti dicto citius sanatus est, E 904.

6) Cf. E 660—698.

7) Cf. M 397 sqq. Π 419 sqq.

bus a numinibus est exemptus? Quid igitur *Diomedes*, patre mortali natus homo, cui in primo praelio brachium dextrum sagitta est perforatum? A dea stimulatus pugnam continuavit, vulneravit Aeneam, Venerem, ipsum Martem, necavit plurimos, et sequentium quoque praeliorum pars magna fuit, in tertio autem praelio cum denuo fuisset vulneratus, Paris enim pedem dextrum ei sagitta transfixit <sup>1)</sup>, mox tamen ludorum funebrium fuit particeps. Quid *Glaucus*, qui brachio dextro vulnerato cum hastam tenere nequiret et dolore vehementissimo cruciaretur, ad Apollinem est precatus, hic autem ἔπαυσ' ὀδύνας, αἶμα δ' ἐτέρσῃνε, μένος δέ τοι ἔμβαλε θυμῷ <sup>2)</sup>, itaque in praelium reversus Glaucus mox unum e ducibus Myrmidonum hasta interemit <sup>3)</sup>.

Talia igitur et facere poterant di et faciebant. Artem autem illam divinam callebat etiam Chiron Centaurorum cultissimus, qui eam docuit Aesculapium et Achillem. Achilles docuit Patroclum, itaque hic Eurypyli graviter vulnerati femur apto remedio curavit. Aesculapius autem docuit filios suos Podalirium et Machaonem, qui quantum ea arte valuerint ostendit Menelaus non letali quidem vulnere affectus, tali tamen ut sanguine ei perfunderentur crura, dein dicto citius a Machaone sanatus <sup>4)</sup> et extemplo in pugnam ruens <sup>5)</sup>. Itaque non mirum est etiam Agamemnonem et Ulixem, cum in praelio tertio gravia vulnera accepissent, tam cito esse sanatos ut postero die concionem certe possent adire hastae innisi; Ulixes autem brevi post cursu vicit in ludis funebribus.

Nihil hic certe valet vulgatum illud et decantatum crimen carminis e diversorum carminum fragmentis contaminati, nam unus idemque poeta quin Menelaum vel Diomedem vel Glaucum vel Aeneam et vulnerari fecerit et dicto citius sanari dubitare nemo potest.

Quae cum ita sint, non est cur negemus etiam Teucri tendinem illam, quam laesit saxum ab Hectore coniectum, tam cito et tam bene a Machaone potuisse sanari ut die proximo

---

1) Cf. Δ 376—388.

2) Cf. Π 528 sq.

3) Ibid. vs. 594.

4) Cf. Δ 219 sq.

5) Cf. Ε 50.



heros arcum denuo intendere potuerit. Prodiit tum post alios <sup>1)</sup>, quieti igitur aliquid dare eum iusserat medicus; cum vero prodiisset, strenue ut antea se gessit. Illo autem die, perinde atque pridie, dum arcu utitur, prohibitus est quominus pergeret sagittari; nam, ut supra iam vidimus, Iuppiter arcus nervum ei fregit et ipsum arcum e manu excussit <sup>2)</sup>. Quomodo autem? Immissione fulmine? Dixeris poetam hoc voluisse, quoniam Teucer metu est percussus et a deo arcum sibi ereptum esse statim intellexit. Fortasse tamen praestat hanc rem non urgere, quoniam certi nihil dixit ipse poeta. Quicquid id est, patet poetam *his* usum esse prisco argumento, quod hoc fuit: „Teucro” vel potius — nomine omisso — „Achivorum principi Troianos insectanti arcum excutit deus Troiae defensor”. Altero loco in heroem mortalem abiit *ἔκτωρ* ille, qui *οἶος ἐρύετο Φίλιον ἱρήν*, non caeleste autem telum iacit sed lapidem terrestrem, altero mansit qui fuit primitus: deus ex Idae cacumine fulmina torquens in urbis suae hostes. Conferri potest e. g. argumentum item priscum, quod fuit huiuscemodi: „Achivorum principem sagitta ferit Troiae defensor”; id enim Iliadis poetae praebuit Diomedem a Pandaro <sup>3)</sup> eundemque a Paride <sup>4)</sup> sagitta vulneratum nec non Achillem a Paride ipsove Apolline sagitta interentum <sup>5)</sup>.

I 1 sqq. Nonus liber et egregiis laudibus a plurimis est elatus et tamen a plurimis damnatus. Quam potissimum ob causam? Quod critici sibi persuaserunt libri undecimi quosdam versus intellegi non posse si liber nonus antecesserit. Sunt autem Achillis, Achivorum cladem gravissimam spectantis, haec ad Patroclum verba:

*νῦν δῖω περὶ γούνατ' ἐμὰ στήσασθαι Ἀχαιοὺς  
λίσσομένους· χρεὼ γὰρ ἰκάνεται οὐκέτ' ἀνεκτός* <sup>6)</sup>.

Dici haec non potuisse ab eo viro ad quem exorandum proxima vespera venissent Achivorum legati, illi quos dicimus

1) Cf. M 336.

2) Cf. O 469 sqq.

3) Cf. E 95 sqq.

4) Cf. A 369 sqq.

5) Cf. X 359 sq.

6) Cf. A 609 sq.

critici arbitrantur. Non agnoverunt igitur discrimen quod interest inter legationem principum sera vespera et veluti clam ab Agamemnone ad Achillem missam et id quod nunc expectat iuvenis Agamemnonem pessime perosus: fore ut ipse exercitus circumfusus et ad pedes eius advolutus ut ignoscat sibi et a morte instante se servet efflictim precetur. „Iam, iam” exclamat, „satisfiet mihi:

νῦν δῖω περὶ γούνατ' ἐμὰ στήσεσθαι Ἀχαιοὺς  
 λισσομένους· χρεὼ γὰρ ἰκάνεται οὐκέτ' ἀνεκτός”.

Ut Ulixem et Aiace ad Achillem mitteret Agamemnon, a Nestore intra tabernaculi regii parietes permotus est, non nisi paucis regibus praesentibus <sup>1)</sup>; per caliginem nocturnam tum illi heroem iratum adierunt, at ille superbe aspernatus est eorum preces, aspernatus est promissa regis nomine sibi oblata. Nunc illos ipsos venturos arbitratur, qui tum viderunt Briseidem ex eius tabernaculo ad Agamemnonem deductam neque prohibuerunt quominus sic consummaretur contumelia, quam minatus ei fuerat Agamemnon. Omnes iam duces et vel milites gregarii pallidi trepidique Achillem palam γυνάσσονται γυνὴ ἐριπύοντες <sup>2)</sup> sive πρόχυνυ καθεζόμενοι <sup>3)</sup>, nam hoc est περὶ γούνατα ἴστασθαι. Hi supplices adibunt eum quem tum propudio haberi viderunt et siverunt, hi ampla dona ei offerent, hi Briseidem ei reddituri sunt <sup>4)</sup>.

Hanc gradationem habent libri I et Λ inter se collati. Deme autem ex Iliade τὴν πρεσβείαν totumque librum nonum: mox subibit mirari cur in libro undecimo Achilles Patroclum allocutus nullam ipsius Agamemnonis mentionem fecerit?

„At” — illi pergunt — „etiamsi concedamus ea quam commendas ratione explicari posse libri *undecimi* istos versus, at restant quam maxime incommoda et plane intolerabilia quae in libro *decimo sexto* ad Patroclum Achilles dicit: *impudenter iam castris nostris inequitant Troiani: meam scilicet galeam non vident;*

1) Cf. I 68—113.

2) Cf. E 309 al.

3) Cf. I 470.

4) Cf. πρὸς πάντων Δαναῶν Π 85 et ἀφέλεσθε δόντες A 299.

τάχα κεν Φεύγοντες ἐναύλους  
 πλῆσειαν νεκῶν, εἴ μοι κρείων Ἀγαμέμνων  
 ἦπια φεῖδείη <sup>1)</sup>).

„Si bene ei vellet Agamemnon, non fugerent nunc Achivi: at nonne bene nunc ei vult Agamemnon? Nonne splendida dona ei obtulit ipsamque suam filiam in matrimonium daturum se promisit?”

Sic illi; itaque male versa verba, male intellecta criminis iniquissimi causa extiterunt. Nam non id quod illi aiunt Achilles dicit, sed vertendum est: *si Agamemnon amicus mihi esset*, i. e. *si tum non despiciatui me habuisset, sed amicus mihi mansisset*. Odit Achilles atque contemnit regem et dona ferentem, neque ἦπιον sibi ducit propterea quod metu permotus opum aliquid per alios offerri sibi iusserit.

Sed paullo etiam altius res est repetenda; nam et vicina Achillis verba <sup>2)</sup> parum recte explicata errorum causa extiterunt. Qui postquam cachinno maligno explosit Patroclum et puellulae lacrimosae assimulavit, huius dolorem impense mirari se nullamque eius causam sibi cognitam esse fingens, dein indignato amico utque se certe in praelium ruere sineret precato, si ipse quamcunque ob causam nollet, non iam ridens sed irae effrenae indulgens: „dubitare qui potes cur a pugna ego abstineam!” respondit. „An nescis quid perpersus sim, quid minatus? Non „ideo quiesco quod meae cuti caveam quodve a Iove sim iussus „pugna abstinere, sed quia contumelia affectus sum intolerabili. „Hoc est quod doleo et gravissime quidem doleo. Sed quid attinet illam ob causam perpetuo stomachari”: — i. e. iram identidem suscitare de eius causa disputando <sup>3)</sup>: — „scis quid „dixerim: ego tum in pugnam me accingam cum in meas „ipsius naves Troiani incurrent <sup>4)</sup>. Tu vero hostes adoriaris per „me licet.” — Sequuntur quae iam excripsisus verba, dein

1) Cf. Π 69—73.

2) Cf. Π 48—100.

3) Non significat sic Achilles se de ira sua aliquid iam remittere, sed προτετύχθαι ἐάσομεν, ut nostrum *dat zullen wij laten rusten*, id valet quod Ω 524 οὐ τις πρῆξις πέλεται: *nilhil prodest iram verbis etiam incendere*. Ira Achilles nihilo minus nunc aestuat quam ante.

4) Cf. I 650—652.

Patroclum iubet, naves cum servaverit, hostibus repulsis redire et Troianos Achivosque inter se porro trucidare sinere; tum in iram plane furibundam erumpens denique et qualis etiam tot diebus post iniuriam acceptam praeterlapis sibi sit mens aperte ostendens „ad unum omnes si pereant isti, et nos duo si relinquamur soli, bene sit!” exclamat, — non reputans videlicet, quippe iratus, si pereant omnes, nullos mox fore qui sibi satisfacerent, nullos quos vincere possit ipse.

Meras igitur minas Achilles hoc loco evomit; felle singula eius verba sunt imbuta. Multum autem abest ut aut nunc — quod sunt qui putent — mitiorem quam ante se praestet aut proxima vespera se praestiterit, cum legis abeuntibus dixit se hostes repulsurum si suas ipsius naves peterent. Odii et contumeliae plena ea quoque erant verba, promissi nihil habebant; nam eiusmodi quid ab Achille promitti minime oportuit, quoniam dementis fuisset ne se ipsum quidem defendere velle. Sui suorumque solorum curam se habere, ceteros reges eorumque copias nihili facere, claris durisque verbis tum quoque ostendebat iuvenis irae impotens: „meis modo militibus meisque navibus bene sit, vos vestrave nihil curo: his autem ne Hector ignem inferat ego cavebo!”

I 34—39. Quod nemo nescit, post pugnam secundam Diomedes Agamemnonem suo gladio iugulans in memoriam ei revocat verba quibus Agamemnon iniquius nuper ipsum increpuit. „Prior me carpsisti”, ait, „nam virtutem meam coram militibus vilipendisti (ante primam pugnam); at tibi regiam, quidem potestatem dedit Iuppiter, sed denegavit virtutem bellicam”. — Respicitur igitur nunc notus locus τῆς ἐπιπολήσεως <sup>1)</sup> et artissime inter se cohaerent haec. Re, non verbis, regis illa iurgia iam refutavit Diomedes, et talem in concione nunc se praestat qualem ante in praeliis: strenuum, imperterritum, cedere nescium.

I 66—88. Hoc quoque saepius est observatum, sed identidem erit observandum quamdiu erunt qui Iliadem verum carmen

1) Δ 370 sqq.

esse negent: poetam nunc viam ad sequentia sibi parare et aptissime quidem parare. Nam quoniam hostium copiae in vicinia castrorum Achivorum noctem transigunt, fert ratio ut Achivi aliquos excubitores ante vallum vigilare iubeant; horum autem excubitorum non temere nunc fit mentio, quod subin-eptum foret, sed ut ad res quae in libro K commemorantur enarrandas commodus mox transitus sit futurus <sup>1)</sup>). Utilissima igitur haec sunt in carmine etiam librum K complexo, at damnari eadem oportet ab iis qui illum librum a contextu segregare velint: habet igitur foeda lacuna in libri I initio, nam illis versibus evulsis vicini inter se coniungi satis apte non poterunt; mox molestus erit vs. 94, quo illi respiciuntur, et sic frustatim discerpentur quae per se spectata ne minimam quidem suspicionem movebant neque quicquam habebant quod displiceret.

In *nono* igitur libro rationem *decimi* haberi videmus, at etiam — ut coniungamus quae eodem tendunt — in *decimo quarto*. Nam, — viri doctissimi Shewan sagax haec est observatio <sup>2)</sup>, — quae libri E initio narrantur satis intellegi nequeunt nisi libri K habita ratione.

Nestor enim, qui quin praelio tertio inde ab initio cum ceteris regibus adfuerit dubitari nequit et postquam aliquantisper pugnatum fuit prope Scamandrum strenue rem gerens a poeta ostenditur, curru dein Machaonem vulneratum in castra et suum ipsius tabernaculum deduxit, ubi cum Patroclo mox collocutus est aliquantisper, cui dedit consilium ab Achille petendi ut ipsi liceret in hostes irruere <sup>3)</sup>; brevi autem post, cum magis magisque ingrueret hostium impetus et ipsis iam castris maximum instaret periculum, in pugnam redire secum decrevit, itaque

σάκος εἶλε τετυγμένον υἱὸς ἑρῶτο,  
καίμενον ἐν κλισίῃ, Θρασυμήδεος ἱπποδάμοιο,  
χαλκῷ παμφαῖνον· ὃ δ' ἔχ' ἀσπίδα πατρὸς ἑρῶτο <sup>4)</sup>.

1) Cf. K 56, 126 sq., 180 sqq.

2) Anno 1906; cf. Andrew Lang Homer and his Age p. 276—278, The World of Homer p. 252 et ipse Shewan The Lay of Dolon p. 144.

3) A 501 sqq.

4) E 9—11.

Haec quorsum? In sequenti carminis parte nihil est quod huc referri possit. Cur igitur narravit poeta? Temerene prorsus, inepte igitur? Hodiene filium suum quam ipsum se aureo illo clipeo, τοῦ κλέος οὐρανὸν ἔκε<sup>1)</sup>, uti satius duxit senex, viliorē contentus ipse? Minime, sed Thrasymedes patris clipeo propterea est usus quod suo ipsius uti non potuit. Nam proxima nocte Thrasymedes cum praeesset excubitoribus inter aggerem et fossam vigilantibus, aereum suum clipeum commodavit Diomedī<sup>2)</sup>; qui cum ab expeditione nocturna rediit, in tabernaculum suum eum secum rettulit. Thrasymedes autem interim non inermis mansit, custos inutilis, sed pater suum clipeum mox ei misit — sic enim poetae mens, leviusculas has res non nisi paucis verbis nunc significantis, est interpretanda — aut ipse Thrasymedes unum e vigilibus misit qui eum peteret e Nestoris tabernaculo<sup>3)</sup>. Primo autem mane cum Thrasymedes ceterique vigiles ipso illo loco ante castra, ubi excubias egerant, prandium sumsis- sent, ut et cenam vespertinam sumserant<sup>4)</sup>, in aciem sunt profecti; Nestor vero cum et ipse ad pugnam se armaret, in tabernaculo suo invenit clipeum filii sui, quem Diomedes illuc referendum modo curaverat; hoc igitur sumto Nestor praelium iniit.

Sic rem sibi informavit poeta, sed quae modo indicavimus singula enarrare omnia, operae pretium non duxit, neque erat profecto operae pretium.

Ineptum autem fuerit rogasse cur Diomedes clipeum non iam sibi utilem Thrasymedi non tum reddiderit cum ab expeditione nocturna reversus in castra rediret, vel cur Nestor et filius ante praelium non permutarint clipeos per ministros? Si tamen roget quispiam, respondendum erit: quia non sic libuit poetae.

Qui vero librum K ab Iliade alienum ducunt, qua de re mox plura erunt dicenda, aut sumere debent ipsum τῆς Δολωνείας poetam, cum eo consilio illud carmen composuisset ut Iliadis pars fieret, versus quos modo tetigimus libro E callida fraude inseruisse, — potuisse igitur inserere, — quo firmitus id quod

1) Cf. Θ 192.

2) Cf. K 255—257.

3) Cf. K 76.

4) Cf. I 88.

ipsius ingenium elaborasset cum maiore carmine coalesceret, aut tum cum e variorum carminum fragmentis Ilias composita fuerit, eum qui illud quoque carmen in opus suum musivum recepisset illos versus inseruisse ab ipso confictos. Credant alii talia, non ego. Sic enim suspecta habebuntur quae *nimis bene* congruere credantur, ut olim quae *non satis*.

I 168 sqq.

Φοῖνιξ μὲν πρῶτισττα Διὶ Φίλος ἡγησάσθω κτέ.

Multis suspicionem movit Phoenix hoc carminis loco primum commemoratus. Immerito profecto. Nam sic solet poeta: rerum locorum hominum tum demum rationem habet et mentionem facit cum carmini id ducit utile; itaque e plurimis nominibus, quae cum ipsi tum auditoribus cognita fuerunt e carminibus vetustioribus, pro re nata in suum usum convertit quicquid poscit eius carminis, quod ipse pangit, contextus, et tum demum cum poscit contextus. Haud aliter Patroclum, ut hoc exemplo nunc utamur, auditoribus primum proponit initio carminis <sup>1)</sup>. Iuveni autem irato quem opponeret nullus erat aptior quam eius *τροφεὺς καὶ διδάσκαλος*, senex annis ipsaque vita maturatus, Nestor alter. Hunc Peleus filio imperito adiunxerat expeditionis socium, ut et Patroclum, amicum natu maiorem. Nunc senex alumnum suum admoniturus est ne immodice et nimis diu indulgeat iracundiae, sed suo tempore *τὴν κακομήχανον ἔριδα* <sup>2)</sup> coërceat. Nam iusta quidem fuit Achillis ira, — ex Minervae ore id audivimus carminis initio <sup>3)</sup>, sensit Thetis, sensit ipse quem Thetis supplex adiit Iuppiter, et sensimus omnes; — at nunc ei est satisfactum, nam desiderant eum Achivi a Troianis profligati, ante ceteros desiderat is qui eum laesit Agamemnon; non probi autem, non pii hominis est eum, qui supplex ut sibi ignoscatur petat et ad satisfidandum sit paratissimus, inclementer repellere, ipsisque dis id invisum esse, poenae caelesti obnoxium fieri qui precibus vinci nesciat, nam et Preces Iovi curae esse, e senis prudentissimi ore audiet iuvenis iracundus. Deme ex Iliade Phoenicis ad

1) Cf. A 307, 337.

2) Cf. pag. 419.

3) Cf. A 211—214.

eum monita, deme quae de Meleagro hic ei narravit, sic veluti in speculo ipsius imaginem sortemque futuram, si cedere nolit, ei ostentans, et e carmine evellitur pars vitalis. Necesse est vera audiverit Achilles ex ore amici senis, ut mox dolorem Patrocli necati pervicacia sua commeruisse videatur neque sors iuvenis sine ulla sua culpa infelicis *μιαρόν τι* habere dici possit.

Sumsit autem poeta Phoenicem non — ut Patroclum — in Achillis tabernaculo regio degisse, sed suum sibi habuisse tabernaculum, ubi dormiret et viveret <sup>1)</sup>. Inscio igitur Achille facere poterat quod liberet, iamque cum ceteris principibus — nam princeps erat, quem Peleus *Ἀφνειὸν ἔθηκε, πολὺν δέ τοι ὤπασε λαόν* <sup>2)</sup>, — adfuit concilio in tabernaculo Agamemnonis post praelium secundum habito. Alterius senis Nestoris iussu dein in tabernaculum Achillis ivit ante ceteros, — hoc enim est *πρῶτα ἡγήσασθαι* <sup>3)</sup>, — ut mox ibi adesset cum venirent legati ab Agamemnone missi et suis monitis eorum preces adiuuvare posset; pro sua autem prudentia Achillem non certiozem fecit consilii modo ab Agamemnone initi <sup>4)</sup>, non narravit ei se principum concilio adfuisse ipsum, sed ad alumnum visendum se venire dixit aliamve causam finxit; nam poeta hac de re tacuit. Brevi post legati publice missi *Aiax* et *Ulixes*, alter Achivorum fortissimus, alter prudentissimus, comitantibus praekonibus *Odio* Aiakis et *Eurybate* Ulixidis <sup>5)</sup>, Achillem convenerunt.

Recte olim locum interpretatus est Aristarchus, Crateti oblocutus; postea vero dualis numerus *τὸ ἑβᾶτην* <sup>6)</sup> causa fuit suspicionis tam audacis quam infelicis, qua Phoenix e prisco carmine exulare est iussus, cum inter *legatos ambos* et *senem amicum*, qui prior Achillem visit, quale discrimen poeta fecisset non satis perspiceretur et *ἡγήσασθαι* illud de Phoenice dictum perperam explicaretur *ducere ceteros legatos*.

In Achillis tabernaculum pervenerunt legati quo tempore Achilles et Patroclus et qui tertius modo accesserat Phoenix

1) Cf. vs. 427, 658—662.

2) Cf. vs. 483.

3) Cf. vs. 168.

4) Cf. vs. 193.

5) Cf. B 184 τ 247 et A 320.

6) Cf. vs. 192.



post cenam vespertinam etiam convivabantur. Inexpectatum autem eorum adventum miratus Achilles — nam stomachantem nemo illis diebus viserat — „salvete mihi”, dixit: „cari profecto venistis, nec dubium est quin serii aliquid agatis; mihi autem etiam irato vos omnium Achivorum estis carissimi”. Postquam autem cibo et vino appositis, ut iubebat lex hospitalitatis, legati iusto honore sunt habiti,

‘νεῦσ’ Αἴας Φοίνικι. νόησε δὲ δῖος Ὀδυσσεύς,  
πλησάμενος δ’ οἴνοιο δέπας <sup>2)</sup> ἔδρεκτ’ Ἀχιλλῆα.

Hi quoque versus verbis admodum severis a multis criticis sunt damnati: etiam clarius quam ante iam apparere nomen Phoenicis a textu primitivo fuisse alienum et postmodo fuisse invectum; olim fuisse: „νεῦσ’ Αἴας Ὀδυσῆϊ, itaque hic loqui coepit”. Crimen inane: optime cohaerent et decurrunt quae narrat poeta. Ajax Phoenici clam Achille nutu capitis — non enim verbis poterat — significavit tempus proloquendi quae mandasset Agamemnon iam venisse sibi videri. Sensit id et Ulixes, itaque loquendi fecit initium; hunc enim verba facturum in via inter se constituerant — sic facile rem nobis fingimus — vel iusserant id principes. Nam ipsa res id ferebat, quoniam facundia plurimum valebat Ulixes <sup>3)</sup>, Ajax autem manibus quam lingua promptior erat. In fine demum colloquii et Ajax pauca verba dixit indignatus ad Achillem permovendum parum valida <sup>4)</sup>.

I 337—343. De his versibus nunc disputare fortasse inutile, quoniam recte saepius explicatos a quoquam parum etiam intellegi vix videtur credibile; sed quoniam fuere qui criminerentur, ἄλοχον puellam captivam hoc loco vitiose dici rati, paucis tamen illustrandi videntur. Sunt igitur hi:

τί δὲ δεῖ πολεμιζέμεναι Τρῶεσσι  
Ἀργεῖους; τί δὲ λαὸν ἀνήγαγεν ἐνθάδ’ ἀγείρας  
Ἀτρεΐδης; ἢ οὐχ’ Ἑλένης ἔνεκ’ ἠϋκόμοιο;

1) Cf. vs. 223 sq.

2) Fortasse δὲ δέπας φοίνου verum est.

3) Cf. Γ 216—223.

4) Cf. vs. 624—642

340 ἢ μοῦνοι φιλέουσ' ἀλόχους μερόπων ἀνθρώπων  
 Ἄτρεϊδαι; ἐπεὶ ὅς τις ἀνὴρ ἀγαθὸς καὶ ἐχέφρων,  
 γῆν αὐτοῦ φιλεῖ καὶ κήδεται· ὥς καὶ ἐγὼ τὴν  
 ἐκ θυμοῦ Ὀφίεον, δουρὶ κτητὴν περ εἴουσιν.

Novum hinc orditur argumentum. Dixit Achilles: *bellum gerere nolo. Fortiter gessi nuper: quid mihi profuit? Magnam praedam congessi . . . Agamemnoni, is autem ademil mihi puellam, quae dono mihi honoris causa data fuerat. Cur vero ademil? Non caelebs est, ut ego, sed uxorem habet! Ea contentus esto. Iamque addit quae excripsimus: et cur ipsum quod geritur bellum est initum? Cur Agamemnonem in Asiam secuti sumus? Nonne propter tale facinus quale illud est quod nuper perpetravit Agamemnon? Soline igitur Atridae uxores suas diligunt? Nonne et ego meam? —* E substantivo ἀλόχοισι igitur ducitur vox quae maioris est ambitus: *mulier*; femina sitne ἐρέδνοισι rite emta an vi rapta, id vix quicquam nunc refert. Non ἄλοχον suam Achilles dicit Briseidem, quo nomine concubinae non designabantur. Inter *zeugmatis* igitur exempla hic versus est referendus et conferri possunt locutiones quales hae sunt: σάκεσιν τε καὶ ἔγχεσι πεφρικυῖαι (Δ 282), Ἰβεβρίθει δὲ σάκεσσι καὶ ἔγχεσι (π 474), Ἰπποὶ ἀερίποδες καὶ ποικίλα τεύχε' ἔκειτο (Γ 327), ἡέρι δ' ἔγχος ἐκέκλιτο καὶ ταχέ' Ἰππῳ (Δ 356), aliae plurimae, quibus cunctis hoc est commune quod verbum vel nomen habent ad plures simul notiones pertinens, sed soli proximae prorsus conveniens.

Ceterum cum hoc loco quodammodo cohaeret libri T notus locus <sup>1)</sup>, ubi Briseis in Achillis tabernaculum reducta cum Patrocli pridie caesi corpus ibi cernit, „*vae mihi!*” exclamat „*mor- tumne igitur te reperio, quem vivum reliqui cum hinc abii Agamemnonis praecones secuta, virum comem mihiq̄ue benevolentissimum; qui cum Achilles caesis meis huc me abduxisset, ut bono animo essem saepius me es cohortatus,*

ἡδὲ μ' ἔφασκες Ἀχιλλῆος θεῖοιο  
 κουριδίην ἄλοχον θήσειν, ἄξειν δ' ἐνὶ νηυσὶ  
 εἰς Φθίην, δαΐσειν δὲ γάμον μετὰ Μυρμιδόνεσσι.

Qui versus sive genuini sunt, sive postmodo sunt inserti, — habent enim dictionis recentioris indicia complura, — id quidem

1) Cf. T 282 – 302.

certum videtur non assentiendum esse Heynio eam potissimum ob causam eos damnanti quod iustae nuptiae cum muliere captiva iniri non potuerint. Nam Helena a Paride rapta si *πάρειν* hunc habuit, Hectorem levirum, Priamum socerum <sup>1)</sup>, quidni Achillis uxor, Pelei nurus fieri potuit Briseis, ipsa quoque gentis nobilis, fortasse regii, mulier? Id unum interfuit, quod in castra et tabernaculum est abrepta, Helena vero in aedes et urbem. Poterat fieri uxor Achillis, si huic liberet; et libuisset fortasse, si inter vivos mansisset. At *κωπιδίη* certe uxor fieri non poterat quae antea iam alii viro matrimonio fuisset iuncta? <sup>2)</sup> Eo igitur haec quaestio redit ut quae adiectivi *κωπιδίου* vis fuerit accurate statuatur. Quod si *aetate florentem* significasse sumimus, non eam *quae virgo nupserit*, nihil hoc loco suspecti potest habere.

(Continuabuntur).

1) Cf. Γ 163, 172 Z 344 al.

2) Cf. T 295.

---

#### EMENDATUR VIRG. BUC. VI, 33.

Silenus et alia cecinit, et ut

ipse tener mundi concreverit orbis.

Sic est in omnibus, quas consulere potui, editionibus tam recentibus quam antiquis. Ergo per tot saecula nemo exstitit qui doceret *tenerum* orbem neque fingi neque cogitari posse! Nam quod nunc annotatur: „cf. Lucr. V, 500 (aether) *liquidissimus atque levissimus*”, id quidem obscurare est, non illustrare. Sed quod mirum magis, immo prorsus incredibile, inde a Scaligero usque ad Peerlkampium nemini virorum doctorum, de *orbe* aliquid legenti, in mentem potuit venire adiectivi quod simul cum eo quod est *rotundus* tantum non sponte *orbi* adhaeret, nemini Horatius suum *teres atque rotundus* insusurravit.

„Palaeographicis” quae dicuntur argumentis cautissime utendum censeo; hic tamen non possum non monere in antiquis et eleganter scriptis codicibus vocabula *tener* et *teres* vix posse inter se discerni.

J. J. H.

# AD LOCOS EX OVIDII ARTE AMATORIA ET REMEDIIS AMORIS.

SCRIPSIT

P. H. DAMSTÉ.



## EX ARTE AMATORIA.

I. 133 raptu Sabinarum enarrato poëta pergit:

Scilicet ex illo sollemnia more theatra

Nunc quoque formosis insidiosa manent.

Hanc codicum lectionem Edwards in Postgatii Corpore Poetarum Latinorum retinuit, Ehwald Madvigii coniecturam *sollemni* recepit idemque ita versum constituit ut virgulas collocaret post verba *scilicet* et *more*. Equidem cum Ehwaldo sentio, Madvigium verum vidisse, sed illum minus recte verba distinxisse opinor, interpungendum enim esse:

Scilicet ex illo, sollemni more, theatra

ita ut verba *ex illo* scilicet significant: ex illo inde tempore.

207 C. Caesarem Ovidius alloquitur in Parthos profecturum:

Consistes aciemque meis hortabere verbis:

O desint *animis* ne mea verba tuis!

Pro *animis* quin sit legendum: *armis* vix ac ne vix quidem dubito, cl. vs. 197: Induit arma tibi genitor patriaeque tuusque, vs. 201: Vincuntur causa Parthi, vincantur et armis.

215: Ibunt ante duces onerati colla catenis,

Ne possint tuti, qua prius, *esse* fuga.

Verbo *ibunt* in versu superiore collato credo poëtam scripsisse: *isse fuga*. Cf. II. 404, 521 sq., 555, III. 17 nec non II. 583 sq.:

Non vultus texisse suos, non denique possunt  
Partibus obscenis opposuisse manus.

265: Nunc tibi, quae placuit quas sit capienda per artes,  
Dicere *praecipuae* molior artis opus.  
Immo *praecipuum* h. e. opus artis totius primarium.

319 de Pasiphae:

Aut cadere ante aras commentaque sacra coegit  
Et tenuit laeta paelicis exta manu.  
Paelicibus quotiens placavit numina caesis  
Atque ait exta *tenens* 'ite, placete meo!'

Tam propter verbi repetitionem minus elegantem (vs. 320 tenuit — vs. 322 *tenens*) quam propter verba sequentia '*ite, placete meo!*' quae compellantis sunt, malim equidem: *exta tuens*.

403: Nec teneras semper tutum captare puellas:  
Saepe *dato* melius tempore fiet idem.  
Aut ego fallor aut pro *dato* est rescribendum: *alio*, cum praesertim Naso dies enumerare pergat quibus captare puellas non sit idoneum. Cf. 692: Tu titulos alia Palladis arte petas! II. 128: Ille referre aliter saepe solebat idem.

709: Vir prior accedat, vir verba precantia dicat:  
*Excipiat* blandas comiter illa preces.  
Emenda *Excipiet*. Coniunctivi, qui in hexametro iure leguntur, scribam in errorem induxerunt.

II. 105:

Nec data profuerint *pallentia* philtra puellis:  
Philtra nocent animis vimque furoris habent.  
Si sana est lectio, nimirum cum Brandtio (Leipzig, 1902) interpretandum est: *pallentia* 'bleich machend', weil sie (angeblich) Liebe erwecken, deren Farbe die bleiche ist, sed potius crediderim poëtam scripsisse: *fallentia* h. e. quae latent bibentem.

253: Nomine quemque suo (nullast iactura) saluta,

Lunge tuis humiles ambitiose manus!

Obiter moneo, editores recentiores (Ehwald, Edwards, Brandt) neglexisse vocem *ambitiose* utpote vocativum virgulis includere, ut fere facere solent. Idem omiserunt I. 183 in voc. *timidi*:

Parcite natales timidi numerare deorum.

305: Bracchia saltantis, vocem mirare canentis,

Et, quod desierit, verba querentis habe;

Ipsos concubitus, ipsum venerere licebit,

Quod iuvat et + quaedam gaudia noctis habe.

Ad hunc locum corruptum Ehwald in Praefatione coniecturas Heinsii, Burmanni, Merkelii, Madvigii, suam enumerat, sed nulla ex iis recepta locum, ut traditus est in codd. mss. et supra descriptus, reddidit.

Corruptelam latere credo in vocabulo *habe*, quod e vs. 306 per errorem a librario repetitum lectionem genuinam detrusit, atque sic locum restituendum esse puto:

ipsum venerere licebit

Quod iuvat et quaedam gaudia, noctis *opus*.

Versus aliquot sequuntur, qui cum loco nostro aliquam similitudinem cum habeant utiles esse possunt ad coniecturam meam stabiliendam: III. 480: Arte Venus nulla dulce peregit opus, 625: At nunc nocturnis titulos inponimus actis, 675: Adde, quod est illis operum prudentia maior (ad h. l. Brandt locos complures addidit), 682: Quod iuuet, ex aequo femina virque ferant, 730: furtivum nec timor urget opus, III. 295: In vitio decor est, quaedam male reddere verba, 453: Sunt quoque non dubia quaedam mala nomina fama, 794: ex aequo res iuuet illa duos! 803: Quid iuuet, et voces et anhelitus arguat oris! Rem. Am. 399: Ergo ubi concubitus et opus iuvenale petetur, Am. I. 4. 48: Veste sub inducta dulce peregit opus, Carm. Priap. 4: temptes, si pictas opus edat ad figuras, Petron. 100: etiam cum voluerit (sc. senex) aliquid sumere, opus anhelitu prodet.

451: Ille ego sim, cuius laniet furiosa capillos;

Ille ego sim, *teneras* cui petat ungue genas,

Quem videat lacrimans, quem torvis spectet ocellis,

Quo sine non possit vivere, posse velit!

Poëta si voc. *genas* epitheto aliquo ornare voluisset, haud dubie *meritas* vel eiusmodi adiectivum scripsisset, cf. III. 708: et indignas sauciat ungue *genas*; sed ineptum est, eum suas ipsius *genas* teneras dicere atque nimirum corrigendum: *tenero*. Cf. Am. I. 4. 22:

Purpureas tenero pollice tange *genas*.

nec non Heroid. 5. 72: *secui madidas ungue rigente genas*, Propert. IV. 7. 6: et mea formosis unguibus ora nota.

567: A! quotiens lasciva pedes risisse mariti

Dicitur et duras igne vel arte manus!

Marte palam *simul* est Vulcanum imitata: decebat,

Multaque cum forma gratia mixta fuit.

Facere non possum quin pro inepta lectione *simul*, quae interpretationem probabilem nullo modo admittit, corrigendum esse *semel* etiam atque etiam moneam, id quod Merkelium ante me monuisse vidi. Nempe poëta voluit: saepius Venus latos mariti pedes atque manus igni ac fabrilis arte callosas risit, quin etiam semel eius incessum claudicantem imitata est idque praesente adultero, quod et ipsum eam decebat.

III. 483:

Sed quoniam, quamvis vittae careatis honore,

Est vobis vestros fallere cura viros,

Ancillae puerique manu perarate tabellas,

Pignora nec puero credite vestra novo:

Vidi ego pallentis isto terrore puellas

Servitium miseras tempus in omne pati;

Perfidus ille quidem, qui talia pignora servat,

Sed tamen Aetnaei fulminis instar habet.

Auctor sum ut disticha duo ultima locum inter se mutant, quia verba *isto terrore* ita demum habebunt ad quod apte referantur. Iustum igitur versuum ordinem hunc esse iudico:

Pignora nec puero credite vestra novo:

Perfidus ille quidem, qui talia pignora servat,

Sed tamen Aetnaei fulminis instar habet.

Vidi ego pallentis isto terrore puellas

Servitium miseras tempus in omne pati.

Ceterum miror, Ehwaldum vitiosam unius codicis lectionem *fallentis* in vs. 487 praetulisse: iure Edwardsium ceterorum omnium *pallentis* recepisse puto nec non Housmanni coniecturam *habent* pro *habet* in vs. 490.

531: Munera det dives; ius qui profitebitur, adsit;

Facundus causam *saepe* clientis agat.

Pro voc. *saepe*, quod vehementer languidum est, scriptum fuisse suspicor: *sonte*.

585. Poëta puellis suadet ne sint erga amatores faciliores; nonnumquam hi ante fores iaceant atque ianuam increpent, nam nos, viri, res secundas continuas ferre non possumus.

Hoc est, uxores quod non patiaturs amari:

Conveniunt illas, cum voluere, viri;

[Adde forem, et duro dicat tibi ianitor ore

'Non potes': exclusum te quoque tanget amor!]

Ponite iam gladios hebetes e. q. s.

Distichon, quod uncinis inclusi, utpote a loci nostri tenore prorsus alienum in marginem relegandum est, unde male in textum irrepsit. Poëta hac carminis parte puellas alloquitur docetque; ita facit vs. 586, ita etiam vs. 589, cum vs. 587 sq. subito virum unum nunc compellet!

---

EX REMEDIIS AMORIS.

135: Ergo ubi visus eris nostrae medicabilis arti,

Fac monitis fugias otia *prima* meis:

Haec, ut ames, faciunt; haec, *ut* fecere, tuentur;

Haec sunt iucundi causa cibusque mali.

Vs. 136 ut nunc legitur nimirum interpretandus est: Fac ut monitis meis (i. e. secundum mea monita) fugias otia *prima* (h. e. ante omnia), in quibus etiam si explicatio ea vocis *prima*, quae mihi quidem satis contorta videtur, admitti potest, illud *monitis meis* vehementer languet. Suspicio me tenet, pro adiectivo *prima* olim adiectivum scriptum fuisse, unde verba *monitis meis* penderent, quale est *prava* vel *pigra* vel *surda*.



In versu sequenti pro *ut fecere*, quae lectio e cod. R vulgo recipitur, equidem *quod fecere*, quod in Monac. legitur, cum Merkelio omnino praetulerim.

207: Lenius est studium, studium tamen, alite capta

Aut lino aut calamis praemia parva sequi,  
Vel, quae piscis edax avido male devoret ore,  
Abdere *supremis* aera recurva cibis.

Pro voce corrupta *supremis* Heinsius coniecit *sub primis* — Bentleius *sub parvis*, quod Ehwald recepit, — Palmer *suspensis*, quod Edwards recensuit.

Veram ac genuinam lectionem esse puto: *sub saevius*. Ut hoc loco cibi, quibus pisces captantur, propter hamum in iis reconditum saevi dicuntur, ita vs. 719 ignes feri vocantur, propterea quod epistulas omnes puellae amatae devorant.

214 poëta ad amorem evitandum suadet: I procul et longas carpere perge vias! Sequuntur et alia et haec (vs. 221):

Nec quot transieris, *sed* quot tibi, quaere, supersint  
Milia, nec, maneat ut prope, finge moras.

Procul dubio restituendum est: *nec* quot tibi, quaere, supersint Milia. Res tam manifesta est ut verbum non addam.

235. Hoc unum difficile est, prima discidii tempora fortiter ferre

Adspicis, ut *prensos* urant iuga prima iuvencos,  
Et nova velocem cingula laedat equum?

Pro *prensos* corrige *pressos* notissima prolepseos figura. Cf. A. A. I. 544:

pando Silenus asello  
Vix sedet et *pressas* continet arte iubas.

493: Et sanum simula, *ne*, siquid forte dolebis,

Sentiat, et ride, cum tibi flendus eris.

Emendandum est: *nec*. Est eadem constructio quae legitur vs. 512:

Te quoque falle tamen, nec sit tibi finis amandi  
Propositus.

## AD CICERONIS VERRINAS ANNOTATIUNCULA.

Virum facundum, cui dicenti adstupere soleant homines, interdum proferre aliquid quod aures impleat sed sensu careat aut, cum sapientissimum videatur, revera vel sit absurdum vel id ipsum demonstret quod fuerit refutandum neque ignoramus neque magnopere admiramur. Audientem enim multa fugiant necesse est. Velut in Divinatione in Caecilium sic § 53 Tullius declamat (in praecedentibus Caecilium finxit contententem ideo sibi permitti oportere Verris accusandi potestatem quia iniuriam ab eo acceperit):

„hoc te praeterit non id solum spectari solere, qui debeat, sed etiam illud, qui possit *ulcisci*; in quo utrumque sit eum superiorem esse; in quo alterutrum, in eo non quid is velit, sed quid facere possit quaeri solere”.

Acute disputata videntur ista, sed fallit species. Quid enim si alterutrum illud est *posse ulcisci*? Num tunc quoque *quaeri* solet quid *facere possit* is in quo illud sit?

Neque minus in eadem oratione ludibrio habet audientes orator sic adversarium suum reprehendens (§ 12):

„utrum, Q. Caecili, hoc dicis, me non Siculorum rogatu ad causam accedere, an optimorum fidelissimorumque sociorum voluntatem apud hos gravem esse non oportere? Si id audebis dicere, quod C. Verres, cui te inimicum esse simulas, maxime existimari vult, Siculos hoc a me non petiisse, primum causam inimici tui sublevabis, de quo non praeiudicium sed plane iudicium iam factum putatur, quod ita percerebruit, Siculos omnis actorem suae causae contra illius iniurias quaesisse”.

Quasi vero idem sit Siculos a *Cicerone* opem non petisse et omnino a *nullo oratore* petisse opem!

Sed multo gravius quod eadem artificia (an *vitia* dicam?) recurrunt in iis libris quibus praeclarae suae artis splendidum *lecturis* exhibet monumentum. Notissimum est illud quod in L. I § 26 notarunt multi, observant omnes, ubi comperendinatum e rei magis quam ex accusatoris re esse sic, scilicet, demonstratur:

„nam si bis dicere est commodum, certe utriusque commune

est; si eum qui posterius dixit opus est redargui, accusatoris causa, ut bis ageretur, constitutum est”.

Si enim bis uterque verba facit, nunquam res ita torqueri potest quin ét reus post accusatorem ét accusator post reum ad dicendum prodeat.

Quodsi quis etiam est docendus in quales flosculos oratorios acerbum illud dictum ποταμὸς μὲν ῥημάτων, νοῦ δὲ σταλαγμός, vel potius, id quod olim ἐκ παραδιορθώσεως legebatur, ποταμὸς μὲν ῥημάτων, οὐδὲ σταλαγμός φρονήσεως conveniat, haec Cicero-nem audiat de Verris filiolo lamentantem (L. III § 160):

„fac enim fuisse in eo C. Laeli aut M. Catonis materiem atque indolem: quid ex eo boni sperari atque effici potest qui in patris luxurie sic vixerit ut nullum umquam pudicum neque sobrium convivium viderit, qui in epulis cotidianis adulta aetate per triennium inter impudicas mulieres et intemperantis viros versatus sit, nihil unquam audierit a patre quo pudentior aut melior esset, nihil unquam patrem facere viderit *quod cum imitatus esset* non, id quod turpissimum est, *patris similis putaretur?*”

Non misericordiam movent ista sed risum. Ipsi Catonis, vel si quis Catone iustior, filius, cum patrem imitatur, patris similis putari potest.

Et quoniam semel Verrinas manibus teneo venustissimum quendam eorum locum ridicula quadam purgabo macula. Paene incredibile est eam hactenus criticorum fugisse acumen. Sed nihil annotatum invenio in accuratissima Petersoni editione. Ridetur Carpinatii stultitia qui in tabulis suis Verris nomen in Verrucii mutaverit, sic fore ratus ut praetoris sui laterent furta (L. II § 191):

„videtis Verrucium? videtis primas litteras integras? videtis codam illam Verrinam tamquam in luto demersam esse in litura?”

Non potuit salsius cavillari orator. Quid vero librarii? In textum (ante *codam*) receperunt putidissimi magistelli annotationunculam *extremam partem nominis!*

J. J. HARTMAN.



# MNEMOSYNE.

---

## BIBLIOTHECA PHILOLOGICA BATAVA.

COLLEGERUNT

S. A. NABER, J. VAN LEEUWEN J.F., I. M. J. VALETON,  
J. J. HARTMAN.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,  
M. C. VALETON, J. WOLTJER.

---

NOVA SERIES.

VOLUMEN UNDEQUADRAGESIMUM. PARS I.

---

**LUGDUNI-BATAVORUM**  
**E. J. BRILL**

LIPSIAE,  
O. HARRASSOWITZ.  
1911.

# INDEX.

	PAG.
In memoriam HENRICI VAN HERWERDEN . . . . .	I, II.
Ad Vespas Aristophanis, scripsit H. VAN HERWERDEN . . .	1—10.
Ad Lexicon Graecum suppletorium et dialecticum, scripsit idem.	10—12.
Homerica ( <i>contin. e Vol. XXXVIII pag. 394</i> ), scripsit J. VAN LEEUVEN J.F. . . . .	13—50.
XXXVII. De compositione Odysseae.	
Observatiunculæ ad Phaedrum ( <i>contin. e Vol. XXXVIII pag.</i> <i>7</i> ), scripsit L. RANK . . . . .	51—67.
Ad Horatii Epl. I, 14, 1, scripsit J. J. H. . . . .	67.
Annotationes criticae ad Plutarchi opera ( <i>contin. ex Vol.</i> <i>XXXVIII pag. 448</i> ), scripsit J. J. HARTMAN . . . . .	68—105.
De agro Tomitano (Ovid. Pont. III, 1, 19 sqq.), scripsit J. J. HARTMAN . . . . .	106.
Columbae internuntiae, scripsit S. A. NABER . . . . .	107—112.

**BIBLIOTHECA PHILOLOGICA BATAVA quater in anno prodibit Calendis  
Ianuariis, Aprilibus, Iuliis, Octobribus.**

**Pretium annuum erit floren. 5.25.**

**Singuli fasciculi separatim non venibunt.**

## Sumptibus E. J. BRILL prodierunt:

- M. T. Cicero.** Commentarii rerum suarum sive de vita sua; accesserunt Annales Ciceroniani in quibus ad suum quaeque annum referuntur quae in his commentariis memorantur; utrumque librum scripsit W. H. D. Suringar. 1854. 2 part. 1 vol. 8°. . . . . f 8.50.
- C. G. Cobet,** *Variae lectiones*, quibus continentur observationes criticae in scriptores Graecos. Editio secunda auctior. 1873. 8°. - 7.—.
- *Miscellanea Critica*, quibus continentur observationes criticae in scriptores Graecos praesertim Homerum et Demosthenem. 1876. - 7.—.
- *Collectanea critica*, quibus continentur observationes criticae in scriptores Graecos. 1877. 8°. . . . . - 7.—.
- *Hyperidis Orationes* duae 'Ο ΕΠΙΤΑΦΙΟΣ ΛΟΓΟΣ et 'ΠΡΕΡΓΕΝΗΜΟΤ. Editio altera auctior et emendatior. 8°. 1877. - 1.50.
- *Observationes criticae et palaeographicae ad Dionysii Halicarnassensis antiquitates Romanas.* 1877. 8°. . . . . - 3.50.
- *De Philostrati libello ΠΕΡΙ ΓΥΜΝΑΣΤΙΚΗΣ.* 1859. 8°. . . - 1.25.
- *Cornelii Nepotis vitae excellentium imperatorum.* In usum scholarum. Editio tertia, quam curavit H. W. van der Mey. 1893. 8°. - 0.60.
- *Xenophontis Expeditio Cyri.* In usum scholarum. Editio sexta, quam curavit S. J. Warren. 1898. 8°. . . . . - 1.20.
- *Xenophontis Historia Graeca.* In usum scholarum. Editio quinta, quam curavit L. Punt. 1907. 8°. . . . . - 1.20.
- J. J. Cornelissen,** *Oratio inauguralis.* 1879. 8°. . . . . - 0.45.
- *Coniectanea Latina.* 8°. . . . . - 0.60.
- *Cornelii Taciti de vita et moribus Iulii Agricolae.* 1881. 8°. - 0.75.
- *Opus idem.* In usum scholarum. 1881. kl. 8°. . . . - 0.30.
- *Minucii Felicis Octavius.* 1882. kl. 8°. . . . . - 0.90.
- J. J. Hartman,** *De Ovidio Poeta commentatio.* 1905. 8°. . - 1.75.
- *Analecta Tacitea.* 1905. 8°. . . . . - 4.20.
- H. van Herwerden,** *Lectiones Rheno-Traiectinae* . . . . - 1.50.
- Lysiae Orationes.** In usum studiosae iuventutis textum constituit C. G. Cobet. Editio quarta, quam novis curis recensuit J. J. Hartman. (Editio maior prolegomenis, fragmentis, indice nominum aucta). 1905. 8°. . . . . - 2.40.
- *Editio minor.* . . . . . - 1.20.
- E. Mehler,** *Luciani dialogi quatuor* (Timon, Philopseudes, Verae historiae, Gallus). In usum scholarum . . . . . - 1.90.
- Mnemosyne.** — Bibliotheca philologica Batava. Edid. C. G. Cobet, T. J. Halbertsma, H. G. Hamaker, E. J. Kiehl, etc. 1852—62. 11 vol. et Appendix ad vol. 2—7. 8°. (f 56.50) . . . . . - 30.—.
- *Nova series.* Scripserunt C. G. Cobet, C. M. Francken, H. van Herwerden, S. A. Naber, W. G. Pluygers, J. J. Cornelissen, J. van Leeuwen J. f., I. M. J. Valeton, alii; Vol. I—XIV colleg. C. G. Cobet, H. W. van der Mey, Vol. XV—XXXIX colleg. S. A. Naber, J. van Leeuwen J. f., I. M. J. Valeton, J. J. Hartman, 1873—1911. 8°. pro vol. . . . . - 5.25.

2  
T-P. & I

✓  
**MNEMOSYNE.**

**BIBLIOTHECA PHILOLOGICA BATAVA.**

COLLEGERUNT

**S. A. NABER, J. VAN LEEUWEN J.F., J. J. HARTMAN.**

OPERAM SUAM POLLICITI SUNT

**A. E. J. HOLWERDA, H. T. KÆRSTEN, J. C. NABER,  
M. C. VALETON, J. WOLTJER.**

~~~~~  
**NOVA SERIES.**

**VOLUMEN UNDEQUADRAGESIMUM. PARS IV.**  
~~~~~  
39

**LUGDUNI-BATAVORUM  
E. J. BRILL.**

~~~~~  
**LIPSIAE,  
O. HARRASSOWITZ.  
1911.**



# INDEX

---

|                                                                                         | Pag.     |
|-----------------------------------------------------------------------------------------|----------|
| De Tibullo poeta, scripsit J. J. HARTMAN . . . . .                                      | 369—411. |
| Homérica ( <i>contin. e pag. 368</i> ), scripsit J. VAN LEEUWEN J.F.                    | 412—440. |
| Emendatur Virg. Buc. VI, 33, scripsit J. J. H. . . . .                                  | 440.     |
| Ad locos ex Ovidii Arte Amatoria et Remediis Amoris, scripsit<br>P. H. DAMSTÉ . . . . . | 441—446. |
| Ad Ciceronis Verrinas annotatiuncula, scripsit J. J. HARTMAN.                           | 447—448. |

**BIBLIOTHECA PHILOLOGICA BATAVA** quater in anno prodibit Calendis  
Ianuariis, Aprilibus, Iuliis, Octobribus.

Pretium annuum erit floren. 5.25.

Singuli fasciculi separatim non veniunt.

## Sumptibus E. J. BRILL prodierunt:

- M. T. Cicero.** Commentarii rerum suarum sive de vita sua; accesserunt Annales Ciceroniani in quibus ad suum quaeque annum referuntur quae in his commentariis memorantur; utrumque librum scripsit W. H. D. Suringar. 1854. 2 part. 1 vol. 8°. . . . . f 8.50.
- C. G. Cobet,** *Variae lectiones, quibus continentur observationes criticae in scriptores Graecos.* Editio secunda auctior. 1873. 8°. - 7.—.
- *Miscellanea Critica, quibus continentur observationes criticae in scriptores Graecos praesertim Homerum et Demosthenem.* 1876. - 7.—.
- *Collectanea critica, quibus continentur observationes criticae in scriptores Graecos.* 1877. 8°. . . . . - 7.—.
- *Hyperidis Orationes duae 'Ο ΕΠΙΤΑΦΙΟΣ ΛΟΓΟΣ et 'ῬΗΡ ΕΥΧΕΝΗΠΙΟΤ.* Editio altera auctior et emendatior. 8°. 1877. - 1.50.
- *Observationes criticae et palaeographicae ad Dionysii Halicarnassensis antiquitates Romanas.* 1877. 8°. . . . . - 3.50.
- *De Philostrati libello ΠΕΡΙ ΓΥΜΝΑΣΤΙΚΗΣ.* 1859. 8°. . . . . - 1.25.
- *Cornelii Nepotis vitae excellentium imperatorum.* In usum scholarum. Editio tertia, quam curavit H. W. van der Mey. 1893. 8°. - 0.60.
- *Xenophontis Expeditio Cyri.* In usum scholarum. Editio sexta, quam curavit S. J. Warren. 1898. 8°. . . . . - 1.20.
- *Xenophontis Historia Graeca.* In usum scholarum. Editio quinta, quam curavit L. Punt. 1907. 8°. . . . . - 1.20.
- J. J. Cornelissen,** *Oratio inauguralis.* 1879. 8°. . . . . - 0.45.
- *Coniectanea Latina.* 8°. . . . . - 0.60.
- *Cornelii Taciti de vita et moribus Iulii Agricolae.* 1881. 8°. - 0.75.
- *Opus idem.* In usum scholarum. 1881. kl. 8°. . . . . - 0.30.
- *Minucii Felicis Octavius.* 1882. kl. 8°. . . . . - 0.90.
- J. J. Hartman,** *De Ovidio Poeta commentatio.* 1905. 8°. . . . . - 1.75.
- *Analecta Tacitea.* 1905. 8°. . . . . - 4.20.
- H. van Herwerden,** *Lectiones Rheno-Traiectinae* . . . . . - 1.50.
- Lysiae** *Orationes.* In usum studiosae iuventutis textum constituit C. G. Cobet. Editio quarta, quam novis curis recensuit J. J. Hartman. (Editio maior prolegomenis, fragmentis, indice nominum aucta). 1905. 8°. . . . . - 2.40.
- *Editio minor.* . . . . . - 1.20.
- E. Mehler,** *Luciani dialogi quatuor (Timon, Philopseudes, Verae historiae, Gallus).* In usum scholarum . . . . . - 1.90.
- Mnemosyne.** — *Bibliotheca philologica Batava.* Edid. C. G. Cobet, T. J. Halbertsma, H. G. Hamaker, E. J. Kiehl, etc. 1852—62. 11 vol. et Appendix ad vol. 2—7. 8°. (f 56.50) . . . . . - 30.—.
- *Nova series.* Scripserunt C. G. Cobet, C. M. Francken, H. van Herwerden, S. A. Naber, W. G. Pluygers, J. J. Cornelissen, J. van Leeuwen J. f., I. M. J. Valetton, alii; Vol. I—XIV colleg. C. G. Cobet, H. W. van der Mey, Vol. XV—XXXIX colleg. S. A. Naber, J. van Leeuwen J. f., I. M. J. Valetton, J. J. Hartman, 1873—1911. 8°. pro vol. . . . . - 5.25.

2

T-p. + I

✓

# MNEMOSYNE.

BIBLIOTHECA PHILOLOGICA BATAVA.

COLLEGERUNT

S. A. NABER, J. VAN LEEUWEN J.F., J. J. HARTMAN.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,  
M. C. VALETON, J. WOLTJER.

NOVA SERIES.

VOLUMEN UNDEQUADRAGESIMUM. PARS IV.

LUGDUNI-BATAVORUM  
E. J. BRILL.

LIPSIAE,  
O. HARRASSOWITZ.  
1911.

# INDEX

---

|                                                                                         | Pag.     |
|-----------------------------------------------------------------------------------------|----------|
| De Tibullo poeta, scripsit J. J. HARTMAN . . . . .                                      | 369—411. |
| Homérica ( <i>contin. e pag. 368</i> ), scripsit J. VAN LEEUWEN J.F.                    | 412—440. |
| Emendatur Virg. Buc. VI, 33, scripsit J. J. H.. . . . .                                 | 440.     |
| Ad locos ex Ovidii Arte Amatoria et Remediis Amoris, scripsit<br>P. H. DAMSTE . . . . . | 441—446. |
| Ad Ciceronis Verrinas annotatiuncula, scripsit J. J. HARTMAN.                           | 447—448. |

BIBLIOTHECA PHILOLOGICA BATAVA quater in anno prodibit Calendis  
Iannariis, Aprilibus, Iuliis, Octobribus.

Pretium annuum erit floren. 5.25.

Singuli fasciculi separatim non venibunt.

## Sumptibus E. J. BRILL prodierunt:

- M. T. Cicero.** Commentarii rerum suarum sive de vita sua; accesserunt Annales Ciceroniani in quibus ad suum quaeque annum referuntur quae in his commentariis memorantur; utrumque librum scripsit W. H. D. Suringar. 1854. 2 part. 1 vol. 8°. . . . . f 8.50.
- C. G. Cobet,** Variae lectiones, quibus continentur observationes criticae in scriptores Graecos. Editio secunda auctior. 1873. 8°. - 7.—.
- *Miscellanea Critica*, quibus continentur observationes criticae in scriptores Graecos praesertim Homerum et Demosthenem. 1876. - 7.—.
- *Collectanea critica*, quibus continentur observationes criticae in scriptores Graecos. 1877. 8°. . . . . - 7.—.
- *Hyperidis Orationes* duae 'Ο ΕΠΙΤΑΦΙΟΣ ΛΟΓΟΣ et 'ΤΠΕΡ ΕΥΕΝΠΠΟΥ. Editio altera auctior et emendatio. 8°. 1877. - 1.50.
- *Observationes criticae et palaeographicae ad Dionysii Halicarnassensis antiquitates Romanas.* 1877. 8°. . . . . - 3.50.
- *De Philostrati libello ΠΕΡΙ ΓΥΜΝΑΣΤΙΚΗΣ.* 1859. 8°. . . . . - 1.25.
- *Cornelii Nepotis vitae excellentium imperatorum.* In usum scholarum. Editio tertia, quam curavit H. W. van der Mey. 1893. 8°. - 0.60.
- *Xenophontis Expeditio Cyri.* In usum scholarum. Editio sexta, quam curavit S. J. Warren. 1898. 8°. . . . . - 1.20.
- *Xenophontis Historia Graeca.* In usum scholarum. Editio quinta, quam curavit L. Punt. 1907. 8°. . . . . - 1.20.
- J. J. Cornelissen,** Oratio inauguralis. 1879. 8°. . . . . - 0.45.
- *Coniectanea Latina.* 8°. . . . . - 0.60.
- *Cornelii Taciti de vita et moribus Iulii Agricolae.* 1881. 8°. - 0.75.
- *Opus idem.* In usum scholarum. 1881. kl. 8°. . . . . - 0.30.
- *Minucii Felicis Octavius.* 1882. kl. 8°. . . . . - 0.90.
- J. J. Hartman,** De Ovidio Poeta commentatio. 1905. 8°. . . . . - 1.75.
- *Analecta Tacitea.* 1905. 8°. . . . . - 4.20.
- H. van Herwerden,** *Lectiones Rheno-Traiectinae* . . . . . - 1.50.
- Lysiae** Orationes. In usum studiosae iuventutis textum constituit C. G. Cobet. Editio quarta, quam novis curis recensuit J. J. Hartman. (Editio maior prolegomenis, fragmentis, indice nominum aucta). 1905. 8°. . . . . - 2.40.
- *Editio minor.* . . . . . - 1.20.
- E. Mehler,** *Luciani dialogi quatuor* (Timon, Philopseudes, Verae historiae, Gallus). In usum scholarum . . . . . - 1.90.
- Mnemosyne.** — Bibliotheca philologica Batava. Edid. C. G. Cobet, T. J. Halbertsma, H. G. Hamaker, E. J. Kiehl, etc. 1852—62. 11 vol. et Appendix ad vol. 2—7. 8°. (f 56.50) . . . . . - 30.—.
- *Nova series.* Scripserunt C. G. Cobet, C. M. Francken, H. van Herwerden, S. A. Naber, W. G. Pluygers, J. J. Cornelissen, J. van Leeuwen J. f., I. M. J. Valetan, alii; Vol. I—XIV colleg. C. G. Cobet, H. W. van der Mey, Vol. XV—XXXIX colleg. S. A. Naber, J. van Leeuwen J. f., I. M. J. Valetan, J. J. Hartman, 1873—1911. 8°. pro vol. . . . . - 5.25.

Ex officina typographica et bibliopolio quae antehac E. J. Brillii fuerunt.


















Stanford University Libraries



3 6105 013 479 626

n.s. v.39  
5 Mnemosyne  
1911.

165503

DATE

NAME

DATE

6-27-12

